

~~14-38-6-34~~

12-15-2-20

MICROCOSMI

Historia

Auctore

ROBERTO FLUD. &c.







DEO OPTIMO MAXIMO CREATORI HOMINIS INCOMPREHENSIBILI, PRO INGENTI EJUS ERGA IPSUM BENEVOLENTIA ATQUE

MISERICORDIA.

ORATIO GRATVLABVNDÆ.



O MNIPOTENS rerum conditor, creator mi incomparabilis, qui ex insigni tua erga hominem benignitate cum tanta excellentia & sublimitate creasti, ^{at} ^{Arif. 4.} ^{Extr.} ^{Rafel.} ^{Totul T. 4.} ^{P. 1. P. 1. 9. 1.} illum quodammodo suum omnium statueris: quippe cui rationem concedendo, eum cum Angelis convenire, potentias sensu-
tivas attribuendo bruta exequare, vires naturales prebendo plantis assim-
lari, corpus largiendo, cum rebus inanimatis consentire fecisti: imò verò ipsum ^{Arif. 4.} ^{Extr.} ^{Rafel.} ^{Totul T. 4.} ^{P. 1. P. 1. 9. 1.} animal providum, sagax, acutum, memor, rationis atque consilii plenum, ad-
mirabili conditione creare voluisti, ^{Arif. 4.} ^{Extr.} ^{Rafel.} ^{Totul T. 4.} ^{P. 1. P. 1. 9. 1.} ejusque naturam excelsam ita temperasti, ^{Arif. 4.} ^{Extr.} ^{Rafel.} ^{Totul T. 4.} ^{P. 1. P. 1. 9. 1.} ut ipsis cœlicolis eam cognitam, Angelis que quàm proximam reddideris: cujus
integrum ex animi & corporis, hoc est, ex æterna & mortali dispositione con-
formasti, ut animal ita creatione tua affectum utrique origini suæ satisfacere
possis, & mirari cœlestia & adorare te (sempiternæ Elohim) atque incolere
& gubernare terrena, ita ut, quæ infra sunt, diligat & curet, & ipse à te tuisque
ministris superioribus, Angelis nempe, diligatur & curetur: similiter ut ipse ^{Arif. 4.} ^{Extr.} ^{Rafel.} ^{Totul T. 4.} ^{P. 1. P. 1. 9. 1.} terram colat, elementis velocitate misceatur, acumine mentis in maris profun-
da descendat, omniaque illi aperte & perspicue luceant, quatenus animi ejus
intentionem nulla aëris caligo cōfundere, aut terre densitas ejus opera impedire
aut aqua altitudo profunda ejus despectum auferre queat: Ego tuus homo,
tua creatura, immensa sui creatoris dignitate & nobilitate glorifica-
ta atque exaltata, clamo per ignem, per aërem, perq; terram, per cœ-
lum, per spiritum universalem, per abyssum, perque mundi creata:

A 3

Tu



TU SOLUS, TU TER MAXIMUS Ô JEHOVA, ES DEUS, cujus nomen ineffabile sit benedictum in æternum.

Immortales ergo & justissimas (animi & cordis sacrificiis cum adoratione humillima præeuntibus) tibi gratias (ô summæ æternæ atque infinitæ benignitatis Domine) agit tuus homo, tua creatura, radio inenarrabilis tui splendoris decorata pro immensa tua erga
 1 Gen. 1. & eum misericordia & bonitate: quod tu Dædalius rerum conditor
 1 M. Trij. ad sacrosanctam tuipsum imaginem mundi que tua machine & vracissima
 & nobilissima, tam visibilis, quàm intelligibilis exemplar & similitudinem cum præparasti, disposuisti, formasti, & ad eulmen seu exitum felicem perduxisti: imò verò tui propriis manibus: ipsum sicut
 1 Ps. 119. 6. ex argilla in creatione ejus aptasti: & super substantiali tua sapientia ita perfectisti, ut creaturis ceteris, quas in mundum produxisti, piscibus nêpe maris,
 1 Job. 7. 10. & volatilibus cæli, jumentis unverse terre, atque omnibus ejusdem reptilibus
 1 Gen. 1. 26. dominaretur. Ita ut ordinatione tua irrevocabili omnes orbis terrarum bestia & omnia aëris pennigera, cunctaque maris aquatilia timore ejus perculsa in manus ejus tradita sint, quippe quem animal perfectione plenum statuisti, cunctis que imperans, & etiam cæteris animalibus virtute longè præcellens. Nam spiritus tuus, o Deus fortis, fecit illum & spiraculum seu afflatus tuus omnipotens vivificavit eum, mentemque divina super omnia alia animalia in ejus creatione eum
 1 Ps. 139. 7. exornavit: Imò verò de eo ita memor & sollicitus fuisti, ut illum ipsis Angelis paulò minorem feceris, eumque gloria ac decore coronaveris, & ejus dominio manuum tuarum opera subjeceris, omniaque sub pedibus ejus posueris, &
 1 Ps. 137. 11. ab origine custos ejus esse, non sis dedignatus, gressus illius (ejus via delectatus) firmè statuens atque efficiens, ut cum cadit non deiciatur, quia tu Jehovah, sustentas manum ejus, similiter gradus ejus numeras, peccatis & verdet
 1 Job. 14. 12. jus clementer parcis, cum vita benignitatem exerces erga eum, & visitatio
 1 M. Trij. tua conservat spiritum ejus: &
 1 Job. 6.

Cùm ergò tu, qui es summus & primus æternitatis Dominus, ex infinito tuo erga creaturas favorem mundum seu Macrocosmum Dominum secundum, & hominem seu Microcosmum tertium constitueris, quatenus tu, ô Archetype admirabilis super altissima orbis universi cacumina dignitate & fulgore inexplicabili sedens, ad tuum proprium specimen & exemplar eos affinxisti, ingentes & debitos in tuas laudes sonos, famigerabilia præconia, vocésque symphonias imprimis ebuceinet Macrocosmus, actionibusque vivis insignem tuam creatoris sui gloriam ac dignitatem enarret, ore stupendo & tremendo (divinâ Majestate pleno) sacrosanctam tuam voluntatem tonitrua ejus reboent, encomionque & laudem tuam instar buccinarum tuarum omnipotentiarum exercitarum per orbem universum

promul-

promulgent ac resonent gloriámque tuam splendidam fulgida & fulminanti spiraculi tui virtute viventibus annuncient, spiritu suo non sine strepitu & rumore inginti atque horrendo proclamant veluti universo orbi admirabilia tua regis & authoris sui opera, & ineffabilem tui brachii potestatem mundi creaturis explicant, murmura & rugitus magnos edant maria spiritu secreta commota, quo tuam conditoris & creatoris sui omnipotentiam, & imperium tonogtavi atque stupendo exaltare percipiantur, & præsentiâ tui, regis sui, gaudio haud communi perfusa, motu proportionem commensurato, fluxu & refluxu ordinato fluctibus undosis harmonia metrica salientibus reflexo terram ambire observentur, Terræ fundamenta viva actuum tuorum nobilium commemoratione contremiscant, & exultatione quadam divinitus inspirata in honorem tuum saltare videantur, decore metrico proportionibusque idoneis in campis Elysiis pratisve æthereis coram te, igneo suo imperatore, more triumphali tripudiare, & lætitia quasi insigni exultare perseverent rutili tui cælorum ignes, huc atque illuc ad nutum tuum feratur atque decoretur universus mundi spiritus (vera hylæ soboles) igneisque tuis impressionibus se subiectum reddat & mysticos tuorum creatoris sui operum nobilium recipiat characteres; Tenebræ deformes, hylæque inanis tuo verbo & solo intuitu, vita quasi nova & insolita exagitentur, & ex nihilo aliquid efficiantur: Denique cælum, terra, hylæ, abyssus, spiritus, seu aquæ invisibiles, mare, fontes, flumina, pluviz, grandines, nives, tonitrua, fulgura, venti, & cuncta alia Macrocosmi advenientia, laudes & encomia tua, ô Elohîm ineffabilis, ebuccinate & spiritui universo publicare gaudeant. Quid etiam minus potest homo Microcosmus tunc præstare, quâ ipse Macrocosmus in insignium tuarum laudum celebratione, quæ secundum à Macrocosmo æternitatis Dominum staruisti, dum in ipsum cuiusque Macrocosmi mysterii portionem inclulisti sacrosanctoque vitæ spiraculo immediate ab ore efflato eum imbuisti?

* Atque etiam, quia *adorationibus, laudibus, obsequiisque hominû delectarû*, idèò tu impitmis & summo jure honoribus, precibus, sacrificiis, & gratissimis gratiis ab eo honorandus es, quippe qui ex infinita tua in illum benevolentia, * non modo *eum tibi similem creasti, eique tanquam filio tuo congratulatus es.** Verum etiam sapientiam, * tuam (in dextra dierum seu annorum, seu vite longitudinem tenentem, in sinistra verò divitiarum & dignitatem, * è cælis sanctis misisti, ut cum eo maneat atque labores, quò sciat, quid sit acceptum apud te, * atque ut triumphantem cuique bene merenti gloria coronam attribuat.) Nomini ergo tuo ineffabili (ô Deus fortis exercituum)² *Hominiâ petra, propugnaculum, rupiâque sola, ad quem*

² Mt. Trif. A. 11. p. 1.

³ Mt. Trif. Pim. 1. G. 2.

⁴ Mt. Trif. Pim. 1. G. 2.

⁵ Mt. Trif. Pim. 1. G. 2.

⁶ Mt. Trif. Pim. 1. G. 2.

⁷ Mt. Trif. Pim. 1. G. 2.

⁸ Mt. Trif. Pim. 1. G. 2.

⁹ Mt. Trif. Pim. 1. G. 2.

sercepit, chypee ejus, cornu salutis, loco edite, sol clare, scutum dans gratiam & gloriam atque salus unica, roburque vita ejus) quis hominum laudes satis dignas, inclytas & illustres offerre, aut illud honore debito celebrare, aut præconia de te merita habere potest, qui es totus in toto, & in quo ipso est totum, quod est, cum omne quod existit, id esse, quo fruitur, a te habeat? Quis, inquam, mortalium sacrosanctam tuam essentiam explicare, actus operaque mirabilia dignè publicare, benignitatem, mansuetudinem atque misericordiam infinitam exprimere, potestatem & fortitudinem excellentem enarrare, maiestatem incomprehensibilem describere, nominis stupendi efficaciam mundo propalare, justitiæ sanctæ arcanum revelare, præscientiæ inenarrabilis rationem enodare, consilium profundum detegere, principium & originem declarare, æternitatem commetiri, gloriam atque claritatem fulgurantem depingere, veritatis perfectionem promulgare, doctrinæ atque scientiæ complementum demonstrare, loci atque sedis nobilitatem declinare, infinitatem ostendere, sapientiæ altitudinem comprehendere, in voluntatis stabilis sacrarium penetrare, laudes tuas denique atque dignitates incomprehensibiles ulla verborum eloquentia aut calami ornati argutia satis dignè extollere, aut honoribus decorare potest? Et tamen modicum de his omnibus ex sacrarum literarum fonte, atque origine nō sinemagno stupore & admiratione hausimus: Occultam enim essentiam tuam sacrosanctæ dispositionem etiam servum & antistitem

^{h Exod. 33. 32.} tuum *Moysem* latuisse legimus, ¹ quippe *cujus faciem videre & vivere neminem potuisse unquam* verbo tuo inviolabili confirmasti: Actus enim & opera tua sunt mirabilia, ¹ quatenus dirupisti robore maria, perfregisti capita cetorum in aquis, & conquassisti capita balnearum, fundasti fontem & torrentem, & arefecisti fluvios validos, parasti solem, statuisti omnes terminos terræ, ipsam ætatem & hyemē

^{h Job. 9. 4. 5.} tu ordinasti, ¹ transfers montes, commoves terram, interdicis soli, ut non oriatur, stellas signas, cælum extendis, ambulas super mare,

^{1 Job. 10. 10.} facis Arcturum, Orionem & Plejades, ¹ efficis ergo, ô Jehova, res magnas, adeoque investigabiles, & mirabilia, adeoque innumera. Si nobiles tuos, in Ægypto actus consideremus, ô quàm stupendū fuerunt eorum effectus, & quàm metuendum ac famigerabile reddiderunt illi nomen tuum excelsum per universum orbem terrarū! Si miracula respicimus, quæ coram populo tuo publice in deserto edidisti, omnes tibi gloriæ & omnipotentiae titulum ascribere atque attribuire cogimur: Quot victoriis ineffabilibus, ô Deus exercituum verè triumphavit exercitatus tuus spiritualis atque cœlestis super Ægyptiorum, Assyriorum & aliarum nationum tibi, & popu-

lo tuo adversarum turmas & cohortes innumerabiles, historia tua
 sacra nobis exuberanter non sine admiratione magna reliquit. Be-
 nignitatis etiam arque misericordiae tuae abundantiam integre qui-
 dam orbis terrarum exercitus, cunctaque mundi creata agnoscunt,
 imò verò & inter homines ipsi Gentiles ac Ethnici ore aperto eam
 ante mundi istius peridum confitebuntur: Nam ^{m Ps. 81. 19.} ^{n Sep. 1. 1.} *tuo es Deus for-
 tis, misericors, gratus, longanimis, & multus benignitate ac fide, omnia ad-
 ministrans misericordiae tuae, quae tam ampla est, ut plenius sit ea ipse orbis ter-
 rarum; Nam facis, quae iusta sunt, & iudicia omnibus oppressis (misericors &
 gratiose Jehova, longanimis & multus benignitate, non in aeternum litigans
 neque in seculum iram asservens) non secundum peccata nostra sicut nobis, &
 neque secundum iniquitatem nostram refert nobis, sed quàm alti sunt caeli supra
 terram, praevalet benignitas tua erga timentes te, quàm longè est oriens ab occi-
 dente, tam longè amoves defectiones nostras à nobis, ut misereretur pater fili-
 lum, misereris timentium te: nam tu nosti fumentum nostrum, & memor es,
 pulverem nos esse, &c. Benignitas tua, à seculo usque in seculum est erga ti-
 mentes te, Nonne tu, ô Jehova, confirmasti haec ipsa ore voceque tua sanctis,
 te ipsum proclamando Dominum misericordiae, miseratorem, tardum ad iram
 multumque misericordiam & veritatem, benignitatem militibus servantem, & au-
 ferentem iniquitatem, ac praevaricationem, & peccatum, & sub alarum tua-
 rum umbra tuos abscondentem. Porro fortitudinem & potestatem
 tuam immensam denotat liber totius veritatis, ^{p Ps. 18. 34.} ^{q Ps. 9.} *quum tu sis solus
 Deus fortis vite hominis, robur & scutum ejus, rupis robusta seu petra,
 ac munus ejus, rex magnus super totam terram, fiducia omnium extremita-
 tum terrae & maris, stabilens montes virtute tua, accinctus potentia compe-
 scens strepitum marium, & fremitum nationum, sub te habens duas currum
 myriades, & multa millia Angelorum, an numerus est turmæ & militibus
 tuis? & tu Domine cum illis es Dominus Sinai in sanctuario habitans. Fe-
 quis ergo potest coram te consistere, cum trasceris, cum nemo sit par tibi robu-
 rus Jahu? tu frangis valvas chalybeas, & veles ferreos succidis. Tua ergò
 potestas est admirabilis & miraculose sunt tue operationes, quatenus consi-
 lium tuum solummodò valet ad proculcandos hostes nostros. Si tu ergo Je-
 hova fortis, nobiscum, quis contra nos? imò quidem, si omnes gentes circum-
 dederint nos, in nomine tuo enervabimus eos. Benedictus ergo sis, ô Je-
 hova, & debita reverentia, ac timore te adorer omnis creatura, quicquid visus
 facis, in caelis & in terra, per maria & omnes abyssos. Majesta-
 te etiam an quisquam Deorum tibi justè comparari aut conferri po-
 test? Quis unquam Deorum (si Dii alii essent præter te) tanta ma-
 jestate, gloria, admiratione, & intuentium stupore apparuit, quanta
 tu (ô regalissime Jehova, vere arque unice Deus atque imperator,
 sceptrum Angelorum ac caelorum getens) de monte tuo Sinai Israë-**

litis apparuisti? ¹¹ Nonne maiestatis tuae praesentia profugit mare, & ¹² *versum est flumen Jordan retrorsum, subsilierunt montes velut arietes, & colles ut subrumae pecudes: & atque etiam coram conspectu & facie tuae terrae tremuit & attingente ea montes fumaverunt & fusi sunt, ac scopuli instar cere resoluti.* ¹³ *Quando gloria adornatus es, qui insidens cherubini, versus terram caelos tuos declinando descendis, montesque tangendo efficit, ut fument, immittis fulgur & dispergis eos, ac emittis sagittas tuas & fundis eos.* ¹⁴ *Tanta ergo est tua excellentia, ut ipsa homines perturbet, facitque ut pavor tui praeuat in eos.* ¹⁵ *Maximus ergo es o Jehova, quia non est par tibi, imò non est verius Deus prae te omnino prout audivimus auribus nostris.* ¹⁶ *Nam tu es Deus Deorum, Dominus Dominorum.* ¹⁷ *Rex magnus per omnes Deos, Deus fortissimus, maximus, potentissimus, summè formidabilis.* ¹⁸ *Cujus sunt caeli, & caeli caelorum, terra & quicquid est in ea.* ¹⁹ *Tua est magnitudo, & potentia, & gloria, & aeternitas, & maiestas, imò certè omnia in caelo & in terra.* ²⁰ *Tuum est, Jehova, regnum, ut qui te extollis super omnia in caput, nam divitiarum & gloria a facie tua sunt, in manu, inquam, tua est potestas magnificandi & confirmandi rem quamlibet.* ²¹ *Itaque nunc Deus noster celebramus te, & laudamus nomen tuum gloriosum.* ²² *Si nominis tui stupendi efficaciam speculemur, quis illud satis admirari, extollere atque revereri potest!* ²³ *Cum nomen Jehovae laudent omnes caelorum Angeli & Exercitus, sol, luna & stellae lucidae, caeli caelorum, & quae supra caelos sunt, terrestria, cete, & abyssi omnes, ignis, grando, nix, exhalatio, ventus procellosus, efficiens verbum ejus, montes, colles, arbores fructiferae, bestiae, jumenta, reptilia & aves, juvenes, virgines, senes & pueri laudent & celebrent nomen tuum Jehova, quia editum est illud solum, cuius decor est supra caelum & terram.* ²⁴ *quippe quod est turris robusta, quo accurrens iustus in edito collocatur. Dulces etiam iustitiae tuae sacrosanctae effectus nos docent tuum verbum monumentis perpetuis insculptum, quo instrumur, te iustum esse universae terrae iudicem, in solio tuo cum maiestate sedentem, circa iustum scutum existentem & gloria caput ejus extollientem, eum ita pascentem, ut egere non possit.* ²⁵ *Cuique rependis secundum opus suum, cum sis exaltator & depressor: Nam poculum est in manu tua, & vinum turbidum est, plenum mixtione, ex quo fundis: revertuntamen faeces, quas expresserint, bibent omnes iniqui terrae.* ²⁶ *Facis ergo, quae iusta sunt & iudicia omnibus oppressis.* ²⁷ *Nam omne opus tu ducis in iudicium cum omni re occulta, sive bonum sive malum, animosque tu perpendis, in cuius oculis rectus in unaquaque via sua videtur: Nam ut tu iustus es, iuste quoque omnino disponis, nec iustitiae tuae quicquam resistere potest, quippe cuius principium est tua potentia.* ²⁸ *Tibi igitur, o Deus iuste tribuimus magnitudinem, quia omnes viarum tuae sunt ius, qui iustus permanes & rectus in aeternum. Praeterea, si praescientiae & providentiae tuae inenarrabilis virtutem respiciamus, eam certè mirabilem esse percipiemus.* ²⁹ *Nam quamvis, tu Jehova,*

elatus

elatus sis, tamen depressum aspicias, quamvis altus, è longinquo
 prænoscis: ¹ Probasti enim hominem, & cognoscisti ejus sedere & surgere ¹ Ps. 139. 1.
 & cogitationem ejus è longinquo, iter ejus, & cubitum ejus circumspicias,
 & omnium viarum ejus peritus es. ² Testis enim es reum, & cordis ² Eccl. 1. 6.
 ipsius observator ac auditor lingue, ³ imò verò cum nondum eras sermo in lin- ³ Ps. 139. 1.
 gua, novisti tu ipsum totum. ⁴ Nam à te nihil occultari potest, quatenus o- ⁴ Ps. 139. 7.
 culus tuus quicquid rerum est, videt, & abdita in lucem producit, quippe ⁵ Job. 12. 11.
 qui in cælis supra, & in terra infra cognoscis meretricem, cauponem & pa- ¹ Job. 2. 11.
 ganum. Encomiis ergo perpetuis adornatus atque elevatus sis,
 ô sapientissime & vigilantissime Deus, cui omnia revelantur,
 nihilque occultari aut regi potest. Similiter consilii tui pro- ⁶ Sap. 9. 11.
 fundissimi arcanum quis cognoscere aut comprehendere pot-
 est, cum ratiocinationes mortalium sint timide & instabiles cogitationes
 eorum? ⁷ Quare licet opera tua manifesta nobis & filiis nostris ⁷ Dmt. 29.
 sint cognita, occulta tamen mysteria tua nemini sunt revelata, suffi- ⁸ Prov. 19.
 cit igitur homini hoc scire, videlicet, quod tuum consilium sit ¹¹
 stabile & permanens. Es ergo timendus & formidabilis ô Je-
 hova, quippe ad cujus consilii secreti adytum non datur mor-
 talibus attingere: Principium etiam seu originem tuam an
 quisquam ulla rationis inquisitione perferutari aut cogno-
 scere potest, cum tu, quatenus rerum omnium author
 existis; ante omnia extiteris? ⁹ quippe qui ab æterno existens, ⁹ Ps. 90. 2.
 fuisti ante mundi primordium: Nullū ergo procul dubio habuisti prin- ¹⁰ Job. 1.
 cipium, quatenus principii principium extitisti; ¹¹ & finem nullum ha- ¹¹ 2. 2.
 bens, regnabis in secula seculorum: Ex quibus colligimus, te esse mundi,
 hominis atque rerum omnium æternitatē: quod etiam in hoc ar-
 guitur, quoniam quicquid facis, id ipsum permanebit in perpetuū,
 quod quidem, nisi tu æternus esses, fieri non posset: Hinc ergo per-
 cipimus, te principio finēque carere, & quod consequenter summo
 æternitatis folio, super apice atq; summitate cæli cælorum excelsis-
 simi, victoria triumphante, infinito gaudio & perpetua justitia
 atque æquitate insideas; Cujus nomen benedictum sit lau-
 dibus illustrissimis, honorēque sempiterno celebratum atque
 sublimatum, qui solus cum Filio & Spiritu tuo es ab æterno in
 æternum absque principio & fine. Porro autem durum atq; difficile
 erit gloriæ tuæ perfectionem merito & modo digno depingere,
 cum tute ipse gloriam tuam internam servo Moyse visibilem red- ¹² Exod. 33.
 dere nolueris; quippe quam nemo videre potest, dum vivit. Et ta- ¹³
 men accepimus ex factis tuis Scriptis, quod nonnullis electis glo- ¹³ Exod. 33.
 ria tua externa apparuerit; Nam quamvis à priore latebat ¹⁴ 2. 2.
 Moysen gloria faciei seu essentia tuæ, à posteriore tamen illam

oculis suis mortalibus conspexit, hoc est, gloriam tuam secundariam intuitus est. * Nomen tuum, o Deus majestate plane in mundo magnum est, & habitaculum in Sion, è quo tu mirabiliter à montibus æternis ingentem tuam gloriam illustrando exprimens, frangis potentias, & miracula ad culmen perducis: Imò verò glorie tue effectus ubique in mundo per opera tua stupenda declarantur. * Nam ipsi cæli enarrant gloriam tuam, & opera manuum tuarum declarat firmamentum. Gloria ergo sempiterna tibi à creaturis tuis debita ratione attribuat, à quo, in quo, cum quo, & per quem exiit omnis gloria, majestas & potentia. Quòd ad veritatem tuam attinet, nonne docemur, te esse sortem & veracem? Non enim es homo, qui mentietur, aut filius hominis, quæ poenitet: an ipse duxisti, & non facies, anne locutus fueris, & non presuleris illud? Qui de veritate tua dubitaverit, justitiam tuam respiciat, & amplius non basiliat. Es ergo Deus justus, fortis & verax. Doctrinæ etiam atq; scientiæ tuæ amplitudinis, quam amplissima rediunt Scripturæ tuæ sanctæ testimonia. * Nam tu erudis justum, & doces, quæ viâ ambulaturus sit, instruis, inquam, eum facere placitum tuum, & deducis eum per terram planam, ei que consilium dare consuevisti, quoniam tu es verus rationis & scientiæ doctor, cum quem amore persequeris, omnibus doctoribus suis intelligentiorem, senibus prudentiorem, per spiritum tuum bonum faciens, est doctor doctorum, docens prælum & bellum, quippe cujus fruitione, Josua dux magnus & bellator invictissimus evasit. * Samson fortitudinem suam comparavit, qua leonem occidit, & mille viros sola maxilla asina prostravit. * Gedeon multitudinem cum paucis debellavit, & Samgar sexcentos viros stimulo occidit, virtute etiam istius spiritus sapientiæ homines, quos eo replevisti circa artificium vestium Aaronis conficiendarum ad ipsum conservandum instruxisti? * Sic etiam spiritu tuo Bezalelem inspirasti, quo statim peritus est factus & intelligens in omni arte. * Et us etiam afflatu homines scientiarum imperiti in Prophetas mutati sunt insignes, sic adfuit spiritus tuus, Balamo, Samueli, Elise, & cæteris Prophetis. * Scientia ergo & intelligentia vera ex ore tuo procedit; Nam tu Jehova solummodo das sapientiam, quia Deus es in scientiis perfectissimus. Porro etiam tanta est loci, & sedis tuæ oesitudo, ut lingua mortalium, imò verò hominis cogitatio eam dignè & verè, prout est, explicare non possit: Nec autem docet verbum tuum, literis perpetuis mandatum, quod tu Jehova, insideas cælis cælorum antiquarum, in solio tuo cælo atque celato, & quod totus exercitus cæli tibi adsit à dextra & sinistra. * Excelsor enim es cælo & super stellarum verticem sublimaris, & circa cardines cæli, Cherubinis innitens ambulas. * Et cum tibi deorsum descendere placeat, inclinas cælos tuos, facisq; nubes vehiculum seu currum tuum, itaq;

super alas venti, ambulas & facis angelos tuos ventos, & ministros tuos ignem flammantem, & tu tandem tangendo montes efficiunt fument, & immittendo fulgura tua dispergis eos, ac ejaculando sagittas tuas fundis eos. Salyum me fac & Jehova fortis & formidabilis & secundum misericordiam tuam iniquitatem me miserum in illo die tremendo, horique stupenda amplectaris precor, in qua tu summa maiestate cum timore quidem & horrore iniquorum, & gaudio inenarrabili electorum, vocemagna audituque terribili, & gloria visu ac aspectu immensa, maiestatemque omnem imaginationem superante & excedente venies, ad suscitandos mortuos, & ad iudicandum omnes in iustitia, æquitate, misericordia atque benignitate. Infinitas etiam tua tanta est, ^{1 Ps. 146. 5.} ut captui humano eam subicere sit impossibile, ^{2 Ps. 139. 7.} cum tua magnitudo non sit comprehensibilis, quoniam es in cælo & in inferno, in extremis maris, in nocte, in tenebris, & ubique: duratione autem æternus es, sicut in præcedentibus narravimus. O quam infinita est tua essentia & bonitas, quam perpetua dominatio & durabilis potentia, Jehova sempiternæ Deus mi gloriose & honorabilis. Nec certè minus admirabilis, incomprehensibilis & inscrutabilis est sapientia tua. Cum illa quæ ^{1 Job. 11. 8.} te aus altissimis cælis altior, sepulchro imo profundior, & longior terræ mensurâ, marique ipso latior est, plene inveniri non possit, ^{2 Ps. 101. 24.} Nonne opera mirabilia fecisti in sapientia tua? Eius profunditatem, quis inveniet, aut quis poterit usque ad finem, ^{3 Job. 11. 2.} inexhaustæ tuæ omnipotentia ulla ratione pertingere aut pervenire? ^{4 Job. 12. 12.} An quisquam intelligit ejus ortum cum fuerit, ab antiquis, & multo tempore apud te, ^{5 Prov. 8. 22.} possedisti eam à principio viae tuæ & ante opera tua, imò certè ante ullum tempus; & ante seculum inuncta fuit, & ab eterno ordinata, & ex antiquis antequam terra fieret, cum nulle erant abyssi, & fontes abundantes aquis, & cum aptasti cælos ibi erat, cum statuisti ambitum in superficie abyssi, fuit illa apud te velut alumnus cuncta componens. Quis ejus operibus resistere potest? quippe quæ si destruxerit, nemo est, qui ædificet, si incluserit hominem, nullus est, qui aperiat, si continuerit aquas, omnia siccabuntur, si emiserit eas, subvertent terram, si ejus sedem, in qua est in hoc mundo, respiciamus, eam in secretis naturæ collocatam sentiemus: si ipsius ^{6 Job. 12. 5.} pterium inquiramus, illud non novit homo, quia non dabitur illi ^{7 Job. 12. 12.} pro auro, nec ponderabitur valor ejus argento, nec possunt lapides pretiosi, aut nitida gemma, aut adamas eam exæquare. Nam ^{8 Job. 12. 12.} ejus acquisitio præest carbunculis, quam pretiosæ etiam sunt ejus dona, quippe

^{h Psal. 110.} quæ ¹semen facit potens in terra, & benedictionem, opes atque di-
 vitias habet in domo sua, facit justitiam perpetuam, efficitq; ut lux
 in tenebris luceat, gratiosa est, misericors, iusta, liberalis & animo-
^{1 Job. 11. 6.} sa. 'O utinam Deus sapientissime benignè loquereris mecum, & a-
 perires labra mea mihi, ut ostenderes mihi secreta sapientiae, meq;
 doceres multipliciter legis tuæ, ut reverà erudirer in scholis tuis,
 & sapiens coram te fierem! Quid etiam in voluntatis tuæ laude
^{h Sap. 11. 11.} eloqui possum, ¹qui quicquid vis, facis, & nemo te interrogaturus
 est, quid aut cur ita facis? Imò quidem, bone & iuste Jehova,
 fiat voluntas tua & in terra, sicut in cælo, & in parte mei ho-
 minis terrena seu externa, sicut in spirituali, cœlesti seu inter-
^{1 Psal. 102.} na. 'Parati, inquam, sint Angeli, qui sunt ministri tui, ut
 faciant voluntatem tuam per totum universum. Laudes denique
 tuas pro posse (quamvis non sufficienrer secundum animæ & spi-
^{h Psal. 69. 31.} ritus desiderium) extollere non desinam, imò verò, cum Prophe-
 ta Regio canticis & gratiarum actione te laudabo. Sit ergo tibi,
 ô Jehova laus, honor, & gloria in secula seculorum. En ecce,
 Deus bone, & misericordiâ plenissime, ego tuus homo,
 fruitione portionis essentiae tuæ inexplicabilis, beatificatus, men-
 tem meam (sublimem & nobilissimam mei interni partem) tibi do-
 bito tributi loco, tanquam Imperatori meo, supplex offero,
 animam itidem meam mediam, egregii naturæ tuæ actus secunda-
 rii effectum, ut tuis viis & mentis suæ institutionibus adhæreat, ani-
^{h 1. Cor. 15. 14.} māmque infimam, sive hominem meum animale tertii tui ac-
 tus proventum, ut in tuis legibus persistat, ac denique totum cor-
 pus meum, manuum tuarum opus, ut secundum voluntatem tuam
 sanctam huc atque illuc moveatur, ex animo & corde tibi humili-
 ter subjicio. Pro divino & præstantissimo benignitatis tuæ fru-
 ctu, quem inde à nativitate mea more mellis tui tam invisibiliter,
 quam visibiliter gustavit, tam anima quam corpus meum,
 ingentes atque gratissimas tibi creatori meo gratias agere gestio,
 te submisè orando, precibusque assiduis sollicitando, ut fidei, mise-
 ricordiae, atque gratiæ tuæ abundantiam per spiritus tui afflatum
 è cœlis sanctis, seu montibus æternis Sion in me effundas, ut ita
 vis tua externa & cœlitus emissâ ac recenter inspirata uniens & con-
 jungens sese illi tuo vitæ spiraculo in me comprehensa, fortiter, vi-
 vaciter, & alacriter spiritum meum viva verâq; regeneratione ad locum
 beatorum erigat, & contemperatione læta in hac vita, visioneq; certa &
 infallibili, per veram resurrectionem in vita secunda ad supercœleste
 tuum solium conducat. In manus ergo tuas (exacto & completo prius
 divina divinorum speculatione hujus primæ vitæ curriculo) expire
 animam

animam meam, alis aureis in suo spiritu crystallino vectam, & gratiæ balsamicæ plenitudine in Christo, & verbo tuo vero me mori permittas, obtestor, ut tandē spiritus tui sacrosancti alacritate ad te primam & solam numeri creati unitatem, hoc est, principium, à quo primum infusa est anima mea à simplicitate in materiæ multitudinem, ad inenarrabilem tuæ gloriæ unitatem, & simplicitatem resurrectione completa resurgam. Sis mihi, *Deus*, oro potestate & fortitudine rupes, scutum, atque munitio, ut sentiant inimici mei, me sub alarum tuarum umbra tegi, præservari atque feliciter spirare: Fac, ut majestatis tuæ inexplicabilis radio ad veram superiorum meditationem rapiar, atque ut inferiora apud animam meā pro vilissimis habeantur: Concedas, inquam, ut gloriæ tuæ memoria in honore merito, iustaq; reverentia atque timore à spiritu meo perpetuum retineatur & characteribus vivis ei inculpatur: Venerabile & laudabile sit mihi nomen tuum ineffabile, & sacrosanctum in æternum; Sis mihi iustitiā tuā gratiofus atque propitijs: Me dirigat atque gubernet providentiā tuā in viis meis, dum ego consiliū cum admiratione adorem, æternitatem mundo prædicem, incomprehensibiles gloriæ divitias extollam, & veritatis perfectionem universo terrarum orbi enarrem: Scientiæ & doctrinæ tuæ me capacem reddas, ut ego, sacrosancto tuo lumine illustratus, mihi ipsi bene cognitus, te more tibi accepto & grato atque decenter revereri, altitudinem tuam admirari, loci & sedis nobilitatis & sublimitatis pulchritudinem meditatione congrua diligentissime rimari, infinitatis mysterium in ecstasi meditari, inscrutabilem sapientiæ profunditatem omni populo, clangore quasi buccinæ promulgare, permanentem tuæ omnipotentia, voluntatem agnoscere, ac denique laudem & honorem tuum sempiternū & nullo ævo terminandū voce, orbi terrarum unisono decantare, citharæ harmonia referre, gloria triumphali elevare, atque famæ immortalis & literarū perpetuarum, nulloq; seculo eradendarum monumentis confidenter tradere queam. Nec unquam cessabo ego hominis filius ore aperto clamare per sacrosanctos mentis meæ radios, per subtiles & empyreos intellectus ac rationis spiritus, per lucidā animæ vitalis substantiam æthereūq; illius laticem perq; aërē cujusq; interni mei hominis portionis receptaculum, per ignem, per aquam, perq; terram, ex quibus lutosi corporis mei compositio temperata est, per meum internum, per externum, perq; totum, clamo inquam, voceq; exerta proclamo, *Tu Solus Tu Termaximus O Jehova Es Deus*, qui fecisti cælum, & terrā, mundumq; hominemq; ad tuam propriā imaginem benevolē effinxisti, cujus nomē sit benedictū in æternū.

CREATA TUA IN BENEDICTE LUMINIS TUI FELICISSIMA.

Ego Hominis Filius.



Contenta

TRACTATUS I.

Tractatus hic
de microcosmo
secundum na-
turā in duas
sectiones di-
viditur, in
quarum

Posteriori Te-
chnica mi-
crocosmi, tam
interni, quam
externi naturā
historia propo-
nitur in por-
tiones septem
distributa. scilicet in

- | | | |
|----------------------------------------------------------------------------------------------------------------------------------------------------|--------------------------------------------------------------------------------|-------------------------------------|
| Internum seu
anima, cuius
essentia est dis-
positionis tri-
plicis, quate-
nus participas
de natura cœ-
li | Empyreï unde
dicitur | Mens.
Intellectus.
Ratio. |
| | Ætherei unde
dicitur | Vegetativa.
Vitalis. |
| | Elementaris,
atque hæc ra-
tione dicitur | (Animalis.
Sensitiva.
Idolum. |
| Externū seu
corpus, in
quo duo ex-
plicantur, vi-
delicet ejus | Constitutionis ratio. | |
| | Harmonia, qua partes ejus re-
belles concordis pace ad invicem
ligantur. | |
| Internum in
externo, hoc
est, animæ in
corpore ope-
ratio, tum in | Creatione. | |
| | Generatione. | |
| Vaticinium seu Prophetiam, qua est mentis
scientia. | | |
| Geometriam, qua est animæ intellectualis & ra-
tionalis intentionum enucleatio. | | |
| Artem memoriæ, qua est anima memorativa &
imaginativa operatio. | | |
| Genethliologiam seu genii & genituræ inqui-
sitionem, qua est scientia ad animam vitalem per-
tinenti. | | |
| Physiognomiam seu animæ vitalis & naturalis
per solam faciei & ceterorum corporis lineamentor-
um inspectionem & observationem indagationem. | | |
| Chiromantiam, qua accidentis præsentia, præteri-
ta & futura, tam animi quam corporis debita obser-
vatione rimamur. | | |
| Pyramidalem contemplationem, qua hominis
interni & externi symmetriæ proportionemq. sym-
phoniaca animæ vertuntur. | | |

Lectores

**LECTORIBUS INCREATÆ
FULGORE ILLUMINATIS, SACROSANCTO
MENTIS ARDORE PERCITIS. F. R. C. HOC EST,
fide, religione, charitate exornatis, incomprehensibilem in hac vita à monte
& rupe J E H O V A fortitudinem vivificam in verbo ejus J E S U C H R I S T O
hujus compositionis dissolutionem, & gloriosam tandem atque
triumphantem à Spiritu sancto per verbum
resurrectionem.**



EN ecce Lectores lucis æternæ decore exornati (mo-
mos enim, derisores atque homines, qui in divino
abstrusioris Philosophiæ campo sementem nun-
quam, vel saltem nimis parcè fecerunt, utpote quo-
rum crassis auribus & obstinato corde ea respuere,
quæ sæpenumero vera perhibentur, à Philosophi-
co hoc nostro convivio magis ipsius veritatis su-
surraminibus arcemus, & in perpetuam homi-
num piorum oblivionem abdimus.) En, inquam,
& ecce figuram effigiemque, ut in tractatu præcedente ipsius Macrocosmi sic in
hoc Microcosmi, incertis quasi hominum opinionibus deformatam, & in va-
riis ad instar Protei imagines scitæ & præstigiosas cõversam se rursus mu-
tuò nixu reficere aggredior: modò si tractatû hunc nostrû, alioquin sortassis aspe-
rû ac malè cultû vos arguetis calami rudis atque impoliti scriptum non spreve-
ritû inspicere. Faxit D E U S gloriosus, ut oculos vestros novitatû forè cupi-
dos benevolo hujus Philosophiæ haud vulgariû aspectû, aures vestras bibulas
placido hujus sapientiæ à nobis jam ebuccinata susurro, atque animum tandem
vestrum divina appetentem jucunda ejusdem contemplatione permulcere
queam. Vos ergo in hoc opusculo meo Microcosmico fausti atque propitii adsitis
obsecro, ut reliqua ad culmen & exitum felicem perducendo, ea vobis, letitia
haud vulgari perfunctus, lubens & volensque consecrem, eique fovere non desista-
tis, qui iussis vestris obsequium semper commendabo, dum ego vos causamq;
meam Jeshovæ omnipotentis providentiæ commendavero, qui se dignos sapien-
tiæ suæ præmio affluenter induere clementerque atque liberaliter tractare con-
suevit. Valete.

R. F.

C

TRA:



TRACTATUS PRIMUS, SECTIONIS I.

L I B E R I.

De numeris divinis.

C A P U T P R I M U M.

seu hujus subjecti præludium.

QUoniam in nobilissima hominis seu Microcosmi interni dispositione, & circa admirabilem animæ humanæ harmoniam absque exactissima melodiæ & symphoniz mundanæ, seu microcosmicæ cognitione versari impossibile arbitramur, sumiter de numero, pondere & mensura (ex quibus mundus, & ejus anima miraculosa concordantiarum ordinatione atque concatenatione constantur) sine debita divinorum, formalium & abstrusorum numerorum contemplatione mysticæq; harmoniæ simplicis inspectione ritè judicare aut pendere nequimus (quippe q. omnes compositiones symphoniz, rerum mundanarū essentiz, vitæ, & alii mulicæ mundanæ & animæ effectus, ab his numeris divinis & originalibus, tanquā numerus ab unitate, punctū à linea & concordia ab unilono, derivantur) idcirco imprimis & ante omnia necessarium existimamus, infinito animi & ingentii conamine, imò verò indefigibili ipsius mentis divinæ fervore, precibus etiam assiduis & fidelibus precibus, ut profundā horum numerorum divinorum meditatione atque tum postea sincera harmoniæ simplicis, ab iis ineffabiliter scaturientis contemplatione & inquisitione ad completam horum cognitionem feliciter perveniamus. Quod quidem quoniam perfici, & ad culmen atque exitum felicem à priorē perducī impossibile censetur; quoniam D E U M secundum ejus essentiam nemo unquam mortalium describere aut propalare potuit (tam enim abdita & abstrusa sunt Majestatis divinæ mysteria) nostrum utique erit (quibus propter mentis & ipsius verbi divini fruitionem haud quaquam deest immortalitatis consequendæ facultas) nosmet inopia laborantes & ignorantiz tenebris obvolutos, virtute mentis in nobis habitantis captivos redimere, ab obscuro lumine discedere, immortalitatem adsciscere & corruptionem fugere: Quod quidem ut ingenuè & perpulchrè fiat, mentis nostræ acumine tenebrarum corporalium filuras penetremus, ut à posteriori tandem unitatis metam attingamus, lucis jugum (summa pulchritudine decoratum) insurgamus, insuperstanialem mentis patriam salu levi insiliamus, scalam Jacobæam alacriter, sed

C 1

cautè

caute ascendamus, D. Pauli alis spiritualibus (virtuti spiricus sancti innitentes) ad tertii cœli vitam & lumen immortale assurgamus, & si numerorum super substantialium arcana secundum Deitatis essentiam oculis intellectualibus perspicere non possumus, iis tamen Trinitatis gloriæ ideam, iconem seu exemplum saltem intueamur, numerosque ejusdem divinos & formales cum materialibus (summâ divinitatis sacrosanctæ reverentiâ & adoratione præcunte) comparemus, divinos cum mundanis misceamus, mundanos cum humanis conferamus: sic enim factus est mundus, sic creatione propagatus homo. Ab hominis igitur harmonia ad symphoniam mundanam atque tandem (illam mundanam rationis pennis transcendentes) ad divinam ascendamus: Atque hac via, cognitione à posteriore illa elicere possumus, quæ scientiâ à priori impossibile erit capui humano comprehendere. Nos verò ordinem cognitionis à priori sequentes, tanquam à principio ad principiatum (intellectus rebus hisce prius à posteriori) methodi præstantioris causâ à numeris divinis & simplicibus, harmoniaque simplicissima ab iis conflata exordiemur, ut ipsorum gubernatione gradum atque pederentium ad numeros compositos seu materiales, tam mundanos quàm humanos, cum symphonia ab iisdem derivata perveniamus, atque ita in res tandem materiales profundius nos immergamus.

C A P. II.

De monade seu unitate summa & mystica.

Oculis divina mentis acie illuminatis undique circumspiciat metaphysicus, conspicillo naturæ lucidissimo, elementorum rerumque ex iisdem compositorum angulos profundissima intellectus sui inspectione (circa res in concreto occupata) rimetur phisicus, phantasiæ seu imaginationis suæ acumine (demonstrationis fulcimento nixus, humerisque quali Atlantidis statumina-tus) Arithmeticam, Musicam, Geometriam, Opticam, Astronomiam, Astrologiam, & Geomantiam, prospectivo suo intuitu (circa abstracta versato) introspeciat Mathematicus: subtilissima rationis argutia prædicabilium series atque ordines ab ente transcendente ad genera, & à generibus ad suas species subalternas, & de illis ad individua descendentes, similiter prædicamentorum derivationes, ortus, prædicationes, relationes, & præcipue transitum prædicamenti substantiæ à genere generatissimo, in particularum multitudinem speculetur Logicus, memoriz denique fiducia (non sine candida mentis contemplatione) literarum elementarium ordinis atque originis, syllabarum ab iis derivatarum propagationis vocabulorum à syllabarum unione ortus, ac tum postea sententiæ seu orationis effluentiz ex vocabulorum ad invicem debito modo, nexu atque concatenatione promanantis recorderetur Grammaticus: atque hi omnes rerum cunctarum origines atque existentias ab unica & sola illa mystica radice benigne scaturire, & modo ineffabili (sed certissimo) derivati tandem vultu manifeste oculisque apertissimis perspicient atque discernent, quæ monas monadum, ac monas summa divinissimaque preoccupatur, quæ est ille Deus solus & terminatus, à cuius fonte omniatam creata, quàm increata (& in multitudinem profusa) mentis divinz acie effluere atque promanare animadvertuntur. Nam si ad res Metaphysicas contemplationem nostram convertamus, in illis hæc unitas radix radicum existere reperitur, cum sit Deus DEUM, summitas summitatum, bonum bonorum, fons sapientiæ & omnium radicum origo, intelligentia intelligentiarum, omnipotentia potentior, ingeni-ta ab alio, benignitate infinita & mystica mens; Imò verò in trinitate persona-

rum essentiae supersubstantialis primum obtinet locum, cum sit unica illa sacrosancta, à qua numerus divinus procedit, & in quam reverteretur. Denique extraneam essentiam in res materiales & caecitas more imaginatione excedente prospiciens, est fulgida sua radice Angelorum chorum, Daemonum turbam, atque animarum coetum immensa produxit multitudine, & sapientia sua ineffabili in orbis rutilos igneque coruscantes cohortem atque comitatum eorum, quemlibet disposuit. Similiter physicas mundi creaturas considerando, easque debito modo respiciendo, in eadem hanc mysticam primum inter eas locum obtinere invenimus; cum unitas eadem non aliter sit numeri denarii radix, quam centenarii & millenarii, ex quibus numeris mundi fabricem in primordio constituisse, & jam permanere inferius declarabimus. Hinc apud physicos principium divinum, natura infinita, & natura naturans, principium principiorum, lydus syderum, lux luminum, seu creaturarum lux undique collucens, spiritus spirituum, & spirituum opifex atque effector, mundus mundorum, dux, gubernator & director omnium, exaltator & depressor nuncupatur. Tempus etiam suam originem ab hac radice non habuisse negabit Philosophus, quatenus hac monas in sua natura sempiterna, & ab alio non genita, rerum omnium creaturarum principium & finis seu « & » existit. Quare etiam à dicta radice mystica suum principium (*Nunc*) accepit, sine qua nullum unquam extaret tempus; Cùm nunc, sit ejus terminus, à quo deducitur & movetur, non aliter quàm linea à puncto. Sine hac etiam radice non esset logica relatio, cum nulla ratio e Filium dicamus, nisi sit respectu Patris, neque in supersubstantialibus, ubi Pater dicitur sui ipsius, seu ex se ortum principium, neque in inferioribus, cum, ibi hac radix sit abstrusum entium semen, seculorum patens, ac vitæ cuncta producens, cuncta bono ac bonitate sui ipsius replens atque satians. Porro etiam secundum Matheseos considerata radix hæc in Geometria, est linea primordialis punctum, circuli que centrum, à cujus multiplicatione omnes linee, omnes superficies, corpora que omnia tam mathematica, quàm physica proveniunt, atque iterum resolutione præeunte, in eam tandem, tanquam in principium, à quo, revertuntur. In Musica est concordie & harmonie origo, unisonus nempe ille primordialis, à cujus supersubstantiali tono melodia empyrea sive spiritualis, sive sit mundana, sive humana, atque etiam instrumentalis exoritur, quatenus scilicet à suæ vocis seu soni radicalis (verbum producentis) termino Diatessaron, Diapente, Diapason, Diapason cum Diapente & Diapason consonantiæ compositione derivantur. In Arithmetica etiam monas hæc radix existit, ex qua digiti, articuli, numeri, centenarii, millenarii atque sic infinitum exoritur atque emanare observantur. Unde manifestum est, quod hæc radix seu monas & unitas sit unum & omnia, unum autem omnium, unum a se omnia, & totum in se ipso, radix & centrum præsentium, præteritorum & futurorum, quæ sunt, unitate materiali prior, quoniam simplicissima, numerorum numerus, unitas & numerus, ac unitas, quæ omnem numerum simplicitate penetrat; nam in Trinitate Pater est ineffabilis, in cælum empyreum respiciens, est mens mentis, & anima animarum, atque magis deorsum in mundum materiale prospiciens est natura naturarum. O admirabilis ergo monadis seu unitatis dispositio, quæ cum sit existentie rerum causa atque origo, quod tamen sit, non ingenii, imò verò ne mentis quidem acumine (ab ea immediate profluente) discerni potest, aut ratione ulla exprimi. At tamen essentia hujus natura mirabilis in unitatis arithmetice contemplatione rationi nostræ luculenter explicatur: Nam unitas arithmetica omnium numerorum communis est mensura, fons & origo, continens in se omnem numerum utcuque magni, & tamen multitudinis omnis infons, semper eadem, immutabilis, indi-




visibilis & parium expers: Atque hinc est, quod hæc unitas in se multiplicata nihil producit præter se ipsam. Nam in se ducta producit, tantum i. & internum, ex illa i. se ducta non nisi sola unitas exsurgit: Unde liquet, quod unitas sit sibi radix, quadratum, cubus, &c. & tamen semper est hoc idem. Nam utcumque multiplicatur in unitates, nulla tamen ex unitatibus productis est major aut minor unitate radicali, neque est pars minor suo toto, quoniam non multiplicatur in partes sed in se ipsam. Omnium denique rerum est principium & finis, dum tamen ipsa neque principium, neque finem habet, quibus existat, quoniam nihil uno prius, nihilque uno posterius. Unum ergo omnium rerum principium est, & usque ad unum omnia sunt, & ultra ipsum nihil existit. Porro etiam omnia, quæ sunt, unum ipsum, tanquam suam radicem desiderant, quoniam ab eo primum processerunt, & de illo uno ex necessitate participant: Hinc ergo est, quod omnia ad illud unum redire contendunt, quatenus ab eo radicaliter profluxerunt, quæ quidem regressio, atque in primum principium reversio nunquam perficeretur, nisi pluralitas & multitudo gradatim & pedetentim eis exueretur. Hujusmodi ergo est illa mystica monadum monas, unitas unitatum, prior simplicitas summitas, rerum omnium semen & centrum, omnis expers substantiæ, omnium principium, radix atque origo, principium, inquam, omnem numerum continens à nullo contentum, omnem gignens numerum, nullo numero genita, pater omnium, pater suipius, pater filii unigeniti: Imò talis & ultra, quam imaginari potest mens humana, est unitas, unum & monas illa, sanctus sanctorum, summitas excelsitudinis, & Deus deorum, qui super cæli cacumina, & extra omnem materiæ existentiam in solio & throno suo coruscante immortalis gloria lætus atque repletus constanter sedet, totum illum sacrosanctum mysticum, ineffabilem, & originalem insonans mundo, cujus pulsatione, actu & afflatu unisono ac uniformi mundus & creaturæ ejusdem variis formarum concordantiis, quibus existant & vivant, imbuuntur harmoniæque rerum elegantissimæ atque exertissimæ (bibulas mentis aures permulcentes) exaudiuntur, & in rationis humanæ penetralibus concipiuntur atque reconduntur, cujus melodix ineffabili, voceque ac verbo efficaci (Spiritu divino undique afflante) macrocosmi compages gaudio quodam saltare, proportionaliter tripudiare, & quasi profiliendo vivere observatur, stellæque tam fixæ, quam erraticæ (ac si lætitia supernaturali essent perfusæ) choreas ducere sempiternas animadvertuntur, microcosmi proportionales & consonantiæ, in mente, intellectu, ratione, anima, motu, vita, & elementari corporis constructione (functiones pulchras & admirabiles perficiendo) sulcimento tanquam divino statumini percipiuntur. Hæc, inquam, unitas est pulsator Monochordi & ipsa forma ac anima totius harmoniæ macrocosmicæ & microcosmicæ, cujus chorda seu materia instrumentalis est spiritus ille universalis, quem illa actu suo ineffabili ex chaos visceribus libera vit, & ex nihilo fecit, ut aliquid actu existeret, & loco passivi suis actionibus stupendis inserviret, cui tanquam Regi Regum, omnia totius naturæ offerenda, & quasi tributum ei debitum, attribuenda & conferenda (rerum videlicet vitæ, essentiæ, animæ & corpora, quatenus ab ea dependentia) imprimis summo opere atque ultimo animi conamine agnoscere atque confiteri debet, quilibet mentis sanæ compos & mediocris rationis munusculo decoratus.

Exempla

Exempla nonnulla, quibus Unitas sacrosanctæ Trinitatis eam rebus inferioribus comparando pro capacitate humana demonstratur.

Unitas supersubstantialis essentia explicatur in Arithmetica per 1. Nam ab unitate hac in Arithmetica omnes numeri in infinitum progrediendo, tanquam ab eorum fonte & origine fundamentali deprohmuntur, ut 1. 2. 3. 4. 5. &c. In Mathesi & arte Geometrica per punctum demonstratur, à quo linea derivatur, per quod continuatur, & in quo terminatur (unde linea rectissimè definitur fluxus punctorum ad invicem colligatorum.) At quia omnis superficies ex lineis corpusque ex superficibus componitur, sequitur inde ex necessitate, quod tam lineæ, quàm superficies & consequenter ipsum corpus à puncto unico exoriantur. Simili quidem modo ab unitate, & ejus fluxu fit numerus denarius, in quo unitas compositioni se jungit, videlicet natura superexcellenter substantialis cum materia creanda, uti. cum o. sine qua cyphra non plus erit, quàm materia hylæ forma essentiali & lucida privata: Unde sic se habet unitas simplex ad numerum denarium, ut punctum ad lineam, & numerus denarius ad centenarium, ut linea ad superficiem, in quo etiam semper præcedit Deus unitas seu punctum & numerus centenarius ad illum millenarium, ut superficies ad corpus, ut infra latius indicabimus. Ex quibus manifestè liquet, quod nisi Deus rebus omnibus præponatur, non erunt res magis in actu, quàm cyphræ Arithmetica, quæ qualicumque multitudine per se exprimantur, absque unitate tamen, aut aliquo ex digitis ab ea profluentibus, nihil prorsus significabit, ut o. oo. ooo. ooooo. oooooo. nihil denotant, sed 10. 100. &c. aliquid. Per punctum etiam mirabiliter explicatur Deus in re physica, cum illud sit motus in generatione & corruptione, principium, & quasi hoc (nunc) à quo tanquam ab originis suæ patetæ fundamento, seu termino à quo, tempus produit, & in quod iterum re-vertitur.

Demonstratio puncti, & lineæ ab eo more mathematico profluentis.



Sit ergo unitas supersubstantialis punctum primum atque originale seu summum, à quo omnis rerum entitas effluit, & ad quod iterum res omnes (resolutione præeunte) tendunt. Describitur autem hoc modo:



Similiter puncto unico, & circa punctum unicum creatus est mundus orbicularis, ut in ultima demonstrationum quarti capitis clarius ostendetur.

C A P. III.

De Diade sive dualitate mystica & supersubstantiali.

Prima monadum monas, sancta quæ unitatum unitas supersubstantiali partu simplicitates summatum ineffabilem in modum effusa, peperit atque produxit, quippe, quæ per primigeniam formam proficiens tñnam adepta est vim: Ubi etenim profunditas Patris est, ibi illustris Filius, conciliatrix quæ Spiritus sancti elucet fulgor, atque ut ita coronatur fons ille supersubstantialis pulchritudine proles, quæ ex suo centro effluit, & circa centrum volvitur, genitus quæ est filius, qui est inclyta patris sapientia, rerum quæ omnium opifex: Nam per effusionem unius in filium nata est natura media ineffabilis, quæ erat ante naturas omnes, partus equidem sacer inenarrabilis quæ fœtus patris ineffabilis, cuius ortum abstrusum, & mysticum nullum equidem tempus novit, quoniam unà cum patre apparuit, semper natus, qui nasciturus erat, & in eo manet, quamvis ex eo progenitus, ut omnia sapienti moderetur spiritu: proficiens, inquam, filius à patre in patre permanet in æternum, & rursus extra, quæ sunt patris, regit. Hic patris verbum vociferans sermo quæ est exercitissimus & primus ex prima progenitus ridice: Radix est omnium; nam cuncta sunt condita per ejus inclytum ortum, cum omnium rerum sit semen. Unitas ergo est dualitatis ejusdem essentia fons: & dualitas seu filius est unitatis seu patris forma atque imago: Unitas seu pater est dualitatis seu filii potentia; dualitas verò seu filius est patris pulchritudo. Et quamvis dualitas materiam sit numerus infaustus: quia fons atque origo litigii, discordia, impuritatis atque confusionis, nam hic numerus assumendo sibi materiam ab unitate separatur, quia in contentionis limites ingreditur, deorum quæ in multitudinem se multiplicando, fugiendo ab unitatis præsentia, & tendendo versus centrum & profundum materiam tenebrose profluunt, ideo numerus hic in materia dicitur omnium imperfectissimus, quia nunquam nisi per resolutionem resolvitur, & ad unitatis essentialis ac supersubstantialis apicem reduci potest, attamen binarius hic formæ numerus divinus, ultra unitatis essentialis limites non recedens, est numerus formalissimus & beatissimus; quia in eadem essentia, virtute unitatis (Spiritu mediante atque colligante sancto, à centro unitatis seu patris, & dualitatis seu filii procedente) ad unitatem reflectitur, & cum unitate renuitur, secundum illud *M. Trismeg. Monas generat monadem, & in seipsam reflexit ardorem suum*. Atque hæc essentia Dei formis, uniformis & triformis est, quoniam licet triplex sit hic personarum & numerorum, respectu

officiorum & virtutum distinctarum cuique attributarum differentia, est tamen semper unitas essentiae & identitas Deitatis; quæ quidem unitas viriute glutinis spiritualis inviolabiliter conservabitur in perpetuum. Atque hoc modo habemus Diadem ex Monade, quæ virtute conciliatrice Triadis cum Monade iterum in unitatem reducitur. Est igitur dualitas numerorum unitas, quia trinitas, estque trinitas, quia unitas; trinitas scilicet personarum, unitasque essentiae Deiformis.

C A P. IV.

De Triadis seu numeri ternarii supersubstantialis ortu.

MENS siquidem Deus utriusque sexus fecunditate plenissimus (*Mercurii Trismegisti* ore jam loquor) vita & lux, cum suo verbo mentem alteram opificem peperit; quicquid Deus ignis dicitur atque *spiritus numen*, quem *Synesi* vocavit Spiritum sanctum medians principium à centro genitoris & à centro filii procedens, cujus lux elucescens conciliatrix nuncupatur, eò quod numerus ejus ternarius est verissimus & syncerrimus amor, qui Patrem cum filio nexu inviolabili conjungit, quippe quod dualitas (quæ est multitudo ab unitate progrediens) numeri ternarii vinculo in concordem unitatem reducitur. Talis ergo erat mundi origo, ab unitate, inquam, in multitudinem progressio, & talis ejus perodus, reductione scilicet multitudinis ad unitatem. Secundum horum igitur divinorum numerorum in unitate semper contentorum progressum, dualitatis materialis, seu spiritualis, seu aqueæ seu naturæ humidæ ordo, harmonia, proportio, mensura seu intervalla disponuntur: hinc enim universi mundi in tres regiones divisio, quarum secunda à prima & tertia & ab utraque essentias acceperunt suas: hinc tres harmoniæ cujusque symphoniz, Diapason, Diapente, & Diatessaron, quarum Diapente à Diapason quasi unitate & Diatessaron ab ambabus: hinc rerum omnium & ipsius mundi proportionis duplæ, sesquialtera & sesquitertia à varia lucis divinæ in spiritus universalis in hyla dispositione derivatæ: hinc rerum intervalla, nempe linea, superficies & corpus, seu longitudo, latitudo, & profunditas; linea nempe à puncto, & superficies à linea & corpus ab utroque: hinc tria animarum genera, intellectuales, sensitivæ & vegetativæ: hinc mundi dispositio à tribus, numero scilicet, mensura & pondere: hinc denique tres prædicantur à Philosophis mundi Principes; Deus, Mens, & Spiritus. Atque hæc erat ratio, cur *Pythagorei* unitatem Apollinem vocaverunt, diadem materiam, triadem verò formam justitiamque, quæ summa est perfectio. Deum ergo numero impari gaudere dicit *Poeta*, quoniam numerus primus & simplicissimus impar in essentia supercoelesti, est amor ille, qui conjungit patrem cum filio, unde (inquit *Synesi*) *Salve ô purissime Spiritus, centrum filii & patris*. Et alibi: *Ipsam socium filii & medium inter radicem & germen nuncupavit*. Et alibi: *Lucem conciliatricem*, quia à duabus personis primis derivata & cum illis unita Trinitatem confluxit: dicitur ergo hic numerus ternarius, numerus sacer, numerus perfectionis, & numerus potentissimus, quia incóspicuis & primus numerus impar, cujus nexu Dualitas fit Trinitas & Trinitas est facta Unitas. Atque hinc est, quod unum trinam sit adeptum vim, quo factum, ut Deus unum sit & omnia, unum in seipso & per omnia, & quod Unitas sit, cum sit Trinitas, & quod Trinitas sit, cū sit Unitas: secundum *Synesi* hymn. 2. *Canote Unitas, canote Trinitas: Unus es, Trinitas cum sis; Trinitas es, Unitas cum sis.*

D

Unitas

Unitas enim est & solus in se actus, Trinitas est in perfectione sua, ab ipsa permanente, qua omnia creata, perfecta & bona dicuntur. Concludimus igitur, quod unitas sit terminus à quo & dualitas primogenitus unitatis, quasi numerus medius inter unitatem & ternarium, cujus perfectione, in essentia divina dualitas, seu medium nexu indissolubili duobus extremis conjungitur, quæ iterum circulari progressu sibi ipsis mutum in modum coherant. Unde efficitur, quod omnes tres personæ, proprietate distinctæ non sint, nisi unum essentia, videlicet unica summa & sola essentia, quæ nihil præter tres personas existit, id est, tres proprietates, quarum una non est alia, nec duæ quævis sunt tertia, nec quævis tertia duæ, id n. sunt duæ, quod tertia, id tertia, quod duæ. Quid hoc? Deitas una, essentia una, unum denique. Qualiter hoc, si tres? Qualiter tres, si hoc? Incomprehensibiliter proin mirabiliter: Fides tantum novit, sed tanquam à divino Spiritu totum, baptizandi formulam sub numero hoc ternario & relatione instituente: *Baptizate*, inquit, *in nomine Patris. Filii, & Spiritus sancti*, quæquidem tria relativa declarationem suscipiunt, ut infra latius ostendemus.

*Demonstrationes proprietatum sanctæ Trinitatis per icones
& exempla factæ.*

Oculo comparari & declarari potest multiplex sacrosancta & supersubstantialis essentia proprietatis. Albedo enim oculi Patri referri potest, quatenus ex ea cornea sphaera atque uvea (Filio atque Spiritui sancto comparatæ) procedunt: Nam Filius (qui proxime in suo processu Patri accedit) sphaeræ cornæ assimilatur, & Spiritus (qui est virtus ab ambobus) uvæ refertur, quæ in centro est cornæ, ut illa in centro albedinis utrosque orbes comprehenditis. *Ut infra videre licet Figura 1.*


Vel comparatus Sol eo modo, quo dictum est in demonstratione facta libro primo, de macrocosmo cap. 1. *Ut infra videre licet Figura 2.*

Vel etiam eruptioni nubis conferre liceat in tonitru factæ, in qua Deus Pater videtur in similitudine ignis consumentis apparere. Sic à Moyse & Israelitis visus est Jehova ineffabili vultu: Vox autem seu crepitus in tonitru verbo Dei assimilatur, hocque non ineptè cum huic opinioni sacræ Scripturæ astipulenter: Atque coruscatio denique seu fulgura Spiritui sancto attribuiqueunt, cum tali forma descenderit Spiritus ille super Apostolos. *Ut videre licet Figura 3.*


fig. 1.



fig. 2.



Vel *circini* quam opumè eam adaptare possumus, quorum summitas est quasi punctum, vel unitas essentia, quæ dividitur in proprietates diversas: Nam unus ejus pes firmatus atque immutabiliter in centro stans semper idem est, nec enim movetur à suo loco: Pes vero alter, mobilis est & regulariter circulum æqualiter à centro distantem describit: Ac ut pes mobilis sit firmior atque obediens dispositionibus regularibus pedis immobiliter & invariabiliter centro adherentis, adest quidam amicitia nexus & amoris quasi vinculum regulariter per centrum membri mobilis transiens, quod fixè membro vel pedi fixo affigitur & gubernat adum pedis seu membri mobilis ut numero, mensura atque proportionem semper conveniat, atque relationem habeat ad pedem seu membrum fixum, ut secundum membri fixi leges & justitiam agat. Exemplum tale est.



Ab una essentia nempe A tres proprietates distinctæ procedunt, quæ in se sunt unum & idem, videlicet, quasi essentia super substantiali A. In mundi vero fabrica sunt variæ & diversæ Deitatis proprietates: Deus enim in cælorum cacumine constanter sedens à se immisit filium seu sapientiam suam ad mundi orbicularis fabricationem non aliter, quàm pes circini mobilis progreditur dilatatione à pede ejusdem fixè & firmiter in centro permanente ad circuli seu peripheriæ productionem, cujus operatione circulus delineatur, & tamen in essentia conveniunt, videlicet in unitate seu puncto. A verbo *Sehova* inquit Psalmista *firmati sunt cæli*, &c. Et alibi *sapientia Dei completa est machina*: Unitas ergo & pater constanter & invariabiliter manens ordinavit dualitatem seu filium, ut suam voluntatem exqueretur, eratque filius, patri suo obediens, regulariterque Spiritu à patre & seipso egrediente gubernatus ultra suum circulum limitesque à centro æquidistantes non progrediebatur, quoniam per Spiritum

^o spiritum utraque extrema in unum hoc idem conjunguntur, ita ut totum non sit, nisi unicus DEUS, unaque essentia divina superexcellens atque superans omnem intelligentiam, cui sempiterna sit laus, excellentia & dignitas. Sic unus atque idem circinus in varia officia distribuitur, quorum unum est firmiter stare, atque actiones duplices aliarum proprietatum secundum justitiam gubernare, atque pro sua dispositione disponere, sine qua figuram circularem describere impossibile est. Aliud est, extrinsecus in loco atque materia spatiosa operari, atque figuram circularem & orbicularem delineare: Tertium, utriusque virtutem vinculo amoris connectere, & harmoniam atque conformitatem ab utriusque amplexu effluentem exactè atque ad justitiam proportionare. Officia etiam munus Deitatis simili modo, sed & ulterius quàm mens humana excogitare potest, explicantur. Nam pater in arce sublimi (igne coruscante) constanter sedens, ordinando dixit, verbumque FIAT mundum orbicularem, coscosque sphaericos fabricavit; Spiritusque intermedius virtutem utriusque amoris vinculo complectens vim, atque efficaciam, cum locutoris, tum verbi in mundum creaturasque suas influxit, atque affluenter impluit, juxta illud Psalmistæ regni antea allegatum; *Verbo Domini firmati sunt cæli, & spiritu ab ore ejus omnis virtus eorum.*

CAP. V.

*Quod qualibet persona sanctæ & individue Trinitatis proprietatem habeat distinctam in mundi fabrica creaturarumque ejusdem productione;
Et de universalis unitatis proprietate, ac de ejus cum denario
numero convenientia.*

AMiranda mysticæ mundi creationis ratio in arcana Trinitatis dispositione, Deitatisque sinu delitescit, ita ut nullus existat in Trinitate digitus, sive sit unus, sive binus, sive trinus, qui suum proprium, & peculiare mysterium in se non possideat, variumque in mundo (secundum ingentem & admirabilem sui muneris efficaciam) non producat effectum. Nam in unitate (quatenus non potest in se multiplicari, aut de sua natura, in multitudinem reduci aut dividi) tanquam unico universo mundo ideali & merè formali, mundi materialis effigies abstruso modo delineatur: Unum enim procul dubio erat principale in animo conditoris condendorum exemplar. Ut igitur Monas erat primò in Trinitatis productione (quæ est prima rerum tam increatarum, quàm creaturarum radix) sic etiam secundò post illius quadrati simplicis partium, primum locum occupabat unitas in denario numero ad mundi compositionem, quippe quæ cum denario numero connectione forti adligatur: Nam unitas est pater super substantialis partus, & denarius numerus est pater substantialis partus, qui quidem genitores duo ab invicem non differunt, cum ambo sint DEUS unus, sed tamen proprietate actionis differunt: quia prior unitas simplex erat, & inexplicabili modo in mundo super substantiali versatur, postenor verò in denario (hoc est, cum cyphra conjuncto, in mundum materiale agit. Hinc *Mercurius Trismegistus*: DEUS cœsmi pater, & cœsmus Dei filius dicitur, &c. Est igitur DEUS unitas in mundo formali & numeri denarii locum habet in mûdo materiali: Nam ut numerus denarius est finis numerorum simplicium, sic etiam est principium compositorum, & medium seu centrum inter unitatem & numerum centenarium. Incipit ergo unitas numerum denarium in simplicibus, iterumque eadem unitas numeros quoscunque denarios terminare observatur.

Atque huic nostræ opinioni ad stipulati videtur *Mercurius Trismegistus*, cujus verba sunt hæc: *Numerus denarius anima genitor est; vita verò & lux ibi unita sunt, ubi unitas ipsius numeri sunt ex spiritu nati, itaque: unitas secundum rationem denarium complectitur, rursusq; denarius unitatem.* Quanto equidem gaudio eilem ego perfusus hæc sapientis verba audiendo, tam propriè atque aptè huic meæ inventioni convenientia, vix lingua aut plumæ argutia exprimere possum: Nam quid aliud voluisset Antistes hic divinus, quàm quod in mundi creatione numerus denarius (quem postea unitatem appellat) sit animæ mundanæ genitor, & per consequens humanæ, quoniam, inquit ille, *ibi vita & lux*, id est, spiritus & fulgor divinus seu forma unita sunt: dicitque unitatis numeros ex spiritu, hoc est, ex materia spiritali natos esse, articulatos nimirum & compositos. Ex his igitur sic concludit, propter compositionem Spiritus cum luce. Itaque unitas secundum rationem denarium complectitur, hoc est unitas, quæ genitor erat in supersubstantiali & simplici partu, in partu composito secundum rationem denarium complectitur, dicitque reciprocum esse complexum inter unitatem & numerum denarium. Ex quibus arguere videtur, quod unitas in trinitate sic idem, quod denarius in compositione, & in alio loco dicit, *quod numero denario præfenti intellectuâli generatio composita sit*, hoc est, cœlum intellectuâle cum choro Angelorum in novem sphaeras seu locos primæ articulorum denariorum compositionis divisum, &c. Dicimus denique, quod unitas duplicem habeat ad mundum relationem, vel scilicet, quatenus id omne est, quod est: atque ita nunc mundus integer unitati (quæ integra & universalis est in se) comparatur: Unde mundus propter suarum partium integritatem à *M. Trismegisto*, dicitur *Deus materialis & incorruptibilis*: Et alibi dicit: *Deum unum esse unius mundi patrem, mundum unum esse unius solis progenitorem, atque unicum solem esse unius hominis originem*, &c. Vel quatenus propter unitatis suæ proprietatem (numerum denarium amplectentem) primum creationis opificium sibi vendicavit, & in prima sua dispositione (quatenus prima personarum superioris mundi machinæ rationem sibi attribuit: quippe cujus spiritus igneus in e regione primum super aquis ferebatur) Ex his igitur constat, quod primæ Trinitatis personæ proprietates atque actio in mundi structura versetur circa universalitatem, mundum unum integrum constituentem: Nam cum omne, quod est, sub ejus dictione inestimabili constituatur, & in ejus virtute comprehendatur, ipsam totam rerum naturam universumque mundi spiritum respicere, de potentia in actum reducere, & igneo suo vitæ spiraculo sustinere, atque universam denique machinam, immensa sua fortitudine statuminare, necessariò consequetur.

C A P. VI.

*De numeri Binarii & Diadis seu secundæ personæ proprietate
& officio in mundi fabrica.*

Numerus Binarius sacrosanctus ab unitate immediatè procedens secunda Trinitatis individux persona existit, primæ seu unitati vinculis inviolabilibus connexa; Filius supersubstantialis unicus, à Patre Deiformi propagatus, & in patre existens, non aliter, quam vox in ore, dum loquitur homo, vel rectius, ut crepitus seu fragor formidabilis in tonitru, seu verbum Jehovah Moysen alloquens, super montem Sinai à nube, tanquam ab ore Dei profiliens, cui in instante spiritus igneus, seu fulgor divinus, seu gloriæ spiritalis & igneæ Jehovah excellentia succedebat, tanquam ab ipso Jehova, & ejus verbo profiliens. Hæc, inquam,

inquam, patris sapientia, hæc lux increata, hic mundi & vitæ creator, à patre secundus, quatenus ejus filius unigenitus, ex eo proximè exiliens, in patre manet, & rursum, quæ exera sunt patris, regit, mundo deducit foecunditatem vitæ, secundum illud divini Synesii: *Quem ex ineffabili sinu effudisti filium, in te manet, ex se quamvis progenitus, ut omnis sapienti moderetur spiritu, moderetur oras immensi mundi usque ad imum fundum, centro terrene portionis piorum affulgenti: solvit enim labores & caras miserorum mort alium, autor bonorum, propulsor malorum, &c.* Ex cujus liquident sermone elicimus, verbum seu sermonem, seu secundam Trinitatis personam ex proprietate sua peculiari, versari circa materiz universalis abyssum mundum majorem constituentis & compositionis opaci mundi minoris externum constant, mundificationem, præfervationem, & purificationem, eratque ejus officium juxta secretum patris consilium & voluntatem, ut celos firmaret, secundum illud Psalmistæ Regii; *Verbo Domini firmati sunt cæli, &c.* Hinc in hujusmodi sermones iterum præsumpt Synesius: *Tu mundi conditor, fulgentium orbium & syærum, centrisque terra stabilitor, tibi Sol agitas perennis fons, &c.* Hic etiam verbi officium seu proprietatem luculentius nos docet Mercurius Trismegistus Pim. i. his verbis: *Mens cum verbo septem fabricavit Planetas, qui circula mundum sensibilem complectuntur; connexit inde Dei verbum ex elementis deorsum tendentibus purum naturæ artificium unitatūque est officii menti, consubstantialia enim est, reliquaque sunt elementa deorsum tendentia sine ratione, ut sint tanquam sola materiz: Mens quidem opifex unā cum verbo, circulos continens, ac celerit rapacitate convertens suam ad semachinam stetit eamque voluit à principio ad finem absque fine præcepit.* Et alibi: *mundum verbo non manibus fabricatus est opifex.* Et alibi: *Deus verbo cuncta constituit.* Ex quibus constare videtur Binari supercælestium numerorum proprietatem esse circa mundi materialis ordinationem & ejusdem in regiones, celos & orbes dispositionem; ipsumque operationes suas perficere virtute unitatis seu patris, cui consubstantialis existit coadjutor in machinæ universæ dispositione. Pater igitur & unitas versatus est circa unum & totum, & filius tanquam multiplicatus in patris bonitate, distinguit, illud unum universale in partes differetes & virtute distinctas, ambo circa materialia versantur, & spiritus seu splendor sanctus ab utroque proficiens, cuiuslibet mundi portioni & creaturæ virtutem sibi propriam attribuit. Nam juxta Prophetæ regii doctrinam, ut cæli verbo Domini erant formati sic spiritu ab ore ejus omnes virtutes eorum. Ex quibus patet, quod prima persona operetur præcipue in ordinatione, determinando in suo decreto consilio, quid faciendum sit in mudi creatione. Secunda persona suo patri obedientissima, & quasi solus patris consiliarius, imò verò ipsissimum ejus consilium & sapientia voluntatem patris ad amissum exequitur, mediante tertia, quæ semper adest necessariò in omni operatione. Mysticum autem modum, quo verbum in materiz mundanæ massam informem primum ad mundi creationem, ex folio seu palatio suo immortalis & super substantiali descendebat, nos luculenter docet Mercurius Trismegistus his verbis; *Animæ est in corpore, mens in anima, in mente verbum, Deus vero eorum pater, &c.* quamvis illi loquatur de corpore humano opaco, tamen hoc idem potest intelligi de massa tenebrosa ante mundi operationem. Nam in prima verbi sacrosanctia ore patris prolatione circumambiebant illud radii mentis, id quasi undè quæstipantes, ornantes, atque ineffabili potentia munientes contra hec iiii invasiones, a venaturæ humidæ in tenebris occultatæ passionet. Mens autem divina è vestigio (sic) inhente verbo animam mundanam constabat compositionem ejus ex portione radiorum suipsius & purissimi spiritus, splendore mentis jam detectæ, revelatæ, & à tenebris libetati, faciens, qui aquæ creatæ & informatæ, imò verò ipsius formæ cælestis nomen jam acquisivit. Nam *Spiritus Domini fereba-*

*sur super aquas, igneum iis vigorem iudens; quoniam ex nihilo & tenebris imm-
merio iam detecta sunt, & manifestata: ac virtute radiorum divinorum cogno-
scitur esse aqua vel spiritus universalis. Hoc ergo modo, mutante Pimandro seu
mente patre vultum suum, (ut Mercurii Trismegisti ore loquar) & seipsum revelare
volente, continuo omnes in lumen immensum atque jucundum conversa sunt,
& paulò post quædam umbra horrenda obliqua revolutione subter labebatur,
in humidamque naturam migrabat, ineffabili tum vultu exagitabatur; Inde
fumus quidam magnus in sonitum erumpebat ex sonitu vox egrediebatur,
quam ego inquit Trismegistus luminis vocem existimabam. Ex hac luminis voce ver-
bum factum prodit: Verum hoc natura humida assans eam fovebat, &c.*

C A P. VII.

*De numeris materialibus, Binario scilicet, quaternario &
octonario, de Diadî Deiformis proprietate
ortus.*

Dualitas formalis numerus est *faustissimus*, quia cum unitate formali, à qua
ortus est consubstantialis: Est etiam numerus *perfectissimus*, quatenus est me-
diætas, seu centrum trinitatis, habetq; principium à patre super substantiali suæ
naturæ: habetque finem in ternario numero, qui est spiritus infinitus & incom-
prehensibilis, atque ipsa denique est suipsius mediætas, & centrum numeri
ternarii à centro patris egrediens. Hinc igitur est, quod hic numerus sit cen-
trum concordix, retinens in se Patris seu unitatis imaginem, & Spiritus sancti
numeri ternarii fulgorem. Faustissima ergo, vivifica, & conservatrix est hic nu-
merus formalis radix, producens felicissimum quadratum formalem, & cu-
bum hæud dissimilem: Nam Binarius hic essentialis (unitatis vitalis germen)
non progreditur ad multitudinem, ut ille materialis: cum hic effluens ab uni-
tate per ternarium iterum redeat, atque connectatur unitati, à qua antea fuit
derivatus. Hinc inde dicitur *numerus iustitiæ peculiaris*, ejusque proprius actus
ipsa iustitiæ, eò quod duobus gaudeat pariter ponderatis, diciturque, *numerus
sapientiæ, scientiæ, memoriæ, lucis, imò verò ipsius hominis charitatisque & mutui amoris
nodus*; Nam ut vinculis matrimonialibus reducti sunt duo in carnem quasi u-
nam, sic in binario mystico sunt duo in eadem essentia per spiritum tertium u-
niti: Similiter hoc fit in ejus quadrato, qui est 4. Nam quadratus formalis Deo
Patri ascribitur, quin & totius trinitatis mysterium complectitur: Nam ipsius
simplici proportionem, prima scilicet unus ad unum: unitas paternæ substantiæ si-
gnificatur, ex qua nunc procedit filius illi æqualis, altera autem processione et-
iam simplici, videlicet duorum ad duo, notatur secunda processione ex utroque
Spiritus sanctus, ut sic fiat æqualis Patri Filius processione prima: æqualis utriq;
Spiritus sanctus processione secunda: Hinc ergo super excelsum illud Dei, divi-
væque Trinitatis nomen Tetragrammaton ortum est, videlicet, Jod, He, &
Vau, He, ubi aspiratio He, Spiritus ab utroque processionem denotat:
ipsa enim He duplicata utramque syllabam totumque nomen terminat: pro-
nunciatur Jova & Jehova, ut nonnulli volunt. Est ergo hic numerus origo to-
tius divinitatis; Unde Pythagorei eum naturæ fontem nuncuparunt. Est et-
iam *numerus omnem implens scientiam*. Nam filius dicitur scientia & sapientia pa-
tris. Præterea additione hujus numeri cum 1. 2. 3. 4. fit iterum ad unitatem re-
versio, videlicet ad numerum denarium, à quo incepit mundi materialis stru-
ctura. Denique cubum à numero binario exultantem, qui est 8. Pythagorei ap-
pella-

pellaverunt *numerus iustitiae*, quoniam dividitur in numeros pariter pares. videlicet in quatuor, qui est et ius quadratus, & iterum quatuor in his binum, & binarius denique dividitur in unitatis binas: Et propter hanc divisionem aequalitatemque ad unitatem, iustitiae nomen sibi vindicavit. Dicitur etiam *numerus beatitudinis*, eo quod pertinet ad aeternitatem, & mundi consummationem, quia sublequitur septenarium, qui temporis symbolum est, tot etiam beatitudinis gradus. cecit Christus apud Matthaeum. Denique vocatur *numerus salutis & conservationis*. Huius igitur numeri radicalis & sacrosancti harmonia Diapason mundo resonante, descendebat Verbum in mundum deiformem, ut eum informaret, horrédasque ejus immundities deponeret, umbrasque, & terribiles ad centrum reperi ueretur. Penetratione igitur deorsum facta, hanc sui Patris sapientia, hic Demogorgo unus & trinus, sive haec trinitatis medietas percepit atque animadvertit, chaos seu potius hylam, vel materiam primam, & deiformem sola potentia impraegnata, & gravidam existere, atque paratam ad hoc aliquid nihil Demogorgonis epe pariendum, & in actum producendum. Contremuit enim ejus venter caligine obvelatus, exagitata sunt hylae membra praeparatus sui litigiosi perturbatione: Quippe unitas in potentia actum videre, & facie ad faciem contueri contendit. Commiserata est Demogorgonis proles unigenita chaos doloris, & ad nixum ius laetoriosum pariendi dextra benigne porrigebat; Actu igitur cum potentia concurrente, litigium primogenitus hylae seu chaos filius, unitas potentialis, discordiaque semen in actu productus est, qui, ut primū radios vitae à verbo seu Demogorgone sibi attraxisset, seditionis hic autor & tenebrarum princeps (beneficiorum sui creatoris oblitus) superbia protinus atque ambitione elatus exurgit, unitatis super substantialis locum & dignitatem usurpare haud dubitavit, noluit sibi praefectum admittere, neminem aeternitate & imperio sibi praeferi voluit, primumque sibi in mundo locum vindicare ausus est, atque ita secundus hic focus malitiae, ambitionis, & seditione plenus, contractus atque assistentibus sibi & coherentibus comitibus suis humidis (ex hylae voragine cum ipso profusilentibus) ex radiis fontis lucidi, undique propter Verbi & Spiritus sancti praesentiam per humidam naturam in regione empyrea expansis, alis alienis sursum hostiliter versus mundum formalem tendit, sed essentiae super substantialis potestate incomprehensibilem ante contactum & effectum ignorans, unius fulminis ictu, solaque, verbi ejus emissionem à mundo formali dejecit rebellis hic proditor, atque in tenebrarum abyssum iterum cum sociis & cohortibus suis submergitur, & ad materialis tandem mundi centrum propellitur, atque immediate p. l. e. ius dejectionem, natura humida universalis secundum hylae partus propagatus est quem Poëta finxerunt esse *Panem*, per cuius barbam longa radios lucis & solis intellexerunt, per caput ocellatum firmamentum stellis fixis repletum, per fistulamque ex septem syringibus constatam, septem planetarum vires & harmoniam significaverunt: Ex his igitur perspicuum est, quod Litigium, ante verbi praesentiam fulgorisque spiritualis apparitionem, nihil omnino fuerit, praeterquam unitas in potentia, quae quidem unitas actu esse non poterat, quia illa actualis & formalis praecedebat in Trinitate sacrosancta, quae fuit ei principium, atque per consequens erat quiddam secundum, quatenus procedebat ab unitate praexistente. Eadem etiam est ratio in materiae universalis spiritualis productione, quae partu materiali succedebat Litigio, cum sit ejusdem generis & naturae, nisi in eo, quod ejus immundities, impuritas, & tenebrae exuantur & seponantur, & quod virtute radorum & fulgoris divini materia haec universalis aquae limpidae conformis, numero, pondere, & mensura librata & suo creatori magis obediens redditur: Unde constat (ut *M. Trismeg.* verbis utar) quod quoniam mens verbum humidam naturam, quae ex umbra effulsit, junior est, ideo numeri binarii materialis locum possidet,

quæ quidem dualitas non ita se habet, ut illa formalis, quam supra demonstravimus esse completissimā, & perfectissimā in sua natura, & rerū conservatricem: sed vice versa per se non magis in rerū natura existit spiritus materialis absq; radiis & assistentia divina, quam cyphra sine digito apud Arithmeticos, ut antea ostensum est. Præterea est numerus hęc materialis in se *numerus seditionis & discordia origo*, & per consequens *imperfectissimus*, quatenus nō habet principii ætūale sibi consubstāiale, quippe cujus principii consubstāiale erat aliquid unū in potētia, sed post ejus in ætūm productionē reliquit illam denominationē & induit pluralitatis formam, amittendo suam unitatē, eamq; unitati formali merito attribuyendo. Atque hinc est, quod unitatem ætū suæ naturæ conveniētē minimē possidet, quare nec principii nec medium nec finem habet, unde fuit pessima res sit ipsa materia sine numeri divini præseoria & fontis, nimirum totius bonitatis, assistentia, quoniam nisi trinitas super substantialis aliquid suæ perfectionis & bonitatis implueret in materiam hanc mundanam, nihil esset, nisi congeries malorum, congregatio invidiæ, accumulatio discordiæ, abyssus deformitatis, & in multitudinem inclinatio: Neque hæc etiam omnia, nisi sola potentia esset quatenus omnis actus (ut dictum est) & omnis bonitas est à fonte lucido. Hinc ergo numerus hic binarius materialis, *numerus discordia confusionis, infortunus & immunditia* nuncupatus est. Atque hinc etiam erat, quod D. Hieronymus contra Jovinianum inquit, *quod idem in secundo mundi creationis die non fuerit dictum: Et vidit Deus, quod esset bonum, quia binarius mundi numerus sit malus*: Præterea hinc erat, *quod jubebat Deus animalia immunda numero binario in arcam ingredi*, quia scilicet binarius numerus est numerus immunditiæ: atque in auspiciis infelicissimus; hæc denique fuit ratio, propter quam Pythagoræ (ut narrat Plutarchus) unitatem Apollinem seu Deum vocaverunt, diada, item & audaciam & eria da justitiæ applicaverunt, quæ est summa perfectio. Progressione igitur ab hoc infausto numero materiali, quæ deorsum tēdit, anima divina magis magisq; incarceration, & in tenebrarum laqueis densissimarum circumvolvitur, ac infelicissima redditur, passionibus vexatur atq; mūdi præstigiis & illusionib. decipitur. Unde fit, ut quo magis descēdit lux ab aspectu fontis lucidi versus pyramidis materialis basin, eō magis periclitetur, & in tenebris submergetur. Si dualitas hæc in seducta 4. elementa producit, quæ primum sua viscositate circummuniunt animam in ipsorum spiritu, & rursus adhuc altius in ejus profundum se immergens ad cubum usque reducit anima spiritus laqueis captivata, & in corpus opacum seu trinam dimensionem seu elementorum elementatum seu compositionem ex 4. elementis cubum quadrati constituentem introducitur adulationibus spiritus, qui est ex parte materiæ. Atque hæc est ratio, quod homines magis mundo, carne, diabolo, & deliciis inferioribus præstigiolis & vanis afficiuntur, quam rebus supercælestibus, divinis, & veritate imbutis; quia scilicet spiritus existens ex parte materiæ mentem & animā negligit, & animæ animali seu elementari adhæret. At verò accēdit atq; expectate o terrigenæ, aulcultate, inquā, creaturæ divina ratione imbutæ, gaudete o homines, aut lætitia haud minima sitis perfusi. Nam totum illud, quod materia productione in animas vestras machinata est, discordiam suam seminādo seu incipiendo à sua dualitate, & progrediendo ad universalitatem & profunditatem suæ massæ versus basin suæ pyramidis centrum: id inquam, omne dualitas super substantialis (quæ est unitas & trinitas) sua harmonia per eosdem discordiæ gradus, vice versa à cono suæ pyramidis formalis versus ejus basin, mundo formalis affixā, ascendendo & insurgēdo dissolvēt, animasq; captas à tenebris liberabit, & tandē ad sedē suā connaturalē exaltabit. Nam radix in cono pyramidis formalis (juxta tertiam seu basin pyramidis materialis sitam) enodabit vincula tene-

tenebrarum mortisque venenum extinguet, & prima vice cubum materialem (resolutione mirabili in se dividendo) post corporis dissolutionem in quatuor elementa, subtiliando reduceat, animamque in regionem quadrati formalis seu sphaeram solis, seu sedem æqualitatis, seu punctum, seu centrum intersectionis duarum pyramidum exaltabit; Ubi adhuc laqueis quatuor elementorum retinebitur anima, nec totaliter liberabitur ea cum mente à suis vinculis; Unde radix formalis ad quadrati materialis dissolutionem adhuc tendet, atque ita dividendo numerum quaternarium elementorum in se, animam ab ejus laqueis materialibus omnino liberare, & in regionem formalem æternam cum beatitudine exaltate laborabit: Exultate, inquam, quia hæc, & tantæ efficaciz est immensa secundæ personæ in Trinitate potentia: hæc illius proprietates benigna, cujus conamen semper versatur ad liberationem animarum sanctorum hominum, ne tenebris perpetuò demergantur: Hæc sola hominum salus; Hic salvator, redemptor & pro iis mediator unicus. Atque hæc est illa expectatio exaltationis nostræ per fidem, quam habemus à Christo JESU, DEI verbo, qui est dux unicus, & radix sola, à morte & tenebris ad animæ tenebris immergi illuminationem & vitam æternam fastigium conducent, ratione ergo hujus cubi materialis, jactatus est talis à Mercurio Trismegisto sermo: *Quicquid utique genitum, imperfectum, dividuum, crescens & decrescens est.* Atque hic notandum, & diligenter seduloque observandum, quod omne corporis incrementum sit à materia, ejus verò decrementum à forma & à Deo. Nam ut materia tenebrosa agit ad animarum captivationem per reductionem unitatis ad multitudinem; sic etiam Deus & forma agit ad ipsarum liberationem à captivitate, reducendo eas à multitudine ad simplicitatem & unitatem. Ex his etiam diligenter consideranda sunt verba sapientis: Sapient. 9. *Corpus quod corrumpitur, aggravat animam & terrena habitatio d' primis sensum multa cogitantem, & difficilia æstimamus, quæ in terra sunt, & quæ in prospectu sunt invenimus cum labore, quæ autem in cælis sunt, quæ investigabis nisi tu dederis sapientiam,* &c. Hujus enim virtute vivificabitur regeneratio in hac vita, & in ejus spiritu resurrectionis ad vitam æternam.

CAP. VIII.

De proprietate numeri ternarii in Trinitate seu tertie personæ in mundi fabrica.

NUMERUS hic impar supersubstantialis est sacrosanctus, quo Deus gaudere dicitur, quatenus est numerus incompositus, sacer, potentissimus & perfectissimus, eatenus multa mysteria Deitatis comprehendit multaq; in mundi compositione æterna produxit: Nam in primis, quoniam Deus refertur numero ternario, ideo arguitur atque indicatur, quod hic numerus sit perfectissimus, quippe qui est pulchritudo perficiens principium, medium & finem & ipsa æqualia absolute habens: Cæteri verò numeri, qui habent tres illos perfectionis gradus, non eos absolute & simpliciter, sed respectivè & cōpositer. Proditigitur ternarius hic Deum principium, causam & formam à forma præcipuam, prodit perfectissimum à principio, medio & fine, ut, per quæ omnia, fine, ut in quo omnia; Ex quibus constat, numerum hunc esse abstrusissimum & admirabilem tertie personæ in Trinitate communionem & nexum indissolubilem, cum illa prima & secunda, perspicue explicante, omnesq; tres simul ineffabili unitatis nodo, nexuq; ejusdem inviolabili cōnectet. Hujus ergo spiritus sacrosancti seu personæ in Trinitate tertie officium versatur

circaperfectionē operationū primarum duarum: nam Spiritus spiratores semper comitantur in ipsorum actionibus: A patre ergo seu unitate ordinatio fit ad mundum fabricandum, hocque per filium. Mundum enim verbo & non manibus fabricatus, est opifex, hocque in virtute Spiritus sancti, qui ferebatur super aquas: Atque hoc omne paucissimis verbis confiteri videtur *David* dicendo. *Verbo Domini firmati sunt cæli, & spiritu alore ejus omnis virtus eorum.* Secundum hujus ergo numeri naturam mundus in tres cœlos est divisus; *Empyreum, Aethereum & Elementare*, quorum materia talem differentiam accipit, qualem habet à virtute ignea seu fulgore amatorio Spiritus Domini, qui ferebatur super aquas; Cujus virtutis intensior & superior potestas, regionis mundi superioris spiritum humidum excellenter subtilians, illum totum fulgoris & ardoris sui plenitudine igneum quasi reddidit. Unde appellatus est lux primo dicere creata & regio illam continens, inde *Empyreum* à *Pyras* quod est ignis dicta est, in qua tres sunt lucis partes ad unam spiritus humidi. Hujus etiam radii & virtute remissioni conflata est regio media, ubi duæ materiæ portiones adæquant totidem lucis, unde *Æther* dicitur, hæc media regio quasi *Æther*, hoc est, igneus ær. Deinde spiritus divini facultas ignea magis deorsum penetrans sed gradu adhuc remissioni tres in regione elementari spiritus materialis reliquit partes ad unicam lucis. Iterum quodlibet eorum cœlorum secundum Triadis ordinem subdividitur, superius nimirum in tres angelorum hierarchias, quæ iterum in orbes tres ad quamlibet hierarchiam pertinentes, distinguuntur, medium in tria sphærarum genera, quarum quælibet in orbes tres subdividitur, videlicet in primum mobile, cœlum stellatum, & sphæram Saturni, & in secundo ordine in sphæras Jovis, Martis & Solis, ac in infima serie in sphæras Veneris, Mercurii, & Lunæ, in infimum in elementum ignis, sphæram humiditatis & elementum terræ distribuitur, & iterum elementum ignis in partem ætheream, & partem elementarem, ac supremam æris regionem, deinde in duas inferiores æris regiones & aquæ sphæram, atque denique in tres terræ regiones, cætera duo dividuntur ac distinguuntur, in homine etiam præcipue operatur hæc æterna persona, cum ejus internum ad sanctæ Trinitatis ideam constituatur, videlicet ex mente, spiritu, & anima, externum ex ossibus, carne, & venis, & ex capite, thorace, & ventre. Ad generum etiam creaturarum terrestrium distinctionem operatur hic spiritus divinus, eas dividens in animalia, vegetabilia & mineralia. In cœlo denique supremo animantium genera discrepare facit ea in diversas naturas distinguens, in deos, dæmones, heroës, & animas (secundum *Jamblici* opinionem) atque ita in aliis infinitis.

C A P. IX.

*Quomodo cujuslibet cœlorum seu regionum mundi trium divisio
tripartita suo ordine personis tribus sacrosanctæ
Trinitatis correspondeat.*

Sed ut argumentis adhuc efficacioribus probemus mundum universum ad Exemplar trium personarum in sacrosancta Trinitate, & per consequens ad iconem & representationem Dei factum & formatum fuisse, reputandum erit, quod primum oculis spiritualibus cœli empyrei hierarchiarum trium proprietates & situs introspeciamus, easque in omni (hocque directo tramite) cum tribus Trinitatis personis convenire percipiemus. Nam in superiori hierarchia, *Epiphania* dicta, proprietas patris reperitur, cum hæc versetur circa ferventem

tem amorem & affectionem in summitate altissimæ motionis & in judiciorum particularium liberatione seu ponderatione: Hinc dividitur hæc hierarchia in ordines tali proprietate naturæ convenientes. Nam *Seraphini* qui est superior hujus hierarchiæ ordo) consistit ex multitudine angelorum, quorum est intelligere altissima, & igne essentiali Dei accendi, quatenus mundo formali proximi, & simplicissimo Dei habitaculo vicini sunt. *Cherubini* sapientia & scientia implentur. Et *Throni* judicio divino sunt repletissimi: Nam (ut *Isidorus* testificatur) Deus sedet ipsius in judicio suo, & per ipsos disponit omnia. Unde hæc hierarchia Deo Patri recte attribuitur. Secunda & media hierarchia *Epiphonomia* dicitur, quæ significat divinum splendorem & claritatem cum reverentia, in *Principatus. Potestates & Dominationes* divisa: Sic secunda persona, quæ est verbum, dicitur mundi lux, & rerum vita, quæ imprimis tanquam rerum actum revereri debemus. Tertia & infima *Ephonia* vocatur, quasi ad virtutes pertinet, quia sicut istius hierarchiæ sive sunt *Virtutes, Archangeli seu Angeli*, potestatem habent miracula præstandi, curandi ægitudines tam animi, quam corporis, hocq; super rationem naturæ, & mysteria demonstrandi, cui tertia persona refertur, cum Spiritu ab ore Domini omnes virtutes mundo attribuantur. Ex prima ergo hierarchia, tanquam ex fonte seu centro lucido, secunda tanquam splendor & lumen à corpore igneo procedit, & ut à lumine color oritur, sic virtutes à splendore lucis. Prima ergo hierarchia est quasi igneus ardor, secunda divina claritas, tanquam ab igneo ardore, & tertia, virtus secreta, tanquam calor ab utroque, videlicet igne & lumine. Quam manifestissimam ergo hic viderimus primæ & partium ejusdem cum Trinitate convenientiam. De hoc autem cælo in secundum profiliendo, ibi etiam trinitatem sub eadem relatione quam evidentissimè reperiemus: Nam in prima & suprema ejus triplicitate *primum mobile, cælum stellatum & spheram Saturni* complectente, proprietatē unitatis & patris percipimus, nā ut unitas est primus numerus, à quo ceteri numeri oriuntur, sic omnia in inferiora movetur virtute primi mobilis: Similiter ut firmamentū dicitur cælum ex stellis fixis conflatum, sic pater in sua natura fixus est, immobilis & nullo modo alterandus, ut in unitatis natura animadvertitur: Denique ut *Saturnus* dictus erat apud Poëtas Deorum cæterorum pater, sic ab unitate seu patre super substantiali duæ cæteræ Trinitatis personæ, filius, & Spiritus S. propagantur. Iterum secunda & media hujus cæli triplicitas secundæ Trinitatis personæ in sua dispositione comparatur. Nam ut *Jupiter* erat filius *Saturni*, sic secunda persona filius primæ, ut ille appellatur *fulminum pater* (tagittas fulmineas secum portans), sic etiam est hæc vox patris cum fulmine & tonitru egrediens, & separata ab ore patris viribus ingentibus & potentia ineffabili percutiens, ubi vult: Est etiam *Jupiter* assumatus pro justitia, benevolentia, religione, pietate, conservatore, & amico generis humani, humidique radicalis & calidi in natidistributore, qui ad vitam rerum facillimè se jungit. Filia autem potentiam incomparabilem, justitiam, benignitatem, religionem, pietatem, generi humano affabilitatem, operationem ad vitam ejusque præservationem infiniti sacrarum scripturarum loci luculenter explicaverunt. *Mars* etiam in eadem triplicitate repertus, filii potentiam & victoriam contra impietatis principem, & ejus sectatores, iniquitatis videlicet turbam arguit, cujus est bestiam, pseuðopphetam, orcum, & mortem ipsam superare. Denique *Soli* appropriatur secunda hæc persona sacrosancta multis modis: Ut enim ab *Apolline* harmonia mundana dicitur profluere, sis revera à filio, seu dualitate cum suo spiritu materiæ universalis symphonia (in Diatessaron, Diapente, & per consequens in Diapason, quod constat ex illis duobus) derivatur, ut supra declaratum est. *Sol* etiam secundum *Merc. Trismegist.* mundi materialis filius, & secundum *Platonem*, Dei immortalis

mortalis filius visibilis, dicitur, sic secunda persona filius est Dei invisibilis: *Sol lux mundi visibilis*, filius patris, lux invisibilis, cuique creaturæ dans essentiam: *Sol visus* dicitur in inferiora quotannis ad generationem implere, sed secunda divinitatis persona vitam & speciem rebus dedit in creatione, imò verò & solem ipsum constituit in cœlo, ut suam proprietatem ex officio inferioribus tam ad vitas illas generatione in rebus corruptibilibus præservandas, quam incorruptibilibus retinendas, implueret, quas in primordio, verbum illud divinum, seu secunda persona creaturis imprimebat & insculpebat. Infima denique hujus cœli triplicitas correspondet personæ terciæ creationis: Nam *Venus* dominium habet in humidam & calidam laticis inferioris naturam, æream nempe: *Mercurius* ventorum, flatuum, & spirituum dominator est (ut Astrologi testantur). Et *Luna* aquarum ac humorum frigidorum dominatrix: Sic etiam ex multis sacrarum scripturarum locis Spiritum aquis, & mari, ac fluctibus sonantibus, vinoque & flatui, ac vento referri invenimus, sic etiam dicitur *ferri in principio super aquas*, &c. Sidenique ad cœli elementaris contemplationem accedamus, & inquisitione ibi diligentem faciamus, percipiemus quidem, quod in tribus etiam ejus triplicitatibus tres personarum individue Trinitatis proprietates ordine suo proprio reperiantur: Nam primæ personæ ignea triplicitas refertur, quæ est luminis inferioris, quasi myrothecium & promptuarium elementum altissimum, subtilissimum, purissimum, potentissimum, actuosissimum & vivum: Sic prima persona est luminis universalis pater, altissimus, simplicissimus, potentissimus & actus velocissimus ac summus: Iterum igneum hoc elementum omnia inferiora impura consumit & destruit: Sic etiam dicitur, quod *Deus* sit ignis consumens, & tam subtilis, penetrans ac efficax, ut nemo mortalium eum in ipsius essentia videre, & vivere possit. Secundæ etiam personæ proprietates in triplicite humiditatis sphaera ære videlicet, reperitur: Nam ut aer immediate est ab igne (imò verò est ipse ignis spissus non aliter ex duabus partibus ignis confusus quam dualitas ex duabus unitatibus) ita in hoc secundæ personæ comparatur procedente ex patre igneo & amatorio: Deinde, ut aer est vitæ administrator in passivis, sic secunda persona seu verbum, in activis: Unde dicit *Mercurius Trismegistus*: *Verbum natura humida astant eam fovebat*, &c. Est ergo lux vitalis in spiritu, & calidum innatum in ære, qui ad Jovis radios relationem in consonantia Diapason habet, & per consequens personæ quælibet, proprietates superior cujuslibet cœli respondet ad proprietatem cœli inferioris, uti facta debita inquisitione, evidentissime apparebit. Denique tertia persona relationem habet tam ad ærem, quam ad aquam, & spiritum & ventos in terra inclusos, propter rationes superius allegatas. Est etiam & alia proprietatis trinx relatio descripta ab *Amos* Propheta in hæc verba: *Qui adificat in cœlo ascensionem suam, qui fundat fasciculum suum super terram, qui vocat aquas maris & effundit eas super faciem terræ*: Et iterum à *Jeremia* Propheta, in hæc verba, in eodem Propheta prædicti sensu ordineque simili: *Qui dat solem in lumine diei, ordinem luna & stellarum in lumine noctis, qui iurbat mare, & sonant fluctus ejus, Dominus exercituum nomen ejus*. Et à *Joël* Propheta in hæc verba non alio sensu, sed ordine: *Implebuntur area frumento & redundabunt torcularia vino & oleo*. In *Amos* & *Jeremia* ordo unus, sed præpositus, & ad distinctionem necessariæ operationis commutatus: In *Joël* verò permixtus: Horum locorum intellectum hoc modo nobis aperire videtur *Ordon Abba*: illos hoc modo interpretando: *Spiritus, qui vocat aquas iurbat mare, & implet torcularia vino*: *Filius qui fundat fasciculum super terram, dat ordinem luna & stellarum, & implet areas frumento*. Pater, qui adificat ascensionem, dat solem, & implet torcularia oleo, &c. quia oleum proprietate patri, qui benignus est, confertur, siquidem balsamum est omnia vulnera liniens, & dolores tollens, fasciculus frumentum omnium nutrit, ut filius, & Spiritus vitam administrat.

CAP. X.

De ratione secundum Matheſin, primum cur numero, & tum poſtea cur ternario deſignata ſit Deitas, ſimiliter cur ſecundum Logicos relatio Deitati attributa ſit.

JAm verò rationes in publicum producere nobis propoſuimus, primum, *cur Theologia DEUM numero deſignaverit*, deinde rationes geometricas producemus, cur illa *numerus ternarius*, ad exprimendum DEUM, primum omnium rerum formam, effectivè elegit, talique Deitatem dedicaverit. Primum igitur ſciendum eſt, Theographum Deitatem numero propter triplicem conſiderationem nobis declarare atque explicare voluiſſe, quarum eſt prima, ut ejus inhaitatem inde pate faceret, cum numero nihil ſit infinitius, utpote, cujus magnitudinis non eſt finis: *Secunda*, ut DEUM declararet præſcium; Nam *numerus ſuit* ut ait ſapiens, *principale in animo conditoris exemplar condendorum procul dubio*: *Ultima* ut DEUM indicaret immutabilem, nihil enim immutabilius uno, & propriatibus ejus, viſi ſupra dictum eſt: Nam quæ fuerunt, ipſæ ſunt; quæ ſunt, ipſæ fuerunt, & ſemper: Inſinuat igitur numerus Deum ſimplicem dum immutabilem, inſinuat ſapientem, dum præſcium, inſinuat incomprehenſibilem dum infinitum, inſinuat denique eum mirabilem & ſingularem, dum tria hæc.

Numerus verò *ternarius* præ cæteris eligebat Theologi, volentes, Deum primam eſſe formam omnium. Quod autem ſit formarum principium & prima atque ſuprema radix corporum evidentiffima demonſtratione geometrica docetur: Nam niſi figuram illam triangularem diligenti intuitu conſideremus, percipiemus quidẽ, eam in alias non reſolvi, nec uſiſſe obnoxiam principii, quatenus ipſa principium eſt cæterarum figurarum ad compoſitionem, ad reſolutionem verò finis: Nam tetragonæ & pentagonæ & figuræ reliquæ ab ipſa prodeunt & redeunt in ipſam, quatenus ex ſuperficie hac, quæ eſt lineatorum principium, neceſſe eſt, ut tam cæteræ ſuperficies omnes, quam corpora ex ſuperficiebus conflata deriventur, in quorum diſſolutione iterum acceſſerint, ut ad ſuperficiem illam triangularem redeunt: Tali igitur eſt Deus, à quo omnia, & in quo omnia reſolutoria ſimplicitate complicantur. Denique quicquid eſt, ſuſcipit à forma id eſſe, quod eſt, & non à materia, ipſa quoque materia ſuum eſſe à forma ſuſcipit, forma porro inſuſceptibilis eſt accideſſarium. Ex hoc igitur, quod ternarius eſt principium formarum, inſinuat mira & ſecreſſima veritate cauſam & principium univerſalitatis & differentiz inſuſceptibile, quod ſit ſolum & verè unum. Iterum declaratur, quod numerus hic ternarius maxime proprie Deo ſoli adaptetur, eo, quod eſt numerus perfectiſſimus, omnia complens. Nam eſt pulchritudo, perficiens principium, medium & finem, & ipſa æqualia & abſoluta habens, dum e contra numerus binarius hiſc tribus ſpoliatus incedit, non habens principium vel finem quia non intereſt medietas & per conſequens hoc ſacroſancto perfectionis dono deſtitutus. Cæteri numerorum, quotquot tenent principium, medium & finem, non habent illam perfectionem abſolute & ſimpliciter, ſed compoſitè. Prodit igitur numerus ternarius DEUM, principium & cauſam & formam à forma præcipua, prodit perfectiſſimum a principio, à medio & à fine; à principio, ut à quo omnia, à medio, ut per quem omnia, & à fine, ut in quo omnia. Amplius propter hoc item numero

numero tali, quod taliter tali relationi similis est, vel dicitur in Triade monas, quasi per se reperitur, & dias quasi per se, sicut etiam in Trinitate, quasi Dias per se, ut Pater & Filius, & rursus, quia per se monas, ut Spiritus sanctus. Pater igitur & Filius relatione sibi respondent, & non Spiritui. Spiritus quasi per se nec ad Patrem nominatenus est referendus, nec ad Filium. Significatione igitur refertur, ut *Spiritus Spiratoris Spiritus*, & *Spirator Spiritus Spirator*: Spirator est Pater & Filius, nec spiratores duo, sed unus & unus spiritus.

Relativa denique prædicatione utitur Theographia, volens DEUM demonstrare concordem sibi, imò verò, ut indicet, eum esse ipsam concordiam & connexionem plenam ac singularem: *Quæcunque enim Pater facit, hæc & Filius similiter facit, & eadem operatur unus atque idem Spiritus, devidens singulis prout vult.* Concordia incomprehensibilis & singularis connexio, ut magis & unus sint unum plures in identitate personæ, imò plures Deitas personæ, quam prima Spiritus unus & Angelici; Denique exsuperat omnem sensum. Hæc est, quæ vivificat discretæ, & quæ repugnantia cogit in copulam: quod comperiendum est ex relativis, quæ mutua responsibilitate congaudent, quæ cognitione potius, quàm separatione sua prædicatione relativa utuntur, volentia DEUM intelligi invariabilem, cui nec succedere nec accedere possibile sit aliquid mutationis; majestas una, voluntas una, operatio una trium unus, apud quos unum nō est transmutatio, ut desinat esse, quale fuit, nec vicissitudinis obumbratio, ut intermitat nunc, nunc redeat in id, quod fuit. Suscipit denique Theologia relativam enunciationem, suscipiens DEUM in suspicabilem, in circumscriptibilem, nec vocabulo significabilem, nec intellectu comprehensibilem. Nam relativa demonstrationem rei minimè taxunt, non componunt definitionem, substantiam non declarant: sic servus & dominus, sinister & dexter, non quid sit, sed potius ad quid tantum significant, sic non est illatio a relatione ad substantiam, nō quia Pater est Deus, & Filius est Deus, & Spiritus sanctus est Deus, idè tres sunt Dii. Pater igitur & Filius non in eo, quod, sed, ad quid est, ut notum est, prædicatur, ut Pater Filii pater, & Filius ut Patris Filius, & de Spiritu, ut definitum est de illo. Proxius si relativam discretionem differentis substantiæ ponerent, consequens videretur, si Pater est Deus, & Filius est Deus, & Spiritus sanctus est Deus. Ergo tres Dii non unus, quam à Deo relativam non ponunt, ut plura in unam rem convenienter conveniant, ne eam faciant discreter, quamvis alter ipsorum auferatur ab altero. Separatur igitur vocabulum Patris à Filio, & Domini à servo, & è contrario totum, & tum est aliquis Pater & Filius & Dominus & servus, &c.

C A P. XI.

*Quomodo quadratum & cubus reperiuntur in sacra natura
super substantialis Trinitate.*

DE numero sacrosanctæ Deitatis ternario, qui est omnium simplicissimus, perfectissimus, absolutissimus & radicalis, superius amplè, licet sermone rudis, tractavimus, ubi numerum sanctum ante omnes numeros secundum locum post unitatem unitatum sibi vindicantem, ita esse unitatē summæ conjunctum declaravimus, ut non mera dualitas sit, quæ in se pro numero imperfectissimo æstimatur, quoniam unitatum consilio, ut volunt Pythagorei, sed etiam trinitas & unitas, quatenus est medium, participans de perfectissimo & completissimo utroque extremo, quid enim unitate absolutius? quid numero ternario completius? Cum unitas extra suam naturam nunquam moveatur, & trinitas

totius

totius perfectionis naturam in se comprehendat, principium omnium in unitate, medium in dualitate, & finem in seipsa. Et tamen semper ibi finitur & terminatur, ubi in Deitate superessentiali incipit. Non enim est Spiritus s. natus, Spiritus Patris solius, aut Filii solius, sed utriusque simul. Quare unus est Spiritus in essentia sua, quamvis proprietate tertium sibi locum vindicare videtur. *osculissima & indissolubilis concordia!* O unitas unitatum indivisibilis, quæ cum sit trina est tamen una, cum una, trina. At verò, quoniam unitas non est numerus, sed numeri principium, nec dualitas, nisi unitatum confusio, cui per se nec est medium, quia non finis. Ergo numerus ternarius primus numerorum perfectiorum reputatur, imò verò est vera & perfectissima radix, ex qua quadratum & cubus perfectionis oriuntur: habet enim principium, unitatem nempe, possidet etiam medium, videlicet dualitatem, & finitur in seipso, qui est ternarius unitus. Unde liquet, quod, ubi incipit, ibi iterum desinat, & consequenter patet, quod sit numerus completissimus. Hic ergo numerus est quadratillius abstrus & cubillius mysticæ radix, in quibus totius fabricæ mundanæ arcana delitescit: Nam ut mundus dicitur imago Dei & Trinitatis, sic quidem ad numerorum divinorum exemplar mundus & ejus compagine, quam exactissime constructæ fuerit, ut infra verbis uberioribus & affatim depingemus. Ternarius igitur numerus divinæ essentiae in se ductus producet 9. pro quadrato formali, qui quidem numerus productus, si in eadem radice iterum multiplicetur, cubum divinum 27. patefaciet, qui est totius mundi mensura & proportio à sede substantiæ ad universæ machinæ centrum æstimando sive commenfurando.

C A P. XII.

Quod novem digiti sint numeri simplices & divini, & Trinitatis essentia maxime proprie attribuendi; Numeri verò denarii simpliciori & subtiliori mundi compositioni, & centenarii media ejus fabrica, atque millenarii gressorum elementorum, & elementatorum constitutioni referendi sint.

Cum ergo unitas sit omnium numerorum fons & origo omnium rerum, tam increatarum quam creatarum parens atque progenitor (ut in supradictis relatum est) sequitur, quod omnes digiti seu numeri simplices ab ea simplici parte derivati, ipsiusque quasi ministri seu pedissequæ non ineptè sint dicendi: Imò verò hi numeri verè virginei & numeri per se vocandi sunt, quatenus copulæ non admittunt, aut alterius ad junctum ad rei valore significandum; quippe qui foret studio suum ab unitate fortissima acceperunt, cujus virtute tales existunt, quales sunt. Hinc ergo hi numeri merito simplices appellatur, à simplici siquidem radice per lineam seu seriem simplicissimam usque ad punctum denarii profucentes, in quo unitas suum ordinem simplicem duplicare, & quasi in primam compositionem inire solet. Hic ergo numerus novenarius circa essentia: supernaturalis mysteria, acul dubio in primis versatur, quoniam quilibet horum novem digitorum per se in sua natura simplici consistit, & non minus indiget ope alterius figuræ Arithmeticæ, quam quælibet Deitatis proprietatis sua absolutissima, perfectissima & simplicissima natura abiqua materia interpositione gaudere solet. Horum igitur digitorum tres primi superexcellētissimi sunt, harmoniā in essentia formali peracutissimā & perfectissimā efficientes; atque ut diatellarō est prima symphonia consonantia ab unisono featuriens, sic etiam numerus ternarius est prima harmonia perfecta ab unitate derivata. Secunda verò ex ternarii numeri quadrato exultat, in qua Diapente & Diapason comprehenduntur, ut in numeri septenarii explicatione inferius succinctè, sed exactè ostendemus. Ex simplicibus igitur numerorum divina Trinitatis harmonia, Musica

illa tam mundana quàm humana exorta est. Nam ut simplicissima atque acutissima harmonia est cum Deo (ubi nulla est passio, sed omnis lætitia & gaudiū) atque hæc harmonia consistit ex tribus consonantiis symphonicis, omnesq; hi numeri & consonantiæ sunt in unitate, sic etiam Deus unus impassibilis, constantissimus, & immobilis in unum mundū suæ Musicæ concordantiam idealē influxit, in materiam scilicet informem, passibilem, inconstantem & mobilitati obnoxiam, ut sono & vocis harmoniæ manifestior, constantior, formaliorq; & pulchrior existeret. Ejus ergo vox acutior in ternario numero consistens & diatessaron sonans, ex cœlo empyreo discordem tenebrarum immunditiam & deformitatem materiæ rebellantem expulit, & deorsum versus centrum percussit, spatiumque illud in tres hierarchias secundum Trinitatis ordinem divisit. Iterum ejus vox in Diapente sonans ab alto dissonantem cœli ætherei regionem sibi consonantem reddidit, uti & graviori ejus sonitu (in Diapason consistente) cœlum infimum, quod elementale appellatur, ad integram suam munditiam reduxit, sed de his infra latius & luculentius. Hi autem digitus seu numeri sacri (ultra simplicitatis suæ medium ducti seu extensi) nō ad mundum hunc trinum, Deiformem, simplicem & merè formalem, sed ad mundi materialis & cōpositi commenturationem pertinent; quoniam cubus solummodò ad res materiales & corporales refertur. Si igitur res creandas considerando, profundiusque eas inspiciendo, cubū numeri ternarii produxerimus, mundi universi proportionem à sancta Trinitatis dispositione dependere reperiemus, videlicet 27. cuius quadratus est 9. Ex quibus constabit, quod novenarius numerus (qui est Trinitatis quadratum) dominiū habeat particulare circa cujuslibet mundi regionis in suas phæras & orbes distributionem, nō tamē in simplici sua dispositione, qualiter reperitur in formali mūdo, sed in sua natura cōposita, scilicet in denario, cētenario aut millenario, quatenus reperitur in mundo composito, cujus officiū est regiones distinguere & terminare. In denario verò numero unitas non simpliciter agit, sed se conjungit cum cyphra, non quod cyphra per se aliquid potest, quippe quæ sic accepta nihil importat: nam ut de suo nihilo in aliquid reducat, necesse est digitū ei addere. Sic unitas conjuncta cum cyphra seipsam decies multiplicat in additione cum ea, juncta cum duabus cyphris se centies multiplicat, si cum tribus, millies. O quantum ergo hic jacet naturæ mysteriū, pyramidales nostras materiæ & formæ descriptiones sæpius allegatas explicās: Nam hinc innoteſcit, quod nihil absque præſentia unitatis sacrosanctæ existere possit, ipsa enim est causa multiplicationis materiæ in mundo composito & sine ipsa nullum omnino incrementum rerum, nihilque in mūdo permanere potest. Nā unitas in conformi suo palatio non utitur cyphra, quia ibi nulla est materia multiplicationē appetens, ibi nulla cōpositio, sed se unit solummodò cyphræ in mundo cōpositionis, ubi materiā informē invenit, eamq; more symphonico (ut rem in tenebris incarcerationam, & in sola potentia ad aliquid existentem) in actum virtute ineffabili producit. Nam quid, obsecro, aliud est cyphra per se, quàm nihil in potentia, ut dictum est? quid materia hylæ etiam præter hoc idem nihil? At verò, si unitas simplex vel multiplicata cyphræ adjungatur, multitudinem significabit, sic etiam, si forma divina materiæ informi assistat, tunc illa aliquid erit in actu & pro simplici aut multiplici formæ illius assistentis proportionē & gradu, multitudinem majorem aut minorem significat in materia. Sic numerus denarius in cyphris deorsum semper multiplicando tendens, augmentat cyphrarum sibi junctarum multitudinem; sic etiam materia deorsum magis tendens & elongata à fonte unitatis crassior & densior est, & magis in sua natura multiplicata, ut in demonstratione nostra ex pyramide materiali facta & infra descripta declaratū est evidenter; cujus conus est in mūdi peripheria à qua denarius numerus multiplicatio descendit) ejusque basis est in terra, ad quā

materia

matet: & seicrescendo) immergit; Atque hoc modo Deus Pater & unitas & rerum genitricum autor dicitur, quoniam est causa existentiae & multiplicationis materialis. Nam propinquior ejus praesentia spiritus materiales rarefacit & dissipat, eosque magis ad unitatis essentiam tendere facit, praesentia autem ejus remotior est occasio multitudinis materiae: Unde unitas est causa per se multiplicationis formarum, & per accidens multiplicationis materiae: Attamen materia utitur forma ad suam multiplicationem, sine qua augeri atque amplificari aut existere nequit. Et tamen forma multiplicatione est ad salvandam materiam, eamque liberandam à tenebris, sed vice versa materiae multiplicatio est ad impediendos formae actus. O nimia materiae ingratitudo, quae benefactori & creatori suoresistit, cum tamen & vim suam resistentiae & vitam suam ab illo ipso acceperit. Sed talis erat malevola ducis materiae conditio Luciferi & Diaboli, nempe, qui cum suo Creatore in primo quidem mixtu (superbia aut malitia elatus) contendens, & proinde victus atque à caelo dejectus, materiam suam visceralem ad eandem rebellionem quotidie excitare atque exagitare gestit. Quid ergo, o misera materia, tantopere formam divinam appetis, cum tamen ejus unitatem tanto odio habeas? Falleris, o materia, te fallit dux tuus, sua ruina intumescens, tibi simulans, vitam rerum esse mortui originem, cum vice versa verum mortui supplicium nihil aliud sit, quam in tenebrarum voragine submersio. Cave, inquam, ne unitas vitae splendendum suum à te avertat vultum, eaque ratione in tenebrarum oblivionem & deformitatem iterum detrudaris: Non sis ergo o corpus humanum, tibi ipsi tam adversum, ut lumen & scintillam claritatis & vitae tuae ab unitate formali derivatum, tam leviter pendas, tamque hostiliter cum ea agas, sed eam fovendo, radici & fonti ejus gratias assiduas pro ea rependas, ut ab ejus tandem scaturigine plenam informationem, purificationem, illuminationem & resurrectionem ad perfectionem angelicam adipiscaris. Sed quo nostram nunc ducit & rapit Musam suavissimam atque amoenissimam Divinitatis ardor? Ad rem nostram praemanibus agitam redeamus. Ab unitate ergo in numero denarius disposita est materia mundi superioris ad compositionem; quoniam ut denarius numerus immediatè succedit novenario, sic etiam primae mundi regionis natura in puritate & simplicitate magis accedit ad naturam unitatis, quam aliqua alia inferioris ejus portio. Nam ut primatius novenarii numeri ordo ex simplicibus digitis constitutus circa solius Deitatis potentiam versatur; ita secunda unitatis repetitio, progrediendo cum unica sola cyphra ad compositionem secundae seriei novenarii numeri, semel compositi, conducit proportioni caeli empyrei in compositione; & tertia ejus repetitio seu additio cum duabus cyphris perfectioni caeli medii confertur. Denique quarta cum tribus cyphris circa caeli infimi complementum versatur. Unde liquet, quod cubus ex numero sacrosancto ternario resultans atque editus per universam mundi capacitatem expandatur; imo verò etiam ad mundi centrum penetret, atque seipsum dispergat. Unde Deus etiam in tenebris existere dicitur, & tamen tenebrae non sunt tenebrae ei. Psalm. Hinc igitur Deus ubique esse observatur, nec quicquam est, ubi ipse non est & extra ipsum est nihil, cum ipse sit Monas monadum sanctissima, ultra quam nihil est. Quid enim unitate prius? Et per consequens, ipse omnia comprehendit in se & sub se. Ex horum igitur numerorum concatenatione patet, quanta sit materialis pyramidis in qualibet mundi regione proportio, videlicet in superioris simplici, ubi simplex cyphra reperitur, in media dupla, & in infima sesquialtera. Simili etiam ratione (vice versa numerando) in formali pyramide mul-

tiplicatio formalis incipit à cœtero basis pyramidis materialis, inde dissolutio-
nis materialitatis proportionibus significando, quibus recedendo à multitudine,
unitatis jugum insurgamus. Constat denique ex his, quæ dicta sunt, quod nu-
meri denarii simplicis compositionis sint tanquam lineæ, ex quarum quadra-
tura fiant superficies, vel ut unitates, quæ ductæ in se quadratos numeros pro-
ducunt, & quod numeri centenarii sint quasi radicalium linearum in se ducta-
rum superficies Geometricæ, vel quadrata radicum in se multiplicatarum, ac
quod denique numeri millenarii sint quasi cubi immediatè procedentes à
quadratis. Quare compositio cœli supremi est simplex, ut linea producta à
puncto divino, vel ut numerus denarius à valore digitorum simplicium, ab uni-
tate superessentiali profluentium. Et mediæ cœli constitutio se habet, ut super-
ficiens ad suam lineam, & ut quadratum ad suam radicem. Denique cœlum in-
ferius refertur ad medium seu cœli mediæ constitutionem à qua promanabat, ut
ad quadratum, vel ut corpus refertur ad superficiem suam, cujus multiplicatio-
ne productum est. Est igitur cœlum tertium rerum compositarum altitudo &
longitudo, medium verò earum latitudo, & infimum earum profunditas. At-
que hoc idem est, quod sacræ Scripturæ testantur dicentes: *Omnia firmata esse
numero, pondere & mensura*, vel secundum Platonem: (quod idem est) *numero, signi-
ra & corpore solido*. Sic in mundo supersubstantiali ab Uno egressa sunt Duo, à
duobus Tertium, quæ quidem tria & ineffabili sua dispositione extra suum
mundum supersubstantialem deorsum prospicientia & in materialem mun-
dum jucundissima harmonia prosilientia, mirabilemque in modum per univer-
sam materiam expansa, xristianam suam operationem in ea executæ sunt: Unde
res omnes numero, mensura & pondere ex nihilo productæ sunt.

*Demonstratio luculentissima numerorum formalium, tam in personarum
DEITATIS ante mundi creationem ab unitate supersubstantiali profluxu,
quam in cosmi & creaturarum ejusdem tempore creationis promanatione: U-
bi declaratur, quæ ratione primum digiti formales ab unitate supersubstantiali,
deinde articuli, & tum postea numeri centenarii, atque denique
millenarii ad diversam mundi consistentiam
producantur.*

Vide

*Vidi Jehovah in altissimo throno super palatium mundatum elevato sedentem: illudq;
palatium erat gloria conditoris plenissimum. Esaiæ 6.*

Rad
3
Quadr
9

Cub
27

A		E		C	
1	10	Seraphim	26	90 00	
2	20	Cherubim	25	80 00	
3	30	Throni	24	70 00	
4	40	Dominations	23	60 00	
5	50	Principatus	22	50 00	
6	60	Potestates	21	40 00	
7	70	Virtutes	20	30 00	
8	80	Archangeli	19	20 00	
9	90	Angeli	18	10 00	
10	100				
11	200	Primum mobile	17	900	
12	300	Calum stellatum	16	800	
13	400	Saturnus	15	700	
14	500	Jupiter	14	600	
15	600	Mars	13	500	
16	700	Sol	12	400	
17	800	Venus	11	300	
18	900	Mercurius	10	200	
19	10 00	Luna	9	100	
20	20 00	Ignis	8	90	
21	30 00	Superior Aeris regio	7	80	
22	40 00	Media Aeris regio	6	70	
23	50 00	Infima Aeris regio	5	60	
24	60 00	Aqua Salva	4	50	
25	70 00	Aqua Dulcis	3	40	
26	80 00	Regio Vegetabilis	2	30	
27	90 00	Regio Mineralis	1	20	
28	10000	Regio Terræ	0	10	
B Terra		F Terra		D Terra	

A.B. *Pyramis materialis*, in cuius profundum anima ab unitate seu fonte formalis egreditur, proportionibus radicali quadrata aut cubica submergitur.

C.D. *Pyramis formalis*, cuius actione circa dissonantem (vincula materialia corrumpendo) versata anima Pyramidis materialis à multitudine & profunditate, ad unitatem gradatim & proportionaliter reduciitur.

E.F. *Mundi proportio* ex duobus predictis Pyramidibus simul unitis conflata.

C A P. XIII.

De numero septenario, & quandam mysteria sub illo comprehendantur.

Numerus septenarius resultat ab unitate, numero binario & quaternario, ex quibus nascitur Diapason, quæ est harmonia perfectissima; cuius virtute & proportionem Deus ex suo folio immortalis simpliciterque formali in orbem universum mundi materialis res informando & componendo descendit. Quare hic numerus in creationis mysterio potens erat atque efficax & circæ sanctas versabatur, diciturque *numerus quietis*. Nam septimus dies erat dies Sabbathi. Numerus etiam perfectionis nuncupatur, quia ultra contopantiam Diapason (quæ ex septem constat intervallis) non est transitus simplicium in harmonia. Similiter est numerus benedictionis & beatitudinis. Unde Poeta: *O terq; quaterq; beatus*. &c. Porro etiam materia mundi informis huius harmoniz perfectione beatificatur. Pythagorici etiam hunc dixerunt numerum virginitatis, quia primus est, quatenus neque generatur neque geherat, neque etiam potest in duas partes dividi æquales: Præterea vocatur numerus iuramentis. Sic Abraham, quando pepigit fœdus cum Abimelech statuit 7. agnos in testimonium: Est etiam numerus sanitatis & mundationis à morbis immundis. Sic dixit Elizeus Propheta Naamani leproso: *Vade, & lavate septies in Jordane*: Quin etiam numerus sanctitatis & laudis appellatur, unde dixit Propheta: *Septies in die laudem dixi tibi*: Vocatur etiam ultionis & punitionis numerus, unde scribitur: *Septuplum ultio dabitur Cain*, Et alibi: *Septuplum punietur Cain*. Ex alibi: *Septem vindictas ex solvet, qui occiderit Cain*: Porro etiam est numerus salvationis mundorum: septena enim ex omnibus animalibus mundis introducta sunt in arcam Noë: Est numerus servitutis, ut septem annis servivit Jacob pro Lea: Est numerus destructionis & ruinae, ut septimo die, ruptis omnibus abyssi fontibus, aqua inundavit super terras: Est numerus luctus, ut septem diebus populus luit Israellem, &c. Est numerus criticus ab omnibus Medicis observatus, ut, Et septima hora reliquit febris filium reguli. Et infinitæ aliz observationes in hoc numero abstruso & mystico excogitari possunt, quas omnes hoc loco exprimere tam laboriosum mihi, tum lectori rædiosum fortassis foret: Ut numerum etiam planetarum anni climacterici septem statum septem metallorum, & innumera alia relinqua. At queratio (ni fallor) harum omnium septenarii numeri proprietatum, cur scilicet tam in bonum quam in malum versantur, est, quoniam hic numerus participat cum natura lucis, formæ, perfectionis & puritatis, quatenus prior ejus compositionis pars est numerus ternarius, & partim ex natura materiz tenebrarum, cum posterius ejus numerus, nempe 4. sit numerus imperfectioris & immunditiz. Egitur hic numerus tum autor vitæ & compositionis, tum autor mortis & dissolutionis, quatenus scilicet componitur ex primo impari, videlicet ex ternario numero vitæ & primo pari, videlicet quaternario: nam numerus binarius à Pythagoricis non appellatur numerus, sed unitatum confusio. Ex impari ergo, veluti activo, hoc est, forma & ex pari veluti ex passivo, hoc est, materia,

teria, generantur res omnes, & eadem etiam viâ dissolvuntur, sed generatio & vita est lumen supernaturale & vis unisonans, corruptio autem est de inferis & de nocte ac tenebris dilanantibus. Hinc est, quod secundum doctrinam *Orphei, Hesiodi, Euripidii, &* aliorum, Sol divinus in archetypo sit, à quo omnis pulchritudo, omnis ornatus, omnis harmonia & vitæ securigo est; in cuius dextra est pietas, benignitas & beneficentia; in sinistra punitio severa. Hunc vocant *Phœbum, Apollinem, & Solem*, quem dicunt *Grasias & Charites* in manu dextra portare & in sinistra arcum & sagittas, quem nocte nuncupaverunt *Dionysium* dilanantem & dilacerantē, ac seipsam rumpentem in septem partes; & diurno tempore illum *Apollinem* nominaverunt, ea iterum componentem, quæ nocte dilaceraverat, illaque in partes septem dividentem. In nocte ergo disrumpit atque dilacerat & in die res unit, quasi depellens mala. Ob hanc igitur causam ab Atheniensibus *Alexiacos*, id est, malorum propulsator & ab *Hamero Tyrio*, hoc est, autor sanitatis appellatur. Cum his etiam convenire videtur illa *Pythagoræ*orum opinio, qui *mundum & animam septem limitibus incluserunt. Primo* loco præponentes unitatem, quasi gradum extremum animæ & mentis, per quem illa continet supremam unitatem in Creatore, & facta est una & eadem cum illo; nam omnes res præexistentes in Verbo, fuerunt unum cum illo Verbo secundum *Theologos. Secundus locus* (continens duplam proportionem comparatus ad primum) denotat progressum animæ seu mentis cum Deo. *Tertius* demonstrat ingressum in seipsam, atque ita describitur personarum Trinitatis egressio, quæ scilicet in aliam atque tertiam iterum in unitatem re versio. At jam ad Spiritus Domini in massam imperfectam emissionem pervenitur, atque ita ad quaternarium numerum proceditur. *Quartus* significat egressum, quem facit seipsa, ut circa res creandas, & adhuc informes versetur. Atque sic in *quinto, sexto & septimo* (qui duo ultimi limites seu loci consistunt ex numeris solidis) denotat conversionem corporum, quibus conjuncta est anima, dico corporum: nam mundus est duplici corpore, videlicet ex incorruptibili & cœlesti, atque ex corruptibili & elementari consistit: Sic etiam homo ad retinendam perfectam mundi imaginem, secundum *Platonicos*, factus est de duplici corpore, elementari uno, alio cœlesti. Elementare notatur per cubum seu solidum de binario, quod designat materiam, & cœleste per cubum de ternario, quem quidem cubum nos superius diximus esse potius superficiem seu numerum quadratum, propter rationes à nobis ibi allatas. Nam quamvis elementa spiritui alia sint in se corpora humida, tamen si æther & aer & ignis corporibus solidis comparentur, se habent ad ea, ut superficies ad corpus, vel ut quadratum ad cubum.



C A P. - XIV.



De admirabili numeri septenarii proprietate atque mutationibus in suo quadrato: De numero ejus quadratum implente: & de basi inde derivata.

Nonequidem est dubitandum, quin ingentia in hoc numero septenario deliteant arcana, cum ille frequenter tam in mysteriorum divinorum actu, quam in aliis naturæ & humanæ necessitatis seu consuetudinis negotiis apud sacra Biblia usurpetur. Nec certè dicant homines stultorum atque ignorantie vestigia calcantes, non magis in hoc numero esse arcanum, quam in cæteris, atque per consequens, frequentem hujus numeri in sacris literis repetitionem nihil magis abstrusi significare, quam numeri alicujus alterius. Nam ut de inon-

stratione

stratione evidentissima refellam hanc eorum credulitatem sive erroris confidentiam, hoc in loco admirabilem numerorum septenariorum concatenationem, convenientiam atque haud credibilem apparitionem & profluxum ex ipsis invicem congregatis ostendam: Nam in 175. (qui est basis numeri septenarii) invenimus septenarium numerum, quam exactissimè 15. vicibus. Similiter septem in se ducta per septem producent 49. ex cuius numeri partibus progressionem Arithmetica consideratis & quadrato modo dispositis, miraculoso quodam more septenarii basis, videlicet 175. (ex quolibet quadrati puncto ad ejus appositum progrediendo) exultat. Verbi gratia:

Quadratum septenarium.

	<i>2</i>	<i>c</i>	<i>e</i>	<i>g</i>	<i>i</i>	<i>l</i>	<i>n</i>	<i>h</i>
<i>p</i>	22	47	16	41	10	35	4	<i>a</i>
<i>r</i>	5	23	48	17	42	11	29	<i>s</i>
<i>t</i>	30	6	24	49	18	36	12	<i>u</i>
<i>w</i>	13	31	7	25	43	19	37	<i>x</i>
<i>y</i>	38	14	32	1	26	44	20	<i>z</i>
<i>Y</i>	21	39	8	33	2	27	45	<i>8</i>
<i>II</i>	46	15	40	9	34	3	28	<i>ed</i>
	<i>b</i>	<i>d</i>	<i>f</i>	<i>h</i>	<i>K</i>	<i>m</i>	<i>o</i>	

Hic ergo in praescripto quadrato videmus progressionem factam esse (quamvis male dispositam) ab 1. usque ad 49. ita ut septem in se ducta proferant numerum sua progressionem quadratum implentem. Si igitur per lineam rectam ducti procedamus ab uno angulo vel puncto lateris alicujus ad latus vel angulum ei oppositum, producetur basis quadrati septenarii, vigesies & quinques septem in se exactè comprehendens. Sic ab *a* ad *b* transseundo reperiemus hos numeros 22. 5. 30. 13. 38. 21. & 46 qui simul additi producent 175. Sic etiam numeros colligendo inter *c* & *d*, qui sunt 47. 23. 6. 31. 14. 39. & 15. oriatur eadem basis. Similiter addendo numeros simul inter *e* & *f* reperiuntur scilicet 16. 48. 24. 7. 32. 8. 40. hæc eadem basis proveniet. Porro etiam aggregando numeros inter *g* & *h*. Et illos inter *i* & *k*. Sic etiam eos inter *l* & *m*, aut inter *n* & *o* hanc eandem basin

fineliciemus. Iterum progrediendo ab angulo Φ ad illum Θ ei oppositum, & ab angulo Π ad illum Γ ei aduersum, eadem basis exultabit. Sic etiam latea respiciendo, numeros inter p & q & illos etiam inter r & s , similiter t & u , & inter w & x & inter y & z , & inter v & ψ & inter Π & Σ , eandem unicam basin debita sua positione & in unum coagmentatione producere reperiemus, quod quidem pro miraculo haberi potest. Hinc igitur admirabilis numeri septenarii mutabilitas & varietas oculis manifesta, mirabiles procul dubio illius effectus atque virtutes occultè delitescentes (de quibus capite superiori aliquid verbo locuti sumus) sapienti quodammodo patefacere videtur. Imò verò, quanta sit in huius numeri septenarii basi perfectio, quantàmque huius numeri completio vitæ humanæ importet felicitatem nobis luculenter arguere videtur benedicta illa *Abrahae aetas, consistens ex 175. annis*, de qua Scripturæ lacte sanctæ sic loquuntur Gen. 25. 7. *Fuerunt autem dies vite Abrahae centum septuaginta quinque anni, & deficiens mortuus est in senectute bona, proveltaq; aetatis & plenius dierum &c.* Unde liquet, quod hic numerus revolutionum solarium producat ætatem proveltam, senectutem felicem & dierum plenitudinem, atque exinde patet, quod infinitum sit mysterium in huius numeri septenarii consideratione: Imò verò & ipse hominem doctissimum novi, qui virtute huius numeri septenarii, cuiusdam quasi oraculi assistentia, quæstiones dubias atque anceps resolvere non dubitavit, atque etiam de occultis tam præsentibus, quàm futuris quodammodo divinare pollicitus est.

C A P. XV.

De numerorum divinorum mysterio in creatione.

Numeros simplices seu digitos essentia supernaturalis referri & ad regionem supercoelestem, quæ quidem infinita est, pertinere supra memoravimus, hic verò de divina quinarîi, atque tum demum denarii numeratione tractare nobis proposuimus. Equidem, ut monadem sive unitatem esse omnium numerorum fontem, atque originem supra demonstravimus, utpote à qua *Dias*, non tanquam numerus, sed unitatum confusio, derivatur, quatenus bis unum in se coninet, quam & propterea numeri imperfecti principium esse diximus, quoniam adest ei initium & medium, deest tamen finis, non aliter, quam ternarium numerum numeri perfecti exordium nuncupavimus, quatenus habet a se principium, medium & finem, ac proinde inter numeros perfectionis habetur: sic diximus, quod ad horum trium terminorum respectum, videlicet ad 1. 2. 3. sit per omnes alios numeros in infinitum progrediendo relatio. Ut igitur unitas est radix numeri primi perfecti, videlicet ternarii, qui significat formam universalem. (Nam quid interest ut sit *Deus* tanquam unitas, & spiritus universalis in potentia tanquam dualitas, si iste spiritus ab illo *Deo* non informetur & inactuatur, ut dualitas in Trinitatem tandem perficiatur) sic etiam dualitas est radix numeri imperfecti quaternarii, scilicet & eorum, qui inde oriuntur. Atque hinc est, quod, ut 3. se habent ad 1. sic in eadem proportionem 5. ad 3. & 7. ad 5. & 9. ad 7. Similiter, ut unum se habet ad 1. sic 4. ad 1. & 6. ad 4. & 8. ad 6. secundum quas progressionem simplices, omnes aliæ compositæ eliciuntur, sed harum perfectio est unitas. Quare, ut in medio motu ab unitate imperfectio oritur, sic ejus additione in fine tertius terminus profertur, à quo numerorum perfectiorum primus oritur, videlicet ternarius. Unde patet, quod tam imperfectio, quàm perfectio, hoc est, tam malum quoad nos, quàm bonum profuatur à manibus Dei seu unitate, in cujus potentia est illud, quod malum est,

G

virtute

virtute sui spiritus bonum & completū tam sibi quam hominibus reddere. Imperfectionē ergo materiæ à Deo productæ, videlicet dualitati adesse videmus, quæ tamen unitatis præsentia sit perfecta. Nec tamen secundam in Trinitate personam imperfectā esse, me dixisse aut intellexisse credatis, quatenus in mūdo superessentiali semper cum Filio Spiritus Patris præfens est, atque per consequens trinitas in unitate & dualitas in trinitate. Quod quidem per opmīe explicat illud verbum mirificum Tetragrammaton consistens ex *Jod, He & Van, Hes* Ubi aspiratio *He* spiritus in utroque processionem denotat, & conjungere videtur *Van* cum *Jod* à dextra & iterum *Jod* cum *Van* à dextram versus. Sic Filius in numero perfectionis fertur sedere ad dextram Patris: Sic etiam à centro Patris egredi dicitur, quatenus est terminorum perfectionis medium. Quare intelligendum est, quod cujuslibet numeri medietas referatur ad filium & centrum, quia semper medietas numeri intelligitur esse in numeris imparibus & perfectis: Sic in ternario numero est dualitas, in quinario trinitas, in septenario quaternitas, in novenario quinariū, qui est exacta etiam medietas (quatenus medietas in paribus consideratur) numeri denarii, per quem Deus deorsum è suo regno superformali egrediens seipsum in materiam confusam, eam rem ex nihilo creando, & deforme suo actu ac lumine informando, immergit. Hic autem vos scire velim, quod ubi loquimur de medietate numeri paris, non intelligimus ejus centrum, quod planè vacuum & nihil est, sed ejus partem dimidiam: Ut centrum Diadis nullum est, quia non nisi terminos duos habet, ejus verò pars dimidia est. Sic quaternarii numeri medietas sunt duo, centrum verò ei deest. Atque sic in cæteris, ut 6. 8. 10. Unde liquet, quod tota perfectio jaceat in imparibus, ubi centrum invenitur, ut in 3. 1. est centrum, & 1. terminus à quo, & 1. terminus ad quem: Et in quinario item 1. est centrum, & 1. una pars dimidia & 1. altera, & in 7. 1. est centrum, 3. termini, &c. Est ergo in perfectis simplicibus unitas terminus à quo, trinitas ad quem, & dualitas medium, sed ita, ut illa dualitas sit unitas: Sic etiam trinitas terminus à quo, & trinitas efficiens sonarium, medium, & trinitas perficiens novenarium periodum, sed hic centrum est superficiale; Vel trinitas principium, quinariū medium, & septenarius finis: Eodem modo quinariū principium, septenarius medium, & novenarius exitus: In quibus omnibus trinitas personarum in natura super substantiali consideratarum invenitur, hoc est, ubi totaliter forma respicitur, & non materia. Atque hac harmonia egit Deus ad sui regni superessentialis in æternitate ordinationem, priusquam aliquid in sacrosancto consilio de materiæ creatione decrevisset. Hoc autem loco observandum, quod, ut unitas est formarum omnium, quasi centrum, sic etiam ternarius numerus sit prima atque proxima majestatis divinæ à sua natura versus rem creandam emanatio, & quinariū numerus secunda, septenarius tertia, ac novenarius ultima, ita ut quique sint emanationis luminis divini processus, videlicet formæ luminosæ ab unitate versus 3. emissio, & à ternario, versus 5. & à quinario versus 7. & à septenario versus 9. & novenario versus 1. qui numerus cyphræ appositione constituit 10. Unde liquet, quod si Deus materiæ abyssum non ingrediatur, tunc in seipsum, seu in suum centrum & suam unitatem radios suos reflectat secundum illud *Mercur. Trismeg. Mōnas generat monadem & in seipsum reflectit ardorem suum*. Nec quidē recedit Deus in sua natura superessentiali consideratus, à numero impari, quatenus eo gaudet & delectatur: At, cum viam spiritus deformis, & occultè in hylæ ventrem immergi calcare sibi proposuisset, per filium suum immediate ab ipso procedentem per viā & numerum imperfectionis in materiæ imperfectæ abyssum se immergit: nā ille

solus

solus, qui numeri binarii perfecti campum ingressus est, ad binarium imperfectum & in potentia ad aliquid existentem penetrare potuit. Unde dualitas super substantialis se duplicando medium numero septenario reddidit, & perfectionem hoc modo cum imperfectione in primo gradu processioni à sua natura supercelesti ad mundanam junxit: Nam quaternitas est numerus par, & per consequens imperfectus, ternarius autem numerus perfectus, ita ut ex primo congressu venisimile sit, materiam sive imperfectionem, quæ numero quaternario refertur, cum perfectione coniungendam esse, quatenus numerus ternarius, qui formæ attribuitur, cum eo ad numeri septenarii complementum connectatur: Similiter numerus quaternarius est medietas superficialis inter duo & sex, denotans inde, quod Verbum sit quasi centrum operationum sex dierum creationis: Hinc postquam Verbo Domini firmati essent cæli die quarto, hic Rex informans tabernaculum suum illo die posuit in Sole: Hic dies quartus dividendo sex in tres dualitates erat medius superficialis sex dierum, vel centrum essentiale diei septimi. Unde etiam sol suo fulgore decoratus in mundi seu cælorum medio positus est: Similiter numerus quartus est medietas numeri octonarii, qui significat elementatum seu cubum accipiendo medietatem, ut apud numeros pares æstimatur. Nam numerus quaternarius est quadratum radicitus 2. Unde quatuor repræsentant elementa à secunda persona producta, ex quibus mundus conflatur, & octonarius est cubus, ex quo compositio ex elementis conflata est. Est ergo dualitas mundana, hoc est spiritus universalis, reverà imperfecta, in lucem à potentia virtute dualitatis increata, in trinitate unitatis completæ producta, à qua quaternitas seu elementum, & numerus octonarius seu elementatum oritur. Proceditur ergo ulterius ab unitate versus creationem hoc modo. Quinarius numerus est medietas perfecta inter binarium numerum & octonarium; Denotat ergo, secundam personam esse in medio inter Spiritum universalem & elementatum, & per consequens, quod Verbum sit in nobis & rebus omnibus compositis tanquam centrum, vita atque essentia. Est etiam quinarius numerus centrum omnium digitorum, videlicet numeri novenarii, quatenus ex una parte sunt 1. 2. 3. 4. & ex altera 6. 7. 8. 9. inveniuntur: Unde etiam centrum est inter super substantialia: Est ergo Filius centrum inter Patrem & Spiritum, estque centrum in rebus super substantialibus, est centrum in rebus creatis & increatis, est centrum Spiritus increati, & universi mundi in Sole habitans, est centrum elementorum, estque centrum elementatorum: Est ergo vita rerum increatarum, est vita tenebrarum, est vita spiritus seu aquarum creatarum, in corde firmamenti palatium tenens, est vita elementorum in sphaera media seu æqualitatis, in centro elementorum, seu æris medio nonnunquam mirabiliter apparens, est vita elementatorum, quatenus est mirabilem esse & fulgor, vegetabilium forma specifica, animalium esse, quo spirat hominum vita, ratio, intellectus & mens, quatenus affluenter in cohabitatur, cum teste Paulo, *eius membra sint ipsius divinitati templum atque palatium*; Unde ratione præsentatur huius Solis sempiterni *Microcosmus* nuncupatur. Atque hoc erat illud Verbum, cuius mentionem facit Divus Johannes, *et lucem vitam et incem cuiusque rei huius mundi, quæ tenebra non comprehenderunt, nec mundus novit*; illud *Etia* 1, 17 libri primi primordio allegatum, cuius virtute quælibet creatura est facta. Atque hoc modo ad limen seu vestibulum hylam ingrediendi, videlicet ad numerum denarium usque progressa est Dias super substantialis spiritus increato exuberans, quæ id eo unitate divina divisa est in numerum binarium, ut ipsa unitas increata, existens, hominem ex nihilo unum efficeret duplicem, videl. Deum & hominem

minem, & per consequens ad suum exemplar speciei humanæ duplicem naturam attribueret, divinam videlicet ac humanam, ita ut virtute primæ unitatis, videlicet formalis & increatæ immortalis fiat, & imperfectione secundæ confusionem producentis materialis, scilicet & creatæ, mortalis reddatur propter finis defectum: At verò, quando Spiritus vivificus advenit, illa hominis imperfectio emendabitur, & dualitas in trinitatem spiritus increati ad adventu migrabit, & ab imperfectione mortali ad perfectionem immortalem exaltabitur, ita ut à morte ad vitam æternam futura sit resurrectio: Nonne adventu & descensu, ac præsentia istius spiritus divini exuscitati sunt mortui ad vitam, eo tempore, quo mundi Creator, hoc suo Spiritu sacro sancto in corpus suum mortuum redeunte, à morte in vitam, in corruptionem induendo, triumphanter resurrexit. Atque ita spiritum duplicem acquireret homo, videlicet priorem, vitam corpori temporalem adhibentem, atque ultimum tandem immortalem divinoque similem, & alterum quasi DEUM efficientem, videlicet virtute & gratia Monadis summæ per justitiam Diadis increatæ. *He* spiritum nunc habet in materialitate seu dualitate, & *He* duplicatum habebit postea, quod appropinquabit ad naturam ipsius Tetragrammati; Unde homo undique Spiritu sancto stipatus divinitatem sibi per gratiam acquireret atque nanciscetur, & ipsi Creatori suo erit quàm similis: Unde dixit DEUS post peccatum Adami: *Ece Adam quasi unus ex nobis factus est, &c. Nunc autem, ne forte mittat manum suam, & sumas etiam delignum vitæ, & comedas, & vivas in æternum, emisit eum Jehova, de paradiso voluptatis, &c. Gen. 3. 22.* Hinc etiam Mercurius Trismegistus: *O Asclepi, magnum miraculum est homo, animal honorandum & adorandum: Hic enim in naturam DEI transit, quai p se sit DEUS.* Cujus etiam reiterationem secundum naturale intentionem Hebræorum Doctores ac Cabalisticæ in hac animæ humanæ definitione reddere videntur, *Anima hominis est lumen Dei, & ad imaginem Verbi, causæ causarum, primi exemplaris creatæ substantia Dei, sigilloque figurata, cujus character est Verbum æternum.*

C A P. XVI.

De admirabilibus quinarum & denarii numerorum mysteriis.

EX prædictis ergo luculenter apparet, quod numerus quinarum sit centrum numeri denarii, in quo unitas se duplicat, seu repetit extra terminum simplicitatis, atque ut dualitas fuit prima medietas numeri ternarii, videlicet terminus inter 1. & 2. (ubi ambo termini sunt impares, & per consequens perfecti) sic in primo numero compositionis, seu primo articulo, ubi unitas divina cum cyphra seu materia informi se jungit, videlicet in 10. quinarum numerus centrum (improprie loquendo) & medium esse reperitur, videlicet inter 1. & 10. Sed inde mysterium magnum revelatur, scilicet, quod, sicuti in prioribus terminis 1. & 3. duo perficiuntur à parte anteriori & posteriori propter perfectionem unitatis & trinitatis (nam nihil præter perfectionem est in regno super cælesti) sic in terminis 1. & 10. in quibus progreditur unitas per dualitatem seu DEUS per verbum ad creationem 5. qui est medius numerus, reperitur inter originem suam 1. & 10. Unde quia 10. est numerus par, denotat imperfectionem materiæ creandæ, quare ejus medium seu centrum, quod debet esse ejus vita, est perfectus numerus, ut ejus perfectione perficiatur. Porro etiam respectu unitatis, quam in se habet

habet denarius numerus, est numerus impar, quatenus creatoris seu unitatis præsentiam jam habet cyphra seu hylæ spiritus per radiationem quinarium numeri, qui est dualitas secunda à 3. incipiens, videlicet 3. 4. in unitate completa, nam, ut 1. prima vice incipit à perfectione unitatis, & desinit in 3. perfectum numerum, sic secunda vice incipit à 3. perfecto numero, & desinit in 5. numerum perfectum, in quo se duplicat *Vau* in *He*, ut in 2. & 3. dictum est, ita ut in progressu simplici versus compositionem, incipiendo à numero perfecto, triplicè trinitatis gradum inveniamus, videlicet inter 3. & 5. & inter 5. & 7. ac inter 7. & 9. Nam primus processus ab 1. ad 3. est ordinatio proprietatum divinarum, seu personarum in trinitate: Hinc ergo apparet, quomodo partium mundi creati ordo ante creationem in Archetypi idea impressus fuerit: Nā inter primum gradum, videlicet inter 1. & 3. invenitur 2. cui refertur spiritus universalis, quem unitas in creationem produxit. Unde ex proprietatibus divinis unitas est quasi primus motor & ordinator; Dualitativè seu secundæ personæ videlicet filio & Verbo datum est exequi ordinata unitatis, hoc est, creatione patefacere spiritum universalem, tenebris ipsius hylæ & chaos confusum, qui tandem revelatus factus est 1. quatenus ex sua propria massa & luce increata in actuante constituitur: Deinde inter 3. & 5. est 4. numerus, denotans in divina idea, quod ille Spiritus universalis in quatuor naturas secundò gradum dividendus sit; Deinde inter quinque & 7. interponitur 6. significans separationem aquarum ab aquis, & superiorum creaturarum viventium creationem puram; Postea inter 7. & 9. octonarius denotat corporum cælestium compositionem ex cubo simpliciiori & puriori derivatam; inter quas etiam compositionem humanam numerare possumus, quatenus invenimus, quod homo à diluvio in numero octonario servatus fuerit, & ex cubo grossiori cætera omnia elementata: Hic verò videmus, quod numerus quinarium sit medium & centrum omnium graduum; Atque hinc factum est, ut inter res creatas Quinta essentia mediū obtineat locum, & Sol dualitatis palatium in medio quintæ essentiæ situs sit. Hinc unitatum ordo, quarum centrum est 3. super cælestia disponit, & denarium ordo, quorum centrum est 5. mundana distribuit: Sic 1. & 3. constituunt 4. & 2. & 3. faciunt 5. quod est centrum denarii numeri.



Et 1. 2. 3. 4. simul addita constituunt 10. cujus centrum est 5. ita ut diameter circuli ternarii progressionem naturalem producat quinarium numerum faciendo semidiametrum 1. 2. 3. & producendo semidiametrum oppositum, addendo primam figuram sinistram diametri partis ad mediam, quod aggregatum profert secundum secundæ, nempe 4. & positione secundæ ad mediam videlicet 2. ad 3. procreabit tertiam seu 5. quod extremum est centrum aggregati numerorum præcedentium simul additorum 1. 2. 3. 4. videlicet numeri denarii.

Hinc ab unitatibus progrediendum est à 5. centro usque ad numerum denarium: Nam numerus septenarius compositus ex 3. numero perfecto & 4. numero imperfecto denotat divinitatis mixtionem & ingressum primum in ma-

teriam. Est ergo gradus denarius unitatum primus ingressus naturæ increatæ in spiritum creandum in tenebris occultatum, uti supra dictum est. Deinde motus à 7. ad 9. arguit numerum centenarium, ubi unitas secunda vice in creatione secundæ diei se jungit: Nam, ut numerus quinarium est medium & centrum numeri decem unitatum, sic 7. est centrum numeri inter 5. & 10 denotans hoc ipso, quod inter numeros denariorum (qui sunt quasi rerum creatarum radices) & illos millenariorum (qui arguunt rerum cubos) numeri centenarii collocentur, qui spiritus creati quadratum indicant. Unde primi articuli denariorum seu radicum, ubi Deus primum se jungit cum materia, referuntur ad intervallum inter 5. & 7. & secunda series, quæ est centenariorum ad illud inter 7. & 9. & tertia millenariorum ad illud inter novem & decem, ubi fit ingressio in profundum materiæ. Est igitur numerus quinarium, qui est centrum denarii, numerus exactè rotundus, quod quidem evidenter declarabitur, si sphaera ducatur plana, cujus circumferentia in 10. sit divisa, quippe cujus centum ideò erit 5. quoniam quinque numerus est medium numeri denarii.

Postea ducatur diameter à minimo ad maximum, videlicet ab unitate ad 9. cujus divisio orbem in duo hemisphaeria secet, & à parte dextra sphaeræ post 1. ponantur 2. 3. 4. 5. movendo versus 9. sinistri termini diametri & ante novem exprimentur figurae 8. 7. 6. 5. modo hic descripto.



Hoc peracto à quolibet opposito ad sibi oppositum ducatur recta seu diameter. Ex maximis ergo subtrahat tantum, quantum superest super numerum 5. & adde minimo ei opposito, qui à quinque deficit, & quinque adæquata surgent: Quare ad invicem comparatis linearum terminis quælibet diametri extremitas dabit 5. Unde quilibet diameter habebit numerum 5. & 5. Unde fit, ut numerus quinarium in circulo denariæ revolutionis haud immerito *sphaericus* dicatur, quoniam omnes numeri orbis, ad quinque rediguntur: Id autem fit per quinque lineas diametrales in sphaera ductas, quarum singulæ decem continent. Hic igitur numerus sphaericus in 10. ductus producet 50. qui numeri sunt *quingenta intelligentiæ porta seu anni jubilai*, quorum proportio dupla, quæ est *Arithmetica formalitas*, in se multiplicata *millesimam generationem* procreabit: Quod si perpetuo sic facies apparebit infinitudo, quæ secundum *Cabalistas* dicitur *regnum omnium seculorum ENSOPH* nominatum, & est Deitas ipsa sine indumento. Reliqua verò produxit Deus amictus lumine, sicut vestimento, ut esset

esset lumen de lumine, ac inde cum vestimenti sui lumine creavit mundum intelligibilem spirituum separatorum & invisibilium, quem *Cabalisti* *caelum* dicunt. Atque hoc convenit cum opinione nostra supra allegata, ubi declaravimus, quod Deitas in regno supercaelesti nuda sit & in sua propria essentia, quam videre etiam ipsi Moysi negatum fuit; nec possibile est, ut DEUS essentialiter quis videatur, nisi morte confestim, & in ictu quasi oculi afficiatur, spiritumque è vestigio effleat. At verò ut primum DEUS vestimentum induit, hoc est, in materiam creatam se immergit, gloria ejus multis modis, induto prius creato aliquo amictu, hominibus apparebat, videlicet vel *nube*, vel *columna ignea*, &c. Et quamvis Moyses ad cognitionem 49. portarum sapientia attigerit, ad summam tamen & ultimam videlicet ad *quingagesimam*, in qua DEUS nudus cernitur, nunquam accedere potuit. De hoc numero agit *Myrandulanus Comes* in hæc verba loquens: *Quis servaverit quid sit denarium in Arithmetica formalis, & cognoverit naturam primi numeri sphaerici, sciet secretum 50. portarum intelligentia & magni Jubilai & millesima generationis, & regnum omnium seculorum.* Huic ergo numero denario includuntur decem *Sefiroth Belimah*, quarum proprietates nullam infinitamq. habent profunditatem, quippe quarum mentionem facit *Abraham Patriarcha* in libro *Jezirah* sive formationis mundi. Per portas etiam has intelligentiæ Moysi traditum fuit omne illud, quod contentum erat more mystico lege Judæorum vel sensu literali vel allegonico per dictiones vel Arithmeticas supputationes vel Geometricas litterarum figuras, vel harmoniæ consonantias ex formis characterum, &c. ut testatur *Rabbi Rambam* in *Genes*: Imò verò per illam legem à divino spiritu adeptus est *Salomon Rex* omne, quod noverat, de quo scriptum est in libro *Regum*, quod DEUS ei dederit sapientiam & prudentiam multam nimis, quasi arenam in littore maris, &c. Hinc ergo est, quod *Gerundenfis*, de *Salomone* loquendo, dixit, *eum omnia, quæ cognovit per legem intellexisse.* Nam sunt cunctæ res universaliter in quinq. condiciones distributæ: Nam aut elementa sunt, aut elementata, aut animæ aut coelestia corpora, aut supercaelestia incorporea; quorum quodlibet decem recipit considerationes, ut sapientes nobis tradiderunt.

C A P. XVII.

De ratione unitatis simplicis, quæ est digitorum origo, & unitatis cum cyphra conjunctæ, quæ est articulorum principium, similiter de ratione quinarum & sexti numeri in harmonia supercaelesti.

Quoniam in superioribus numerationibus multa dubia se legentibus offerre possent, videlicet in unitate primum & tum postea de numero denario, quomodo scilicet DEUS pater seu prima Trinitatis proprietates in principio & ultimo digitorum introduci possit, & tum postea, quomodo illa se repetat in centenarij numero, & tandem in millenario. Similiter, cur secunda proprietates seu persona, cum sit dualitas, possit in numero quinario reperiri, cum bis duo producant quatuor, & bis quatuor octo, &c. intelligendum est primum, quod in numeris Hebraicis, α. *Alpha* minus semper significet unitatem, & importet DEUM Patrem, Monadem, & primam personam, quemadmodum apud *Johannem in Apocal.* dicitur secundum Græcos α & α *alpha & omega*. Hinc nomina ejus stupenda per α scribunt Hebræi ut *א, אלה* *Ehieh*, quem *Plato* appellat *α* aut *α*. Unde hoc vocabulum *א*, quod designat Patrem, revelavit DEUS Moysi *Exodi* 3. ad deducendos Israëlitas ex servitute Ægyptiorum. Porro etiam

iam אדוני Adonai seu Dominus, quo vocabulo Hebraei usi sunt loco Jehovae, sic etiam אלהים Elohim appropriant Spiritui sancto, quamvis, ut mihi videtur mala interpretatione reddatur Dii pluraliter accipiendo cum à singulari אלה Deus. Sed potius credo אלה singulari esse numerum conflatum à הו fortis, vel fortis Deus, & אים. Unde אים mare, vel אלהים Deus, & אים aquas. Unde Elohim quasi Deus fortis maris, & aquarum in אלהים Deus fortis aquarum contrahetur in אלהים. Atque hoc verisimile mihi videtur, quatenus ibi loci agitur, quomodo Deus omnia ex aquis & per aquas, eas informando creaverit. Sed ad rem nostram revertendo, videmus ex praedictis, quod plerumque nomen Dei incipiat à litera ה, quae est principium numerorum apud Hebraeos, inde significans, Deum esse unitatem omnium numerorum, & per consequens cunctarum rerum, quae numeris distinguuntur. At verò jam videamus, quomodo praefecta unitatis seu Deitatis in numerum denarium ingredietur, qui ex 1. cum cyphra juncto conflatur. Notare debemus, quod, ut ה, El, est unum nomen Dei, denotans, eum esse primum digitorum & entium increatorum unitatem sic etiam ה, Jod, est aliud ejus nomen, designans digitorum finem & articulorum principium, hoc est, rerum omnium creatarum & ex forma ac materia compositarum exordium: Nam Jod inter Hebraeorum numeros semper denotat, 10. Et quod ה sit unitas prima digitorum, & ה sit unitas secunda, siue articulorum prima, quae illam digitorum unitatem ordine emanationis sequitur, videtur sacrarum Scripturarum ordo innuere atque agnoscere, cum observatum sit à Cabalists, quod אלהים 32. vicibus reiteretur in creatione, priusquam perveniat ad nomen יהוה Jehova, ita ut ה, & א, sint quasi א & א. Alpha & omega, quatenus א, unitas est principium numerorum essentialium, & א finis: Nam nomen א incipit per litteram א Aleph, quae designat principium & unitatem, & illud יה per י, Jod, quae valet 10. qui numerus est rerum omnium finis, ita ut in denario numero reperitur quadrarum radicum perfectio, hoc est, numeri ternarii, videlicet 9. cui si addatur א fit 10. Ultra quem numerum Aristoteles in 3. problem. sect. 15. neminem unquam numerum ullum invenire potuisse testatur. Sed exacta numerorum digitorum mensura in quatuor literis nominis mirifici tetragrammati videlicet יהוה exprimitur, quae omnes sunt circulares, & si simul jungantur, ac א prima unitas addatur, constituent 27. qui est ternaria radicum cubus, ad cuius ideam totus mundus ejusque regiones fabricatae sunt, quemadmodum in demonstratione trium pyramidum explicatum est. Nam Jod denotat 10. & primum He quinque, alterumque He quinque, & פא 6. atque א unum: Sic itaque ternarii cubus literis divini nominis tetragrammati producitur, de quo tantas cecinit Plato laudes in suo Timaeo. Quod autem Jod 10. importans, & He quinque denotans sint numeri sphaerici, superius explicavimus. Hic etiam observare debemus, quod פא significans sex, accipiat pro tertia secundae trinitatis proprietatis emanatione à fonte unitatis, quatenus pro solo numero binario accipitur, atque ita est centrum superficiale inter 4 & 8. qui numeri in Archetypo repraesentant atque exprimunt elementum & elementarum creandum: At verò, ut consideratur in natura dualitatis in Trinitatis perfectione, ita cum Spiritu He exprimitur, ubi secunda proprietas Spiritu perfectionis plena in quinto denarii numeri loco, hoc est, in centro digitorum novem reperitur, inde declarans, quod verbum sit, in rerum centro, imò verò & ipsum centrum essentiali cujuslibet rei, tam increatae, quam creandae, hocque in aeternitate & in prima idea Archetypi, videlicet, quod illud sit vita, & esse in centro medietate seu medio puncto, & unitate uniuscujusque rei. Infinitum hoc loco de re ista volumen edere possemus, sed quoniam campus magis arctus nos compingit subiectique necessitas nos premit, numeris divinis finem hic imponemus, obiter vos admonendo, quod

quod hæc omnia de formalibus numeris sint intelligenda, qui numeris materialibus tam sunt oppositi in sua essentia, quam lux tenebris, ignis terræ, aut al-
tius in profundo. Atque hæc est causa, quod pyramidem nostram formalem om-
nimodo naturâ & situ alteri illi materiali oppositam
& contrariam esse in multis hujus operis
locis demonstravimus.

H

T R A.





TRACTATUS PRIMI, SECTIONIS I.

L I B E R II.

De harmonia divina.

C A P. I.

De harmonia divina & consonantiis simplicibus.



VT materiales numeri in se nihil omnino præter discordiam & dissonantiam in mundo materiali producant, sic etiam numeri essentiales & simplices in mundo formali inventi, nihil procul dubio præter concordiam, unionem & amorem tam in sua regione, quam in orbe materiali propagare possunt. Sed in suo tegno immenso, ineffabili & incomprehensibili gaudio & lætitia auditur harmonia hæc divina sine ullo obstaculo, aut discordiæ impedimento (quæ cum litigio in mundum materialem ab initio ingressa est.) In mundo vero agit hæc harmonia sæpius multiplicata ad materiam litigiosæ & tenebrarum dissonantium correctionem: Quod quidem numero sanctæ Trinitatis hoc modo demonstratur. Nam monas cum diade conjuncta producit diatessaron, ex tribus intervallis consistens, ubi tamen 4. reperiuntur voces, quia ibi adest spiritus in unione unitatis cum dualitate; Sic *Filius dicitur esse in Patre & Pater cum Filio & Spiritus cum ambobus*. Iterum dualitatis nexu cum ternario numero diapente orietur, cum in tali numero quinque reperiuntur voces diapente constituentes & quatuor intervalla (cum sit solummodò additio unius toni vel personæ tonantis ad diatessaron; quod constat tribus intervallis.) Nam sub hac consonantia duæ conveniunt primæ personæ & spiritus duplex ab utroque progrediens. Has igitur duas consonantias in Trinitate comprehensas denotat super excelsum illud nomen Tetragrammaton: scilicet *Joh He, & Van He*, ubi aspiratio (*He*) Spiritum ab utroque procedentem denotat. Ipsum enim (*He*) duplicatam utramque syllabam, totumque nomen terminat. Pronunciatur igitur hisce 4. literis *Jova*: Atque hac via duas consonantias magis simplices, in individua Trinitate jam patentes & manifestas habemus, ex quarum unione fit diapason, quod ex diatessaron & diapente integratur. Unde liquet, quod diapason consistat ex 7. intervallis & 8. vocibus & non ex novem: quia in compositione diatessaron

teffaron cum diapente ultima vox consonantiæ diateffaron est prima vox consonantiæ diapente, & per consequens, non reperiuntur in diapafon plures quā octo voces. Denique quoniam diapafon efficaciam suæ consonantiæ haurit ab unisone, igitur symphonia ejus connectitur cum unitate, à qua numerata atque derivata est. Iterum si via proportionum progrediamur, unitatem & dualitatem se habere in proportionem dupla invenimus, ex qua fit diapafon. Et 2. ad 3. in sesqui altera proportionem, ex qua consistit diapente. Et 3. ad Tetragrammaton seu Trinitatis conjunctionem cum unitate sesquiterciam denotat proportionem, ex qua oritur diateffaron. Porro etiam, si unitas in se ducta unisonum afferat, dualitas in se multiplicata voces quatuor consonantiæ diateffaron afferet. Ex iterum 3. per 1. multiplicata, addita præterea unitate, septem pariet, denotantia consonantiæ illius, quæ diapafon dicitur, intervalla, vel additione dualitatis & ejus voces apparebunt, vel additione 3. numerus novenarius exultabit, in quo voces consonantiæ diateffaron & diapente comprehenduntur. Aduccetiam via retrograda progrediendo 3. cum unitate juncta, quatuor consonantiæ diateffaron voces denotant, & 3. cum dualitate, quinque sonos consonantiæ diapente; quibus si trinitas addatur voces octo consonantiæ diapafon prodibunt. Unde luculenter apparet, quod, utcumque personæ Trinitatis accipiantur, semper in concordia & symphonia reperiuntur, atque ab omni discordiâ & contrarietate immunes esse observentur. Nam si biseria respiciamus, ibi etiam reperiemus diapente cum tono, perficiens illam concordiam, quæ sexta apud Musicos nuncupatur, si denique ternarius numerus in se ducatur, musicam etiam consonantiam producet, videlicet 9. voces ex diapente & diateffaron conflatas atque ortas; cum consonantia diateffaron confletur ex 4. vocibus & diapente ex quinque, quæ simul additæ consonantiam perfectissimam diapafon producere animadvertuntur. Hujus autem Musicæ demonstratio hæc sequitur, quatenus in sola Trinitate reperitur.



CAP. II.

Quomodo harmonia mundana eodem modo se habeat, ut harmonia divina, & quod symphonia mundana & materialis procedat ab illa divina & formali.

UT denarius numerus se habet ad unitatem, sic etiam harmonia mundi materialis ad illam mundi formalis & supersubstantialis: Et ut unitas erat initium Musicæ & concordie Trinitatis; sic etiam ternarius in se ductus est exordium symphonie compositionis, quia 9. sunt initium numeri denarii & finis numerorum simplicium. Hinc ad informationem & consonantiam mundi materialis, Spiritus Domini (qui erat tertia persona Trinitatis) unitatis locum, ut Trinitatis Spiritus in se suscipiens, ferebatur super aquas, igneam amorem & melodiam à sacrosancta harmonia provenientem, his impertuens. Spiritus igitur Jehovah (cum quo est potentia Patris, & per consequens, unitas supersubstantialis, & sapientia Filii, ac per consequens dualitas supersubstantialis, & gratia ei propria) hic, inquit, trinus & unus in denario numero repertus, quia circa compositionem materiale jam versabatur, unitatis locum in essentia universalis & materiali sibi vendicavit: à quo secunda persona effluxit, videlicet Sol, quem Plato ob hanc causam *visibilem Dei filium* appellavit, nec quidem multum aberravit in hac sua opinione, cum, teste *Propheta regio, Deus tabernaculum suum in eo posuerit*. Est igitur Sol quasi persona secunda in mundo materiali, virtutem suam fulgidam & splendidam à prima, seu igneo Dei Spiritu recipiens, quæ aquas medice mundi regionis, ut & infimæ ad similitudinem sui Patris (à quo potentiam suam habuit) collustrare videtur, vitasque in inferiora quotannis infundere. Tertiam autem mundi materialis personam *hominem* vocamus, à prima & secunda permanantem, hinc inquit, *Mercur. Trismeg. Deus est lux & vita hominis*, & Philosophus alius nos docet, *solem & hominem generare hominem. Merc. Trismeg. etiam alio loco dicit: Mundum esse filium Dei, solem mundi & hominem filium*. Sed nos mundum capimus pro essentia universalis materie, tali modo, si fas sit substantialia cum supersubstantialibus comparare, per personas tres admiratione dignas in se comprehendente, quasi essentia divina suas. Sed Deus mundi vita, Spiritusque igneus & amatorius prima mundi personæ æstimatur, à qua in primis cæteræ duæ, & omnia alia derivantur: Sed ad est Deus suo mundo simplici & formali in unitate, mundo verò materiali in denario, ut scilicet se aquis deformibus, ad eas informandas & earum dissonantias ac lites symphonia sui vultus splendidi depellendas, & nexu concordie inviolabili elementa ad invicem concordie pace liganda misceat. Cum igitur mundus materialis sit solummodò typus atque imago Archetypi, seu mundi supersubstantialis, hanc nostram Musicam mundanam & consonantias cujuslibet regionis seu cœli ejus ab observatione harmonie illius divine deduximus. Imprimis ergo diligenti intuitu percipimus, quod unitas Trinitatis cum dualitate conjuncta producat consonantiam diatessaron ex tribus intervallis natam: Ad cujus exemplar etiam tres cœli empyrei hierarchias seu regiones in sua dispositione haud dissimilem melodie formulam (spirante Spiritu divino) produxisse animadvertimus. Iterum percipimus, quod, ut unitas se habet ad dualitatem in proportionem dupla, quæ consonantiam diapaſon constituit, ita quoque simili modo proportio pyramidis materie universalis superior, seu regio prima, incipiens ab ejus cono seu principio primi cœli, se habeat ad intersectionem factam à duabus pyramidibus in corde cœli

cœli secundi seu ætherei, quippe ubi una pyramidis portio in cœlo empyreo re-
 perta ad illam cœli medii in dupla reperitur proportionem, uti in harmonia no-
 stra mundana plenius recensuimus. Deinde, quia in secundo loco 2. addita 3.
 producunt, qui numerus consonantiam diapente ex quinque sonis seu vocibus
 constatam denotat; similiter, quia 2. se habent ad 3. in proportionem sesquial-
 tera (in qua consonantia diapente reperitur) ideò inter secundum & tertium
 cœlum hæc proportio bis reperitur; semel scilicet sursum numerando, à sole
 versus cœlum supremum & semel deorsum usque ad cœlum elementare pro-
 grediendo. Denique quoniam in tercio loco circulariter progrediendo, unitas
 trinitatis ad ejusdem numerum, se habet in proportionem sesquitercia, ideò con-
 sonantia diatessaron in cœlo tercio reperitur, quæ invenitur in tali proportionem,
 quemadmodum etiam inter primam Trinitatis personam & ultimam. At hoc
 in loco (obiter contemplando) magnum mysterium (ut mihi videtur) est eli-
 ciendum; videlicet, quod corpora in ultima & crassiori proportionem materialis
 pyramidis in consonantia imperfectissima, & in abyso imperfectionis ac quasi
 tenebris submersa, videlicet in diatessaron materiali reboantia, ad unitatem ta-
 men in proportionem sesquitercia relationem habent, ita ut spes sit resolutionis
 corporum post mortem, per quam illa forma & mens in corporibus humanis
 obvelata, quæ ab unitate orta est, iterum ad unitatem via circulari redeat. Ex
 his erigitur sole clarius apparet diligenter intuentibus, quod consonantia dia-
 tessaron cœli empyrei cum diapente superiori cœli medii conjuncta constituat
 consonantiam diapason supremam & spiritualem mundi majoris, incipientem
 à Deo & terminantem in Sole; & per consequens indicatur, quod diatessaron
 primi cœli & diapente superius cœli secundi sicut consonantia simplicissima &
 spiritualissima totius mundi massæ materialis. Similiter conjungendo diapente
 medii cœli inferioris cum diatessaron cœli infimi, hæc consonantia simul jun-
 ctæ diapason materiale efficiunt, incipiens à Sole, & desinens in terra. Unde
 constat, quod diapente & diatessaron consonantia inferiores magis tendant ad
 materiam quàm ad formam; unde materiales dictæ sunt, cum vice versa supe-
 riores dicantur, quatenus formam & spiritus plene informatos respiciunt. Vi-
 demus igitur, triplicem existere harmoniam ex tribus consonantia symphoniz
 constatam; quarum prior versatur in essentia increata, ubi nulla est discordia, in
 medio mundo, nempe formali & essentia Trinitatis; *Dua ultima* in materia
 creata includuntur, videlicet in mundo materiali *una*, nimirum in parte ejus
 subtiliori, *altera* in densiori & opaciori obnoxia. At verò illa symphonia increa-
 ta unitur nexu indissolubili harmoniz creatæ, videlicet forma super substantialis,
 materiali & substantiali hac via, scilicet ternario numero trinitatis (qui dia-
 pason in se continet) addito ad quaternarium numerum materiz (nam secun-
 dum *Pythagoricos*, duo in materia non sunt numerus, sed unitatum confusio, ut
 dictum est, quare volunt, quod numerus quaternarius sit primus numerus par)
 producitur septenarius numerus, qui consonantiam totius perfectionis progi-
 gnat, videlicet diapason, quæ est illa copula, per quam Deus & adligavit suis
 creaturis musicam vitæ & lucis cosmo ac cosmi filius assidue eam infundit atque
 liberaliter.



CAP. III.

*De ratione discordie mundanae, elementariae & corporalis; & quomodo
DEUS chaos filias discordes concordi
pace ligaverit.*

Rationem, cur Dias materialis pro numero imperfectissimo habeatur, supra declaravimus; videlicet quia perfectionis membris, quibus perficiatur, destituitur. Nam etsi jam in actum producta erat materia ex deformibus chaos seu hyle visceribus, tamen principium activum suae essentiae per se non habebat;

bat; cum à natura absolute formali principium suæ perfectionis acquisiverit, videlicet ab unitate divinitatis, quæ autor erat ejus existentiz. Nam quomodo possibile est, ut perfectio per se sit in re (absolute modo loquendo) cui non est sine ope alterius existere? Cum igitur dualitas in se multiplicata & in intervalla divisa, non producat nisi numeros pares; cumque omnis symphonia ex consonantiis perficiatur, quæ ex solis intervallis imparibus componuntur, quomodo possibile est, ut ex dualitate (numeros solos impares multiplicatione producendo) consonantias melodiz & per consequens harmoniam ullo modo propagare possit? Imò verò vice versâ discordias & dissonantias harmoniz oppositissimas pariet. Unde constat, *DEUM* & sacrosanctam Trinitatem esse solam atque unicam concordiz originem; Diabolum verò è converso discordiz & antipathiz parentem, quare & *Litigii* nomen sibi adeptus est. *DEUS* igitur formali luce ad symphoniz proportionalis & perfectissimæ partem utitur; Diabolus autem ad suas dissensiones & lites materiâ, tenebris & earum velamento. Hinc repugnantia indefatigabilis inter concordiam & discordiam, inter lucem & tenebras, inter mentem & spiritum deorsum pronom, inter animam & corpus oritur. Atque hinc est, quod Pater concordiz potentissimus sublimi organi universalis cacumine utitur pro suo solio; discordiz verò genitor deorsum ad machinæ centrum dejectus, ibi habitaculum suum tenet, faciemque suam invidiam tenebrarum cooperculo seu velamento obumbrare cogitur, ne concordiz autor eum radiis suis penitus exterminet. Hujusmodi ergo Trinitatis concordia & symphonia, Litigii & antipathiz potestas frangitur & dissipatur; Angelorum hierarchiz pacificè terminantur & distinguuntur, ignes rutili lancibus justitiz æqualibus suspenduntur; elementa quatuor litigantia concordiz vinculis, cum pace & harmonia admirabili, in locis symphoniz, per debitas & convenientes ipsis proportionibus disponuntur atque constituuntur; corpora tam simplicium quàm compositorum ad animarum suarum harmoniam moventur & consonant; atque ita hujus symphoniz supercoelestis virtute omnia materialia ab imperfectione ad perfectionem tenderent & subito ex imperfectis perfecta fierent, nisi discordia suis præstigiis tenebris, mundi erroribus plenis se omni hora actionibus concordiz interponeret, & voluntates creaturarum animatarum, imò verò ipsorum hominum oculos tam corporales quàm intellectuales suis illusionibus, phantasiis & præstigiis occæcaret; quibus ipsæ animæ bonæ (diversoria sua incolentes) erroribus & fallaciis ejus decipiuntur, & falsa seu mendacia pro veris, atque iniquitatem pro justitia malè accipiunt. Hinc mortis & dissolutionis timor; hinc omnes tenebrarum filiz seu vitiæ; hinc Adami lapsus; hinc mala pro bonis accipiuntur; hinc mundi & vanitatum ejus amor; & per consequens Dei Creatoris & ipsius veritatis odium. Quos omnes Diaboli nodos & nexus *DEUS* virtute suæ symphoniz per misericordiam suam, quando ipsi placuerit, veritatis radios mundo tandem patefaciens, faciliè enodabit atque dissolvat.

TRACTA-



TRACTATUS PRIMI, SECTIONIS I.

LIBER III.

De microcosmo interno.

PROOEMIUM.

*In quo autem rationem, cur circa exactam animæ sue inquisitionem
versetur, mundo breviter verbisque paucissimis
explicare conatur.*



Quoniam tam sacrarum litterarum admonitione, quam veterum Philosophorum documento nosmet ipsos cognoscere incitamus, diutius retardare non debemus, quin ut nos nobismet ipsis incognitos atque occultatos tandem proposse nostro cognitos atque manifestos reddamus, cum maximæ sit negligentiae indicium, nescire, quid sit illud, quo cœlestia, imò verò divina, virtute tam profunda cogitamus, quò naturalia tam subtili indagatione inquirimus atque tandem investigamus, quòve ab ipso quoque Creatore nostro tam sublimia desideramus. Non est res peregrina, nec longè à nobis in locis dissitis querenda animus, quo ista sapimus; sed semper est nobiscum, adest, tractat, loquitur & intus nascitur. Datum est illi tam ingentium rerum secreta scire, & seipsum cognoscere non potest? Paucis quidem licet ipso animo animum cernere; hoc est, ut ipse animus se videat. Fieri autem non potest quadam divina prudentia, ut inveniendi facultas desit religiosis animis, seipsos & DEUM suum piè & castè, ac diligenter querentibus; quoniam huiusmodi animæ, mentis divinæ radorum suscipiendorum capaces sunt, atque à caligine errorum tenebrarum remou, ipsaq; veritas nostes atque dies talibus, ut inserviat eis, præstò aderit. Nobis igitur, quibus mentis portio concessa est, imprimis necessarium existi-

existimamus genus recognoscere nostrum, nostramq; naturam immortalem considerare, templum DEI, DEUMq; in sui templi centro fixum gaudio ineffabili intueri; Et quando internum nostrum immortale oculis spiritualibus conspexerimus, atque nosmetipsos inde ritè cognoverimus, in ipsum Deum utriusque mundi Conditorum transibimus. Idcirco ut ego me mihi redderem, imò verò Deo meo, cui maximè me debeo, animi mei inquisitioni me dedicavi, peregrinusq; mundo jam factus, & corporis vestigiis, rebusq; densis mundi visibilis oblivioni mandatis, per undas spirituales mundi invisibilis aërea cymba vectus, atque è tenebrosis mundi, corporumque opacorum fluctibus emergens, cælorumque æthera scandens, ad rationis intellectusque palatia me conferendo; unitatem gaudio & læticia incomprehensibili, in altissimo cælorum & beatitudinis cacumine confidentem, mente illustrata speculari incipiam. Invisibilem igitur me in primis reddam, & gradum sensibilem scalæ hominis interni multoties calcatum relinquendo ad gradum secundum, imaginationi proprium, pedem meum attollā, postea in rationis vestigia saltu levi exurgam, atque ab ejus ditione ad regionem intellectualem internum meum elevabo. Conditor cælorum corporisque & animæ opifex æternæ mihi faustus atque propitius adsit, oculos meos benigno suæ sapientiæ spiritu clarificet, mentem radiis suæ divinitatis illuminet, animamque mei mediam ei obedientem efficiat, quo viam rectam directè calcando, quid tandem sim, in speculo divinæ Majestatis revelato luculenter discetnam.

C A P. I.

Quod DEUS in omnibus fecit hominem mundo perfectione æqualem: Unde Microcosmus.

Archetypus ille magnus, cujus immensam virtutem in primo voluminis primi tractatu cecinimus, non minori admiratione opus suum universale (creationis nempe) perficere, quàm incipere volens, sexti diei machinam in ipsius creatione, haud secus, quàm primo opificii sui die illam omnium machinam spiritum empyreum continentem, suo Spiritu decoravit: Atque ut in circuli compositione videmus, terminum à quo, cum illo ad quem, ita conjungi, ut nulla sit in utriusque termini perfectione differentia: ita quoque in creationis circuitu eodem actionis divinæ motu Opifex in fine, quò in ejus principio est operatus: namque spiraculum suum vivificans super obscuram & limofam corporis faciem emisit, quo corpus illud tenebrosum & immobile illuminaret, pulchrum & mobile faceret, diviniusque hoc opus ultimum redderet, atque ut de nihilo aliquid nobile actu non minus hoc sexto & ultimo creationis die produceret, quàm fecerat ejus die primo; quippe quo Spiritum suum divinum ferri voluit

super aquas, ad creandum ex nihilo mundum universam, & ad spiritum ejus materialem tenebris obrutum illuminandum ac conferendum ei virtutes inexplicabiles, quibus non modo fieret nobilior, sed etiam pro animali universali, ut *Platonici* voluerunt, haberetur. Et vel hoc igitur imprimis nobis denotat, eandem in homine virtutes atque operationes secundum corporis ejus proportionem & quantitatem existere, quæ in mundo universo tam visibili quam invisibili continentur. Id quod etiam affirmare videtur *Trismegistus*, dicens, quod *Deus imagines duas adsum exemplar fixerit, mundum videlicet & hominem*. Et sane quid reperiri in mundo potest, quod non idem proportionaliter in homine deprehendatur? Namque si mundum idealem seu invisibilem consideremus, cujusque ejusdem regionis portionem in homine interno reperiemus: Etenim mens illa, divinus lucis increatae radius homini interno cum composita lucis creatæ, in cælo spirituali constitutæ portione per divini Opificis placitum ac voluntatem communicatur, atque similiter etiam, ut in mundo visibili duo, cælum nempe & terra, habentur, quorum illud formas in terram impluit, hæc verò eas recipit & conservat; ita in homine quoque radius ille cælestis cum vehiculo suo æthereo vitæ & formam lutulo illi corpori, quæ hominis terra dicitur, confert. Porro in mundo utroque sunt partes aliquæ corruptioni non obnoxie, supercælestes nempe & cælestes; portio verò quædam mundi visibilis est corruptibilis, videlicet elementaris; pari igitur etiam modò hominis interni portiones sunt incorruptibiles, corpus autem & visibiles ejus partes corruptioni subjiciuntur. Mundus à Spiritu divino circumvolvitur & gubernatur, atque hæc etiam eadem virtute essentiali corpus humanum agitur & circumvolvitur: Qui denique unus est, unum mundum creavit ad simulachrum suum; atque idem quoque unus unum condidit animal, hominem scilicet, ad propriam suam imaginem, quæ valde est delectatus. Haud ineptè itaque homo vocatus est alter mundus & altera Dei imago; quippe qui habet in se omne illud, quod in universo mundo majori continetur, in tantum quidem, ut nihil quicquam in eo existat uspiam, quod non idem verè ac realiter in homine reperiatur, & iisdem omnino officiis apud eum, quibus in majori mundo fungatur: Est enim in illo mens divina, ratio angelica, spiritus cælestis, harmonia elementaris, planetarum vegetatio, animalium irrationalium sensus: In omnibus denique mundi symbolum habet, & cum omnibus operationem ac conversationem: Quidni igitur creatura hæc ultima nomine suo proprio *Microcosmus* vocaretur, cum sit *Macrocosmo* in omnibus quàm similima. Atqui Deus opifex, cum sit infinitus, creavit mundum rotundum, & in membris suis admodum proportionalem; Nonne etiam sunt omnium membrorum humanorum commensurationes cum illis mundi proportionatæ & consonantes ac rotunditate iis convenientes? Mundi circularis centrum est terra; humanæ verò rotunditatis punctum centrale est secundum quosdam in umbilico; sed nos potius illud circa genitalia ponendum esse putamus, siquidem ut in mundi centro semina rerum reconduntur, sic etiam juxta hominis testiculos delitescit virtus ejus seminalis. Ab hac igitur meta circini ducti hominem externum, exemplo mundi externi exactè rotundum percipiemus, ut in exemplo sequenti luculenter explicatur.



Concludimus itaque cum *Trismegisto*, mundum esse Dei imaginem, hominem vero mundi, & quod per consequens propter suam cum mundo similitudinem, homo haud impropiè *mundus minor* seu *Microcosmus* dicendus, & in omnibus more mundi majoris seu *Macrocosmi* sit considerandus.

C A P. II.

*De Microcosmo interiori seu invisibili, & quod omnes mundi
ideales partes in se habeat.*

Microcosmum autem interiorem, occultam, invisibilem & immortalem hominis portionem appellamus, ex invisibilibus invisibilium macrocosmi coelorum partibus conflatum, quibus non modò naturales suas functiones obit, sed etiam circa contemplationes divinas virtute portionum supercoelestium versari solet. Hinc igitur est, quod hominem interiorem tam Theologi quàm Philosophi animam dixerunt viventem, intellectivam sensitivam & vegetativam virtutem complicantem, quarum qualibet à quolibet mundi majoris caelo derivatur, intellectus scilicet à caelo empyreo, vitalis ab æthereo & sensus operationes à formaliorebus elementorum qualitatibus. Hominem itaque interiorem ex materia invisibili & forma purissima ac spiritui hūssima confari dicimus, quarum partem materiale illi ex cœli ætherei substantia non aliter habet, quàm corpus visibile suam ex elementis, pars verò ejus spiritalis ita se retinet in æthere suo corpore, ut ille spiritus æthereus in corpore elementari composito: Sunt enim superioris regionis radii cœlo inferiori sibi proximo tanquam vita & anima. Unde manifestum est, intellectivam hominis partem æthereo suo spiritui esse quasi animam, quæ propter præminentiam suam super inferiores hominis interni partes homini nomen & esse dedit. Atque hoc est, quod voluit *Trismegistus* I. in. 1. affirmando: hominē internum ex vita & luce constare, quas ipsum

Deum vocavit. Et alio in loco, hominem interiorem immortalem vocat, exteriorem verò mortalem. Et in resolutione Theologorum etiam invenitur, exteriorem hominem corrumpi, quoniam cinis est, & in cinerem revertitur, hominem verò interiorem de die in diem renovari. Ecce Dei formis spiraculi fructus, quibus homo super omnes alias visibiles mundi creaturas exaltatur, & ipsi Creatori similis redditur. Hunc igneum igitur spiritum, hominem interiorem constituentem cum suis vehiculis & appendicibus, cum Peripateticis, definimus, esse substantiam incorpoream, quam vivimus, sentimus, secundum locum movemur & intelligimus primum, Imò ipsa mens secundum Augustinum, appellatur, quia omnia intelligit. Et secundum Senecam, spiritus intellectualis ad beatitudinem in se ordinatus. De qualibet igitur coeli mundani portione ad hominis interni constitutionem concurrente in capitibus subsequentiis specialiter & ordine naturali tractabimus.

C A P. III.

De infinita & ineffabili lucis proprietate, & quomodo homo cuiuslibet lucide speciei portionem in se habeat.

IN *primi volum. Tractatu* rem omnem eo nobiliorem, tam rationibus quam auctoritatibus probavimus, quo plus in se lucis essentialiter habeat, imperfectionemque maiorem aut minorem à maiori aut minori corporis & materię copia; perfectionem verò maiorem aut minorem à lucidę formę exuberantia aut diminutione provenire. Diximus enim Deum metam & purissimam esse lucem increatam absque ullo materię additamento, hoc est, merè formalem & simpliciter igneum: Unde *lux vera*, propria & prima à sancto Johanne cap. i. appellatur. Diximus etiam substantiam ipsius coeli empyrei esse igneum locis primo die creatę domicilium, quę empyrea dicta est, quia ignis in ea domicinium habet: Atque hæc nec tempore (cum sit creata) nec perfectione (cum huius loci compositio sit ex unica materię spiritalis quarta & tribus quartis lucis simplicissima) est luci & fulgori intellectuali increato ullo modo comparanda. Præterea probavimus, coeli medii substantiam deprompsisse formam suam ab origine illa empyrea; At, quia est medietas interstitii inter materiale cælum & formale, idcirco illud æqualiter videtur de utroque extremo participare. Unde certum est, huius coeli substantiam imperfectionem & minus formalem esse illo supremo; quoniam plus habet materię, minus verò formę, quàm illud; constat enim ex duabus partibus spiritus grossioris & totidem lucis per diaphragma coeli empyrei à suo fonte e secundo creationis die infusus: Atque hinc *asher* dicitur, quasi *asbaer*, id est, igneus spiritus, seu ex spiritu & igne æqualiter constans. Similiter ultimo loco, lucem debilissimam esse in cælo infimo, declaravimus, materię autem sive aquarum substantiam rebellissimam; nam constat ex tribus quartis lucis; atque ita sese habet in hoc extremo in materię quantitate, ut in altero, empyreo nempe, in formę abundantia. Lucem etiam actum omnium simplicissimum esse demonstravimus, quatenus est simplex actus intelligentię, intellectusque increati, & primo à divina mente in omnia diffusa, modo tamen diverso, pro corporis natura rebellior aut obediētiore. Dicitur igitur, lucem increatam esse totaliter & originaliter in ipso *Deo Patre*: Est enim ille *luminum Pater*, imò est ipsa lux prima & vera, cuius radii actus primi existunt, ut *Trismegist.* testatur: Unde illud: *Ego sum lux mundi*, &c. Affirmatis etiam cum *Trismegisto* & sacris Scripturis, in *Filio* esse illustrantem splendorem & exuberantem, in quo est *lux & visa hominum*, ut testatur *sanctus*

Johannes

Johannis cap. 1. In *Spiritu sancto* tandem esse fulgorem omnem intelligentiam superantem, ut inquit *Dionysius*: Post autem lucis creationem portio illius simplicissima ad Angelorum compositionem concurrebat cum splendore intellectus, increati seu mentis divinæ: unde *Dionysius* ipsos *Algemata*, hoc est, *clarissima specula lumen Dei* *scriptura* appellat, in quibus etiam Deus ipse videtur. Post hoc ad corporum celestium informationem descendebat lucis hujus compositæ portio, dāns ipsis vitæ copiam & efficacem propagationem: Estque hæc lux visibilis splendor. In ipsa etiam elementa lucis portio extrema infunditur, igneum illis vigorem tribuens, quo vivunt corpora que inferiora distinctis & symphonicis proportionibus constituunt. In homine denique est omnium harum lucis tam increatæ scilicet, quam creatæ specierum portio debita. Nam per spiraculum vitæ non intelligitur anima vitalis, hæc enim etiam brutis concessa est & plantis, qua vivunt; sed mens divina, luxque increata, quæ immediatè à Deo in illum infunditur, quo primum Dei imaginem induit: Deinde angelico & rationali splendore ornatur, atque hanc portionem à cælo empyreo habet, qua rationalis dicitur; atque his duabus dotibus cætera animalia, omnesque alias mundi creaturas excellere videtur. Postea lucem vivificam, vegetativam & multiplicativam à Sole & creaturarum ætherearum splendore accipit, quibus corporaliter huc atque illuc ducitur, augetur & suæ speciei incrementum per propagationem habet. A luce elementorum corporis sui partium symbolizationem & humorum elementarium naturam ac proportionem harmoniacam habet, secundum illud *Trismegisti in Pimand. Fœmina ær & aqua cœcundi compot ex igne maturitatem, ex æthere sumpsit spiritum conglutinavitque natura ad hominis speciem effigendam.* Quis denique dubitabit has omnes lucis species in homine esse, cum harum omnium originem, mentem nempe divinam, lucisque increatæ portionem in hominibus testetur *sanct. Johan. cap. 1.* à cujus fonte increato omnes aliz lucis creatæ species derivantur. Nam secundum illud *Psalmista Regi: Verbo Domini firmati sunt cæli & Spiritu ab ore ejus omnes virtutes earum.* Concludimus igitur, tres esse radiorum species, qui actus dicuntur, *supercælestes* nempe, *radius seu Dei actus*, à quibus nobilior animæ humanæ portio derivatur; Deinde, *mundi radius seu cælestis*, suntque naturæ actus, animæque ab ipsa procedens, unde hominis vita sensitiva & vegetativa derivatur; Et ultimo in loco sunt *radii elementares*, qui non vitam, sed vitæ habitaculum præparant, suntque qualitates, propriè in elementis delitescentes. De his ergo *Microcosmi* radius infra latius discurremus.

C A P. IV.

De radiis supercælestibus, qui actus sunt DEI.

RAdiorum autem *supernaturalium*, quoniam alios in ipso Deo esse indicavimus, uti etiam sacræ testantur Scripturæ, alios quasi ipsius cæli empyrei, ejusque creaturarum substantiam, illos in Deo existentes dicimus *increatos*, hos verò cæli empyrei *creatos*. Radium autem divinum cum *Scoto* *intellectum increatum* appellamus; alterum verò illum, immediatè à divino procedentem, *intellectum creatum*. Unde *Scotus* *objecta intelligibilia produci in esse intelligibile per actum intellectus divini* affirmat, & in ipsis omnes veritates de iis necessariò relucere; ita ut intellectus creatus hujusmodi objecta & virtute ipsorum, necessarias quoque de ipsis veritates intelligens, videat in ipsis istiusmodi veritates. Atque ut intellectus ille creatus videns in objectis talibus veritates infallibiles, convenienter

dicipoteſt, videre eas in luce æterna, ſive regulis æternis. Id quod confirmare etiam videtur *Reſolut. Theolog. tract. 2. part. 2. port. 2. queſt. 2.* dum aſſerit, *convenienter dici poſſe, quod intellectus creatus videat huiusmodi veritates inſallibiles in lumine intellectus increati quia ſcilicet virtute iſtius increati intellectus producta ſunt obiecta in eſſe intelligibile & ipſa ſic producta, non ſua ſed intellectus divini virtute movens ipſum intellectum creatum.* Ex quibus conſtat lumen tum creati, tum increati intellectus eſſe, & intellectum creatum nihil quicquam poſſe intelligere, niſi hoc quaſi videat in luce ac ſplendore intellectus divini, quem *mentem* vocant; & per conſequens certum eſt, ad animæ humanæ conſtitutionem concurrere cum intellectu creato mentem divinam, ita ut per hanc ille ſoleat prædicas veritates inſallibiles videre, ut inſrâ declarabimus. Cum autem hæc portio divina homini, propter immenſam corporis ejus indignitatem, abſque divina Opificis gratia obvenire in illius creatione non potuerit, idcirco idem ei donum ipſo creationis ejus die conceſſit Deus, quod antea primo opificii ſuidie cœlo empyreo & per conſequens univerſo mundo communicaverat. Namq; ut primo creationis die Spiritus ejus ferebatur ſuper faciem cœli empyrei, ſpiritaliter ipſum illuminans, ſic etiam ultimo illius creationis die Spiritus ejusdem Archetypiferebatur ſuper faciem hominis: Exonim ſpiravit ille in faciem hominis ſpiraculum vitæ, qui, quoniam increatus, vita & lux immortalis erat, ut teſtatur *Johan. 1. Trifmeg. in ſuo Pimand. 1.* Tales itaque ſunt hi radii ſupercœleſtes, qui ſunt reverâ proprii Dei actus; quorum priores à Deo immediatè proceſſerunt & ſunt quaſi radii ab ipſo Deo emiſſi, ac veluti Spiritus ejus actus divinus & ſplendor æternus, imò ipſe Deus, ubique pro voluntate ſua divina præſens, ita quidem ut non ineptè inde *Theolog. reſolutione* luſſragante, dicatur, *in omni creatura eſſe veſtigium Trinitatis*, non aliter videlicet, quam ſolem in hac domo, vel illa terræ parte eſſe dicimus, cum radii ejus in locis illis ferunt. Radii autem ſupercœleſtes ſecundarii ſunt illi, qui immediatè à Deo primo die, ad materiam tenebrarum de potentia in actum producendam & conſlandum mundum ædualem & viſibilem ſunt creati; quorum actionibus tenebræ ad globum undani centrum depulſæ, & virtus omnis cœlis & cunctis cœli partibus & creaturis eſt data: Unde etiam actus Dei ſecundarij verè dici poſſunt, quatenus à Spiritu Domini immediatè promanantes. At verò non ſunt hi ipſi ſimplices, ut illi increati (quippe qui penitus ſunt formales & ignei) ſed cum pauxillo ſpiritus hylic tenuiſſimæ materiæ, ut dictum eſt, conjunguntur; qua compoſitione ſpiritus ille paſſivus, luxque eſſentialis activa ac verus Dei radius emiſſus eſt. Totâ autem cœli illius ſubſtantia *creata* dicitur, quia de nihilo, hoc eſt, non præexiſtente materia aliquid in actum fuit productum, nimirum inſormis & potentialis tenebrarum ſpiritus ſeu aqua ſubtiliſſima ſui lucis divinæ præſentia in formata. Unde & cœlum hoc intellectuale ac rationale dicitur, & ſimplex hæc compoſitio lux appellatur, atque hæc ratione lux *creata* accipitur pro lucis divinæ mixtione cum ſpiritu, quem informavit, hoc eſt, pro compoſitione ſpiritus cum luce; in qua compoſitione, quia lucis proportio tripla eſt ad illam materiæ, idcirco lux ei nomen & eſſe dedit, atque hoc modo lux primo die *creata* fuit. Quoniam igitur lux iſta formalis agit in ſuum paſſivum & ſpiritus paſſivus formam recipiens patitur, & actiones illas, haud ſecus quam materia formam ſuſcipit, nonne inde veriſimile eſt, huiusce ſubſtantię, ſimpliciter ex duobus compoſitæ, lucem eſſe illud, quod Philoſophi vocaverunt intellectum agentem, qui omnia potentiâ intelligibilia facit intelligibilia actu, non aliter quam materiam illam, propter deformem ſuam diſpoſitionem in potentia tantum exiſtente; reduxit in actum viſibilem. Unde & *Franciſcus de Maronia* hunc intellectum nuncupavit, *lucem & rationem cognoscendi*, & ſecundum *Prothom tract.*

tract. de An. Ille nobis præbet intellectum, nempe intelligentiæ lumen; Spiritus verò qui est altera compositionis pars, nō fallor, est ille intellectus, quem Philosophi patientem dixerunt, cuius est omnium intellectiōnem in se recipere. Sic ad speculum politissimum lux suam intendit vultum, speculumque ejus radios recipiens facit subiectum proximum, in potentia solummodò ante lucis actum visibile, jam actu in speculo apparere & videri. Atque hoc est, quod asserere videtur Trismegistus in Pimand. t. dicens, mentem esse in ratione, per rationem scilicet cœli intellectus substantiam intelligens, cum in ratione sit, tum actio tum passio. Et Aristot. 3. de anim. In anima intellectiva propter intellectum passibilem ponendus est intellectus agens, hoc est, forma agens in suam materiam passivam imponenda est. Hinc igitur est, quod alii, secundum Basilium in Hexam. 1. 2. hoc cœlum rectè intellectuale, atque alii etiam rationale nominaverunt. Et Augustinus super Gen. 1. per lucem primariam intelligit naturam angelicam. Natura autem angelica secundum Boetium lib. 3. de Trinitate, differt à mera forma lucida, quæ increata est; quia accidentibus subjicitur, videlicet intellectiōibus & volitionibus, unde in ipsis materiam esse dicit: Sed hoc in tractatu primo, volum. 1. libro: De creaturis cœli empyrei, dilucidè declaravimus. Hi autem dicuntur propriè actus Dei, quoniam ab ipso immediatè procedunt, quorum fulgore homo interius illuminatur, Dei que ipsius imaginem habere dicitur, ut infra latius explicabimus; quamvis etiam & radios inferiores omnes secundariò aut ternariò à Deo derivari statuamus, quod etiam asserere videtur Trismegistus 3. Piman. Deus diviua natura, principium universorum, Deus, mens, natura, actus, necessitas, finis & renovatio; & proinde per consequens, omnes radios seu actus mundanos divinos esse & ab ipso Deo provenientes asseverare videtur.

C A P. V.

Unde homo dicatur Dei imago? & de nobilitate, quam ille à radiis supernaturalibus tam increatus, quam creatus, qui in ipso sunt, accipit.

CUM Opifex ille increatus spiraculum vitæ in lutosum hominis corpus inspirasset; corpus illud, licet spissum & opacum, divinam mentem recepit, atque illa per inexplicabilem & lucidissimam suam pulchritudinem, politissimum speculi cultissimi decorem lutosæ ac rudi hominis corpulentæ dedit; ita ut prius Archetypi forma & imago spiritualiter in ea conspicienda esset. Unde Trismegist. hominem ad Dei imaginem factum representare Trinitatem in loco quodam; atque itidem etiam sacræ Scripturæ in multis locis, hominem ad ipsum Dei simulachrum factum dicunt: Trismegistus etiam in 1. Pimand. hominis mentem propriam Dei formam vocavit. Et alibi, mentem rationis humana Deum tuncupat, qui est intellectus, vita & fulgor. Ac secundum sanctum Johannem 1. In Verbo Dei est hominum vita, quæ est lux splendens in tenebris, hoc est, in tenebroso corpore humano, estque hæc vera lux seu forma divina. Sic itidem Trismegist. Pimand. t. hominem internum ex vita & luce constare dicit; vitamq; & lucem Deum & mentem vocat, ac ibidem in hæc loquitur verba. Pater omnium intellectus vita & fulgor existens hominem sibi similem procreavit, atque ei tanquam filio suo congratulatus est. Eodem modo Paulus hominem, & Christus Pythag. ejus animam templum Dei appellaverunt. Polita autem illa materia, hocce lucis increatæ radios recipiens, est spiritalis & intellectualis primi cœli substantia ad imaginem Verbi, primi exemplaris & causæ causarum, creata, quæ immediatè secundum Platonicos à Deo derivatur. Et hæc

hæc est vera animæ præclara rationalis substantia, quam primum mundi Opificem procreare dicit, ac per consequens omnium creaturarum nobilissimam esse concludit; quoniam, ut inquit ille, *anima perfectionis essentia à superioribus Diis provenit; imò hæc est illa intellectualis substantia, quam Jamblic. de Myst. benefica voluntate divina, hoc est, mentis divinæ præsentia illuminari dicit; ac pariter est illa, quæ definitur à Theolog. spiritus intellectualis ad beatitudinem in se ordinatus. At in Resol. Theolog. habetur: Est, inquam, hæc substantia duplex, lucis nempe essentialis & spiritus simplicissimi, quasi acies quædam ac medium limpidissimum, limoso corpori inlita, in quo idem illius divinæ & increatæ portio conspicitur. In huiusmodi ergo speculo empyreo, corpus illud limosum illuminante, Deus ipse Opifex, ut testatur Trismegistus 1. Pimand. seipsum quasi inspiciens, homini, tanquam filio suo, congratulatus est, & propria nimium delectatus forma, opera sua cuncta usui concessit humano. Homo igitur omnium se potestatem habere percipiens, opificia septem gubernatorum (nam secundum Trismegist. Pim. serm. 4. factus est homo divini operis contemplator) animadvertere incepit & gubernatores illi, quos intelligentias vocant, humanæ mentis meditatione gaudentes, singuli sui proprii ordinis participem hominem reddiderunt, qui postquam horum didicit essentiam, in Astrologia peritissimus evadens, altius cœpit ascendere, & fulgoris sui ac vitæ fontem & originem perquirere satagebat. Unde septem circulorum ambitum mentis suæ acumine penetrabat & rescindebat, vimque Gubernatoris præsentis igni comprehendere tentavit: Namque ut ignis radii sursum, versus sedem suam connaturalem tendunt, sic fulgoris illius divini officium est, tot gradibus altius cæteris radiis ascendere, quot illis subtilior aut nobilior & excellentior esse dignoscitur. Hinc erat, perhibente Trismegisto Pimand. 4. quod homo opera divina admirando, & vivaciter perscrutando, tandem ipsorum & suorum autorem invenit ac cognovit. Atque inde etiam est, quod idem Trismegist. Pimand. 10. hominem animal divinum, non cum brutis, sed cum Diis celestibus comparandum vocat; imò ipsam catholicis præstantiorem esse, vel saltem paricum illis forte potiri voluit. Solus denique homo hoc honore gaudet, quod in omnibus huius mundi symbolum & cum omnibus operationem ac conversationem virtute illius radii divini habet: Symbolizat enim cum materia in proprio corpore cum elementis in quadruplici compositione, cum plantis vegetatione, cum animalibus sensu, cum cœlo medio spiritu æthereo, cum Angelis intellectu, & cum ipso Deo, ut omnia in se continet. Agit igitur in omnibus & in omnia; atque adeò in ipsum quoque Deum posse habet, intelligendo videlicet, & amando illum: ac sicuti Deus cuncta cognoscit, ita etiam homo cuncta cognoscibilia cognoscere potest, nec enim quicquam in eo est, in quo non fulgeat aliquid divinitatis: Atque hinc etiam Trismegistus in 10. serm. Pimand. avus est appellare hominem Deum terrenum & mortalem, Deum verò ejus Creatorem cælestem ac immortalem. Et in serm. 3. Asclep. dicit, magnum miraculum esse hominem animal adorandum & honorandum: transire namque illud in naturam Dei, & ipsum quasi Deum esse asseris: Et alibi, hominis naturam Deum cognitam esse dicis, siquæ divinitate conjungatur. Ac certè hoc maximum est hominis decus, quod verum Dei radium & actum habet, quorum ratione consanguineus est ipsi Deo, non aliter quàm illi, qui ex avibus & avis descendunt, consanguinei & cognati eorum dicuntur. Atque has omnes perfectiones à lucis increatæ radice habemus, quam mentem & intellectum appellavimus ab ipso Deo nobis infusum, quo hominem propter existentem illum in eo divinæ formæ radium Dei simulachrum esse dicimus, & cum Angelis, quatenus intelligens, & rationalis est, comparari atque demum etiam cum omnibus cælis ac cœlorum creaturis symbolum habere, ut antea declaravimus.*

C A P. VI.

*De radiis mundanis sive cælestibus, quos natura actus appellans,
& cur cæli ætherei anima sit irrationalis?*

Radios mundanos sive cælestes, quos alibi secundarios appellavimus, illos nominamus, qui à perenni fonte lucido, prima die creato, hoc est, à luce primaria ad cæli ætherei substantiam spiritualem in actum deducendam, & ad tenebrosam privationis originem deorsum propulsandam, in mediam mundi regionem infunduntur, qui quoniam sunt mundi quasi visibilis anima, qua cum vivere dixerunt Platonici, idcirco à quibusdam radii mundani & actus naturæ appellantur, eo quod quælibet res naturales ab iis recipiunt actum, hoc est, vitam, vegetationem, multiplicationem & motionis originem; Imò quilibet naturæ radius seu actus est quasi anima vivens, si in corpus benè dispositum proportionem debitam infundatur; siquidem ejus virtute infinita ex similibus similia generantur, res cunctæ augentur alunturque, in tantum quidem, ut hic naturæ actus sit ligamentum elementorum, virtusque commiscendi sine qua elementorum commixtiones fieri, formæque suæ speciei congrua, per quam eares ab alia quavis re distinguatur atque dignoscatur, imprimi nullo modo potuissent: Quinimò etiam hic cæli Sol vitam & calorem inferioribus inspirat, utpote cujus radiorum actus cuncta ad se calore suo vivifico convertit, cuncta permeat entia & qualitates eorum virtutesque ducit per omnia, ac tenebras caliginemque dispergit. Quid igitur est aliud hic naturæ actus, quam anima illa mundi, quam in Sole præcipuè collocari voluerunt Platonici? ita ut radii mundani seu cælestes non sint quicquam aliud, quam lucis in corpore solari congregatæ emissio, & ad omnes visibiles mundi partes ejaculatio. Id quod etiam venificare videtur Jamblicus, omnes cælestes virtutes Soli inesse affirmans. Et secundum Proclum omnes omnium vires congregantur in unum Solem atque colligantur; quas tandem ille in hunc mundum inferiorem per ignea sua spiracula creditur disseminare. Unde & Sole ad nos vergente terram herbescere & pubescere, abeunte verò eo illam deflorere videmus. Certum igitur est & manifestum, vim istam seu actum hunc naturæ esse animam mediam naturæ ex lucis primariæ substantia & spiritu æthereo constitam, quæ media ideò dicitur, quia participat de utroque extremo. Nam accipit naturam & essentiam suam de perenni spiritu cæli empyrei & rebus omnibus creatis cæli infimi virtutem suam vivificam liberaliter impluit: Imò etiam usque ad ipsius hominis centrum penetrat cum suo spiritu anima hæc vivifica, donum illud supercæleste, mentem videlicet ac intellectum in rationali suo cursu sedentem, secum vehens. Unde Sol, hoc est, anima vivifica & homo, nempe spiraculum divinum, quod homo internus appellatur, hominem generare dicitur. Atque hinc est, quod Porphyrius in libro de occasionibus, loquens de anima hac media, definit, ipsam esse quoddam medium inter essentiam individuum, quæ est intellectus & essentiam in vera corpora divisibilem, qualitates enim materialesque forme secundum corpora sunt divisibiles. Et in eodem libro ipse differentiam constituit inter vitam hujus anima & illam intellectus. Atque hanc etiam differentiam confirmare videtur Dionysius lib. de divinis nominibus, dicendo, quod illa, quæ sunt in inferioribus, existant perfectius in superioribus. Et Proclus in lib. de anima asserit, perfectiores animas à Diis sublimioribus provenire, esse namque illas per se mobiles minusque deterioris naturæ participes, hæc verò se minus movere, magisque sortem corpoream pati, & vera dicit: Nam per hanc animam mens & in-

K

tellectus

tellektus corpori jungitur. Per animam igitur perfectiorem, intellectum à summo Opifice immediatè procedentem, per aliam minus perfectam hanc mundanam intelligit, quàm à Diis inferioribus, æthereis nempe, provenire voluit. Nam alias animas à sphaera Solari, alias à sphaera Mercuriali, & nonnullas à sphaera Lunari derivari asserit, per quas diversam radiorum naturam diversas locorum ac sphaerarum dispositiones sequentem denotare videtur. Atque hos Deos inferiores à *Trismegisto* 7. gubernatores vocatos *Proclus* juniores nominavit, ac si diceret à summo Deo provenientes, & quatenus juniores sunt à quæ inferioribus, eatenus etiam animas imperfectiores, irracionales nempe facientes. In hæc igitur verba loquitur: *Anima rationalis est anima irrationali nobilior, quoniam illam primus mundi Opifex, Deus nempe supercælestis, procreavit, hanc autem Dii juniores produxerunt, id est, ætherei.* Hæc autem anima in se vitalis, sed irrationalis per acquisitionem portionis supercælestis fit rationalis; Et tunc eam *Augustinus lib. de anim. & spirit.* definit esse substantiam quandam rationis participem. Unde hæc anima media, quatenus respicit superiora, habet virtutem intelligendi, & quatenus inferiora, virtutem sentiendi: Similiter quatenus componitur hæc anima ex luce & spiritu, & quatenus mentem divinam cum cæli empyrei substantiæ portione in se habet, eatenus rectè definitur ab *Arist. lib. de spiritu*, esse spiritus intellectualis & rationalis semper movens, &c. Sed cur anima hæc consequenter per se rationem inferioribus dare non possit, ratio, ni fallor, hæc est. Primum quia certum est, ipsam mediam cæli medi substantiam ex æquali lucis primariæ creatæ portione & pari cæli medi spiritus quantitate constare; qui spiritus lucis hujus præsentia, à privatione sua liberatur & purgatur. Lucem autem primariam ex 3. lucis merè formalis partibus, & unica spiritus constari diximus, quæ idè intellectualis dicitur, respectu formæ suæ divinæ & simplicissimæ, rationalis verò, quatenus substantia spiritualis, quæ materialis est ejus actus, quodammodò patièdo resistit, & per consequens rationalem reddit hanc materiam, quæ rationalitas inferior est intellectu. Nam in *Resolut. Theolog.* habetur, quod, *quatenus anima respicit aliora, dicitur intellectus, quatenus inferiora, ratio.* Jam verò indubitatum est, rem esse tanto magis intellectualem, quanto magis ad verum lumen, fulgorem & intellectum acceditur, & tanto rationaliorem, quanto propinquior est veræ intellectus sedi; nam intellectus creatus immediatè ab intellectu increato, non aliter quàm à Sole radii mundani, procedit. At quoniam res, quo remotius à fonte lucido distat, eò minus de radiorum ejus actû participat, uti videmus corpus animale, quo longius ab igne distat, eo minus ignis beneficium accipere, aut caloris virtutem sentire; idcirco media mundi regio, tum quia est locus à fonte intellectuali valdè remotus, tum etiam, quia ejus spiritus aliquanto est grossior, quamvis creatione sua ad vitam satis efficax & idonea, ad intellectum tamen & rationem minus est apta & conveniens propter substantiæ suæ crassitiem, magnamque contra lucis increatæ actus simplicissimos resistantiam; quoniam, quo crassior est materia, eo magis est formali actioni inobediens: proinde facultatem rationalem valdè debilitèr illic operari certum est, & per consequens, animam illam mediam in creatione sua irracionalem per se factam esse, quamvis per familiaritatem illam, quam spiritus cæli empyrei habet cum illo æthens, & per divinam Dei voluntatem, intellectus ac ratio per cæli empyrei diaphragma sexto die, ad hominis creationem, in hujus cæli animam descenderint, ut, cum hæc anima media vitalis in eum infunderetur, simul quoque ea illi cum vita intellectum ac rationem afferret. Et quia hujus cæli medii species in creatione sua irrationalis est condita, idcirco per se rationem habere non potest, non magis, quam vegetabilia ante Solis ortum creata, sensum more animalium; quamvis procul dubio creaturæ cælestes non mi-

nus reficiantur, & gaudeant præsentia hujus splendoris intellectualis, quam vegetabilia Solis appropinquatione & aspectu. Sed ut viâ magis familiari probeamus hujus cœli animæ irrationabilitatem, videmus in lumine intellectus sensum vitus dirigente, quo longius ab illo objectum distat, eò debiliores esse radios ejusdem speciei visibiles contuentis: ita quidem, ut etiam veritas quandoque ipsis non reluceat, sic enim etiam in proposito sese res habet cum hac anima, quippe cujus medium diversum est ab illo intellectus & per medium mundi semidiаметrum à sede intellectuali distat; unde radii cœli intellectualis propter mediâ diverfitatem in cœlo medio quasi refracti sunt, & rationaliter non operantur. Atque præterea etiam, si hæc anima per se esset rationalis, cur non iidem quoque rebus omnibus, quibus vitam dare solet, rationem simul imperiri perciperetur? Est enim hujus cœli substantia tum in metallis, quam in vegetabilibus & animalibus utriusque speciei; quinta essentia enim, quæ est rerum omnium natura sensibilis, solummodò existit, & non intellectualis, teste *Lullio in lib. de quinta essentia*. Concludimus igitur, quod cœlum empyreum habeat animam suam à radiis Dei increatis, & substantiam ejus esse penitus lucidam, non tamen lucem simplicissimam, quippe quæ Trinitatis tantum est propria, cum sit increata. Ita tamen hujus cœli substantia lucidam & formalem convertatur; Unde & compositio illa dicitur empyrea, id est, ignea, cujus substantia formali tenebrosus mediæ regionis spiritus informatur; atque adeò etiam tota regionis cœlestis substantia, sit ex portione hujus substantiæ empyreæ quæ est ejus forma, & ex spiritu proprio, qui est ejus materia, quæ quidem compositio dicitur *æther*, id est, *igneus ær*. Atque ut tota cœli empyrei substantia est cœli ætherei forma seu anima essentialis, sic iterum hujus tota substantia, quam quintam essentiam vocant, est omnium creaturarum inferioris mundi anima & natura, præterquam hominis, qui majorem suam perfectionem ab altiori regione depromit. Hoc igitur modo verificantur præmissa dicta *Dionysii in lib. de divinis nominibus*. Illa, quæ sunt in inferioribus, perfectius existunt in superioribus, hoc est, quo altius ascenditur, eò major perfectio reperitur: Namque ut idem in *lib. de Angel. hierarch.* dicit: *Angelum superiorem de lege communi illuminare inferiorem*: ita quoque sese res habet cum mundi regionibus. Nam mundus interior, seu idealis est exemplar ipsius Dei, exterius verò & visibilis est illius invisibilis imago.

C A P. VII.

De radiis elementaribus & anima sensitiva.

Tertia essentia anima nostra non ex primis, aut omnium generibus constituta, quemadmodum superiores animas sed ex secunda derivata composita esse, ubi per prima generis naturas atque substantias cœli empyrei, per secunda, illas cœli ætherei de quibus supra egimus, & per tertia illas cœli infimi & elementaris, de quibus hoc loco agemus, denotat. *Pythagoræ*, ut supra explicavimus, animam ex proportionibus simpla, dupla, tripla & quadrupla componi volentes, per quadruplâ proportionem intellexerunt animæ potentiam sensitivam, quam *Plotinus* & cæteri *Platonici* idolum vocaverunt, quia est quasi imago & idolum qualitatis illius, quæ sentitur. Ex *Trismegisti. Pim. 6.* ait: *Quacunque sensus movent, idola sunt & vana quadam admirationes*: nam bonum in mundo aut mundi partibus invenire non licet: nam ut acies oculi Deum non cernit, sic neque pulchrum bonumque cognoscit. Divus *Paulus* hominē animalemi & nos spiritum carnalem dicimus; Etenim hæc corpora solum

modò percipit, cum incorporea sensibus minimè obijciantur. Ex quibus patet, animam sensitivam de corpore participare, cum sine ejusdem organis nihil quicquam præstare aut perficere possit, imò nisi sit in corpore aliquo animato, hæc animæ functio seu potentia nihil est. Constat igitur ex elementis eam potius & eorum virtutibus ac mixtionibus consistere, quam à superiorum cælorum virtutibus derivari. Unde *Porphyrus* illam, in lib. de occasionibus in hæc verba à superioribus animæ potentiis distinguere videtur: *Animam quidem medium esse inter essentiam individuum, quæ est intellectus, & essentiam in vera corpora divisibilem; qualitates enim, materialesque formas secundum corpora sunt divisibiles.* Ubi per animam intelligit illam vivificam cæli ætherei, per essentiam individuum, intellectualem & rationem cæli empyrei substantiam, per essentiam verò in corpora divisibilem, potentiam sensitivam, quam denotat circa qualitates elementares materialesque formas, secundum corpora divisibiles versari, & ab ipsarum actionibus provenire ac derivari. Unde apud *Philosophos* definitur, *hujusmodi animam sensitivam esse actum substantialis corporis naturalis organici, quo idipsum vivit, sentit, appetit, spirat & loco progreditur, cujus potentia apprehensiva species rerum visibilibus apprehendit & percipit præsentibus & absentes*: nam scilicet tam aptus est recipere impressiones rerum naturalium abstractas, quam cera recipere imaginem seu characterem sigilli ab annulo abstractum sine auro vel argento sibi adherente. Atque hæc potentia apparatus tam in sensu exteriori, cui quinque subijciuntur species, videlicet visus, auditus, tactus, gustus, olfactus seu odoratus, vel interiori, cujus tres sunt differentie, videlicet sensus communis phantasia & memoria. Ejus autem motiva potentia corpus animatum movetur, vel loco externè, vel spiritu & pulsu internè; quæ quidem, si sit imperans, est virtus concupiscentiæ, sive ipsam sub se continens, vel via inaccessibilis, sub qua furor, rabies, insania, metus, tristitia, dolor & hujusmodi alia comprehenduntur. Est igitur sensibilis hæc facultas, ipsius terræ & obscuritatis filia, malorum omnium mater, carnis ad omnia mala instigator, peccandi in ea appetitum assidue excitans & objecta peccandi homini subinde præbens; nam sensu potentie apprehensivæ species præsentibus ad mala incitantes percipiuntur: Unde *Evangelium* audiendo serpentis persuasiones ad peccandum alliciebatur, inde videndo fructum esse pulchrum, oculisque & aspectu delectabilem, tetigit fructum illum, atque ad postremum eum gustavit & comedit; ita quidem, ut ad peccati hujus complementum omnes illæ quinque species concurrerint, maxime cum gustui etiam odoratus sit comes familiaris: Sed & sensus potentie motivæ species ad hanc actionem concurrebant; nam concupivit & appetit statim fructum, atque ut appetitum expleret, adivit arborem, & de fructu accepit, postmodum metu & tristitia perculsa à facie Dei fugit. Ex quibus apparet, tria fuisse Evæ ad committendum illud contra Creatorem suum inobedientiæ peccatum, incitamenta: *Diabolum namque, carnem & ipsum mundum.* Diabolus carnem objecto aliquo tentavit. Caro sensu apprehensivo operante objectum mundanum apprehendit & vidit, ac diabolicis persuasionibus, victa speciem illam sensibilem appetit, potentiaque motiva eam duxit ad explendum appetitum suum, & in subiecto illo mundano viso eam mirifice oblectavit, quod tandem ei subijctum tanquam præmium seu pœna potius suæ erga Creatorem suum inobedientiæ. Hinc igitur omnium totius generis humani malorum origo; quæ statim ab ipsa suo initio mefens universam protinus conditionem humanam inquinavit. Nam ipsa mulier homini etiam de fructu dedit, qui comedit, & per illud peccatum suum ex statu immortalis ad mortalitatem cum omni posteritate sua est redactus; ita ut rectè eum jam descripserit *Trismegistus* Deum terrenum, sed mortalem; nam privilegium suum immortalitatis per inobedientiam suam perdidit, &

formæ

formæ ejus omnes, quarum natura est de sublimioribus regionibus secundum ipsius *Proch* sermonem, ægrotare incipiunt, solaque hæc facultas sensitiva effluere; de qua rectè cum *Paulo* Apostolo dicere potuisset ille primus homo: *Video aliam legem in membris meis, captivantem me in lege peccati*: Et cum *Sacratù Phædro*: *Vires nostræ sunt boni contrario mistæ, dissensionisq. mixtæ plenæ*. Hinc, inquam, mortalitatis sententia contra Adamum pronuociatur. Nam inquit Dominus *DEUS Gen. 2. Deliquisti scientia boni & mali non comedas quocunque enim die comederis morieris*. Hinc igitur ex Paradyso expellabatur Adam, ne de arbore vitæ gustaret & viveret in æternum, adeoque etiam ob illius peccatum omnis ejus posteritas & successio redditur mortalis: nam dicit *DEUS Gen. 6. Non pervernebit Spiritus meus in homine in æternum quoniam caro est: caro enim corrupta vitam suam super terram, quare interficiam omnem carnem, in qua spiritus vitæ est sub cælo*. Hoc, inquam, animæ sensitivæ seu carnalis malitiæ initium, evidens erat futurarum calamitatum prognosticon. Nam hominem animale, ut *D. Paulus* verbis utar, ad pessima totum compositum assidue magis magnèque traheretur. Et hominis malitiam in terra ita coalescere, omnemque cordis ejus cogitationem adeo ad malum omni tempore intentam vidit *DEUS*, ut etiam percuteret eum, quod fecisset ipsum. *Genes. 9.* Nam factum est, ut post lapsum *Adæ*, sensus & cogitatio humani cordis in malum prona essent ab adolescentia ejus. *Gen. 8.* Hinc pulchritudinis corporalis amor & luxuriosus fœminarum aspectus, pulchritudinisque supercelestis & amoris sinceri ac verè ignei contemptus. Unde *Trismegistum 1. Pimand* corporis amorem mortis causam esse asserit. Et alibi: *Quis corpus amoris errore amplectitur, si aberrabit in tenebris, mortis mala sensu percipiens; nam nisi quis corpus suum oderit, seipsum amare non potest*. At quid denique dicendum est ad nefandam illam tribulationem, quam facultas hæc carnalis in genus humanum introduxit, quæ bonum à malo discernitur, quam quidem discrepantiam homo in sua innocentia ignoravit, & ejusdem ignorantie beneficio ærumbarum expertus erat, non erat passivus, curis & angoribus nullo modo afflictus, ab animæ perturbationibus immunis, patientissimi spiritus & mali inexperus, utpote circa solam Creatoris solius boni bonitatem versatus. Oh summum hominis bonum! Oh inexplicabilis ejus felicitas! At verò jam suo errore ab inobedientia orto bonum à malo distinguere potest, lucem à tenebris, tranquillam animam à tumultuosa & vexationibus ac passionibus oppressa, ignis jam conscientie urere percipitur, gehennæ rabies timeatur, diabolicæ invasiones assidue animadvertuntur, damnatio humana metuitur, præterquam quod etiam infinitis cruciatibus mundanis affligitur, & vel tutissimus quoque omnium hominum, ac firmissima securitate munitus, mortis adventus lugubris, amicorum infortunia deplorabilia, nostraque assidue formidanda, nemo in hoc mundo securus, quilibet circa proximum suum suspicax, nemo unquam satis fortunatus, aut suo statu contentus, quia boni malique goarum. Oh summum igitur generis humani infortunium! Oh inexplicabilis ejus infelicitas à proditoria potentie sensitivæ dispositione, rebellisq. & lasciva carnis humanæ intemperantia miseriarum suarum ducens originem. Concludimus igitur hanc inferiorem animæ portionem seu sensibilem ejus functionem esse quasi formam seu qualitatem elementariam magis essentiali, corporis mutationibus & perturbationibus mirificè gaudentem; de qua *Jamblicus de Mysteriis* videtur agere his verbis: *Passiones qualescunque sunt in animali, non sunt in anima qualicunque sed in corpore, quod sub anima certam possidet qualitatem, qua & patitur & perturbetur*. Ubi videtur per hanc qualitatem sub anima intelligere inferiorem animæ portionem, quam accepit à forma elementari, quam quidem in elementi ignis capite diximus esse cujusq. mutationis occasionem. Nam forma ista, licet à fonte illo spiritus vitalis sitin

prima creatione derivata, nunquam tamen propter inæqualitatem materię, cui includitur, quiescit, nunquam sua positione contenta est, sed semper contrarietatibus impugnata in assiduo bello versatur cum corporis tenebris, jam victa ærumnas corpori afferens & tristitiam, jam verò vincens, lætitiā ei inducens cum pietate, si menti conveniat. Nonnunquam etiam, pace facta, communicatio est amica inter ipsam, & carnem ejus tenebrosam; quare circa voluptates inanes & vitiosas versatur, & cum carne omnia diaboli mandata parata est observare. Et tunc regia mentis luce propter tenebrosam carnis societatem privata, omnia pessima producit. De quo etiam loquitur *Mercurius Trismegistus*, quando dicit, *quod ignorantia pestis omnem terram subvertat, animam corporis vinculis inclusam corrumpat, neque sinat eam saluti iter adsciscere sed quod in lacum corruptionis mortuam, eam submergi facias, nec ad vitam fontem recurrere sinas.* Quomodo autem ejus dispositio menti penitus, propter malignitatem carnis & diaboli adverteretur, infra latius declarabimus.

C A P. VIII.

Quibus vehiculis, seu per quę media luces ejuslibet cęli, animam humanam constituentes, corpore jungantur.

INter Philosophos, divinas virtutes in res omnes diffusas esse animadvertentes, *Democritus & Orpheus Pythagorici*, illas Deos appellaverunt, quibus omnia plena esse dixerunt. *Zoroaster* autem vocavit eas illices divinas. *Synefius* symbolicas illecebras. *Trismegistus*, & alii, *visus*, ac omnes generaliter animas & essentias, nomen ac esse rebus tribuentes. Harum autem animarum in corpora descensum & modum conjunctionis earum cum corporibus diligenter perquirentes *Platonici* nam animam primum & sponte mobilem, corpus autem per se ad motum inefficax, & per consequens hæc duo extrema omnino naturā esse contraria, eaque de causā non facile conjungi perceperunt animadvertentes, medio aliquo spiritali eum fieri: ita quidem, ut interveniente eo, duo illa extrema & peregrina aliquod inter se commercium haberent, & ligamenti illius ad invicem sibi copulenter, quod ipsum porro *æthereum vita vehiculum animę vel curriculum* appellaverunt. Atque hunc esse spiritum illum æthereum affirmarunt, qui familiaritatem cum extremo utroque habeat; non aliter, quā aëris substantia cum contrariis sibi invicem igne & aqua: Unde & spiritus ille æthereus animam involvens in media mundi regione, hoc est, inter extremum spirituale & corporale situs, definitur esse nec anima nec corpus, sed quasi jam anima, quatenus scilicet, regioni superiori contiguus est, & quasi non anima, sed quasi jam corpus, quatenus nimirum regioni elementari est conjunctus. Hunc, inquam, spiritum animadvertentes *Platonici* esse illud vehiculum, in quo & per quod mirifice illæ formarum dotes inferioribus conferuntur, omnesque facultas occulta in herbis, lapidibus, mineralibus & animalibus, virtute solis, lunę & planetarum ac stellarum fixarum propagatur. At verò *Trismegistus* profundius aliquanto *Platonici* istis naturam humanam introspectiens discipulis indicat, spiritum æthereum esse vehiculum mentis divini. Et quamvis *Proclus* in libro 3. *symon* his verbis mentionem faciat indumentorum animę humanę, *Animam esse* sciendū variē vestitur & tandem purgatur, magis tamen confuse de illis conat: Namque in 1. *Primam* habetur, *mentis indumentum esse animam, anima vero indumentum ipsum spiritum.* Ubi per animam intelligit Auctor rationalem cęli empyrei substantiam, & per spiritum, informatam ætheris substantiam. Unde in *serm. 1. & 2. Prim.* eundem istum primi sermonis locum his verbis aperire videtur,

per quæ verum mentis motum à termino suo increato à quo, ad terminū creatum, ad quem efficacissimè declarat: *Anima hominis in hunc vehitur medum; Mens in ratione, ratio in anima, anima in spiritu. spiritus in corpore.* Quibus sanè verbis haud obscurè innuit, mentem divinam & increatam lucis increatæ radium induere cœli empyrei substantiam, quo vehiculo magis deorsum in formalem cœli medii substantiam descendit; nam forma cœli medii est de vera cœli empyrei substantiæ natura, & naturaliter simile simili suo gaudet. Porro forma illa ætherea duplicem naturam supercœlestem amplectens, in spiritus ætherei involuta involvitur, in quo, tanquam in vehiculo suo proprio in corpus limosum transportatur. Mentis igitur fons est *Monas* illa increata, quam *Trismegistus* 1. *Pimand. propriam Dei formam sibi, similem & Scriptura sacra Deiforme spiraculum* vocat: Atque hanc probat *Trismegistus* serm. 10. *Pimand in mole terreæ existere non posse, nec terreæ faciem etiam posse mentem adeo divinam suscipere, aut tantum numen sustinere.* Hinc est (inquit ille) quod mens animam veluti amictum assumit, quia anima divina existens vehiculo spiritu nititur. Nec certè potest mens hæc divina in mediam regionem magis ferri absque suo vehiculo empyreo, quam animæ mediæ natura in infimam, nisi mediante spiritu medio, cum idem sit respectus inter cœlum Trinitatis & empyreum, qui est inter empyreum & medium; ac idem inter illud medium & infimum, qui est inter empyreum & medium: Etenim cuiusque cœli superioris anima est sibi proximi inferiori nobilior, secundum illud *Procli de anima: Anima rationalis irrationali est nobilior, quoniam illam primum mundi Opifex procreavit, hanc Dii juniores seu ætherei, hoc est, spiritus igneus cœli intellectualis, quod etiam rationale appellant, immediatè à Deo primo mundi Opifice promanans, nobilior est spiritu cœli ætherei, utpote cui facultas solummodò datur vitam & vegetationem inferioribus, sed nequaquam rationem completam infundendi.* Atque hinc est, quod ipse *Proclus* eodem in loco asserit, *animas nonnullas ex sphaera Solaris, alias ex Mercuriali & nonnullas ex Lunari descendere.* Ex quibus evidenter apparet, quod primum mentis indumentum sit longè nobilius, quam illud æthereum, cum sit quasi forma ad spiritum illum medium, à quo in descensu suo excipitur. Mens igitur in rationalem spiritum primum includitur, Spiritus autem rationalis cum contento suo divinissimo à spiritu per se vitali recipitur; quum ex spiritu irrationali sit, mentis & vehiculi ejus præfentiæ, rationalis & intellectualis secundum illud *Jamblici in lib. de Myster. Anima benefica voluntate divina illuminatur.* Atque ipsam nunc rectè definiit *Aristoteles in libro suo de spiritu: esse spiritum intellectualem, rationalem, semper moventem:* quatenus videlicet dotes illæ supercœlestes cum ejus natura conjunguntur. Spiritus denique hic æthereus, radiis tam supercœlestibus, quàm mundanis exaltatus, propter assiduam suam cum inferioribus communicationem ac familiaritatem, in corpora aptè à Deo in creatione ad eum suscipiendum disposita & proportionata infunditur, & per universum corpus humanum transcurrent, potentiam in eis primum sensitivam à natura sua propria inducit, quam etiam cæteris animalibus, irrationalibus nempe, pariter cum hominibus largiri solet, atque tum postea etiam rationalem & intellectualem, quam virtute luminum supercœlestium soli homini conferre consuevit. Atque hoc modo conflatur homo ille interior, facultatem intellectualem, vegetativam & sensitivam simul complicans.

C. A. P. IX.

De Theologorum opinione circa animæ creationem.

IN capite præcedente, quid de creatione animæ humanæ & ejus in corpus lutosum descensu statuunt Philosophi quique diviniore, dilucidè explicavimus. Hic verò de ipsorum Theologorum sententiis inter se discrepantibus paucis agemus. Major Theologorum chorus concludit, animam corpori infundì & infundendo creari, allegans ad hoc illud, *Genes. 2. Inspiravit in eum spiraculum vite*, id est, animam in corpore creavit. Verùm huic assertioni apertè contradicit *Origenes* cum nonnullis ex Græcis Theologis, *Platoniorum* hac in parte opinionem sequentibus, qui omnes in hanc eunt sententiam, animas omnes pariter cum Angelis in principio fuisse creatas. Id quod etiam alii quidam volunt, uti in *Clangore buccina* invenitur, quippe ubi in hæc verba expressè scribitur: *Anima, quæ hodie & post quotidie infunduntur de novo in uterum matris, non creantur à novo, sed sunt creatæ ex solo igne in principio primordiali universorum, ac foveantur in mente & potentia Creatoris usque ad præfinitum tempus, quando infundi debent corpori, & à corpore non recedunt, nisi spiritus prius recesserit & evanuerit, quo recesso evanescit & anima.* Atque cum his quoque convenire velle videtur *Augustinus*, ut in lib. 7. super *Genesin* habetur, nisi invenerit sacras Scripturas contradicentes; Unde dubitative de anima *Adæ* sic loquitur: *Si non invenitur Scriptura, quæ contradicat, videtur dicendum, quod anima Adæ fuerit à principio cum Angelis creata, & postmodum voluntarie ad corpus accessisse, ad ipsum administrandum.* Sed hoc *Augustini* dubium, meo quidem iudicio, facillimè tollitur, si consideravimus, Spiritum Dei æternum super aquas pennis igneis vectum, omnes virtutes cujuslibet Macrocosmi partibus assidue infundere, juxta illam nunquam satis repetitam *Psalmistæ Regii* sententiam: *Verbo Domini firmati sunt cæli, & Spiritu ab ore ejus omnis virtus eorum.* Hæc enim cum ita se habeant, quidni etiam eodem modo spiritus ille, quem semel spiravit *Opifex* in faciem Microcosmi, sufficiet ad omnem hominum propagationem, cum in mente & potentia Creatoris reservari videatur usque ad tempus præfinitum, quo infundi corpori debet? ita nimirum, ut, salvo illo *Genes. loco*, anima illa intellectus, quæ, quatenus ipsius Dei imago est, infinita dici possit ad hominum informationem, infinitè sese extendat, non aliter, quàm spiritus ille, quem in principio creationis Deus Macrocosmo dedit, cujus præsentia ipse Macrocosmus infinitis quotidie dotibus, sine repetita spiritus illius creatione ornatur. Nonne etiam secundum sanctum *Johannem* 1. dicitur: *in Verbo Domini esse hominis vitam, illamque vitam esse lucem, &c.* Ex *Trismegisti* *Lucem & vitam ipsum Deum* vocando, ex iis hominem creari dicit, quibus probat, ipsum Deum esse hominis vitam, per quam supercœlestia gustat, mentemque hominis, quasi divinam ipsius Dei essentiam increatam seu veram Dei imaginem apud ipsum Deum semper reservari pro creaturis, quas ad imaginem suam formare instituit. Porro etiam animam ex novo, hoc est, de nihilo, seu non præexistente materia creati, verisimile non videtur, cum compositionis ejus materia sit spiritus, forma verò lux, ut ipsi testantur Theologi. At verò spiritum generalem atque similiter etiam lucem illam universalem, ex quibus omnis rerum forma & materia derivatur, in principio tantummodò virtute divina ex materia non præexistente creata esse testantur Scripturæ sacræ. Quibus insuper accedit, quod Pater omnium *Opifex*, ante mundi existentiam dixit, & protinus Verbo ejus confirmati sunt cæli & Spiritus ab ore ejus progrediens cœlorum virtu-

tes produxit. Quis autem non videt, lucem esse præcipuam cælorum, creaturatumque virtutem & vitam, immediateque à Spiritu divino super aquas movente procedere? Siquidem lux illa generalis prima omnium creatura & fulgor seu imago Spiritus illius sanctissimi, est donum illud universale, à quo omnia alia specialia procedunt, inter quæ etiam est cujuslibet rei anima, quam *Heracitus sentillam essentia & quasi unicum tantum fontis lucidis radium* vocavit. Et proinde, quid opus erit ulla novæ lucis creatione, aut spiritu novo, cum lux & spiritus cujusque cæli, imò & ipsius Dei spiraculum, à quo omnis vita & lux hominum procedit, spiritualiter & invisibiliter ubique sit præsens ad præstândam rebus omnibus continuam successionem, secundum ordinationem ac naturam à Deo in creatione prima illis insitam? Consequenter itaque, cum Deus inter omnes creaturas suas in hominem solummodo quasi bis spiraverit, portionem videlicet spiritus universalis & particularem illum spiritum vitæ, atque propterea etiam homini soli conveniat donum hoc divinum, adeoque inter omnia alia, ejus solum corpus in creatione sua ordinatum sit à Deo atque dispositum ad spiritum vitæ seu imaginem illam divinam suscipiendam, tralatitium est inde, spiritum hunc, ultimo creationis die emissum, sine nova creatione solum efficere ad humanarum formarum successionem continuandam, non minus quam spiritus ille primus sine ulla creatione nova sufficiens est ad assiduam rerum aliarum propagationem. Concludimus igitur, quod cælum empyreum, licet ex nulla præexistente materia, attamen ex forma præexistente & prius creata sit factum, quæ quidem forma, respectu cæli medi & infimi, totaliter est formalis: respectu verò sui ipsius ex materia spirituali & majori formæ portione, atque ita ex luce increata, & materia non præexistente conflatur, quam lucem increatam jam ante explicavimus, esse in rebus creatis quasi radium Dei, omnibus præsentem; ita ut inde etiam Deus ipse ubique præsens dicatur, & lux ista propriè lux appelletur, utpote, quæ totaliter & simpliciter est formalis. Ut igitur empyrei cæli creationem asseruimus esse ex materia increata & radii Dei portione, sic etiam statuimus, hominem formari & ex materia informata, & ex eodem Dei radio increato formam ei & esse hominis dante, ac in spiritu supercælesti natante. Nam radii hi divini, licet in corpore humano, attamen etiam in ipso Deo esse dicuntur, siquidem respectu illorum Deus ubique præsentia litera deesse dicitur, non secus quam radius solaris in sole esse asseritur, & hoc modo Sol ubique. Sed radius hic in homine existens immediate à Deo in massam hanc tenebrosam sexto die descendit; non aliter, quam primo die lux Dei in tenebrosam cæli superioris partem ad mundi illuminationem est ingressa. Est ergo cæli ætherei corporibus dignior homo, quia hæc à radiis creatis secundariò constanter, homo à radiis increatis. Atque iterum hæc corpora inferioribus sunt præstantiora, quoniam horum lux à substantia illa secundariò creata procedit, nempe à cæli ætherei materia, cum cujuslibet cæli superioris substantia, sit quasi anima sibi proximi inferioris. Proinde formæ increatæ seu cæli Trinitatis substantia, quæ mera & in se forma est, existit spiritus seu substantiæ cæli empyrei anima: Et cæli empyrei compositio est spiritus ætherei forma; ac illa denique cæli ætherei substantia est forma creaturarum & partium cæli inferioris. Et sanè necesse erat, ut lucis increatæ radii conjungerentur cum spiritus empyrei substantia. Nam sine illo medio omnium purissimo & subtilissimo forma illa eximia ad mediam regionem non descenderet, atque similiter etiam hæc anima media ad infimam regionem portari non potuisset sine spiritus cæli ætherei medio, qui est ejus quasi vehiculum. Est igitur anima hæc creata cæli empyrei propria, quam lucem primo die creatam supra diximus, animarum fons & origo, quæ cum primo die sit creata, subindo

L

quo-

quotidie de novo creationes fieri non autumavit *Origenes*, sed omnes animarum substantias, quas radios supra diximus, ab hoc fonte promanare, diversis tamen modis, scilicet aut primario, ut illam hominis immediatè ab ipso Deo procedentem, aut secundario, ut ab illa radiorum multitudine, quibus informata est ætherea regio tempore creationis, quibus ante Solis productionem vegetabilia, & post Solis ortum, sensibilia, irrationalia tamen, producuntur. Manifestum est igitur ex jam dictis, animam humanam constari ex radio merè formali, quam mentem appellamus & receptaculo ejus, quod est rationalis ille cœli empyrei spiritus, atque ex hujus spiritus vehiculo, quod est forma seu anima ætherea, quæ tandem in suum veluti currum, spiritus nempe ætherei, includitur, atque tum, factò eo, tota illa compositio, qua tum Deo, tum ipsi mundo similis redditur homo interior, in hominem exteriorem descendit. Unde verisimile est, quod ut prædictæ prædictorum cœlorum substantiæ non creantur de novo, sic etiam & anima, quæ est illarum partium compositio quotidie infundendo non creëtur. Sed quo rapior aut quali furore divino ducor? Veniam à vobis, ô sacratissime Theologorum chore, deprecor, si forsan ultra limites meos progressus sum, dum me lubentissimè vestris subjiciam autoritatibus. Bonam autem esse intentionem putavi, Theologos sacros cum Philosophis hisce, mira divinitate profundis, pacis vinculo conciliare & diferentes eorum inter se opiniones in concordiam revocare.

*Exactissima partium Microcosmi spiritualium ad illas
Macrocosmi relatio.*



A. B.

Mens ab essentia Dei nequaquam divisa est, sed illi potius eo modo connexa, quo Solis corpori lumen. Hæc mens Deus est in hominibus atque idcirco nonnulli ex hominum numero Dii sunt, eorumque humanitas est divinitati quam proxima, etenim omnes tales dii sunt mortales, ut ipse Deus est immortalis. In animalibus autem irrationabilibus mens illa Natura est: nam ubicunque anima, ibi quoque mens, quemadmodum ubicunque vita, ibi & anima etiam in viventibus, &c. Mercurius Trismegistus Pimand. 12.

*Ura præcedentis harmonie Microcosmi cum Macrocosmo
relationis delineatio.*

Homo internus seu spiritus hominū invisibilis effigies.



Homo internus ex cujusque cœli portione conficitur: sed minor est Microcosmus quàm Macrocosmus, quatenus ille ex cujuslibet cœli hujus portuncula constituitur. Hinc ergo est, quod Microcosmum internum sub spiritibus tenuissimis effigie diversimodè magis aut minus illuminati depinxerimus.

L 2

T R A.



TRACTATUS PRIMI, SECTIONIS I.

L I B E R IV.

De Hominis interni numeris & Harmonia.

C A P. I.

*De numerorum & harmonia Microcosmi ratione & de relatione,
quam habent numeri & consonantie mundi majoris
& minoris ad invicem.*



Um mundus totus gubernetur, ut nonnulli sapientes volunt, imperato & ordinatione trium superiorum superexcellentiū, qui essentiā unum atque idem sunt, & executione septem aliorum, qui numeri inferiores dicuntur, aut mensuræ fabricæ, sequitur exinde, non universum modo mundum, sed & ejus creaturas ex numero ternario, tanquam principio à quo atque per numerum septenarium, tanquam medium per quod, originem suam accepisse: Unitas enim cum septenario in eodem proportionis gradu habetur, quod unisonus ad Diapason. Observandum est igitur, quod ordinatio rerum sit in numero ternario, & quod actio numeri ternarii in materiam fiat virtute numeri septenarii, qui participat de numero ternario, qui est merè formalis, & de quaternario, qui est merè materialis, uti in numeris divinis supra recensuimus. Ex his igitur fit, quod unitatis formalis iconem seu ideam mundus unicus repræsentat, & secundum binarium numerum materię multitudo ac diversitas demonstratur in mundo; per divisionem porro numerorum parium & imparium producuntur masculi & foeminae per universam machinam, imò verò ipsa mundi animæ pars mascula est in sua natura, quatenus unitatis seu mentis divinæ radii; At verò ejus vehiculum, spiritus nempe universalis, qui est humida natura, foemina quasi est; mascula quæ animæ pars seu lux pura agit in suam foemineam partem seu naturam humidam non aliter, quam homo in foeminam. Atque huic rei videtur Mercurius Trismegistus ad stipulari dicendo; *Verbum ex luminis voce prodians, humidam naturam a se ipsa fovet, &c.* Appetit enim vehementer materiā formam, ut mulier virum. Hinc igitur est, quod Platonicū dixerunt, anima partēs esse unās ætem & multas indivisam, collectā ac mirabilis harmonia; nimirum per unita.

unitatem intelligebant lucem ex unitatis fonte scaturientem; per multitudinem vero, materiam seu spiritum ex tenebroso dualitatis chao, seu hylæ immunditie exilientem. Ex sacris etiam Scripturis elicimus, *omnia fuisse numero, pondere & mensura fabricata*. Atque hoc idem, verbis sæpe iidem agnoscere videntur Platonici, *omnia numero, figura & corpore solido constituta asseverantes*. Per numeros formas rerum speciales intelligunt, quatenus scilicet forma unica vel ab unitatis fonte orta in multitudinem dispergitur & peringentem materię vastitatem dispensatur & expanditur, sic etiam *Aristoteles formas comparat numeris*. Per *mensuram* proprietates cuilibet rerum distributas denotant: Atque hinc inquit Evangelista: *Ille, id est, Christus dedit cuique secundum propriam suam mensuram*; hoc est, secundum illud, quod mensuratur, cuique attribuit Archetypus, qui mensurat res omnes iustissimis lancibus. Per *corpora* denique *solida* significare voluerunt rerum pondera & elementorum gravitatem, quæ semper deorsum magis magis trahimur, similiter per *numerum* Arithmetica intelligitur, per *dimensiones & mensuras* mediocritas Geometrica; per *pondera*, medietas Musica, quæ in proportionem librat; aut in similitudine comprehendit levitatem aut tarditatem, aut acutellam aut gravitatem vocis & inclinationem rerum. Per ternarium igitur numerum descendit Deus in materiam mundanæ, ad mundi & hominis fabricam, ubi induit numeri septenarii virtutem, quatenus participat de natura materię, ut res mundanas compositas virtute sua sacrosancta ad suam imaginem completeret; secundum *Mercurii Trismegisti* opinionem. Quare colligimus hunc numerum ternarium esse illum, per quem omnia fiunt, & numerum ternarium in quaternario esse figuram, ex qua omnia fiunt; quæ se habent ad invicem, ut quadratum ad radicem, vel ut superficies ad lineam secundum *Platonis* opinionem, vel potius sacrarum Scripturarum doctrinam sequendo, ubi dicitur, omnia numero, pondere & mensura facta esse, per *numerum* intelligimus radicem ternariam, per quam, tanquam simplicissimum & perfectissimum numerum merè formalem descendit Deus ad mundi hominiquæ fabricam; per *pondus* materiam, materięque naturam in levem & gravem divisit. Hinc inquit *Mercurius Trismegistus*: *Floruit autem splendor sanctus, qui sub arena & humida natura elementa deduxit; cumq; indistincta fuissent, levia postmodum in excelsum regionem provolarunt, gravia sub arena humida residerunt, &c.* Per *mensuram* denique intelligitur trina dimensio, corpora seu elementa constituens. Ex his igitur manifestum est, non modo mundum, sed etiam ipsum hominem tam internum quàm externum, numeris & harmoniâ conflatum esse. Nam cælum consensu motionumque concinnitate à numero ternario orta & derivata plenum est. Post hæc hominum vita rectè disposita motum & actionum concinnitatem inde suscipit: Imò verò superiorum munus usque ad bruta plantasque descendit. Hæc enim ut *Jamblici* verbis utar, *harmonia respectu naturaliter participia sunt. Superi namque symphoniacæ ratione mundana omnia continent atque perficiunt, & invicem accommodant, & ad mundum; intellectui quidem corpus per mediam animam harmonica ratione concinnant, &c.* Igni denique terram per vincula media. Præterea quamlibet animam harmonicis rationibus excollunt, & unumquodque corpus copulant ubique similibus mensuris. Habitus igitur in homine est Musicus; munus quidem est Musarum. *Proclus* autem hunc rerum numerum & concordantiam amorem vocat hisce sermonibus loquendo: *Amor, inquit ille, medius inter amabile & amantem est magnus Damon, omnia ligans, quem alii fasces naturam appellaverunt; quam ligamentum elementorum virtutemque committendi voluerunt esse, quæ in qualibet re mixtiones efficiat, formamque suæ speciei conuam imprimat.* Et hæc est forma illa, secundum alios, quæ ratione suæ magnæ perfectionis se jungit cum qualibet ex quatuor naturis; quia sine illa non esset

complexio in aliquo complexionato, quemadmodum rerum naturalium periti experientia comprobaverunt in ligamento & conjunctione ac commixtione quatuor elementorum, quæ sibi invicem qualitatibus contrariis repugnant, utpote cui repugnantia dicta elementa non possent ita cedere, ut in unum cōpingerentur, nisi esset hoc honorabile medium, quod vadit confusè per omnia elementa & participat cum qualibet suarum naturarum, & facit pacem inter inimicos. Quid ergo est amor hic. Natura hæc benevola, vinculum hoc cerum in concordia pace, præter vim naturæ naturantis seu divini numinis ideam seipsam in hanc humidam naturam immergentem, quæ divinitatis imago, forma universalis, seu mundi anima à *Platoniciis* & omnibus aliis sapientibus vocatur, cujus præsentia viva & lucida ex dualitate discordiæ & imperfectæ, hoc est, ex materia informi trinitas exacta in compositione fit, à cujus perfectione omnis numerus perfectus, omnisque harmonia exoritur, sive sit divina, sive mundana sive humana. Nam forma absolute sumpta, & sine omni materia considerata est unitas, quatenus est radius unicus, ab identitate formæ supersubstantialis ideò mundum insiliens, ut circa mundi informationem versetur, & tamen à sui fontis unitate & essentia nullo modo separetur: Sic radium Solis eundem in ære, aqua & terra videmus, qui tamen nihilominus à Sole, qui est in corde cæli, non separatur. Mixtionem igitur virtutis lucidæ Dei cum materia redigitur ipsa ab imperfectionis gradu ad metam perfectionis; Nec tamen protinus huiusmodi perfectio est absoluta, sed respectiva, quatenus materia creata participat de bonitate & perfectione Creatoris: sic enim omnis creatura bona dicitur participativè. Inde jam evenit, quod ubi nihil præter discordiam repertum erat, ibi jam musica, symphonia & harmonia divina percipitur & exauditur. Sed hæc harmonia differt ab excellentia illius divinæ in eo, quod nulla omnino discordia aut antipathia in hac reperitur; tot verò imò plures in illa dissonantiæ quam concordantiæ: sic unisonus est concordia initium, dualitas discordia. Trinitas ergo est primus concordia gradus; quaternitas prima discordia apparitio; & sic in cæteris. Cùm igitur in mundi compositione forma pacifica cum materia litigiosa conjungatur, sequitur, quod mundi compositio sit concordis & discordis simul mixta. His igitur diligenti intuitu notatis, accingemus nos in primis ad investigationem numerorum homini interno propriorum, ut deinceps faciliori methodo ad ejus harmoniam accedamus.

C A P. II.

De numeris anima.

CUm de numero hoc loco agimus, non loquimur de illo Arithmetico (*Algorithmo dicto*, quæ mercatura in suis negotiis, aut Geometria & Astrologia in suis calculationibus utitur; sed tales numeros intelligimus, qui Metaphysici, Physici seu naturales atque proportionales nuncupantur. Non enim per unitatem, istiusmodi vulgare unum, sed essentiam seu formam unicam intelligimus; nec per dualitatem duo in abstracto, sed aliquid materiale in concreto atque in rerum natura compertum denotamus. Numerus igitur metaphysicus est proprietatis essentiæ supersubstantialis distinctio, promanans ab uno & eodem fonte seu scaturigine. Physicus verò & naturalis in proportionibus variis consistit, quibus superior mundi pars à media, atque itidem quoque media ab infima & tertia differt. Et illa quidem prima in ratione numeri denarii reperitur, ætherea pars in proportionem centenaria & elementaris in millenaria. Hinc ratione

Geome-

Geometria hanc mundi partes considerando, superiores numeri lineis, mediis superficiebus & inferiores corporibus; *ratione* vero, *Musica*, numeri simplices seu digiti divini vocibus superexcellens, coeli empyrei excellens, coeli ætherei seu medii acuti & coeli elementaris gravibus; *ratione* porro *Arithmetica* super substantialibus unitatibus, empyrei radicibus ætherei quadratis & elementares cubis correspondent. Non igitur intenditur hoc loco naturalis numerus, sed formalis ratio, quæ est in numero. Nam forma mundi ab unitatis essentia defluens in dualitatis seu quaternariam naturam, sua præsentia majori aut minori in hoc mundo numeros proportionales & pondera ac mensuras producit: Unde fit, ut materię seu naturę humidę portio formali præsentia destituta, magis gravis, grossa, cruda atque opaca sit & magis deorsum tendens; cum è converso portio ejus, formali præsentia locuples & plena, existat subtilior, tenuior, levior, pulchrior, vivacior, mobilior, maturior & magis sursum elevata; & id quidem etiam multis proportionibus: sic quatuor elementorum substantię orbis, suis libratorum trutinis iustitiæ, altius vel submissius secundum formę suę merita suspenduntur. Sic stellę & quęlibet coeli ætherei sphærę, nutilis ignibus decorata admirabili naturę artificio & ordine sustententur atque suspenduntur, secundum formę suę nobilitatem. Atque in eorum centro Solis pulchritudo idem collocatur, ut, tanquam oculus mundi, omnia contueatur, aut instar cordis totius vitam sui luminis orbiculariter cõriscant, ubique dispergat atque dispenset. Cœlum etiam empyreum virtute hujus formę in suas hierarchias (quarum una est altera virtute sublimior & excellentior) distinguitur, atque sic in cæteris: Quæ iterum mundi materialis divisiones subdividuntur gradibus aliis infinitis, & à nobis non definitis. Atque hæc mundi portiones, aut materię aut formę portionibus differentes, numeros nostros physis appellamus; ex quorum unione, varięque commixtione res varię, naturę species, aspectu & qualitate distinctę in orbe producuntur. Ex his igitur mundus & mundi partes constitutę sunt; Ex his ejus animę diverso modo hic vel illic in suo spiritu vel materiã aqua seu humida agit; ex his animę unica in multitudinem materię expansa, in nomen multitudinis, secundum creaturarum species, imò & specierum individua ingreditur; ita ut mundi universalis quilibet radius, in materiam seu corpus creaturę iniens, ejus animę dicatur. Sed tamen homo divinum animal super omnes alias mundi creaturas hoc honore gaudet, quod spiraculum speciale super illud mundi vitę munus à Deo accepit. Unde præter mundi donum, mente divinã, divino Dei actu & radio fruitur, quo intellectualis & rationalis solus inter omnia cætera animalia dicitur. Hic igitur debito modo consideratis ad animę humanę numeros accedamus; quæ quidem retinet in se portionem cujuslibet regionis seu cœli mundi: unde homo mundi dicitur imago, ut mundus Dei. Ex supremo igitur cœlo habet suum intellectum & rationem, ex medio suam animam vitalem & spiritum æthereum, ejusdem animę vehiculum, ex infimo suscipit formaliorem elementorum partem, organis cæteris præstantioribus animę humanę portionibus inservientem. Super has omnes portiones vehitur Mens, æternę essentię propago, radius Dei atque donum increatum, ab ore super substantiali efflata. Mens igitur facili se jungit cum seminibus suę naturę, videlicet cum intellectu agẽte, seu ignea cœli empyrei portione; similiter cum animã, quæ est ignea seu lucida cœli medii natura, & hæc tres lucis portiones cum formaliore elementi ignis portione; quod quidem etiam facilius fit, quoniam ab eodem fonte lucido ortę sunt. Sic etiam est inter partes materiales unica facilisque mixtio. Nam spiritus rationalis seu intellectus patiens se unit cum spiritu æthereo, & ille cum ærẽ; nam ejusdem sunt naturę, cum ab eadem abyssu & hyla sicut derivati. Sed tamen lucis portiones

tionem dignitate exaltantur, una super aliam propter maiorem aut minorem suam immunitatem à materiæ vinculis. Mens ergo purissima in se est, & ab omni iniquatione libera, quia increata. Intellectus agens magis materiæ humidi alligatur, quia primæ materiæ compositionis portio est formalis; sed quia hic non nisi unica spiritus materialis portio adest tribus formæ lucidæ partibus, ideo hæc compositio est simplicissima totius compositionis pars. Anima autem media est adhuc magis in spiritus centro circumsepta; unde non ita libera est, atque lux illa compositionis cœli empyrei, adeoque etiam nobilitate est inferior, quippe quæ æqualem spiritus portionem, cui includitur, & qua circumsepiitur, habet. Lux denique elementaris omnibus lucis portionibus depressior & spiritus elementaris ac aërii multitudine magis impedita, cæterisque lucis partibus ignobilior esse dignoscitur, quoniam tribus materiæ humidæ portionibus includitur, & veluti captiva detinetur. Unde in sua natura est eodeterior, quo magis deorsum tendendo, multitudine materiæ coarctatur. Simili etiam ratione se habet spiritus rationalis ad vitalem, ut spiritus empyreus ad spiritum ætheris; atque itidem quoque spiritus vitæ ad spiritum facultatis naturalis, ut spiritus æthereus ad elementarem, quoniam multitudine formæ nobilitatur spiritus, paucitate verò vilescit. Hinc ergo oriuntur animæ numeri simpliciores & magis compositi; hinc ejus harmonia gravior & acutior; hinc pondus & mensura; hinc ejus radix quadratum & cubus, atque omnes aliæ proportionum mundi proportionibus exactè convenientes. Nam ut ad mundi compositionem novenarius numerus concurrebat, sic itidem hic quoque in animæ humanæ compositione idem istud accidit. Nam inquit *Mercurius Trimegistus*: Verbum est in mente, & nos dicimus, Filium esse in Patre; unde dualitas formalis reflexa in Unitatem facit Trinitatem, quæ ducta in se producit numerum novenarium; ex quo sunt radices cœli intellectualis, qui iterum ductus in radicem suam formalem producit 27. ita ut unitas animæ sit æctus seu basis Dei seu mens, in qua verbum est. Deinde denarius numerus est radix compositionis intellectus agentis cum patiente, quæ radix dicitur animæ humanæ; cujus quadratum est centenarius; qui est quadratus numerus radices intellectualis, videlicet anima cum spiritu æthereo; cujus cubus est millenarius. Elementum scilicet ignis cum suo spiritu seu sphaera humiditatis, quibus est corpus seu basis hominis æterni. Est iterum & alia radix in rerum natura consideranda; videlicet unitas formæ ad dualitatem materiæ, quæ junctæ faciunt numerum ternarium, qui multiplicatione in se hoc idem præstat, ut in sequenti demonstratione declaratur. Hiigitur sunt gradus, quibus anima descendit à cono usque ad pyramidis materialis basin, ab unitate & simplicitate materię ad multitudinem, atque ita magis magisque materiæ abyssu tegitur atque absconditur. Imò vero & per hos gradus revertendo & materiæ habitum magis magisque deponendo ac tenebrarum crassitudinis velamenta exuendo, resolutione gradatim facta, sursum vice versa, à multitudine versus unitatem iterum assurgit. Concludimus igitur ex his, quod unitas, in simplicitate essentię increatæ reperta, sumatur pro Deo Patre, à quo Filius & ab utroque Spiritus sanctus promanat, à quibus 9. digiti numeri simplices: In simplicitate essentię creatæ, hoc est, in suprema materiæ regione, ubi unitas cyphræ præponitur, ibi dicitur Mens, à qua intellectus tanquam filius procedit. Nam Filius in Trinitate est sapientia Patris; & ab utroque ratio procedit, tanquam spiritus à mente & intellectu derivatus: In portione etiam medię compositionis, ubi unitas cum duabus cypris conjungitur. Primum mobile unitati comparatur. Sol dualitati & Spiritus æthereus Trinitati seu tertię personæ. Nam primum mobile est quasi Dei Patris voluntas, & origo & quasi fons & unitas atque terminus, à quo cœli creaturæ inferiores

res motum suum hauriunt. Solem etiam appellavit *Platos filium Dei visibilem*: *Æthera quoque Spiritum vita* appellaverunt Philosophi veteres, eò quod vitæ sit vehiculum, quo inferiora vivunt. Movetur ergo lux solaris à primò mobili, hauritque spiritus essentiam, à motu & lumine primi mobilis & Solis procedentem. In regione inferiori, ubi unitas cum tribus cyphris collocatur, Pater igitè comparatur; Filius aëri, quatenus sua vis moderator atque benignus mediator est; & Spiritus sanctus aquæ propter rationes superius allatas. Terra autem jacet quasi totius fundamentum, in cujus centro unitas etiam reperitur cum tribus cyphris. Unde patet, quod Deus semultiplicet toties, quoties personæ recensentur in Trinitate sacrosancta, ut integra mundi materia vertatur in essentiam ejus divinam: Nec certè relicta erat terra, seu totius fundamentum vacuum, sed in illa etiam ipsam ingressus est Salvator, quoniam, ut dictum est, *terra germinabit Salvatorem*, &c. Est ergo omne, quod est, ipse Deus. Extra mundum adest sibi in essentia supersubstantiali & vocatur *Adonai*. In superiori mundi regione adest mundo spiritali, & vocatur *Mens*. In media mundi creati regione dicitur *vita*. In infima nuncupatur *corpus*. Et totum in toto ac omne creatum nihil præter Deum sunt, quatenus omnia bona dicta sunt, & verò nihil, præter solum Deum bonum dici debet, à quo sola est bonitas. Nam ejus bonitate omnia existunt, & sine illa nihil in actum produci potuit; quoniam sola Dei bonitas, lux & benevolentia est rerum omnium actus, in quo, à quo & per quem omnia, quæ sunt, existunt, & sine quo nihil. Quicquid ergo actus est, Deus est, quia solus Deus est actus: Et proinde actus ac vita creaturarum est Deus, quoniam in Verbo erat vita, &c.

Demonstratio luculentissima numerorum formalium, tam in personarum DEITATIS ante mundi creationem ab unitate supersubstantiali profluxu, quam in cosmi & creaturarum ejusdem tempore creationis promanatione, ubi declaratur, qua ratione primum digiti formales ab unitate supersubstantiali, deinde articuli, & tum postea numeri centenarii, atque denique millenarii ad diversam mundi consistentiam producantur.

M *vidi*

*Fidi Jehovah in altissimo throno super palatium mundanum elevato sedentem:
illud palatium erat gloria Conditoris plenissimum. Esaia 6.*

Rad.
Quad:
9

Cub.
27

Animæ ab unitatis perfectione in multitudinem immensio

A		E		C	
2	10	Sera phin	26	90 00	
3	20	Che. rubin	25	80 00	
4	30	Thro. ni	24	70 00	
5	40	Domi nationes	23	60 00	
6	50	Prin cipatus	22	50 00	
7	60	Pos tes tates	21	40 00	
8	70	Vir tutes	20	30 00	
9	80	Arch angeli	19	20 00	
10	90	Angeli	18	10 00	
11	100	Primum mobile	17	900	
12	200	Caelum stellatum	16	800	
13	300	Saturnus	15	700	
14	400	Jupiter	14	600	
15	500	Mars	13	500	
16	600	Sol	12	400	
17	700	Venus	11	300	
18	800	Mercurius	10	200	
19	900	Luna	9	100	
20	10 00	Ignis	8	90	
21	20 00	Suprem. Aeris regio	7	80	
22	30 00	Media Aeris regio	6	70	
23	40 00	Infima Aeris regio	5	60	
24	50 00	Aqua Salza	4	50	
25	60 00	Aqua Dulcis	3	40	
26	70 00	Regio Vegetabilis	2	30	
27	80 00	Regio Mineralis	1	20	
28	90 00	Regio Terrae	0	10	
29	10000				

Animæ ab imperfectione ad perfectionem regressus

A.B. *Pyramis materialis in profundum anima ab unitate seu fonte formali egressa, proportionibus radicali quadrata aut cubica submergitur.*

C.D. *Pyramis formalis, cujus actione circa dissolutionem (vincula materialia comprehendendo) versata anima Pyramidis materialis à multitudine & profunditate, ad unitatem gradatim & proportionaliter reducitur.*

E.F. *Mundi proportio ex duabus prædictis Pyramidibus simul unitis conflata.*

C A P. III.

Qua harmonia mundana virtute Mens ad corpus suum opacum allucitur.

RES est valde difficilis & rationi humanæ vix pervia, quomodo Mens divina & immortalis à summo suo tabernaculo & sacrosancta sede in infimam, tenebrosam, immundam & mortalem hominis mansionem, suæ naturæ tam oppositam, introducatur. Hoc tamen voluntate divina fieri videmus, motusque ille animæ ad inferiora proculdubio inducitur blanditiis & adulationibus spiritus mundani, utpote qui erga tenebrarum massam, tanquam suum progenitorem, amorem haud exiguum habet; id tamen, quod non nisi motu & voluntate Creatoris perficitur, quò nimirum in terris etiam & cælo infimo nobilis quædam creatura ad Creatoris imaginem inveniatur, quæ ratione imbuta Creatorem suum cognoscat, ejus opera contempletur & admiretur, ac Deum suum Creatorem extollat, laudet & cultu divino honoret: Atque hoc quidem comprobatur ex eo, quod impossibile esset menti isti in locum hunc, suæ naturæ ita contrarium, descendere, sine egregia illa atque admirabili Creatoris symphonia, à qua omnis concordia & harmonia mundana oritur. Descendit ergo imprimis mens cum intellectu in sphaeram animæ mediæ, alis spiritus rationalis vecta. At verò cum 1. seu conus pyramidis materialis se habeat ad 2. (ubi scilicet intersectio pyramidum fit in sphaeræ æqualitatis loco) in proportionem duplā, sequitur exinde, quod mens ad illam stationem deorsum à sua sede connaturali feratur virtute harmoniæ Diapason. Per Diatessaron igitur transfertur deorsum, prosiliendo usque ad basin cæli empyrei seu firmamenti, à quo iterum per Diapente ad orbem Solis seu sphaeram animæ mundi, deorsum semper penetrando vehitur. Diatessaron ergo cum Diapente junctum producit Diapason: Atque hæc est ejus harmonia mundana ex Diapason spiritali conflata. Hæc est mentis in ipsius itinere mundano statio media, in qua anima mundi cum spiritu suo mentem & intellectum agentem cum rationali ejus vehiculo recipit. Ab hac iterum statione deorsum adhuc subterlabitur mens in duplici suo diversorio per consonantiam Diapente materialem seu corpoream; cujus harmoniā deorsum ad convexam elementi ignis superficiem pervenit, ubi regio elementaris in aëreos suos amplexus eam cum duplici ejus vehiculo illiusque gubernatoriis non sine adoratione divinorumque respectu excipit. Atque ita mens cum tribus suis satrapis, luce videlicet intellectuāli, vitali & sensitiva seu elementari a triplici suo curriculo deorsum tendit, ad terram pervenit, & in suum carcerem tenebrosam virtute Diatessaron elementaris seu corporalis includitur. Hoc itaque modo virtute consonantiæ Diapason materialis mens cum suis subditis descendit atque induit corporeum suum velamentum. Nam ex Diatessaron & Diapente materialibus Diapason exultat; quod etiam inde probatur, quia 1. conus pyramidis formalis, in centro basis pyramidis materialis repertus 2. intersectionis comparata, in duplā habetur proportionem. Quod autem

consonantia Diatessaron in utroque extremo comperitur, ex eo declaratur, quod proportio talis ibi inter materiam & formam invenitur, à 3 scilicet ad 4. videlicet sesquitercia, ex qua conflatur consonantia Diatessaron. Similiter consonantia Diapente reperitur, tum sursum tum deorsum numerando à sphaera æqualitatis, quoniam in iis locis invenitur proportio sesquialtera, videlicet inter proportionem materiæ & formæ, nempe 2. ad 3. Sed quoniam hujus harmoniæ mysterium luculentius in hystoriæ nostræ macrocosmicæ harmonia explicatum est, vos illuc remissos velim, dum hoc in loco de harmonia animæ ex numero septenario derivata, verba nonnulla (licet pressè) faciemus; quoniam hic numerus magis propriè ad animæ humanæ compositionem (propter immensam suam proprietatem arcanamque ejus dispositionem) pertinere videtur. Animam ex luce & subtilissimo spiritu, hoc est, ex agente & patiente conflata esse neminem sapientem latebit. Cùm verò activa animæ portio iconem Trinitatis præ se ferat, quatenus verbum dicitur esse in mente & mens in intellectu agente, idcirco numerum formalem seu proprietatem divinitatis, hoc est, ternarium divinum sibi vendicat; qui additus numero suæ portiois passivæ, quaternario scilicet, producit anmerum septenarium, ex quo componitur anima humana, per cujus harmoniam triplicem deorsum incorporeum suum diversum vehitur. Sed quoniam tam de admirabili hujus numeri effectu & mysterio, in compositione animæ & ejusdè harmoniæ, quæ ab alto in corpus introducit, versante, quam de arcana ejusdem dispositione in liberatione animi à corpore, ligamentorumque elementariorum resolutione, in tractatu nostro de Morte, uberius loquemur, hujus numeri efficaciam ad animæ humanæ existentiam hoc loco omitemus, atque ocularem solummodò demonstrationem harmoniæ animæ ad illam mundanam relatæ modo sequenti depingemus.



CAP. IV.

Quomodo mens & intellectus à superiori per unumquodque mundum ad ejus inferiora, ad centrum usque penetrans, mysteria cujuslibet cœli animadvertat, & de natura ac dispositione cujuslibet cœli participet & ipsorum virtutes, secum in hominem mundanum introducat.

UT anima humana per harmoniam mundanam in obscurum suum habitaculum immigravit, sic etiam hominem mundaquæ incolens, non modò retinet secum actum symphoniz mundanæ, sed etiam concordiz divinæ ideam secum rapit; Unde fit ut sonis Musicz vulgaris mirum in modum afficiatur. Hinc est, quod Iamblicus hujusmodi sermones jactavit: *Anima*, inquit ille, *in mundo intelligibili audivit harmoniam divinam, cujus hic reminiscitur quando audit melodia divinæ vestigium, reminiscens verò ad eam vehementer afficitur sicut in numero animarum, quæ ipsam harmonia ideam præcipuè contemplata sunt in patria. Ejusmodi verò affectu saltè familiaris Deo jam afficitur singulari quadam præsentia Dei, unde mirabilia facit.* Hujus ergo affatus miraculique causa non est passio ex sonis illata, non animæ natura ex harmonia composita, sed similitudo ad Deum, Deiq; præsentia. Sunt igitur imprimis vestigia Musicz & melodiæ divinæ in mente, cujus pulsatione suavi ad lummum allicimur bonum, & contemplationem rerum divinarum. Ex parte animæ intellectualis gustat homo (beatitude præditus) de proprietatibus intelligentiarum novem ordinum; videlicet de igneo *Seraphinorum* intellectu, atque charitatis eorum dono, de excellentissimo *Cherubinorum* munere, in multitudine sapientiæ & scientiæ versante, de sinceritate *Thronorum* in judicio & justitia, de excellentia *Dominationum* in virtute, de moribus & reverentia *Principatum*, de *Potestatum* fortitudine ad debellandos malignos Dæmones in pugna spiritali, de *Virtutum* illuminatione & miraculis, quas Dei virtus illustrat, de secretis *Archangelorum & Angelorum* in officiis, annunciationibus & obedientia. De his, inquam, omnibus dotibus participat homo ratione excellentiæ sui intellectus, hujusmodi cogitationes hominibus tribuentis; cujus virtute anima procul dubio (mente scilicet præeunte ad ejus auxilium) tantum præstare posset, quantum ipsæ intelligentiæ, si crasso & tenebroso suo carcere non coarctaretur, & erroribus ejusdem præstigiis minime seduceretur. Virtutes etiam in cœlo æthereo contentæ propter animæ mediæ naturæ portiones cum suo spiritu homini non desunt. Nam à primo mobilis, quod cœlo intellectuali contiguum est, virtutem talem possidet, ut voluntatem suam ab eo derivatam cum intellectu conjunctam habeat, semper ad mentis bonum tendens, qui quidem intellectus vias & semitas voluntati non aliter delineat quàm lumen oculo, non tamen voluntatem movere contra suum appetitum, sed manet ea suæ operationis domina; unde liberum arbitrium dicitur hæc voluntas; quæ licet ad bonum, tanquam ad adæquatum sibi objectum, tendat, aliquando tamen occæcata errore, & tenebroso sui velamenti præstigiis, vique animi impellente malum eligit, credens, illud esse bonum. Hinc ergo est, quod liberum arbitrium facultas esse definitur intellectus & voluntatis, quæ bonum eligitur, gratia assistente & malum, ea deferente. Ipsa itaque gratia, quam etiam charitatem sive amorem vocant Theologi, est in voluntate sicut primum movens, quæ absente, universus consensus labitur in dissonantiam. In his itaque participat animæ æthereæ pars de primi mobilis natura. Proprietates

prietates etiam tres apiebat à cœlo stellato, cui libet ex tribus Zodiaci triplicitati convenientes, quas etiam proprietates sibi ad perfectionem officii sui in corpore humano conjunxit. Nam facultatem suam attractivam à *Ariete, Leone & Sagittario*, triplicitatem igneam constantibus, deo complis, reuenticem à *Tauro, Virgine & Capricorno*, concoctricem à *Geminis, Libra & Aquario*, & expultricem à *Cancro, Scorpione & Piscibus* sibi vendicavit. Deinde transeundo sphaeram *Saturni* vim suam receptivam ab eo habuit, gravitatem etiam & constantiam in proposito suo, atque prudentiam, cum profunditate. Ex orbe *Jovis* iustitiam, virtutum amorem, honestatem, mansuetudinem & facultatis naturalis gubernationem pro sua portione rapuit. Ex regione *Martis* vim impulsivam & irascibilem, audaciam, potentiam & fortitudinem habuit. Ex *Solari* ambitu facultatem suam vitalem hausit. Ex *Veneris* circuitu virtutem sumpsit concupiscibilem, hilaritatem & delectationem in Musica. Ex orbe *Mercurii* vim suam phantasticam & ingenii acumen, scientiarum amorem & memorie perfectionem acquisivit. Et à *Luna* sphaera suam crescendi atque decrescendi potestatem attraxit. Denique inferior ejus portio, quam sensitivam & animalem appellamus, complexionibus, humores & reliquis proprietates, organis sensibilibus convenientes, secum ad elementaris compositionis perfectionem & complementum pro sua portione in diversorium suum opacum introducit. Ex quibus evidentissimè apparet, quod anima sibi allestet in itinere suo, ab unitate peregrinando ad multitudinem, infinitas macrocosmi proprietates ab harmonia ejusdem divina profluentes. Atque hic diligenter observandum est, quod discordiæ non pulsant animam humanam à cœlo empyreo, quoniam illud propter suam puritatem, divinitatem & simplicitatem semper versatur circa bonum, sed fons litigiosus, quàm sæpissimè percipiuntur à cœlo stellato provenire, verbi gratià: *Saturnus* invidiosa seminata nonnunquam disconvenienter atque discrepenter in animam infundit, similiter odium, turpitudinem vitæ, melancholiam & hujusmodi alia; *Mars* etiam nonnunquam iracundiam, seditionem, litem, derisionem, adulterium, incestum, inconstantiam & hujusmodi alia immittit in inferiora propter incongruas suas cum nonnullis naturis inferioribus pulsationes. Unde hi *Planeta infirmi* dicuntur, cujus rei rationem in Musica nostra mundana recensuimus. Elementorum autem regiones, propterea tantum in illis materiarum multitudinem repertæ, sunt discordiis plenissimæ; quoniam eorum numerus binarius est discordiæ & litigii origo. Atque hinc fit, quod tot in hac regione sint altercationes, tot corruptiones rerum, earumque de una forma in aliam mutationes. Sed & ipsa elementa inter se litigarent, & invicem bellum gererent perpetuum, nisi honorabile illud medium, cujus virtute res litigantes pacis & concordie vinculis ligantur atque connectuntur, intercederet. Ac verò mens ab omni passione, malevolæque materiarum dispositione libera est, semperque in suo statu constans & immobilis reperitur; nec enim ab aliorum influentis, aut intelligentiarum impulsu flectitur, sed ab omni operatione & actione rerum, quæ sedi ejus cōnaturali subjiciuntur, immunis existit. Unde manifestum est, quod corporibus, quibus illa prædominatur, non possint astra necessitatem imponere. Nam sapiens & benedictus mentis divinæ radiis conspersus, atque imbutus ipsis astris dominabitur. Nec certe illam in parte animæ intellectiva potestatem habent stellarum & planetarum influentiæ, quatenus spiritus rationalis proximum est mentis vehiculum & supra syderum potestatem naturaliter exaltatus: Sed tales homines, qui intellectus munera, mentisque beneficia recusantes, bestiarum more sunt sola anima vitali contenti, & irrationalitatem rationalitati præponentes, nec ullo modo spiritalibus oculis res divinas intuentes, ad terrestria dumtaxat prono vultu respiciunt, animalem

solummodò & sensualem vitam amplectentes, hi, inquam, virtutem coelestem & divinam ignorant, nec ad eos arcana pertingere possunt. Hujusmodi *anima Merc. Trismegisti.* sicut illi, quibus mens aut abest, aut vacare dicitur; atque in his anima vitalis, à cœlo æthereo derivata, primum & principalem obtinet locum. Unde fit, ut hujusmodi hominibus dominantur astra, iisquæ imponant necessitatem, non minus quàm ipsis beluis & planetis: quoniam anima vitalis cum suo spiritu est de natura stellarum atque coelestium, ac per consequens facilius eorum impressiones suscipit; quippe quæ ab eorum fonte dimanat, mediisquæ à Deo ordinatis inde subterlabitur, & in corpus humanum migrat.

T R A.





TRACTATUS PRIMI, SECTIONIS I.

L I B E R V.

De Microcosmo externo.

C A P. I.

De cujusque creatura corporis sive mineralis, sive vegetabilis, sive animalis origine; & quomodo animalium, vegetabilium & mineralium externa inter se differant; Similiter de Solis virtute ad animalium creationem, & de duplici rationabilitatis differentia.



Omnem internum ex triplici animæ constitutione seu actu vel radio primario, secundario & tertio conflatum esse, in libris præcedentibus satis aperte declaravimus. Hoc verò libello, palatii seu receptaculi ejus materiam, naturam & fabricam breviter & succinctè explicate nobis proposuimus, quod corpus humanum, homo externus, & teste *Johan. 4. 9. domus hominis interni* appellatur. Quod igitur ad ejus materiam attinet, ex multis sacrarum Scripturarum locis, eam esse terram & lutum, colligimus, *Gen. 1. 7. & ibid. 3. 19. & ibid. 18. 27. &*

Tob. 4. 9. & ibid. 16. 18. De cujus originis, naturæ, qualitatis & opacitatis ratione mentionem satis perspicuam in *Tractatu nostro primo, de Macrocosmo* habuimus; ubi demonstravimus, ipsam esse universalium spirituum tenebroforum fecem, triplici Spiritus increati revolutione ad fabricæ macrocosmicæ centrum repercussam; ita tamen, ut spiritus nonnulli densi aquarum seu spirituum universalium in hoc capite, quasi mortuo adhuc delitescant cum scintillis nonnullis lucis triplicis vix perceptibilibus, à quolibet trium cælorum seu qualibet mundi regione materiæ spiritus occulti glutinosæ & viscosæ in hærentibus ac tenebris submersis. Hinc mineralium origo à crassissimo & densissimo spiritu regionis inferioris seu sublunaris, & tali lucis scintilla; unde eorum pondus & gravitas, difficilisque dissolutio propter spissitudinem materiæ, lucis scintillas includentis, provenire percipiatur. Inde etiam fit, ut metalla & cætera mineralia

N

magis

magis deorsum tendant, & in venis terræ profundioribus reperiantur: Hinc etiam vegetabilium & plantarum ortus seu principium; quarum nec spiritus ita spissus & grossus est, nec scintilla seu radius ita debilis & captivus seu impeditus, ut ille mineralium; quoniam planta habet hanc suam proprietatem à spiritu in tenebris secundarum umbrarum incluso, videlicet tenebrarum medii cœli & à luce quoque tali in eo occultata. Unde fit, ut natura vegetabilium ita se habeat ad naturam mineralium, sicuti natura cœli mediū se habet ad cœlum infimum, Id quod etiam demonstratur, cum pereorum situm in terra, cum per eorum naturam & dispositionem. Nam mineralia magis deorsum in terra reconduntur atque submerguntur, & more occulto vivunt, propter exiguitatem scintillarum suarum; quoniam minor ipsis est ignis portio. At è converso vegetabilia seu plantæ penetrant terræ superficiem, & in aëris ac aquæ regionem versus locum suum connaturalem quotannis sublimantur & attolluntur, sensibilibusque vivere, & de statu ad statum movere percipiuntur. Unde spiritum & lucem liberiores, vivaciorem & subtiliorem habere observantur, quam corpora mineralia; atque ita elevantur supra naturam mineralium non aliter, quàm ætherea regio super illam, quæ communiter elementaris & sublunaris dicitur. Ex his ergo patet, quod spiritus grossioris portio cum infinitis lucis duorum cœlorum infimorum scintillis in ea inclusis; sub opaca & tenebrosa terræ dispositione tertio die, immediatè post terrestrem fœcum ad fabricæ & peripheriæ centrum repercussionem delitescere cœperit: Non tamen tam validi fuerunt hi radii in spiritu terrestri inclusi, ut animalia potuerint producere; iuxta quod quorum compositionem lucis portio efficacior, & qualitate subtilior requiritur, qua huc atque illuc super terræ superficiem ferantur sine ulla illigatione aut agglutinatione pedum aut radicum suarum ad orbem terrestrem; ut scilicet quædam natus in aquis super terra, alia in aëre volent super aquis, alia huc atque illuc super terræ superficiem & aquæ faciem in aëre discursant. Est igitur proculdubio majus adhuc mysterium hic investigandum, unde à posteriori altius versus unitatis punctum est ascendendum. In *Tractatu nostro Macroscopico* Solis ortum & creationis ejus rationem immediatè à terræ fundatione & circa centrum congregatione seu aggregatione deduximus; quod scilicet radii infiniti, cœli prioris & superioris, in viscosa spirituum spissiorum ejusdem cœli materia capti atque inclusi, simul cum umbris ejusdem cœli ad centrum fuerint repercussi, quorum spiritus eos includentes, quoniam à deformitate tenebrarum nullibi præterquam in loco & puncto immunditiei purgari & emundari potuerunt, idcirco spiritus solaris, ad cœlum empyreum pertinens, obscuritatem suam eo in loco exiit, & virtute consistentis in eo lucis primariæ taliter in altum elevatus est, qualiter fufum, adhibito igne artificiali, cernimus fufum ferri; Spiritum enim hunc solarem cum sua luce longe aliter se habere, quàm spiritum illum vegetabilium, qui à cœlo medio derivatur, supra declaravimus. Nam plantæ spiritus, cum sua anima ad patriam suam ascendere appetens, sursum quidem etiam tendit à terra versus cœlum; sed quoniam elementum ignis contiguum est spiritui æthereo cum ejus anima seu luce, fit inde, ut immediatè illud fergat cum parte æthereæ; & similiter quoque ulterius, quia aër contiguus est in natura sua elemento ignis, idcirco ignem sine suo consortio discedere non permittit, atque hanc etiam prærogativam habet aquæ elementum apud aërem, & idem quoque elementum terræ apud aquam: Unde propter terræ fixam & ponderosam molem impeditur æthereæ plantæ pars in desiderato suo itinere per fixam & ponderosam terræ qualitatem, atque ita semper ad terram reverti cogitur. At verò spiritus solaris in suo ascensu declaravit se ex nobiliori progenie & loco excelliori ortum, quoniam absque ullo terræ aut tenebrarum impedimento in

cor cœlis sublimatus & exaltatus est. Nam communicationem taliter hic spiritus cum cœlo æthereo, qualiter spiritus vegetabilis cum terra; quippe cuius radices taliter figuntur in centro & corde cœli ætherei, qualiter illæ plantarum in terra. Hinc est quod aurea, vitalis & incorruptibilis hæc mundi planta non impediatur in suo ascensu ab elementis: quia ejus materia cum illis non est contigua, sed interposita est substantia regionis mediæ inter ignem & cœlum empyreum, seu intellectuale, unde nec ignis, nec ær, nec aqua, nec terra, hunc spiritum sursum ex terra evolantem, retinere potuit, sed solus æther, qui ei situ suo naturali contiguus est non aliter, quàm ignis ætheri. Ex his igitur patebit subtiliter intuentibus, quod Solis natura, cum sit de origine cœli empyrei seu rationalis, tum propter maximam actuum suorum vivacitatem, tum etiam propter mirificam suam in vita rerum animalium potestatem & virtutem, animalia illa ejus libet generis, quæ die quinto & sexti diei principio creata fuerunt, vivifica sua potestate produxerit. Nam ante ejus in cœli corde apparitionem, nullum animal in infimæ regionis expanso sive super terra creatum fuit. At verò post quartum diem, in quo Sol apparebat in cœlo, à principio nempe quinti diei ad finem usque sexti, creature animatæ gradatim fuerunt productæ. Ex quibus æquum erit considerare, quo animal ad suam compositionem & existentiam requirat majorem caloris & lucis quantitatem, quàm minerale aut planta, & quod varia animalium genera secundum majorem & minorem caloris & lucis effectum procreentur. Nam in prima Solis cœlo apparitione vapores nature humidæ, nebularum & spirituum materialium ex rebus tenebrarum massa profusiles, erant adhuc crudæ & minus concoctæ, quæ deinceps magis magisque indies solaribus radiis & actibus subigebantur, quæ ita obedienciores factæ, res perfectiores & maturiores subinde proferebant. Hinc in principio quotidiæ, quoniam humores erant adhuc valde crudi & indigesti, operatione Solis vivificæ, in lucem edita sunt animalia crudiora. Sic enim legimus, primo die pisces & aquatilia immediatè post Solis revelationem fuisse creata; Deinde obedienciori jam factò nebuloso tenebrarum spiritu animalia magis ærea & volatilia secundo loco vitam habuerunt, lucemque viderunt; postea transacto demum quinto creationis die, animalia magis calida atque ignea vivere atque spiritum haurire cœperunt, videlicet animalia quadrupedia & reptilia. Manifestè igitur liquet, quod Solis dominium, magis magisque subinde humidæ nature ac massæ terrestri insultans, fuerit in causa (divina & immortalis natura sic volente) quod varia & diversa animalium genera in mundo inferiori fuerint inventa; quorum alia fuerunt frigidiora, alia calidiora, alia terrestria, alia aquatilia, alia ærea atque alia magis ignita: Quorum sane omnium corpora à terræ portione, radiis solaribus & formalibus magis obediencie, & actibus eorum magis correspondente, selecta fuerunt; Nam terra hæc est omnia elementorum mater, quia ab illa procedunt ista, & in illam revertuntur: Imò verò terra est mater & nutrix omnium rerum, quas concepit in utero suo ab igne, hoc est, à cœlo, vel actu cœlesti: quia cœlum, cuius imperator Sol est, compositorum omnium est pater; terra verò eorum mater. Hæc in visceribus suis illa, tanquam mater fœtum suum, gestat. In fundum namque terræ omnes influentiæ celestes & præcipuè solares influunt, quæ tanquam rerum spermata, ibi veluti in matrice communi, includuntur; Unde propter varietates proportionum istarum descendantium, diversæ diversarum rerum in terra sunt generationes, varizque oriuntur impressiones, quæ omnes in substantia terræ lutosæ sunt. Imò verò ipsa terra est radiorum solarium in spiritu æthereo vectorum, palatium, cui illi instar captivorum, includuntur & spiritus vitales nuncupantur; utpote quorum beneficio etiam domus istæ & tabernacula ipsorum vivere, sentire & ra-

tionis scintilla frui dicuntur. Et, quod bona pace atque licentia tum veterum tum recentiorum philosophorum sit dictum (quorum sententia est, animalia omnia præter solum hominem irrationalia esse) rationis quoque scintillas nonnullas habent cætera animalia præter hominem; quas à solari natura acceperunt, cum ejus radii participant de natura cœli empyrei & spiritui ejusdem rationali. Unde animalium natura super illam planetarum dispositionem dignitate exaltatur, & flamma caloris sui quodammodò ad cœli empyrei seu rationalis margines propter solarem naturam, cujus portionem in se retinet, penetrare animadvertitur. Nec inde ignaros replicare velim, me naturam bestiarum cum natura hominum confundere; quoniam superius ostendi, hominis naturam cæterorum animalium naturæ, infinito respectu anteponendam esse, & præter illam cum brutis quadantenus communem rationis scintillam, ulterius quoque rationem completam & discursivam simul intellectum & ipsam mentem seu radium immediatè à Deo procedentem in se habere, tali modo, quasi cætera animalia hanc suam habent ab ipso Sole. Homo denique animal admirabile & quasi divinum in creatione miraculum terræ quoque peculiariter à Natura naturante selectam ad existentiam suam externam requirebat, quam ea propriis manibus præparavit & ad effigiei suæ imaginem faberrimè condidit.

CAP. II.

Corpus humanum quid? Quod sit terra pura & selecta, cum suprema regionis mundanae tenebris, primo creationis die, deorsum reperiussis, præcipitata: & quomodo differat ab aliorum mixtorum tam mineralium & vegetabilium; quàm animalium materia.

HOMO igitur exteras nihil aliud erat ante communicatum ei animæ spiraculum, quàm massa corporea ex luto seu limo terræ conflata, colore, ut nonnulli volunt, rubicundo; qualem fingunt Philosophi in centro terræ puram & sinceram inveniri; significando per id ipsum, quod hanc terræ particulam omnium perfectissimam Deus ad præparandum spiritus sui vitæ habitaculum elegerit, tanquam spiritibus tenebrarum purioribus & maturioribus magis repletam, atque ita ad nobilissimum & Deiformem illum spiritum humanum suscipiendum maximè aptam & idoneam, utpote quàm *Paulus cum Xisto Pythagore* templum Dei appellavit. Nam perhibente veterum nonnullorum auctoritate, in terræ fundatione, die creationis tertio completa, fuit hæc terræ portio per divinam providentiam ad hoc opus præparata & destinata, seminariaque lucis & spiritus ætherei potentialia in se habuit ac possedit purissima & apertissima ad Deiforme illud fulgoris increati spiraculum, actus scilicet seu radii primarii, suscipiendum. Hanc, inquam, terræ portionem Creator ad hominis exteriori effigiem & essentiam formabat; ut ejus internum instar habitaculi, reciperet; quare in hujus nares spiritum suum divinum inflavit. Atque hæc procul dubio differebat ab alia terrarum specie, ad cæterarum creaturarum magis ingnobilium structuram adhibita, non minus, quàm terra auri compositio ab illa cæterorum mineralium immundorum, quoniam, teste *Platone*, formarum actus requirunt materiarum impressiones aptas & suis operationibus dignas, hoc est, anima tale desiderat habitaculum, in quo agat & habitet quale ipsa est. Ex quibus

quibus sequitur, quod, cum mens sit radius & actus Creatoris divinissimus, immediate ab ejus ore promanans, necesse sit, ut palatium quoque præstantissimum & sibi simile requirat, in quo regnet & mirificas suas operationes præstet. Exlimo igitur & luto præstantissimo ac politissimo terræ conflatus fuit Adâ ille externus: Unde liquet, quod ejus portio terrestris non fuerit omnino arida, ut est ipsa terra grossa in natura sua, sed quod habuerit in se substantiam aquæ, quæ, ejus ariditas fuerit in lutosam quandam & limosam dispositionem redacta & temperata. Ac tamen tota corporis ejusdem denominatio à terra sumitur eò, quod aqua grossa nihil aliud est, quàm terra subtilis & terra nihil aliud quàm aqua grossa: At sicuti elementum ignis in relatione sua contiguum est terræ grossæ, respectu siccitatis suæ, & proinde quoque in terra potentialiter existit, sic etiam in terra subtili seu aqua grossa potentialiter reperitur aqua illa subtilis seu aër, à quo aqua suam acquisivit mobilitatem; quippe quæ duo elementa in natura humiditatis sunt continua: Et tamen, quoniam nihil in Adami externi effigie, præter solam terram, videbatur vel tangebatur, ideò terra, lutum & pulvis in multis sacrarum Scripturarum locis nuncupatur. Præparata ergo fuit hæc massa in luti vel ceræ molliem, quæ ad quamlibet cujusvis imaginis figuram & effigiem fulcipiendam est idonea; eamque tandem Deus Opt. Max. manibus suis in iconem & speciem hominis externi efformavit, secundum illud *Psalm. 119. 73. Manus tua fecerunt me & plasmaverunt me, &c.* Et *Job. 10. 9. sicut argillam fecisti me, &c.* Hoc ergo est domicilium illud præclarum & palatium excelsum, corpusque illud microcosmicum & insignis homo seu Microcosmus externus, basisve seu fundamentum illud terrestre, de quo ita loquitur *Job. 4. 9. Corpus est domus lutea hominis interni, qui terrenum habet fundamentum.* Et alibi *cap. 16. 18. O terræ tege sanguinem meum, &c.* Hic est ille homo, quem *Genesis 1. 7.* affirmavit esse factum & formatum ex pulvere terræ, & quem alibi *cap. 18. 27. pulverem & cinerem* vocavit. Et *cap. 3. 19. in pulverem dixit reversurum.* Sunt etiam, ut mihi videtur, adhuc altiora quædam ad veram hominis externi cognitionem perquirenda. Unde, si secundum nostram intentionem, diligenter tres creaturarum inferiorum species, videlicet animalem, vegetabilem & mineralem intueamur, percipimus evidenter, quoslibet earum ordinem non modo suam animam à qualibet mundi regione accepisse (videlicet animalia magis irrationalia, à Solis anima, quæ Solis creationem à prima regione derivavit, & magis rationalia immediate à cælo intellectuali, vegetabilia autem partim à cælo medio & partim à forma elementari, & mineralia à luce cæli infimi) sed etiam corpora sua sibi vindicare à tenebris cujusque mundi regionis, & id quidem secundum suam in natura excellentiam. Nam universæ tenebræ in principio fuerunt terra inanis nuncupatæ à Moyse, quæ equidem terra, triplici spiritus actione ac centrum, tertio creationis die, reperiussa, non amplius terra inanis, sed mineralium & vegetabilium speciebus repleta ac dives fuit appellata. Ex superiori igitur terræ inanis seu tenebrarum palpabilium portione conflata fuerunt Solis & ipsius hominis corpora; Cæterorum verò animalium corpora partim ex iisdem tenebris, & partim de mediæ regionis spiritu umbroso fuerunt composita; Similiter corpora vegetabilium participant de tenebris utriusque regionis inferioris, atque reliqua mineralium corpora ex solius inferioris tenebrarum regionis portione prodierunt. Hinc ergo est, quod corpora mineralia spissitudine & soliditate differunt à vegetabilibus, atque itidem quoque vegetabilia ab animalibus; Nam magis dura & compacta sunt corpora mineralium, minus verò vegetabilium & minimè animalium. Nōne etiam arguitur hoc apertissime ex naturarum in hisce corporibus ad invicem collatarum diversitate, nobilitate & ignobilitate? Nōne operata est atque versata natura

Solis in animatione horum corporum animalium, quæ immediatè post ejus exaltationem & positionem in cœlo fuerunt facta, tanquam in subiecto sibi magis naturali & conveniente? Nónne etiam situs & stationes suas acceperunt hæ compositorum species secundum positionem ipsorum cœlorum, mineralia nempe versus terræ centrum, vegetabilia autem in superiori ejus regione & animalia super ejus superficie? Quid hoc ipso apud sapientes evidenti-
us? Quid verò eo apud stultos absurdius? Nónne opaca sunt corpora mineralium, vegetabilium & animalium? Quod si igitur opaca omnia & tenebrosa, unde hæc ipsorum dispositio præterquam à tenebris? At fortassis hanc eorum discrepantiam à forma illorum provenire asseretis; Cui quidem replicationi vestræ si locum demus, quid tum postea? Nónne solet forma subiectum suis actionibus conveniens requirere? Unde, quo nobilior erit forma, eo nobilius sibi requirit corpus vel passivum, in quod agat. Et proinde lucēs superiores in tenebras inferioris mundi descendentes, tenebras suis corporibus magis convenientes requirunt, in quibus habitent. Quod igitur passivum aut quæ tenebræ menti & intellectus actionibus magis conveniunt, quàm corpus humanum? Certè nullæ; quoniam experientia nos docet, quod intellectus cum mente solum corpus humanum pro suo habitaculo & non aliud eligit. Unde liquet, quod corpus humanum ex omnibus tenebrarum speciebus sit maximè cognitum & familiare divino illi spiritui intellectuali, prorsus ac si jam tum quondam etiam ante mundi creationem corporis hujus tenebræ spiritus illius matrix de-
formis extitissent. Sic etiam videmus, quod spiritus cœlestis cum sua anima magis conveniat vegetabilibus quàm mineralibus, quoniam abundantior in illis, quàm in his, reperitur; Atque sic in cæteris. Ex quibus sanè luculenter nobis videre licet, qualis sit terra, seu pulvis aut lutum & massa illa corporea, ex qua Deus formavit hominem, & quomodo illa à materia externa cæterarum specierum mixtarum differat.

C 4 P. III.

De hominis externi proportionibus Geometricis, & quomodo per illas mundum quàm aptissime delineare possimus.

NÓNne hoc mirabile & miraculosum hominibus ignorantie macula coinquinatū videbitur, quod in hominis etiam externi naturæ, positione & proportionibus Geometricis, mundi materialis idea, effigies & proportio quàm exactissimè inveniatur? Hinc à *Mercurio Trismegisto* non ineptè nuncupatur *homo, mundi imago & Microcosmus*; quoniam in eo, tanquam in speculo, mundi tam idealis, quàm materialis seu visibilis partes conspiciuntur. Invenimus enim, quod, ut terra est mundi majoris centrum, à quo lineæ sive diametri ducuntur ad circumferentiam & quasi omnium elementorum matrix, ex qua omnium generationes, incrementa atque multitudines proveniunt; sic etiam mundi minoris centrum sit genitalium seu pudendorum, & virgæ radicis punctum: à quo si ad os mucronatæ cartilaginis, & deinde ab illo ad gutturis basin, juxta clavículas sitam, ulteriusque ab ea ad verticem capitis, mensi fuerimus, inveniemus Microcosmi proportionem Geometricas æquali distantia tribus illis Macrocosmi regionibus seu cœlis correspondentes. Namque ab osse pubis seu à centro vel puncto generationis progrediendo & ascendendo ad os mucronatæ cartilaginis, inveniemus, cœlum Macrocosmi inferius, sive regionem elementarem cum infima Microcosmi portione in omnibus convenire, quippe in cujus

regione inferiori intestina reperiuntur, fœculenta substantia plena, adeoque hæc sphaera inferior terræ comparatur; super qua ventriculus, chylosa pituita & materia aquea redundans, collocatur, sphaeram elementi aquæ sibi in hac Microcosmi regione vendicans: Hunc tangit hepatis sphaera, elemento aëris comparata; in cujus centro seu cavitare cista fellis, elementi ignis iconem præ se ferentis, tanquam in suprema regionis inferioris parte suspenditur. Dehinc à diaphragmate ad guttur, eandem altitudinis mensuram observando, ascenditur, quæ prius inventa fuit in dimensione regionis elementaris. Hæc ergo regio thorax dicitur, quæ ita sese habet in Microcosmo, ut cælum medium seu æthereum in Macrocosmo. Per hujus enim regionis medium transit orbis æqualitatis, in quo anima vitalis mundi hujus minoris sita est: Nam, sicut in Macrocosmi media regione Sol æqualitatis sphaeram occupat, ita sphaeram æqualitatis in hoc minori mundo cor possidere observatur, utpote in quo calidum celeste & humidum æthereum æqualibus lancibus conjungantur, & cui etiam, tanquam Soli, reliqui planetæ obedientiam in hac regione præbent: Nam secundum Medicorum & Astrologorum doctorum opiniones, *Saturnus* in *Ariete* repertus pectori præest, & in *Taur*o cor respicit, similiter *Jupiter* per *Arietem* transiens cordi refertur, in *Pisib*us pectori, *Mars* etiam *Cancer* ingrediens pectori præest, *Leonem* verò intrans cor aspicit; *Sol* in *Scorpione* pectori beneficus est & per *Sagittarium* transiens cordi amicitissimus est, imò verò utrunque sese habeat *Sol*, cordi animalium præest, & signum ejus *Leo* possessionem firmam pro illo tenet; *Venus* *Leonem* visitans pectori refertur & prædominatur, in *Virgine* verò cordi; *Mercurius* confert cordi si in *Libra* reperiatur, in *Virgine* verò, quæ est propria ejus domus, pectori conducit; *Luna* denique per *Libram* gradiens in pectus dominium habet, *Scorpionem* transiens in cor, atque ita in hac Microcosmi regione omnes Planetarum, nec non signorum Zodiaci, effectus subalternatim investigantur. Sed tamen ipse Sol, vitæ & caloris nativi imperator, semper in hac regione primum locum obtinet, tam in hac Microcosmi machina, quam in illa Macrocosmi.

Sed jam ut ad cælum Microcosmi intellectuale ascendamus, si à gutturis basi seu à claviculis ad verticem capitis usque respiciendo oculos nostros attolamus, similiter ibi dimensionem illam reperiemus, quam in regionibus inferioribus. Quemadmodum igitur in cælo empyreo Macrocosmi invenitur sedes mentis divinæ, atque intellectus & rationis; sic etiam animadvertimus, quod hæc Microcosmi regio sit animæ rationalis & intellectualis; imò verò ipsius actus seu radii divini mansio & tabernaculum. Præterea hæc regio distinguitur in tres cellulas tribus cæli empyrei hierarchiis relatas; in sensus scilicet communis ventriculū, atque in ventriculū phantasie seu imaginationis & memorialem: Et quod miraculum non est minimum, virtute hujus cæli divinitatis, Microcosmus familiaritatem habet cum sanctis Angelis & ipsum Deum contemplatione contuetur, eumque alloquitur, atque ei unigur, Spiritu divino mediante. Atque ut in Macrocosmo reperitur, quod Dæmonum regionem inferiorem incolennam, rabies comprimitur, ipsique adeo obedientes redduntur, atque freno inviolabili coercentur & gubernantur per virtutem ac potestatem Dei & Angelorum bonorum cælum tertium & supremum incolentium; sic etiam virtute mentis atque directionibus intellectus & rationis irā à bile & impatientia orta, invidia à liene procedens, concupiscentia ex hepate prognata, & timor a desperatione & tristitia & hujusmodi alia corriguntur, mitia redduntur, & ex rebellibus subiecta efficiuntur. Nec certè delitescit tantum magna virtus in sola mente, & ejus adherentibus; sed etiam miraculosum dedit hæc divina potentia effectum paribus corporeis, eam undequaque à fri-

gore defendentibus & circummunientibus. Nam ipsa experientia edocet-
 mur, quod cranei humani portio in pulverem redacta spiritus illos malignos &
 epilepsiam & febrem quartanam inducentes è corpore humano expulserit &
 corpora infecta sanitatis integritati restituerit. Legimus etiam, quod in craneo
 hominis suspensi signum crucis infallibiliter reperitur; quam quidem cranei
 portionem, si epilepticis ea adhibeatur, dicunt mira præstare, adeoque magi-
 cum esse medicamentum atque magneticum, cujus virtute spiritus ille epilep-
 siam inducens, veluti incantamento quodam stupefcit & demum evanescat,
 corpus in sanitate pristina relinquens. Atque hoc quidem secretum pro certo à
 quodam Germano mihi traditum est. Hinc denique fit, & quidem propter ad-
 mirabilem animæ divinæ potestatem, semper sua natura sursum tendentis, at-
 que exinde magis hominum, quàm cæterorum animalium os, faciem & caput
 ad sublimia erigentis, ut homo non respiciat prono vultu, sicut reliqua anima-
 lia, terram, sed ut ad sydera faciem suam attollat, denotans hoc ipso luculentissi-
 mè, quod Deus hominem primò creaverit, non ut terrestria respiciat, sed ut
 sola cœlestia contueatur, & supercœlestia contempletur. Nam ut primum
 terrestria respexit, Creator suam bonitatem cum tenebrarum pravitate com-
 miscuit, ea quæ ratione homo particeps est factus cum Diabolo. Ex his igitur vi-
 demus, quod, licet Microcosmi materia, tres ejus regiones constituens, sit ejus-
 dem densitatis & crassitiei, virtute tamen pro ratione ac diversitate regionum
 istarum differat, & diversimodè exaltetur: unde fit, ut thorax, qui pulmones &
 ipsum cor comprehendit, magis levis sit & spiritualis, quàm regio Veneris, quæ
 est inferior, seu regio elementorum, ejusque spiritus tenuitate & simplicitate
 differt. Nam ut aër infimæ Macrocosmi regionis differt ab æthere, sic sanguis
 venarum, à fonte hepatis procedens, differt à sanguine arteriarum, cujus cor
 est origo. Nam ut sanguis venarum habet naturam aëris, sic ille arteriarum re-
 pletur spiritibus æthereis & vitalibus, à Sole derivatis: atque ut spiritus seu san-
 guis arterialis ob suam tenuitatem non multum perceptibilis est, sic spiritus ra-
 tioni ministrantes in cœlo Microcosmi summo omnino imperceptiles sunt, &
 sola imaginatione concipiendi. Hæc eadem etiam est distinctio inter cœli æ-
 therei & empyrei naturas. Denique videmus, quod licet apex & fastigium seu
 vertex totius Microcosmi sit ejusdem duntiei & asperitatis, cujus sunt cætera to-
 tius structuræ Microcosmicæ ossa, virtus tamen ejus interna mirifica sit, propter
 rationes superius allegatas; quæ omnia alia ossa cujuslibet Microcosmi regio-
 nis superat, & tam virtute, quàm loco & positione super ipsa exaltatur. Ratio-
 nibus igitur evidentibus liquet, quod ex delineatione Microcosmi & metrica re-
 gionum ejus descriptione, quales sint Macrocosmi regiones & ipsarum disposi-
 tiones; similiterque etiam è converso, cognitis Macrocosmi partibus & ipsarum
 naturis, Microcosmi regiones delineare & distinguere sit facilissimum.

Apertissima regionum & partium Microcosmici in illa Macrocosmi comparatio.



CAP. IV.

*De corporis Microcosmici positione recta secundum quatuor
Macrocosmi plagas.*

Quamvis aptam Microcosmi positionem, quatuor Macrocosmi plagis correspondentem invenire, & res sit valde ardua & difficilis, convenientem tamen quendam esse respectum inter hos duos mundos ex factarum literarum fonte elicimus. In multis enim earum locis legimus, quod in orationibus & precandis ratione facies supplicantis sit versus Orientem convertenda. Similiter apud Math. 24. 27. invenimus, quod fulgor veniet ab Oriente & in Occidentem verget. Et Num. 35. 5. legitur: Metimini quamque ad plagam Orientalem, &c. & ad plagam Australem, & ad plagam Occidentalem, & ad plagam Aquilonarem, &c. Porro etiam scriptum est Job. 23. 8 & 9. secundum Pagnini translationem, ubi agitur de inquisitione loci & sedis Jehovæ. En ad Orientem ibo & non erit, & ad Occidentem, nec intelligam illum, aut ad Aquilonem, dum operatur ipse, & non videbo, abscondet se in meridie, nec videbo, &c. Quem quidem Jobi locum Hieronymus sic interpretatur, si ad orientem vero, non apparet, si ad Occidentem, non intelligam, si ad sinistram, quid agam? non apprehendam eum, si me vertam ad dextram, non videbo illum. Tremellius etiam hæc verba vertit illum Jobi locum: Si antrorsum vero non aderit, si verò retrorsum, non animadvertam eum; cum agat ipse ad sinistram, non tamen videbo; Operiet dextram plagam nec tamen respiciam. Evidentissimè igitur ex his debitam hominis secundum ejus naturam in mundo positionem percipere possumus. Nam ex illo Numer. loco colligimus, hominem imprimis Orientem in omni operatione respicere debere, deinde circulari respectu Austrum, Occidentem & Aquilonem. Ex verbis autem Jobi deprehendimus, quod plaga Orientalis tam secundum Hieronymi, quam Pagnini translationem, faciei hominis debeat referri, hoc est, ut Tremellius interpretatur, ad antrorsum seu partem ejus anteriorem & pars Occidentalis ad ejus posteriora; Unde necessario sequitur, quod ejus pars sinistra vergat ad septentrionem, quemadmodum pars ejus opposita, dextra nempe, Meridiem respicit. Hanc igitur Microcosmi ad Macrocosmi plagas dispositionem magis ei secundum naturæ leges congruam esse nos docent sacra Biblia. Jam verò naturam rei diligenter introsipientes, inquiramus, an hæc Microcosmi positio ad Macrocosmi situm, juxta physicam ejus constitutionem cum natura mundi seu Macrocosmi conveniat, nec ne. Accurato igitur intuitu invenimus, quod quælibet mundi minoris plaga, cuilibet mundi majoris quadrato naturâ, temperamento & dispositione conveniat. Oculorum enim lumen solari splendori attribuiamus intellectum & rationem primo motori, ab Oriente versus Occasum orbes suos gyranti; & cor humanum meritis Soli, tanquam ejus principi, comparamus; utpote in quem Jehova tabernaculum suum posuisse scribitur; adeoque omnia hominis tam interiora quam exteriora Solem, tanquam lucidum Creatoris tabernaculum, præeuntibus devotis ad Creatorem & Dominum suum orationibus & gratiarum actionibus, salutari gaudent, cum sit tristitia & tenebrarum propulsator, lætitiæ, gaudii & lucis autor. E converso hominis posteriora Occidenti non immerito referuntur. Nam uti Oriens diem, lucem & lætitiâ afferre solet; ita è contrario Occidens noctem, tenebras, mœsticiamque importat. Sic itaque etiam per posteriora hominis non nisi unica via solusque meatus reperitur, per quem feculenta, inutilisque substantia comparatur terræ inani, quatenus facultatem nutritivam &

vim

vim quasi omnem spiritus ætherei (ad cordis sustentationem ab ea extractam) itidemque virtutem elementarem (ad hepatis & sanguinis nutritionem ab ea exhaustam) amisit, unde caput quasi mortuum, fœx inutilis, & veluti noctis ac tenebrarum nuncius dici potest; ad eoque occidenti & noctis tenebris pars illa non ineptè comparatur. Sinistra etiam hominis pars septentrioni videtur necessariò esse referenda. Nam ut ab Aquilone Boreas suos flatus frigidos & siccocos, nives, grandines, gelu, glaciem & melancholicas dispositiones inducens versus Meridiem emittit. Sic lien humanus melancholiz fons, in sinistra parte situs, flatus suos melancholicos, frigidos & siccocos per universum Microcosmum & præcipuè versus ejus dextram seu meridiem per intestinum colon, dictum emittit atque dispergit, quibus hypochondria ejus quasi turbine perturbantur. Imò verò, ut ventus ille Macrocosmicus sursum tendit versus regionem ætheream, sed tandem deorsum repellitur, hoc est, ejus violentia virtute diaphragmatis ærei reverberatur. Sic etiam flatus à liene emissus sursum ad regionem thoracis, in quo cor habitat, ascendere summa ope nititur, sed à diaphragmate impeditur atque deorsum tandem repercutitur. Est ergo brachium sinistrum Microcosmi, quasi polus arcticus, quemadmodum ejus dextrum antarcticus, super quibus Microcosmus ferri videtur ad imaginem mundi majoris. Nam tibiæ humanæ sunt quasi columnæ, quibus sustentatur Microcosmus; brachia verò quasi alæ, quibus gubernatur, quatenus tam ad victum ejus, quàm ad tutelam atque defensionem conducunt. Sic avis tibiæ & pedes habet, quibus sustentatur; at verò alis dirigitur in suis negotiis. Magna denique est relatio inter dextram hominis partem & Australis plagæ naturam. Nam hepar Microcosmi in sua natura est calidum & humidum, sanguinem non aliter gignens & per rivulos corporis dispensans, ut universum hortum humanum irriget, quam Meridionalis mundi plaga nubes & pluvias ad terræ universæ fertilitatem & incrementum parturire animadvertitur. En ecce, & viri, vera Philosophia imbuti, quàm notabilis sit relatio, & quàm admirabilis affinitas inter has mundi majoris plagas, atque illas minoris, quibus quàm exactissimè in eadem natura, conditione & situ invicem convenire percipiuntur.

C A P. V.

Cujuslibet Microsmice regionis levis anatomia.

CORPORIS humani caput, quod supra cælo empyreo comparavimus, nonnulli ventrem supremum vocaverunt, qui collo terminatur, & scintillam mentis in ejus vehiculo rationali continet. Cujus quidem capitis externum in frontem,incipit, occiput, verticem, tempora & faciem distinguunt Medici, iterumque observant ejus capillos, eorumque usum multiplicem & cutem densam, duram, siccam & crassam, cui capillorum radices adhærent. Ejus verò internum in cranium & ejus adhærentia atque in cerebrum cum ejus partibus distinguunt. Cranium autem dividunt in quinque futuras, quarum una posterior est, *Lambdoidea* dicta, altera anterior, *coronaria*; tertia *recta & sagittalis* nuncupatur. Duæ autem reliquæ *mendosa squamosa & temporales* dicuntur. Convexam calvariz superficiem circumambit membrana quædam ex crassa meninge per futuras enascens, quæ idèò *pericranium & periostium* vocatur. Sub hæc etiam calvaria duæ aliæ membranæ concurrunt cerebrum in orbem contegentes, quarum quæ crassior & durior est, & concavæ cranii superficiei connexæ adhærens, dura mater dicitur, altera verò, cerebro penitus conjuncta, tenuis & mollis est,

& pia mater nuncupatur. Secunda denique capitis portio, videlicet cerebrum in tres ventriculos distinguitur: Et à cerebello nervi oriuntur, qui instrumenta sunt sensuum & motus. Porro etiam in hac regione oculi comprehenduntur, ad quorum cujuslibet fabricam quinque concurrunt tunicæ; Alba scilicet, cornea, uvea, in qua pupilla & iris sunt, sagma & aranea; ac humores tres, nempe aqueus, vitreus, crystallinus. In hac etiam regione aures reperiuntur & nares, similiterque lingua, ex osse bifurcato *Veridic*, dicto, & ex nervis, arteriis, venis & musculis constans. Porro etiam aspera arteria ad claviculas usque. Secundam corporis regionem ventrem medium vocant Medici & Thoracem; quia clavis ad diaphragma & costis utrinque circumscribitur, partes vitales continens. In hac regione præcipuam suam stationem habet cor; cuius ædificium est capsula ejus. Cordis porro partes majores sunt thalami ejus binij; dexter scilicet, cui infixæ sunt duæ venæ, cava nempe & arterialis, atque sinister cui arteriæ, *Aorta* & *venosa* connexæ sunt. Minores verò aunculæ duæ, dextra videlicet & sinistra atque ostiola. Similiter hæc regio continet pulmonum substantiam, panniculosque tres, quibus est involuta, nempe *Diaphragma*, *Mediastinum* & *Tunicam* cingentem costas, *Pleura* dictam. Tertia atque infima corporis humani regio, se extendens à Diaphragmate deorsum ad os pubis usque hepar, lienem, cistam fellis, renes, vesicam, vasa seminaria & hujusmodi alia comprehendit. *Hepatis* substantia sunt caro, & nervi, à quo oriuntur venæ, porta seu ramalis & cava ac arteriæ. *Lien* autem, cista fellis, renes & vesicæ sunt membra præparata ad usum hepatis, videlicet ad evehendas superfluitates ex hepate. Similiter hæc regio continet ventriculolum, mesenterium & intestina superiora ac graciliora, duodenum nempe, jejunum & ileon, atque inferiora & crassiora, cæcum scilicet, colon atque rectum. Volumina denique integra hujus anatomiz observationibus implere possemus, atque ita oculos lectorum in rebus mundo communibus tædio magis afficere, quam delectatione aut placito novitatis susurro permulcere, quare corporis humani anatomiam leviter saltem hoc loco transire placuit, ut ad res magis novas, atque non ita vulgariter cognitæ, & tamen veras ac demonstrabiles animum nostrum accingamus.

T R A.





TRACTATUS PRIMI, SECTIONIS I.

L I B E R VI.

De Microcosmi externi harmonia.

C A P. I.

*De comparatione harmonice constitutionis regionum Microcosmi
cum illis cælorum Macrocosmi.*



Opus humanum, quod externum hominem supra appellavi-
mus, ex eadem materia conflatur, qua mundus. Et tamen si
mundi spiritus propter illam tenuitatem, quam à lucis proprie-
tate & præsentia accepit, diaphanus, clarus & perspicuus ac
transparens esse dignoscatur: attamen illa spiritus ejus clari-
tas & diaphanitas inspissatione & incrassatione (quæ accidere
solet secundum plus aut minus pro majori aut minori lucis absentia, aut frigoris
incrassantis dominio) nigra, tenebrosa atque obscura fieri sæpiusculè solet,
quemadmodum in aëris in nubem densam mutatione cernitur, atque iterum
congelatione frigoris illa nubes seu spiritus aëreus condensatus mutatur in spe-
ciem terræ albæ, ut in grandine, glacie, nive; imò verò in ipsam terram crassissi-
mam, ut in lapide fulminis res consideratione declaratur. Nam certum est,
quod species terræ sint diversæ naturæ, hoc est, vel magis de ignis puritate vel
aëris dispositione, vel aquæ qualitate participant. Et tamen omnes istæ ter-
ræ species sunt ut plurimum opacæ atque haudquaquam perspicuæ. Sic cete-
rum de igneo elemento, cor atque pulmones de aëreo, ventriculus, hepar at-
que humores de aqueo, ac denique lien & intestina de terreo grosso participare
animadvertuntur, eò, quod hæ corporis partes elementarium illarum natura-
rum post animæ in eas impositionem, receptacula evaserunt, uti inferius doce-
bimus. At verò hæ omnes terræ portiones, dispositione differentes, eandem
quali in Geometrica corporis symmetria longitudinis dimensionem habere
observantur, neque est una pars alia opacior: quod quidem contingit inde, quon-
iam hoc externum animæ seu spiraculi vitæ habitaculum fabricatus est Deus,
priusquam animam in illud inspiravit. Hinc enim evenit, ut licet elementum
aquæ sit dimensione majus quàm terra, & clær quàm aqua. & sic in cæteris (quod
fit, quoniam idem dilatatum requirit amplius ad suam existentiam spacium. si-
militer quæ

militerque etiam, quod opacum est, dilatatione perspicuum redditur) corpus tamen humanum, quoniam illud completum fuit ante animæ in illud infusionem, manserit tale, post animæ in illud impositionem, quale fuit antea. Cujus quidem rei rationem reddere videtur Merc. Trismeg. hisce verbis: Cum divina similitudinis formam animadvertis Deus non posse omnium rerum esse diligentem, nisi eam mundano integumento contegeret, sexis eam corporea demo, salique omnes esse percipis, ex utraque naturâ in unum eas confundens, miscensque quantum satis esse debuit. Itaque hominem conformavit ex animi & corporis, id est, ex æternæ & mortalis naturæ, ut animal ita conformatum utrique origini suæ satisfacere posset, & mirari atque orare cœlestia & æterna & incolere & gubernare. Nec quidem vana esse Mercurii verba, si rem rectè consideremus, deprehendemus. Nam cum mentis liberæ natura atque etiam animæ mediæ dispositio, imò quidem ipsius ignis spissioris proprietas sit, inferiora negligere atque superiora, instinctu naturæ respicere, quando sunt libera & vinculis densis soluta, necesse est, ut in corpus opacum includantur, atque organa materialia possideant, quorum directione circa corporalia, densa atque inferiora versentur. Nam animæ & multò magis mentis natura in tantum conversatur cum rebus spiritalibus & invisibilibus, ut res visibiles & corporales animadvertere non posset, nisi esset inclusa corpori opaco, ut per organa materialia, terrestria & inferiora eas intueretur. Hæc ergo est ratio, quod tam mentis, quàm naturæ radii circa res opacas operantur. Nam si à carcere corporeo liberarentur, terram relinquentes vacuum atque inanem in cœlos saltu levi insilirent. Mens ergo datur solummodò homini, ut ejus animam vitalem ab animabus cæterorum viventium distinguat, eamque super alias dignitate exaltet. Et quamvis etiam anima vitalis per se tam plantis, quàm cæteris animalibus in creatione concessa sit, animalis tamen bestialis anima, à Solis virtute immediate fortificata & aucta, tam ratione, tam motu est animâ vegetabilium præstantior, utpote quæ in iis ante Solis in cœlo positionem infusa fuit. Ex prædictis ergo videmus, corporis Microcosmici regiones tenuitate & spissitudine non differre, ad exemplum regionum in corpore Macrocosmico existentium, quoniam illud ante animæ inspirationem præparatum fuit, ac per consequens tale manet post animæ infusionem, quale fuit ante, hoc verò ab anima illa divina, quæ ferebatur super aquas, in illud immissa, præparationem ac dispositionem in spissitudine, tenuitate, loco, dilatatione & constrictione, perspicuitate & opacitate immediate accepit. Ex hac denique simplicis massæ terrestris dispositione (in regiones nobiliores & indigniores à Creatore distinctæ atque præparatæ secundum dignitatem partium cœlorum, quibus ante seculum illam disponero atque concinnare divino suo consilio constituit Opifex) harmonia materialis observatur, tam corporibus cœlestibus, quàm ipsis elementis & symmetricæ partium terrestrium proportioni conveniens, ut in sequentibus dilucidius apparebit.

C A P. II.

Harmonia Microcosmica ad Macrocosmicam relatio, hoc est, de hominis externi seu corporis convenientia cum figura mundi, & de Planetarum relatione ad ejus membra.

Quod hominis diameter sit mundi diametro consimilis, & quod à centro seu loco pudendorum & genitalium circulus utrique diametri extremitati correspondens circumduci possit, peripheriæ mundi haud dissimilis in *vol. 2. Tract. 1. sect. 1. lib. 3.* manifestè explicuimus. Ex cujus sanè debita contemplatione, hominis fabricam, in omni figuræ Geometricæ respectu, mundanæ illi conformem esse percipimus, præterquam quod humani corporis proportio metrica magis est occulta, mundi verò magis manifesta. Namque si hominis membra contracta dilatarentur ad debitum proportionis naturalis respectum, videremus perspicuè, dispositionem ejus seu figuram Geometricam esse rotundissimam. Figura ergo ejus occulta est hujuscemodi; qualis infra demonstratur; quæ scilicet primum denotat, hominis fabricam esse rotundam ad instar machinæ mundi, deinde quod quælibet stella erratica membris ejus, vel harmonia naturali, vel aliquâ præter naturam discordiâ correspondeat, videlicet *Saturnus* auri dextræ, spleni, vesicæ, dentibus, ossibus, *Jupiter* pulmonibus, hepatis, arteriis, pulsibus, semini. *Mars* auri sinistræ, fellis cistæ, renibus, venis & pudendis. *Sol* cerebro, nervis, cordi, oculo dextero. *Venus* matriçi, renibus, genitalibus, mammillis, gutturi, lumbis, hepatis, spermati. *Mercurius* cerebro, spiritibus, imaginationi, memoriæ, linguæ, manibus & digitis. *Luna* cerebro, oculo sinistro viri, & dextro mulieris, ventriculo, intestinis, vesicæ & gustui. Quorum quidem Planetarum in faustis irradiationibus sive infelicibus aspectibus discordia seu morbi istorum membrorum inducuntur, qui vel totaliter hominem inficiunt; veluti infortunata *Saturni* positione, lepra totius corporis, paralysis universalis, tabes, icteritia nigra, febris quartana, mala *Jovis* dispositione Apoplexia, convulsio, &c. *Mars* pestis, febres acutæ, tertiana, quotidiana, icteritia flava, &c. *Solis*, syncope atque defectio universalis. *Veneris*, morbus gallicus, debilitas atque impotentia totius ventriculi & hepatis defectus; *Mercurii* mania, lethargia, epilepsia, &c. *Luna*, epilepsia, &c. Vel etiam infestant partes nonnullas, quos respiciunt; Sic *Saturnus* malè effectus linguæ, brachiis aut vesicæ, paralysis, mammillis cancerum, intestinis iliacam passionem &c inducit. *Jupiter* pulmonibus peripneumoniam, pleurisin costis, cardiacam cordi, anginam gutturi, fræsum & stuporem membro particulari: *Mars*, apostematæ ferventia loci (ut sunt carbunculi & erysipelas) dysenteriam intestinis, vulnera faciei, &c. *Sol* cordi syncopen affert & cardiacam, oculis ophtalmiam & fluxum lachrymantem; *Venus*, matriç suffocationem, testiculis & virgæ gonorrhæam & priapismum, vesicæ diabetem, hepatis & ventriculo debilitatem, faciei pustulas gallicas, intestinis lienteriam, &c. *Mercurium*, cerebro sensus privationem, linguæ balbutient pulmonibus tussim, ori abundantiam sputi; *Luna*, intestinis colicam, hepatis miseraicis opilationes & locis seu membris particularibus apostematæ phlegmatica. Hic igitur Planetarum istorum in suis sphaeris ad quælibet corporis membra directiones & sympathiam sequenti modo delineavimus.

Sunt

nempe. *Capricornus*, genua. *Aquarius*, tibiam utramque, & *Pisces*, pedes ambos. Qui quidem signorum ad membra respectus tam sanitatem inveniuntur, si concordis naturalibus à Planetis respiciantur, quàm morbos: nam si discordis & antipathia cum pravis Planetarum dispositionibus concurrant, & per consequens naturæ humanæ dissonent, operationes contra naturæ institutum producant, morbosque seu effectus corpori humano infestissimos pariunt.

Demonstratio sequitur.




Est etiam compositio Microcosmi externi cuilibet alii figuræ regularis, præterquam atque conformis, quatenus, pro diversa membrorum protuberantium positione, diverso modo constituitur. Nam in una ejus statione directa, tibis paulo modo extensis, sed serratis, manibusque cum brachiis ad angulos rectos à corpore expansis, atque in longum ab utroque latere completè porrectis, denotabit venissimam quadrati æquilateralis proportionem. Hujus rei demonstratio inferius sequitur, in qua declaratur, quod hujus etiam quadrati centrum sit pudendorum seu genitalium punctus; quippe cum duæ lineæ rectæ seu diametrales, ductæ ab angulo uno quadrati ad ejus oppositum, faciant intersectio-

P

nem

nem seu centrum in illo pudendorum loco, in quo verum centri Microcosmi punctum esse superius luculenter explicavimus.



Hinc etiam elicimus, quod vera, genuina atque visibilis hominis externi figura *veram crucis Christi effigiem* repræsentet; prorsus ac si ipsa creatione humana hæc contrarietatis ratio, in humana effigie expressa, bonitatis & malitiæ, lucis & tenebrarum, vitæ & mortis, vitii & virtutis, æquitatis & injustitiæ unionem, & in eadem compositione congregationem denotaret, & quod vitæ humanæ incertitudo, erroribus & periculis plena, interveniente ac mediante istiusmodi, mortalis hominis similitudinem referente, divini hominis ab impiis iniquè judicati & injustè condemnati passione ac morte, cum subsecuta deinde resurrectione à mortuis & resurgentis illuminatione penitus divina ac splendore in viamunicam & veram deducente, conjunctâ exterminetur, Evangelii quoque libertas, quasi buccinæ cœlestis clangore, mundo annuncietur, atque ita legis vincula Christi potestate tollantur, & quod ea ratione, sicuti homo in hac figura, videlicet sub crucis effigie & creatus est & peccavit, ita quoque vicissim hominis, Deitatis virtute pleni, ac in tali itidem materiali figura per artem erecta, patientis beneficio peccatum primi hominis deleatur ac aboleatur, &c.

Hanc etiam eandem figuram exhibet humana compositio ab alio centro, videlicet ab umbilico; veram scilicet figuræ seu schematis cœlestis imaginem sua positione in figura quadrata, more Astologorum erecta, constituens, prout etiam in eadem Microcosmi positione *crux illa S. Andrea* dedicata exprimitur. Ex quibus docemur, quod, utcumque se vertat homo, semper passionis, & per consequens, compassionis signum secum ferre deprehendatur. Hac autem
humanæ

humanæ figuræ è regione explicatur secundùm nonnullorum opinionem, quod Adam primus homo circa horam meridiei creatus fuerit, in cuius medio cœlo, quoniam Aries inventus fuit, dominium in illud hominis membrum habuit, quod cœli medii angulum respexit, videlicet caput. Quod autem huius figuræ quadratæ centrum sit in umbilico, declaratur exinde, quod lineæ duæ rectæ progredientes ab angulis quadrati ad angulos sibi oppositos, se invicem in puncto seu centro umbilici interfecant, ut in demonstratione sequenti declaratur.



De nonnullarum corporis humani partium convenientia cum figuris Geometricis; & primum quidem, quomodo in harmonia figuræ triangulari, deinde in quadrangulæ, & postea in ovali ac denique in circulari convenient.

Latus unicum faciei humanæ sub figura triangulari æqualium laterum comprehenditur. Ex quo luculenter demonstratur, quod regularis & conformis sit faciei harmonia proportionibus linearum Geometricis:



Univerſum hominis caput in figura Geometrica exactè quadrata comprehenditur. Unde declaratur, quam completa & regularis ſit capitis effigies, quod in figura cubica completè in creatione formatum fuit; & per conſequens, quàm elegans ſit ejus paruum ſymphonia in menſura, numero & pondere nobis innotefcit.



Pes etiam quàm aptiſſimè quadrati parallelogrammatis.



Facies quoque ita effigie humana designatur, quemadmodum in arte noſtra pictoria abundè explicatum eſt. Verbi gratiâ.

Caput



Caput denique humanum imprimis figuræ 10 undæ respondere percipitur, quatenus in quadrato describitur; quod in circulo comprehenditur. Quod autem circulo includatur, sic ostendimus.



Sic etiam cæteræ procul dubio corporis humanæ partes sub aliqua regularum Geometriæ figurarum comprehenduntur; quæ omnia, quoniam ad symmetricam corporis descriptionem pertinent, hoc loco omitemus.

C A P. III.

*De harmonico cælestium cum facie manuque
humana consensu.*

Ingentem etiam symphonizæ consensum inter nonnullas corporis humani partes & stellas deprehendimus. Unde per *Physiognomizæ* disciplinam docemur cælestia corpora, Planetarumque sedes & signacula seu characteres in facie humana contueri; quibus hominis inclinationem, tam ex parte cælesti, quàm elementari intelligere & præfagire solemus; in tantum quidem, ut etiam hujuscemodi observatione mirabilia, tam in hominis sani dispositione, quàm tabescentis ægritudine prospexerint & divinarint, tum philosophi sapientiores, tum medicinz peritiores: Imò verò in fronte humana, tanquam in speculo politissimo, illos naturæ characteres intuiti sunt, qui talē ad ætheris & Zodiaci characteres, quos repræsentant, relationem habent, qualem Diapason ad unisonum. Unde etiam fit, ut symphonico consensu ad invicem conferantur; id quod sagaciter quoque animadverterunt philosophi symphoniam illorum au-

dictu spirituali percipientes. Eadem etiam est ratio in *chirromantia*, ut quilibet manus monticulus cuilibet distincto ætheris Planetæ attribuat, pollicis videlicet *Veneri*, montis indicis *Jovi*, medii *Saturno*, annularis *Soli*, aut auricularis *Mercurio*, similiterque etiam, ut illam in manus percussione protuberationem *Luna* occupare dicatur, uti quoque itidem veterum sapientum eruditione instrui, quod spatium lineis triangulum constituentibus inclusum, *Marti* attribuat, ejusque triangulus nuncupetur. Qua quidem superiorum ad hominis membra adaptatione sapientes procul dubio non uterentur, nisi ingentem inter manus partes & dictos Planetas relationem atque symphoniam percepissent: Namque ipsi mirum in modum illuminati, mentisque acie in abstrusa naturæ mysteria penetrantes, characterum caelestium in terrestria & elementaria, impressiones, arcanasque significationes perceperunt, atque ita symphoniacas superiorum radiationes & influxus cum inferioribus ejusdem characteris & conditionis comparaverunt. Nec certè admirari debemus, rectè rem considerando, quod superiora in hominem symphonico consensu influxerint, si ea, quæ supra dicta sunt, atque infra dicentur, paulò accuratius inspexerimus. Nam anima, media mundi hominisque interni natura, cum sit tam secundum suum spiritum, quàm lucis portionem de substantia & forma ætheris, magnetica sine dubio virtute superiorum naturas, non violenter aut per antipathiam, sed concordie proportionibus, atque instinctu naturali ad se attrahit: siquidem experientia edocemur, quod non modo animalia, sed etiam ipsi Planetæ, veluti beneficio quodam consonantiæ Diapason, perfectionem, multiplicationem & vitæ quasi extinctæ renovationem quotannis verno tempore accipiant, quemadmodum etiam hac eadem via, tum plantas, tum animalia, quolibet solari circuitu naturali vitæ & incrementi refecionem atque pabulum acquirere constat. Sed quoniam de harum rerum effectu in libris de *Physiognomia* & *Chirromantia* copiosius loquemur inferius, ampliori hîc de ea re discursu non utemur.

C A P. IV.

De harmonia elementari, quæ in compositione Microcosmi exterioris reperitur, & quomodo qualibet hominis externæ regis cuilibet elemento, loco, natura, atque consensu partium, non tamen corporis tenuitate aut subtilitate correspondeat, similiter de ratione lucis & tenebrarum in corpore humano.

IN superioribus declaratum est, quod corpus humanum in tres regiones, tam natura & qualitate, quàm loco & situ sit distinctum. Nam quæ superior est, tametsi tenuitate & opacitate à cæteris, quo ad sensum nostrum, non distinguitur, est tamen procul dubio purissima totius compositionis pars, & ad Dominam tam nobilem recipiendam à Creatore quàm optimè præparata. Hinc enim cerebri substantiam, ratione materiæ, ab infirmarum regionum partibus colore, & substantiæ ténuitate ac mollietate differre videmus, imò verò ipsa cerebri substantia naturam suam virginream nobis patefacit, dum casta mentis dispositio atque simplex ejus existentia colore, & natura sibi simili atque conveniente delectatur. Atque hinc procul dubio est, quod licet cerebrum nobis crudum, frigidum atque humidum valdè videatur, in suo tamen occulto longè aliter se habeat; Est enim, si ignem vulgarem respiciamus, cerebri substantia ei quodammodo consentiens, quantumvis ignis mentis, seu lux illa, hominis sapientis

pientis domina, aliter sese habeat, quàm ingenium humanum potest excogitare; siquidem tenera est & spiritu tenuissimo ac castissimo obdueta & ineffabili modo in se ipsa ordinata: unde patet, quod cerebri constitutio ad increata naturæ excellentiam, cuius est tabernaculum, sit referenda. Sed mentis natura est dispositionis purissimæ & formæ lucidæ, adeoque sequitur exinde, quod cerebrum quoque sit ad lucidam humidamque naturam pronissimum, atque summè ei accommodatum. Et proinde liquet, quod ejus natura occulta igitur supercœlesti, humiditas autem ejus humiditati spiritali, & color porro, utriusque complexui atque tandem loci seu positionis ejus sublimitas elemento summo, videlicet igni sit convenientissima. Ratio tamen, cur cerebrum cæteris membris neque tenuius neque perspicuius sit, ex hominis creatione elicitur, utpote in qua patet, quod hominis corpus creatum atque præparatum fuerit à Creatore, priusquam ejus animus in illud infunderetur; Cui rei causa erat, ut anima tenebris obfuscata per organa materialia, corpora cerneret, distingueret atque respiceret; quod quidem ipsa, nisi tenebrosa carne obvelata, perficere non potuisset, quoniam per se nihil intelligit præter invisibilia, hoc est, talia, quæ ipsa est, dum tamen corporis adminiculo visibilia videt, atque corporeis oculis contuetur. Hæc igitur via Deus tenebrosam massam sibi subiectam reddidit & tam terram, quàm cœlum suæ voluntati subegit, corporaque tenebrosa ad conditionis respectum exagitavit. Media autem corporis regio, quatenus humiditati & caliditati refertur, aëri comparari potest, quippe quæ ita se habet ad cerebrum, ut aër ad ignem, quare integrum Microcosmi thoracem elemento aëris referendam esse censemus. Quod autem ad cordis & pulmonum opacitatem & spissitudinem attinet, eadem est ejus ratio, quæ supra est allegata. Aquea etiam regio in Microcosmo est multiplex humiditatum, in infima ejus distinctione repertarum origo. Nam ventriculi chylus, sanguis hepatis grossus, & urina seu sanguinis serum aqueam spheram constituunt. Quare etiam & ventriculus & hepar & renes & cæteræ hujus regionis partes longè grossiores existunt in suo occulto, quàm membra superiora: quod quidem ab effectu comprobatur, quatenus videlicet hæc ipsa spiritus puriores & magis invisibiles producant. Verbi gratiâ; Cerebrum spiritus animales, qui invisibiles sunt, & cor vitales seu arteriales, qui ferè sunt invisibiles, continet; ipsa autem sœx terrea in intestinis & liene terminatur & asservatur, quæ juxta Microcosmi centrum non aliter, quam elementum terræ juxta centrum Macrocosmi, inveniuntur. Ex his ergo regiones Microcosmi externi non aliter differentiis symphonicis distingui videmus, quàm universæ elementorum Macrocosmi dispositionem qualitate & situ differre constat; quorum quidem harmoniam in tractatu nostro, de Macrocosmo, satis evidenter depinximus. Et sanè illa hujus harmoniæ compositio in regione elementari nihil aliud erat, quàm similitudo universalis harmoniæ mundanæ, à mutua actione & resistentia inter fontem totius lucis & abyssum tenebrarum derivata. Nam elementum ignis se habet ad elementum terræ, ut lux ad tenebras; similiter regio humiditatis inter ignem & terram, ut spiritus universalis inter medius ad duo extrema, videlicet lucem & tenebras. Ex quibus diligenter considerare possumus, quanta sit similitudo inter corporis humani & elementorum mundanorum proportionem, & quibus dimensionibus metricis ad musicam reduci possint hæc duo, ut in harmonia ad invicem conveniant. Quod autem harmonia humana cum sympathia omnium conveniat, hoc modo demonstratur: Deus est lux, lux concordia, & concordia creationis atque existentie origo, verbumque consonans, & pulchritudinem rerum efficiens sphaerasque à termino à quo, ad quem, atque iterum ad suum principium, tanquam ad unisonum movens, à quo omnes concordantiæ profluxerunt. Unde factum

factum est circumvolvendo, ut elementa & elementa paulò post sint producta. Sicetiam mens divina, lux atque concordia Microcosmi summa, humanæ creationis atque existentie origo pulchram Microcosmi effigiem produxit, sphaeras ejusdem motu, tam voluntario seu naturali, quàm involuntario seu raptospiritus circumducens, atque ejus compositionem elementarem faberrimè complens; Hinc homo Deus vocatur, sed mortalis, ut ipse Creator solus Deus dicitur, sed immortalis: Similiter Diabolus est tenebræ & discordia atque destructionis seu privationis autor, litigiumque dissonans, quod erat primogenitus chaos filius, Dei verbi, & lucis adversarius, terræ sphaeram per se immobilem reddens, elementaque per discordem suam naturam litigare faciens. Sicetiam corpus hominis est tenebrosus, discordiæ & morborum autor, filius chaos obscurus, menti, animæ & luci oppositissimum & per se immobile. Atque hoc totum accidit, quoniam est dualitas. Exproinde, si dualitati unitas animæ, seu quaternario materię trinitas formę jungatur, de discordia corporis ea in harmoniam exquisitam redigetur, eaque ratione tum tenebræ illuminabuntur, discordiæ propellentur, vita præservabitur, mors in exilium ejicietur, pax inter Deum & tenebras, seu inter corpus & animam illuminatione per divinam mētis præsentiam fiet, corpusque per se immobile jam actum & motum à principio interno movente recipiet. Ex quibus constat, quod hæc duo extrema inter se contraria per se varios producant effectus, videlicet lux & tenebræ, anima & corpus; cum illa pariat concordiam, cujus dominio res parvæ crescunt; hoc verò discordiam inducere soleat, cujus præsentia res magnæ dilabuntur. Horum ergo extremorum contrarietatem denotat contrarius triangulorum eorum inmundana compositione situs; cum pyramidis formalis conus sit in terra, basis verò ejus in primò cælo. At verò pyramidis materialis positio in contrarium se habet, quoniam ejus conus est contiguus centro basis illius formalis; ejus verò basis centro quasi terræ statuminiatur. In medietate verò, ubi sola vita reperitur, conveniunt; videlicet in sphaera æqualitatis, vel in loco intersectionis duarum pyramidum, ubi unius portio totius iustitiæ ad portionem alterius ponderatur. Atque ut in positione differunt hæc duæ pyramides, sic etiam naturæ ab illarum basibus exsistentes, dispositione oppositæ esse percipiuntur. Nam videmus, quod anima à centro pyramidis formalis egrediens, quo diutius est in corpore, eo perfectior & vivacior fiat, magisque in sua facultate & sapientia seu prudentia juvenescere observetur; cum è converso corpus, quanto majorem ætatem acquirit, tanto magis, veluti per senium quoddam decrescere & labefactari dignoscatur. Præterea, quo fortior est anima, eo debilius corpus & vice versa. Concludimus igitur, quod humanum corpus ex quatuor constet elementis; sed in carne & ossibus propter fixam eorum & solidam substantiam terream, terra maxime apparet. Similiter elementum aquæ in humoribus vim suam atque existentiam habet; ær verò, præterquam quod in sanguine infimæ regionis copioso reperitur, in pulmone etiam, tanquam in loco sibi magis proprio, habitare percipitur. Unde factum est ab origine, ut illud corporis membrum semper sit in motu, locoque ventulabri ad cordis refrigerium inserviat, ne illud, quatenus est sedes præcipua virtutis igneæ nimio calore consumatur & dissolvatur. Cordis igitur effigies est pyramidalis, & in hac sua effigie ignis flammæ accommodata; quoniam in flamma ignis sursum ascendente basin ejus, basi pyramidis similem, ejus verò summitatem more coni pyramidis acutam videmus. At verò in corpore sese res habet cum corde, ut in mundo cum Sole. Nam basis pyramidis solatis est in corpore solis, ejus verò conus deorsum tendit, contra ignis vulgaris naturam, hocque singulari voluntate divina. Nam alias res inferiores, si virtus lucis semper sursum tenderet efficacia lucis vivificæ de-

scendit

fluitate atque viis expertes relinquerentur, nec quicquam super terra vivere
 posset. Simili etiam ratione conus cordis humani, quo tam inferiores, quàm
 superiores corporis partes benevolentia ejus reficiantur, deorsum tendere ani-
 madvertitur. Sed quoniam hæc vis ignea ante spiritus divini afflatum corpori
 non adfuit; & vero nostra in hoc libello intentio est, de solo corpore in simplici
 sua natura, absque ulla hominis interni consideratione discurrere, plura de hoc
 subjecto verba non faciemus, sed ad multiplices ejusdem dispositiones, cum in-
 terno ejus commixtas, earumque declarationem pede veloci progrediemur, ut
 ita ab hoc quasi nilulo, ab hoc, inquam, luto vili, & ab his cineribus, ac terra
 mortua, omni adhuc gratia divina orbata, tandem recedendo, ad admirabiles
 lucis divinæ (paulo post illam inhabitantis, atque in eam spiraculo Deiformi in-
 flatæ operationes, abstrusamque illius cum corpore sympathiam, qua illa mo-
 ver hoc movetur, illa agit, hoc patitur, illa vivificat, hoc vivit, illa per hoc sentit,
 videt, audit, gustat, olfacit atque tangit, & virtutibus adhuc admirabilioribus
 suspenda in illo spiritus sui rationalis & intellectualis virtute, ad culmen & exi-
 tum felicem ineffabiliter producit, intuituorum lætitia
 & gaudio, hilarique animo & properante
 pede acceleremus.

Q T R A.





TRACTATUS PRIMI, SECTIONIS I.

L I B E R VII.

De Microcosmi interno in externo
seu de mentis actu in
corpore.

C A P. I.

De hominis creatione.



Nimā humana secundum modum & rationem in libro hujus primo allegatam, proportionem materiae, vehiculisque spiritualibus à superioribus ad infimum cœlum subterlabens, & ad ingressum in illud domicilium præparata, in illud tandem ex terra, pulvere & luto, manibus ipsius Creatoris ad illud spiraculum Dei forme suscipiendum, ut supra dictum est, adaptatum, opificis afflatu infundensque inspiratur, hominemque externum vivificantem præsentis virtute movet, vivificat & attingit. Atque hoc modo creatus est homo duplex in toto individuo, & factus est animal vivens, ratione atque intellectu prædum, admirabile (dico) animal, Deus terrenus, immortalis in se creatus, sed ob peccatum mortalis factus, denique imago sui Opificis ineffabilis. Sed quoniam deus est ejus spiraculo & de corporis ejus, in statu innocentie, puritate, munditie, perspicuitate, claritate & perfectione, similiterque de ejus in Paradysum colloca- tione, conjunctum cum ipsius Paradysi voluptatis descriptione & explicata alibi in Tractatu nostro Theologico-philosophico, de vita, morte & resurrectione co- egimus, leviter ea hoc loco præteribimus, ut circa veterum solummodo Philosophorum opiniones, de hominis interni in ejus externo actionibus dicere tra- tes versemur. In priori ergo libri hujus parte, de animæ humanæ operatione, dominio & virtute, tam ex parte supernaturali, quam ex parte celesti & naturali, tractabimus, quatenus anima cum corpore in sola creatione sive in ratione consideratur. Creatio enim, sive generatio in multis divinis operibus percipimus; Nec tamen generatiois vocabulum ita stricte con-

volumus, uti faciunt illi, qui eam definiunt rei productionem & ortum ex non præexistente materia, hoc est, ex nihilo: namque hoc modo non rectè dicimus hominem creatum esse; quatenus in primordio ejus externum è materia præexistente factum, atque ad opus præparatum extitit: videlicet ex luto & terra, quæ consentanea erat compositionis ejus materia; sed creationem potius atque rectius definimus illam, qua rerum species, antea non existentes jam esse incipiunt. Sic enim prima hominis species exordium in creatione Adami accepit, Leonis in prima animalium terrestrium productione, &c. In hoc ergo differunt creatio & generatio, quod illa versatur circa specierum non præexistentium ortum & productionem, hæc verò in rerum seu creaturarum præexistentium propagatione, multiplicatione, specieique jam tum per primum FIAT create, atque adultum PEREAT conservatione. In priori igitur immmediate operatur DEUS Creator, in posteriori verò secunda mentis primæ imago, quæ est ipsa natura creata, seu Dei filia, ab ipso ante omnium creationem progressa & derivata.

C A P. II.

De libera spiritus medi dispositione, qua solet de uno vel alio extremo participare, & de beatitudinis interni hominis causâ, ejusque dejectionis atque infortunii ratione.

DIvvs Paulus cum Xisto Philosopho conveniens animam humanam Dei templum esse constanter asseveravit, cujus rei rationem demonstrat etiam Merc. Trismegist. Pim. 12. luce verbis: *Bonus, inquit ille, Damon animam in corpore, mentem in anima, in mente Verbum, Deumque eorum Patrem esse pronuncia vit, Verbum igitur imago ac mens Dei est purissima materia portio ær est; æris anima, anima mens, mentisq; densiq; DEUS, DEUS vero circa omnia, mens circa animam, anima circa ærem, atq; ær circa materiam versatur.* Hinc est, quod alii hominis naturam arctius constringendo, eam ex tribus coagmentaverunt, videlicet ex anima, spiritu intermedio & corpore; per animam, mentem & animam significantes. Sed hi, ut mihi videtur, non ita exactè hominis internum distinxerunt, hoc est, hominis interni portiones, quas ex quolibet trium celorum acquisivit, non distinctè descripserunt, & per consequens, eam reliquerunt imperfectam, cum omnis perfectio ex principio, medio & fine consistat. Platoniorum ergo sententia potius hoc loco à Mercurio Trismegisto non discrepantia auscultabimus, qui homini interno tria descripserunt, videlicet *supremum, infimum & medium.* Per *supremum* intellexerunt illud divinum, quod mentem, intellectum illuminatum, lucis increate portione, & actum seu radium Dei vocant, qui est hominis portio superior, in qua animæ portione Merc. Trismeg. altius ascendendo, ex consilio boni & nunquam mentientis Damonis, verbum inesse asseveranter dixit, cui etiam Divus Johannes astipulari videtur, verbum *vocans vitam hominum & tenebrarum lucem*, atque itidem Merc. Trismeg. appellat illud, *vitam & lucem, ex quibus constat homo.* Et alibi dicit: *Verbum in te videt & audit Pimand.* sic Moyses nuncupat illud *spiraculum vite*, immediate ab ipso Deo in hominem externum inspiratum. Atque hæc superior hominis portio, intellectum illustratum amplectens, est illa, per quam homo cæteris animalibus præcellens, ad ipsius Deitatis naturam accedit; Unde Dei imago & Dei filius non modò à Philosophis, sed etiam ab ipsius scripturis nuncupatur. Per mentem ergo Platonici intellectum & rationem intelligere

voluerunt. Per *infimum* autem, aëream & infimam hominis interni portionem, seu actum elementorum significare videbantur, qui est, ut testatur *Mercurius Trismegistus* loco superius allegato, totius regionis elementaris, quæ colligens libi pro ratione ea, quæ materia existit subtilior & tenuior, formales elementorum dispensationes, atque assistentibus simul & præeuntibus ducibus seu animæ portionibus superioribus in corpus, secundum corruptæ carnis & tenebrarum dispositionem agit, utpote quibus sua natura & positione magis est familiaris. Unde prior est hæc animæ portio ad corporis & inferiorum affectus, quàm ut ex sua natura menti & rebus divinis conveniat. Atq; hæc infima animum portio vocatur anima sensitiva, quam *Paulus Apostolus* hominem animale appellavit, atque idolum ex corporeæ materis gremioeductum, quod corpore resolutum, unâ cum eo interit, aut cujus in corporis sui resoluti vaporibus non diu superest umbra, nihil participans immortalitatis, sed in hylæ deformitatem rediens, nisi ipsum quoque sublimiori potentie uniatur, cujus virtute sola immortalitatem adsciscere potest. Hæc animæ portio est potentia motrix, vivificans, corporis rectrix, sensuumque origo materialis, per quam ipsa anima in corpore vires explicat sentiendi. Sentit enim corporalia per corpus, movet corpus per locum, regit in loco, alitque corpore corpus. In hac ergo animæ portione dux sunt virtutes potentissimæ; quarum una est *Phantasia*, sive imaginatio sive cogitatio, atque altera, *sensus natura*. Per medium denique Spiritum intelligebant medium sive ætherem & vitalem actum ac radium nature, utraque extrema, videlicet mentem cum anima animali connectentem. Unde fit, ut hæc media natura de utroque extremo participet, adeoque habet tum à virtute Solis, propter lucis ejus ad cælum empyreum relationem, scintillam rationis, quæ deinceps mentis & Spiritus intellectualis præsentia augetur, tum etiam ab infimo extremo & elementorum subtili facultatem sensitivam. Unde fit, ut hæc media natura, tanquam æquè extrema uniens & portionem intellectualem cum anima animali seu sensitiva conjungens, hoc est, mentem cum rationali suo spiritu & vehiculo ad inferiora vehens, sit in sua natura quasi libera, ita ut liceat ei vel huic vel illi magis adhærere: videlicet aut versari magis circa inferiora & sensibilia, quàm circa supercælestia & divina, aut etiam vice versa; prorsus ac si Deus libero arbitrio hunc spiritum intermedium incolenti diceret: Utrum horum mavis, accipe, vel secundum *Antisthenem* Moysis verba: *Habetis ante oculos vitam & mortem, eligit utrum vultis*, vel secundum Apostoli electionem: *aut filius mundi filius, aut regni cælestis*. Et similiter quoque hoc modo dicitur: Ad am gustasse de fructu arboris cognitionis boni & mali, qui in principio nihil nisi mentis arcana contemplatus est, & per consequens solius bonitatis fuit particeps. Sed quomodo res sese habeat, auscultate obsecro. Hic spiritus intermedius, vitali spiritu plenus atque præterea etiam ratione tum solari tum præcipue mentis & empyrea imbutus, ex his potestatem dat corpori vivendi in genere, hoc est, omnes vitæ functiones, mediantibus organis sensitivis, ad vitæ facultates accommodatis, corpori tribuit. At verò, quoniam omnis actio vitæ aut circa bonum, aut circa malum (cum non sit in hoc mundo quicquam præter hæc duo extrema) versatur, quorum prius est lucis donum, ultimum tenebrarum, necesse est, ut hæc spiritus in vita mortis aut ad bonitatem, hoc est, ad naturam Dei & lucis patris, aut ad malitiam Diaboli tenebrarum principis tendat. Nam ut quæ lance ad utrumque simul extremum propendeat, impossibile est: Hinc enim inquit Christus: *Non potestis Deo simul atque homini inservire*. Et Divus Johannes 1. epist. *Filii Dei non possunt esse filii mundi, nec vice versa*. Ex his igitur constat, quod spiritus hic, quasi princeps Elector, aut magis ad superiora, aut etiam ad naturam inferiorum seu animæ animalis tendat, hoc est, quod vel mundi, pravitatis, tenebra-

tenebrarum atque vitiorum naturam vel cœli superi: celestis bonitatis & virtutis dispositionem respiciat. Si igitur spiritus hic intermedius cum sua lucementi constanter adhæreat, beatificatur, quoniam hæc portio suprema nunquam peccat, malove consentit, semperque erroribus resistit. & ad optima hortatur, utilitatus describit *Mercurius Trismegistus* 1. Pimand. Et proinde etiam tandem virtute mentis spiritus talis propter suam obedientiam ad Deum transfertur, juxta illud *Procli*: *Anima per acquisitam scientiam ipsi menti seu intellectui similis evadit.* At verò è converso, si spiritus ille animæ animali accedat, seu inferiori co-hæreat, depravatur, inquinatur, & in tenebris submergitur atque detinetur, donec ex bono Dæmone fiat malus; quoniam inferior illa portio, animalis scilicet anima, in malo, peccato & concupiscentia semper submergitur, & teste *Divo Paulo* trahitur ad pessima. Verba ejus hæc sunt: *Video aliam legem in membris meis, captivantem me in lege peccati.* Hinc etiam ortus est divinus hic *Bernhardi* sermo: *O anima, decorata & pulchra facta per imaginem & similitudinem Dei sponsata a spiritui per fidem, adjuncta ab angelis, comes beatitudinis, hæres salvationis, particeps rationis, quid habestu ad agendum cum carne?* Imò verò *Bernhardus* non vidit omnia: Nam spiritus quàm laxissimè proditorio more animam mediam adulando ad inferiora trahit, & in corpus opacum illam includit, ubi tam ut plurimum eam relinquit solam & otiosam, & id quidem efficit blanditiis animæ sensitivæ, cui proclivior ea est adhærere, quàm menti propter humidam atque materialem suam dispositionem, quæ magis suo simili gaudet. Sed tamen, ubi animæ mediæ naturæ proportio ampla est (quæ semper in spiritu reperitur) ibi facit spiritum suum menti magis obedientem; quoniam anima media seu actus mundi, radiusque naturæ, est de natura remota ipsius mentis seu actus Dei; unde de ejus proprietate participat. Tendit ergo materia naturaliter ad opera tenebrarum, forma verò ad dispositionem lucis, uti in ignis ardentis flamma videmus. Estne hæc, dilectores, nova atque inaudita doctrina? Estne, inquam, hæc *Platoniorum* opinio à veritate ullo modo dissentiens? Examinetis, obsecro, vosmetipsos, & rem istam tandem aliter se habere non posse comperietis. Verbi gratiâ. Alicui forsitan vestrum facinus aliquod perpetrandum proponetur, hoc est, constituet secum, aut stuprum, aut adulterium, aut furtum, aut cædem, aut proditionem contra Principem, aut scelus aliquod consimile patrare. Sed tamè ratio, quæ est semper comes mentis, huic ejus proposito pro posse suo resistet, nihilominus fieri laxissimè assolet, ut in fine hujus contentionis, spiritualis sensus & carnis appetitus compleatur, mœnusque & rationis admonitiones rejiciantur, atque ita scelus illud destinatum perficiatur. Hic ergo videmus, spiritum hunc intermedium mentis consilium neglexisse, & animæ sensitivæ adhærendo in tenebras se immerxisse. Atqui vice versa, si spiritus, timore Creatoris perculsus, & rationis vestigia sequens, menti fortiter adhæreat, facinusque conceptum relinquat infectum, ejusque consilii & propositi mali pœnitentia, & quasi odio accensus, ad meliorem vitam se convertat, evidens illic est signum, quod spiritus hujus intermedium mentem constanter fuerit amplexus, & quod animam animalem seu idolum in contemptu habuerit. Sed quid sermone uberiori est opus? Nónne nobis liquet, quod duo sint in mundo extrema, videlicet lux & tenebræ, virtus & vitium, bonum & malum? Sequitur igitur quasi ex concessis, quod itidem quoque sit medium inter ea certum atque determinatum, quod de hoc vel illo extremo aptum sit participare, prout unius vel alterius objectum illi magis jucundum & delectabile videbitur. Et procul dubio anima humana, sive homo internus ex his partibus conflatur, quatenus perfectus & completus est, & per consequens ex numero perfecto constare judicatur, videlicet ex principio, medio & fine, hoc est, ex mente, spiritu & idolo, seu anima animali, aut quod idem

est, ex natura cœli sup̄remi, medii & infimi. Nec tamen solum spiritum æthereum hic intendimus, sed per spiritum, animam vitalem seu spiritum solarem ætheris, hoc est, compositionem factam ex luce vivifica & spiritu ei sua puritate optimè convenienter.

C A P. III.

De ratione, & cur mens in corpore opaco includatur, deque ejus in corpore humano imperio.

Admirabile est cogitanti, qua harmonia duo illa, tum natura essentiae, tum loci positione contraria, Mens scilicet & corpus, in unum coagmentari possint: Et tamen hoc, mediante spiritu interposito, fieri oculis intellectualibus cernimus. Similiter mirum videbitur, quod excellentissima hæc Dei imago, imò vero ipsiissimus Dei radius ita longè à sua sede connaturali submoveatur, adeoque in sua conditione vilescat, ut cum sit lux splendidissima, efficacissima, divinisissima, immortalis atque purissima, conjiciatur tamen & includatur in carcerem tam tenebrosum & caliginosum ac terrestrem & corruptioni obnoxium, adeoque etiam immundum & spurcum. Sed hoc divina Creatoris providentia factum esse agnoscimus, ut ipsa tum particularium naturam diligeret, & tamen circa multitudinem versaretur, tum etiam universalium dispositionem unitatemque respiceret. Hinc cinquit *Jamblicus: Anima & heros magis versantur circa multitudinem, Dii & Damones circa unitatem.* Nam lux, quo profundius descendit in pyramidem materialem ab ejus cono versus basin, eo magis inclinatur ad multitudinem, uti superius dictum est. Hac etenim via voluit Creator, ut Deus quidam terrestris, sed mortalis, multitudinem rerum particularium in terra conservaret, sicuti ipse, tanquam Deus immortalis, unitatem, & res universales in cœlo respicit; Tali siquidem ratione Deus ipse Creator, tam in terra, quàm in cœlo habitare, & ubique adesse dicitur. Huic etiam nostræ opinionioni hisce verbis astipulari videtur *Mercurius Trismegistus Asclep. 4. cum innoti, id est, divina similitudinis formam animæ diceret Deus non posse omnium rerum esse diligentem, nisi eam mundano integumento contegeret, texit eam corpore admodum tales omnes esse percepit ex utraque natura in unum confundens, miscensque quantum satis esse debuisset. Itaque hominem conformavit ex animi & corporis, id est, ex æthereæ & mortali natura, ut animalitas conformatum utrique origini suæ satisfacere posset & mirari atque adorare cœlestia & æterna, & incolere atque gubernare terrena, &c.* Infinita est ergo mentis potestas in corpore humano, quoniam ipsa, teste *Mercur. Trismeg. Pimand. 12.* de Dei essentia nascitur, si qua est ejus essentia, & ab essentia ejus nequaquam dividitur, sed illi potius eo modo connexa est, quo Solis corpori lumen. Atque hinc est, quod illa dominetur omnibus, neque alicui eorum, quæ ad fatum pertinent, impossibilem. Ideo fit, ut humanus animus si fiat superior. Et tamen, quæ fato subiecta sunt, non negligit; atque ob hanc rationem sapiens, hoc est, mentis actu præditus, astris dominari dicitur. Hinc etiam est, quod idem Philosophus agnoscere videtur omnem motum corporeum in corpore fieri à mente. Non enim erat homo externus animal vivens factus, priusquam spiraculum Dei forme in eum inflaretur. *Mercur. Trismegist. Pimand. 6.* dicit quod anima, mentis præsentia destituta nec agere quicquam nec dicere potest. Ex sacris ergo factorum Philosophorum Scriptis colligimus, mentem bisariam summi, videlicet, vel pro prima & superiori, quæ est actus & radius promanans immediate à Deo, vel pro inferiori, quæ est mentis primæ & superioris imago, aut vestigium

vestigium quoddam eadem primæ mentis determinationem persequens: quæ quidem mens secundaria est ipsa natura seu ætus mundanus. Mens igitur prima seu radius Dei à super substantiali natura immediate proficiens in spiritum empyreum seu rationalem ingreditur ubi creaturas divinas, primo creationis die præfinitas, & acie divina prædita formavit. Hujus etiam mentis primæ magister unde creationis die in medio abyssi reluxit, calumque ætherum & mundum materiam seu visibilibus animam vivificam produxit. Quæ prioris mentis imago atque mens secunda, ipsa Natura vel radius mundanus haud immerito nuncupatur. Atque hæc singulis animalibus, cæterisque visibilibus mundi creaturis conceditur. Quare *Mercur. Trismegist. Pimand. 11.* hanc mentem secundariam, brutorum & vegetabilium naturam appellavit. Huic opinioni adstripiatur *Synepius* hisce verbis *Hymn 3. Mens delapsa in hylen, mens immortalis, parentum divinorum propago, exigua quidem sed illorum tota, ista & una ubique tota in totum infusa, vastam cavitatem colorum torquet, universam hoc conservans, in diversas formas distributa aderit. Pars ejus stellarum cursus, pars angelorum cæus, pars etiam gravi nexu, terrenam sortita est formam, disjunctaque a parentibus, tenebrasque hausit oblivionem, &c.* Similiter alibi idem illud *Mercur. Trismegist.* hisce verbis confirmare videtur. *Mens inquit, Deus est in hominibus, atque idcirco nonnulli ex hominum numero Dis sunt, eorumque humanitas est divinitati quàm proxima: Etenim bonus Dæmon Deos quidem prædicat immortales, homines autem mortales Deos. In animalibus autem irrationabilibus mens illa natura est. Nam ubicunque anima ibi mens, quemadmodum ubicunque vita, ibi etiam & anima in viventibus absque rationis discursu. At verò anima media in sua natura est vacua mentis primæ, quamvis ipsa sit quasi mens secunda, quæ sufficit ad vitam cujuslibet creaturæ. Hinc, inquit *Mercur. Trismegist. Pimand. 10. Anima, mentis præsentia destituta, nec agere quicquam, nec dicere potest: Sæpe verò mens extra animam exit, quo quidem tempore nec audit nec videt anima, sed animalis similis est ratione carenti: Tanta, dico est potentia mentis supremæ, quæ animam hujusmodi deserit corpori implicatam, & ab eodem tractam quasi ad inferos. Nam hæc æterna essentia, ut cum *Mercurio Trismegisto* loquar, ab ignavis, improbis, ignavis, invidis, iniquis, homicidis & hujusmodi procul admodum est, vel saltem vacat in suo diverforio, permittens eos Dæmonis ultoris arbitrio, qui igitur acumen incutiens, sensus affligit, & magis magisque ad patrandæ scelera armat hominem, ut turpioris culpæ reus, ac noni supplicio sit obnoxius: cumque sine ulla intermissione ad insatiabiles concupiscentias inflammat, tum eo pugnat in tenebris, peccatum examinat, & ignis imperum in ejus cruciatum, mirum in modum concitat atque exagitat. At verò animabus, quarum spiritus ei adhæret, aderit mens ita benignissimè & perquam faustè, quippe quæ in sanctam animam influere, illamque ad sapientiæ lumen extollere solet; benevola enim erit bonis, piis, puris, religiosis, sanctisque hominibus, præsentia sua fert illis opem, adeoque utilitatem cuncta cognoscunt, ipsos ad gratias agendas, & præ benedicendum inclinat, facit, ut concedant sanè corpus morti suæ, ac ut sensuum illecebras fastidiant, utpote, qui clare dijudicant, quàm lethibetæ sint sensuum lenocinia; qui etiam ipsa mens, janitoris munere surgens, incidentes in insidias corporis haudquaquam permittit finem consequi suum; aditus enim, per quos turpes blanditiæ manare solent, jugiter intercludit, libidinem & fomites omnes extinguit. Hinc *Mercurius Trismegistus Pimand. 12. Qui- busque animis mens præsidet, suo illas fulgore illustrat, earum moribus malis resistens, quemadmodum Medicus eruditus agrotantis corpus doloribus afficit, iurendo illud atque secundo recuperanda valetudinis gratia: eodem modo menti voluptuosum affligit animam, ut radices voluptatis evellat, maloque corpus repurgans, non aliter anima bonum procuret, quam sanantem corpus Medicus. Imò verò mirabiliorem adhuc mentis hujus di-***

vinat in corporibus efficitur. *Mercurius Trismegistus* in sermone quarto Pimand ubi haec verba loquitur: *Quicumque a Dei creatura facti sunt secundum operum conformationem* promortalibus immortales habentur, intelligentia sua cuncta complectuntur quae in terra sunt, & quae in mari, & siquid est praeter ea supra caelum: atque a Deo seipso excedunt, ut ipsum quoque bonam intineantur: quod sane cum perspicunt eam quae hic videtur, tam, miseriam quandam arbitrantur. Et converto, ut ex superioribus luculentum constat, quod quod hominum animae mentem nequaquam fortiter sunt gubernatricem, eadem, quae & brutorum animae, patiuntur. Dimittit enim eas in cupiditatum imperio; ad quam expletionem ardenti quodam impetu percurrunt, rituque ferarum immoderate & irascuntur & cupiunt, & quod deterius est, non finem ponunt libidini ullum, nec malorum inveniunt passionum terminum. *Hicse*, inquit *Mercurius Trismegistus* Pimand. 12. *velut licetorem* *Dei* legem proposuit; secundum illud etiam *Drus* Pauli Gal. 19. *Lex ad nos propter transgressionem.* At vero in hominibus, quorum spiritus intermedius et adhibens libidinis impetum cohibet, iracundia restringit ardorem, &c. Sed quoniam immemores actiones benedictae non omnibus conceduntur, quippe cuius essentia, licet in corpore cum anima vitali sit, attamen, nisi anima cum suo spiritu eam, nequaquam anima sensitiva, quærat atque amet, illi deerit, & ab actionibus vacabit divina. Ideo modus reconciliandi formam hanc divinam, ut in anima operetur, vacet, imprimis inquirendus erit. *Mercurius Trismegistus* inquit Pimand. 4. *Mens crateris latice ablui non potest corporis amator nam, nisi quis suum corpus oderit, non amare non potest.* Quamprimum vero id non se sed Deum ipsum dilexerit mentem primum consequetur hanc denique naturam scientiamque vestigio nanciescitur. Cum hoc *Mercurius Trismegistus* sermone sacrae Scripturae multis in locis convenire videntur. Ut *Deus* *Johannes* 1. epist. 2. *Mundum diligens non habet charitatem Patris in se.* Et ibidem cap. 3. *Mundus non novit filios Dei, quia filii Dei non noverunt mundum: quia mundus totus in maligno positus est, ut cap. 5.* Similiter 1. epist. D. *Johan.* 1. *Concupiscentia carnis facti non habent charitatem Patris in se.* Et alibi: *Concupiscentia est omne, quod in mundo est, quia non est ex Patre, sed ex mundo.* Ex quibus patet, quod mens non adfit, qui corporis amore, aut concupiscentia mundana sunt capti, quoniam Deus tales non novit, sed solus mundus, quatenus eorum actiones circa res mundanas versantur.

C A P. IV.

Quod mens & ratio hominis non subjiciantur fato, & quod stelle sua non possint imponere necessitatem.

PER fatum intellexerunt veteres Philosophi operationem septem Planetarum in stellis fixis, Nam quicquid per providentiam divinam ab Archetypo ordinatur in mundo intellectuali, illud a stellis fixis & septem Planetis in mundo visibili mandatur executioni. Hoc etiam confirmatur a *Mercurio Trismegisto* Pimand. 4. fatum appellante dispositionem septem gubernatorum, cum animalia, praeter hominem, subiecta esse asserit, nec tamen omnes homines totum fati voluit, quippe, quibus mens divina adest, non ita fato, ut extorantur. Verba eius ex 12. Pimand haec sunt. *Homines cuncti fato generantur, & transmutationi subjiciuntur initium quippe & finis facti sunt duo haec, generatio & transmutatio. Et homines quidem id patiuntur, quod instituit fatum. Verum homines, quibus mens gubernatrix affuit, non eodem modo, quo ceteri patiuntur, tenus enim ab improbitate alieni existunt, malum minimè patiuntur.*

mentis præmissis a Deo concessis ad id quod decet, utitur, nihil ab immortalibus discrepat, quin etiam corporis solutus compediens, ab utrisque ducitur ad chorum beatorum simul atque Dei. Platonici etiam huiusmodi iactaverunt sermonem *Mens supra fatum est in providentia, adeo nec calor corporum influxibus, nec rerum naturalium qualitatibus afficitur, sola igitur illam moderatur religio.* Sed quid amplius aliorum auctoritates hoc loco recitabimus aut allegabimus, cum rationes evidentissimæ, atque cunctis philosophiæ visceribus haustæ, in promptu sint, quæ luculenter demonstrant, hominis mentem & rationem astris & eorum influxibus dominari, eamque cælorum visibilium actionibus non esse subiectam. Anne æquum esse videbitur, ut rex eminentissimus à subditis gubernetur, aut eorum pœnis & passionibus subjiciatur? Iniquum equidem esset, tali imaginatione duci, quod Creatora suis creaturis ad aliquid præter suum velle cogatur, aut quod actus & radius ab eo immediatè promanans, & tamen ab ejus essentia divina nullo modo separatus, sed perpetuò ei connexus, creaturis ab ipsa mente & verbo statuminiatus ac firmatis subjiciatur. Quid ergo habent stellæ seu creaturæ cœli intermedium ad agendum cum creaturis cœli superioris & præcipuè cum autore & creatore earum? Deorsum igitur procul dubio dotes à cœlo empyreo per divinam Creatoris benevolentiam effunduntur, atque optato modo recipiuntur, non autem iterum à creaturis eas recipientibus sursum rejiciuntur. Nam hoc esset ingratis illud restituere, quod liberè pro se & inferioribus accipitur, & more principis tenebrarum, oblivisci beneficium Creatoris, ac superbire alis in altum ferri, & regna sublimiora insulsè petere. Alibi ergo, rem hanc aliter se habere, copiose satis explicavimus, ubi in *Musica nostra mundana* declaravimus, Solem mediū cœli imperatorem, suas dotes, à cœli empyrei sublimitate, sic volente Deo Creatore, per virtutem consonantiæ Diapason accepisse, ut de sua abundantia portionem vitæ, omni die, hora & minuta, in inferiora, itidem virtute consonantiæ Diapason materialis, in terram infunderet. Ex quibus liquet, inferiorem mundi regionem, vitæ mensuram eo modo accipere à media, quomedia à superiori. Jam verò pro absurdo haberetur, si quis diceret, Solem & cœlum medium accipere vitam suam & nutrimentum formale à regione inferiori, aut supram à media, perinde ac si quis inferret, causam procedere à suo effectui, seu principium à suo principio. Nam sacre Scripturæ agnoscunt operum etiam primorum creationis dierum distinctionem. Res igitur, breviter loquendo, sic habet: Anima humana, quam supra hominem internum esse declaravimus, ex tribus portionibus à triplici cœlo derivatis, conflata est, uti diximus. Nobiliorem suæ compositionis portionem acquisivit à cœlo empyreo, imò vero immediatè ab ipso Deo, in spiritu empyreo vestitam, videlicet mentis radium in rationali curru sedentem: Media ejus portio, quæ vitam dat corpori, vitam suam acquisivit à cœlo æthereo; quæ cum suo spiritu recipit spiritum rationis cum eo, ex domino. Infimam autem animæ portionem ex elementorum subtili conflata, animæ animalis & sensitivæ dispositionem esse, antea satis apertè explicavimus. Jam verò ex dictis manifestum est, quod natura cœli medii à natura cœli supremi regatur, atque illa porro ab essentia Dei: non aliter, quam natura infima & elementaris à superioribus simul conjunctis gubernatur. Hinc ergo est, quod si media animæ portio inferiori suo membro ad hæserit, mens ipsa divina communicationem cum ea habere recusabit. Unde sequetur, ut astro in influentiæ & operationes in talem animam, & universum ejus corpus prædominium plenissimum sint habituræ, siquidem animæ istius portio, stellarum essentia superior vacabit, neque animæ in ejus operationibus adesse invenietur. Nam cum anima media, cum spiritu æthereo seu anima elementari hunc in modum quasi scedus iniens, sit de vera cœli medii substantia & forma, spiritu

videlicet & luce constans, non erit mirum, si stellæ & Planetæ faciem in eam impressionem faciant, eamque pro voluntate sua gubernent, atque ita illam ad omnem mundanam concupiscentiam flectant. Similiter animæ portæ interioravidissimè amplectitur eorum influentias, & pro solis Diis ipsas estimant, quæ agnoscit. Atque hinc est, quod constellationum Zodiaci aliz biliosos & cholericos, aliz melancholicos, aliz phlegmaticos & segnes, & aliz lascivos & sanguineos producant effectus. Unde *Mercurius Trismegistus Pimand* 13. *Quia cum tabernaculum ex duodecim Ultricibus tenebrarum constare dicit, quas alibi horribiles vocat; Ultricem autem unam facit Ignorantiam, secundam Tristitiam, tertiam Inconstantiam, quartam Cupiditatem, quintam Injustitiam, sextam Luxuriam, septimam Deceptionem, octavam Invidiam, nonam Fraudem, decimam iram, non decimam Temeritatem, & duodecimam Malitiam:* Atque sub his, tanquam genere subalterno plures continentur, quæ per corporis carcerem inclusum tristem hominem sensibus pati cogunt. Postea in Planetarum regna descendendo, *Saturnus* hominem à mente relictum reddit invidum, vilem, pauperem, tristem, avarum, &c. & præcipuè quidem, ubi ipse fortior fuit in illius hominis civitate: Sic *Jupiter*, horoscopi dominus inventus facit eum ambitiosum. *Mars* rixis & litigis deditum, compotatorem & incastum atque adulterum. *Sol* solussum & superbum. *Venus* luxuriosum & concupiscentia ac voluntatibus mundanis submersum. *Mercurius* inconstantem & levis seu facilis credulitatem. *Luna* ebrium, segnem & negligentem. Ex his igitur videmus, quantam potestatem cælum visibile & creaturæ ejus habeant in animæ portionibus inferioribus mente & ratione destitutis; quippe simile simili gaudet; & spiritus medius cum sua luce inferiora solummodo respiciens, materiali & mundana voluptate delectatur; hocque eo magis, quoniam blanditiis animæ sensitivæ seu elementaris ad illud infligatur. Unde fit, ut obliviscatur Domini sui, atque ita, nec vexationes mundanas, nec Dæmonis cruciatus animæ advertat, donec totaliter à mente relictus luat poenas, & desperatione, seu poenitentia nimis tarda clamitet: *Poenitentia*, atque ita luto suo æternum adhæreat, nec altius ascendere valeat, quoniam à divino suo Domino, per quem resurgere debebat, derelictus atque prostratus in tenebris jacet ac submergitur. Non igitur dicant amplius scrupulosi, stellæ nulla necessitate agere in homines mente destitutos, quoniam eos omnimodis stellis & cælo visibili subjectos esse, rationibus jam allegatis apertissime comprobavimus. Atque hoc modo videmus, quod extra rerum naturam non sit, nec furto, cæde, stupro, aut hujusmodi aliis hominum vitiis virtute Astrologi: à judicare. At verò etiam salvatum est illud Antistitis axioma; *Sapientem se habet, & sibi dominaturum.* Nam, ut antea dictum est, cum mens influit in sanctam illam, extollit illam ad sapientiæ lumen, quæ diversorum altius & virtute potentius habet, quam est illud stellarum. Nam teste *Mercurio Trismegisto Ultrici* illi duodecim antea commemorati, præsentia divini splendoris à decem potestatibus repelluntur: Etenim assistentia ejus descendit ad nos primum cognitio Dei, cujus præsentia depellitur ignorantia; Deinde descendit ad nos cognitio gaudii, quo præsentia tristitia pellitur; tunc aufugit: Hujus etiam potestatis actus producit constantiam cuius adjuvento aboletur inconstantia; Constantia autem est via suavisissima. Producit etiam continentia, quæ est via universarum victrix cupiditatum. Atque hic gradus iustitia fundamentum est, quatenus ejus ortu & accessu injustitia à cunctis operibus expellitur, nos autem ab omni injustitia iusti efficiuntur. Sexta autem potestas etiam menti præsentia in nos descendit, videlicet communis adversus excessum & luxuriam, quæ expulsa, etiam veritas apertius & deceptio mox expellitur. Unde nobis veritate præsentia bonum absolutum ad levior etiam discedet. Veritati enim innatum est bonum cum vita simul ac lumine ut veritas index accedet. Imo vero hujus præsentia Ultrices omnes repentino quadam im-

perirequeantur. Quid autem aliud intelligere videtur Philosophus iste divinus, quàm quod duodecim illæ Ultrices seu impietates & sceleris autores, quos signorum Zodiaci effectus esse, agnoscere videtur, mentis præsentia quæ secum novem cœli empyrei virtutes, seu novem intelligentiarum ordinum, quos denarium numerum consistere supra diximus, proprietates deorsum trahit ab homine expellantur. Sic Angelorum chorus Luciferum cum turba ejus rebellante propulsa vit & debellavit: Sic *Seraphini* cognitionem Dei important, ejus assilientia pellitur ignorantia: *Cherubini* exuberantiam scientiarum & donum sapientiæ Dei ac charitatis afferunt, quo tristitia exulare compellitur, similiterque inconstantia; quia scientiæ plenitudo & sapientiæ, donumque charitatis, quod est donum fidei, constantiam parit, atque homines à cupiditate mundana ad supercelestem allicere dicitur: *Throni* donum judicii veri atque recti habent, unde eorum præsentia injustitia omnis tollitur: *Dominationes* faciunt homines potestate spiritali excellere, & fortiter sese in prælio spiritali gerere, unde harum virtute anima spiritaliter pugnat contra tentationes carnis, luxuriam & deceptiones: Has sequitur ordo *Potestatum*, quæ mores, reverentiam & humilitatem denotant; Unde invidia tollitur virtute humilitatis: *Angelici ordines* virtutum illuminationem dant & purgationem, unde eorum virtute fraudes & prælugia submoventur, fallaciasque ipsorum proprietatum præsentia exultat humiliter purgat animam ab omnibus iræ affectibus. *Dionysii* etiam natus, *Archangeli*, quæ novum ordinem possident, id muneris & officii habent: *Demoni* malignos, hominum fruicionem habentes, propulsant, eosque intermediant ne homines amplius excitent: nullus enim in homine invenitur affectus temeritate illa vehementior, quæ excitatur à Diabolo: Imò ipse his viis & modis tentabat Jobum, virum electum, annitens eum temeritate movere & irritare, ut ea tandem occæcatus Deum blasphemis afficeret: *Angeli* denique, qui constitunt nonum & ultimum nunciorum Dei ordinem, munere talium generantur mundi malitiam refrænent, virtuteque amoris divini, quo pleni sunt, hominum malitiam extirpent, atque ut pios contra inimicorum suorum malitiam adjuvent, quemadmodum *Gen. 32. & 2. Machabæorum* habetur, & *Tobia*, &c. Imo vero hi non solum hominum malitiam, sed & eorum morbos tollere solentur. Ex his ergo Philosophi intentio potest discerni, videlicet, quod virtutem novem, cum novem ejus ministris, Zodiaci malitia facillimè propulsetur, videlicet virtute decem potestatum, quorum præsentia hominis interni regenerationis est, quod etiam alibi expressis verbis explicare videtur: *Intellexisti*, inquit *simili*, regenerationis ipsius modum, denario præsentis numero intellectualis regenerationis composita est, quæ duodenarium numerum rejicit. Viam autem & modum, quo ipse mysterium hoc agnovit, hisce nobis reliquit verbis: *Idcirco*, inquit ille, ex hac generatione speculatus sumus. Nam quicumque propter benignitatem generationis, quæ secundum Deum est, sensum amittit corporeum, hoc est, cujus spiritus intermedius magis adheret menti, & non anima sensitiva seipsum cognoscit ex divinus compositum factumque, iam sapiens, divina potentia tota mente latatur. O quantus est ergo mentis altus, qui per seipsum in aëre exercetur in celo et in terra, in aqua, in aëre, in animalibus, in arboribus, in hominibus quidem immensior, ac denique ante corpus, post corpus, atque ubicunque veracoloritur, atque sincere apprehenditur, ibi semper agit, vitæque omnia & Diaboli præstigia veritatem producendo, patefacit, patefactaque propulsa. Nec mirum vobis videatur, o lectores, me cum *Merc. Trismeg. Zodiacum* Ultorum prædictorum, quod nunc appellasse diversorium, quoniam in S. etiam Scripturis legitur, quod *symbolus mundi visibilis & materialis princeps*, qui sui regni visibilis summmitatem nunc summus possidere cupit, quàm rerum Creator in universalis peripheria cœli æternè constantè sedere creditur.

C A P. V.

*Quod mens & anima menti adherens passioni
non subiaciatur.*

Cum mens sit verum Dei actus ab ipso Dei essentia ortus, ut Merc. Trismegistus
bu utar) & à natura divina nequaquam divisa, ut supra declaratum est. Ita
 liter cum sit omnium princeps & quasi centrum, ac si dicere fas est iuxta *Merc.*
Trismegistum Pimand. 12. & Synes. epist. Hymn 3. sententiam loquendo, *ipsum*
Creatoris anima, ita ut possit, quæcunque vult, efficere: dominatur enim omni-
 bus, imò etiam ipsi legi: sequitur exinde, quod illa sola agat in omnia, & quod
 omnia ejus actiones (ipsa tamen secundum Dei naturam inviolabili perma-
 nente) patiantur. Est immobilis & tamen primum rerum mobile, ac nullis
 actionibus obnoxia. Nam cum ipsa solummodò sit rerum actus, res aliæ agere
 non possunt, nisi ab ipsa agendi potestatem habeant: Quare necesse est, ut
 agat in seipsam & per consequens suas proprias actiones toleret aut etiam
 alio modo patiatur. At verò, quoniam omnis actio est in subiecto seu patiente,
 apto ad recipiendos impressionis actus, & agenti quodammodo contrarius: Ita
 circo mens in seipsam tanquam in subiectum passibile agere non potest; pri-
 mum, quia omnis ejus entitas est identitas & formalis, nihilque materie in se
 habet, nihil passioni obnoxium, nihil suæ naturæ resistens, sed parte ejus
 heterogeneæ sunt, & ipsa unitas; quare nihil contrarietatis ei inesse ar. uni dicitur
 tur. Hinc est, quod Philosophi voluerunt, nullum elementum *in se* in sua
 sphaera agere; sed actiones ejus in sphaeram naturæ ei contrariam imprimi
 runt. Multò magis ergo mentem neque in se agere neque pati affirmamus, ut
 tenus forma est purissima atque Deiformis absque ulla spiritus materialis
 mixtione à Deo immediatè promanans, quæ omnia efficit in hoc mundo, ni-
 hilque patitur unquam. De hac animæ portione sic loquitur Jamblicus: *Ani-*
ma in corporibus pura est, neque tangitur perturbationibus, cum sit vita super natura
ingenita, neque dolore quopiam dissolvente, cum sit extra omne corpus. Eadem
 Cum anima sit individua & uniformis essentia, secundum se incorporea permanens, cum
 corpore nihil communicans, nimirum passionis divisionis vel alterationis vel mutatio-
 nis alienus non admittit. Proclus etiam affirmare videtur, ipsam animam, mediè in
 pati, sed passionis omnes provenire à corpore, & nullo modo inesse animæ: Corpore
 ille, passionis in animam non pertranseunt, unde tametsi mors sit corpus, non tamen
 anima malum: Cujus certè opinionem, divinitate plenam, nunquam faes
 dare aut admirari possum, quippe quæ deducit argumentum à majori passi-
 ne, inde comprobando, quod minores multò minus animæ noceat, ac si
 set; non minores, quia non majores. Nam si mortis passio, quæ est omni
 xima, ipsius corporis vincula dissolvens, nihil ad animæ perturbationem
 ciat, sed potius ad ejus à carcere liberationem conducit, multò minus
 vioribus corporis affectibus perturbabitur. Sed ut ad ejus argumentum
 ingenii acumine elaboratum, respondeamus, probando rem non ab
 se ita habere, atque ipse putavit; dicimus, hanc animæ mediæ libertat
 esse ex se, sed propter ejus connexionem cum mente divina: Unde si
 ejus menti adhereret & lucis divinæ radios amplecteretur, corporis
 modo sentit; sed potius ejus perturbationibus delectatur, ut eo tandem
 luto, citius à suis vinculis liberetur. Hinc dicit Porphyrius, quod anima
 semper vigilans, in corpore tamen quasi dormias. Et Proclus narrat, quod anima in
 peribus agrotens, & quasi delirent. At, si quidem spiritus ille intermedium, animæ
 mediæ

mediam vehens, ad carnis delicias proclivior sit & tenebrarum illecebris ut-
que blanditis se immergat, mentisque & lucis divinæ oblitus, superiora & spi-
ritualia negligendo, inferiora & corporalia respiciat, certe passionibus corpo-
ralibus obnoxius erit, timore & perturbationibus morborum & mortis non
minus perculsus, quam ipsa anima sensitiva. Et tunc anima ejus lucida seu
dius natura suo circulo ætheræo, hoc est, spiritus intermedio nobili in-
hærendo, & tanquam in speculum inspicendo, percipiet multas tenebrarum
præstigijs & illusiones, quarum conspectu perturbabitur, quoniam ejus socie-
tatem mens divina, veritatis imago, propter spiritus illius inobedientiam reli-
quit, atque ut fallacis tenebrarum & Diaboli perturbetur, permittit. In hoc
igitur speculo suo monstra hæc seu passionibus phantasticas, & quasi falsitatis chi-
meras contuebitur, amorem scilicet stultum, odium detestabile, desiderium &
concupiscentiam immanem, horrorem tremendum, lætitiā fictā, spuriam
& non durabilem, dolorem intolerabilem, spem vanam, desperationem fata-
lem, audaciam impudentem, timorem ineffabilem, iracundiam irrationa-
lem seu bestialem atque tremendam, atque hæc quidem undecim passionibus e-
numerantur, quibus anima a mente derelicta affligitur. Inest tamen animæ lu-
cidæ vis quædam, spiritum suum ita lapsū, atque tenebris immersum ad cœ-
lum revocandi. Nam cum sit ejusdem progeniei cum mente, facillimè preci-
bus & penitentis clamore mentem in auxilium suum pertrahit, ita ut hujus
prælio ac directione rursus ad sanctum regnum & parentis palatium perdu-
cat. Hinc divinè satis Porphy. in lib. de Abst. *Quando ad pristinum statum redire
pro aribus affectamus, necessarium est a sensu & imaginatione omnique irrationali que
sequitur inde, conditione, passionibusque ejusmodi animum penitus segregare, quatenus
permittit natura necessitas.* At verò, si anima cum suo spiritu consentiat, & jam
de lapsa cum eo in corporis & mundi amorem si quidem mala ad finem perfe-
verit, non gustabit immortalitatis quicquam, neque bono etiam fruatur, hoc
est, non revertetur ad illam formæ & lucis perfectionem, à qua derivata est, sed
semper manebit vinculis captivata, & in materiæ abyſſo submersa. Nam im-
possibile est animæ à captivitate materiæ liberari, nisi id fiat, mentis & vivifici
verbi divini Spiritus mediatione, quotum alis solummodò & non aliorum, à
terra ad cœli cacumina elevari atque sublimari potest; nam facillimum est, ut
materia descendat, difficilimum autem, ut ascendat & revertatur absque pen-
næ igneis, quarum ope multò velocius vehitur & attollitur Spiritus ad cœlum
ponderosus, quàm fufum virtute ignis, vel globus tormenti in ærem ejaculatus.
Dicimus denique, quod mentis radius in prima creatione, quò magis à fonte
veritatis descendit, eò profundius in materiæ multitudinem se immerlerit, uti
in harmonia animæ dictum est. Unde fit, ut quamvis radius seu actus imme-
diatus procedens à Deo sit simplex & purissimus, radius tamen ab eo productus
non mens secunda & ipsa natura dicitur magis vinculis & involucri materiæ
(nam spiritum suprà vocavimus) involvatur, sicut in *Macrocosmo nostro* dictum
est. Et proinde mentis primæ opem requirit ad suam redemptionem. Hac
enim via renovabitur mundus & virtute exaltabitur, teste *Esaiâ Propheta* in hæc
verba *Sol decuplo erit purior & excellentior in sua pulchritudine, quippe quæ omnia
a vetbi in mente residentis præsentia perficientur, quod
ideò sibi « & » nomen rectissime
vindicavit.*

CAP. VI.

*Cur mens & ratio humana superiorem Microcosmi regionem,
cælum Empyreum inhabitet?*

IN libello nostro de homine externo ostensum est, eum in regiones tres, seu quatuor macrocosmi dispositionem esse divisum, quarum superiorem non ineptè line ratione evidentissima cælo empyreo comparavimus. Nam ut in macrocosmi empyreo mentis divinæ & rationalis spiritus locus atque sedes, naturalis, secundum doctissimorum cum Philosophorum tum Theologorum opiniones existit, sic etiam à Philosophis & Medicis doctoribus rationis intellectus locus atque diversorium in capite seu regione superiori microcosmi collocari animadvertitur. Et quidem etiam si experimèta vulgaria respiciamus, sphaera ex vitro vacuo conflata, utcumque aliquis eam violentè in aqua immergere tentaverit, semper tamen ad locum suum naturalem assurgere demonstratur, quippe cujus contenti natura (aërea nempe) est, aquæ superiori. Hoc idem etiam percipimus in ligno, propter ejus aëream igneamque dispositionem. Hujusmodi igitur est quoque ratio, cur mens, cum licet minus rationis suprema, superiorem loci partem, in quo est possideat. Nam quamvis ipse rationalis seu empyreus sit ejus vehiculum, & anima mundana cum sua ratione æthereo sit iterum spiritus intellectualis currus, & hisce omnibus aëreæ materiae plaustris, in quo mens cum cæteris in corpus introducitur, mens tamen humilioris culmen totius semidimetri animalis possidet, atque ut rex seu imperator dignissimus superiorem semper, tam in parte hominis interni, quam externi, sedem occupat, officiumque quasi navæ sibi vindicare videtur, navem tempoream per fluctuosas mundi perturbationes & tempestuosas atque præcelsum bujus vitæ undas secare & tuto ad terram & portum felicitatis dirigendæ. Ceteri ejus ministri, videlicet, ratio, vita, spiritus naturalis & sensus ipsi obedientes reddantur. Sed si rebelles fuerint atque gubernatoris præceptis non assensuerint, naufragium proculdubio inevitabile & sibiipsis exitiale producent, quo ipsi in mundi maris abyssum cum nave seu cymba corporali abfunderentur atque vivi tenebrarum biatu degluerentur, dum tamen interea navis gubernator pennis immortalibus alta petens, in suam patriam benedictam cum suo spiritu rationali remeabit, quippe qui semper, quatenus factus non rejicitur, ei obediens esse solet. Hinc ergo est, quod, ut navis gubernatoris in prioris puppis parte sedet, nautasque inferiores in suis negotiis dirigit, qui sperè & propitiè iter suum faciant, ipsique nautæ partim in inferiori puppe versantur, & partim in superiori, prout occasio movet, sic etiam mentis superioris corporis humani regionem inhabitat, cui cæteri ministri, videlicet, vitalis anima & illa naturalis ac sensitiva, ad nutum adfunt, & parati sunt omnia ejus mandata cum diligentia perficere & expedire. Sed & quodnam, quæ argumentum evidentiùs queri potest pro eo, quod mens superiorem hanc hominis regionem inhabitet, quàm quod eum inter omnia alia animalia magis elevatum atque orthogonaliter stantem videmus, quippe ex quo manifestè apparet, est, in ejus fastigio & summitate vim atque actum eminentissimum ipsum versus cælum erigentem atque attollentem existere non aliter, quàm si ignis artificialis corpora gravissima in altum elevari percipiuntur. Idem, tamen efficax est hic ignis divinus quem *Merc. Trismeg.* alletit, *igneum animal ducere solere, ut primum a corpore fuerit separatus*, ut etiam non modò omnia

pora ad rectos angulos erigere, sed etiam ea ad superiora rapere atque elevare percipiat, quemadmodum infra luculentius declarabimus. Ex hisigitur luce clarius deprehenditur vera mentis sedes, situs atque positio in corpore humano, & quod ea sit sola microcosmi tam interni, quàm externi divina imperatrix, atque Deiformis gubernatrix.

C A P. VII.

Quod lux per unversum orbem mundanum sit eadem, similiterque Spiritus idem; & quomodo lux tendat ad Spirituum purificationem & elevationem in altum.

IN quamplurimis locis, antea in libro nostro macrocosmico citatis, succinctam atque propinquissimam lucis cuiusque cœli relationem abundè & dilucidè patefecimus. Lucem enim supremæ mundi regionis primo die creatam esse mentis divinæ iconem seu imaginem explicavimus, lucemque secundariam, quæ cœlum medium secundo die informavit, esse quasi prioris & superioris radium seu simulachrum, atque tertium tandem secundæ idolum atque effigiem, similiter quod virtute lucis superioris Spiritus rationalis seu empyreus sit creatus, & vocatus radius mentis, quæ est radius Dei, & quod itidem quoque medius spiritus virtute lucis mediæ factus sit vitalis seu æthereus, seu quinta essentia, dicaturque radius mundi, anima mundi & ipsa natura agens; atque porro etiam, quod actu infimæ lucis in spiritu infimo, quatuor elementa tertio die sint producta & distincta, dicaturque radius elementorum, & quasi elementum ignis, seu tenuis lucis portio deorsum in illas partes profluens. Hæ ergo alterationes omnes à lucis divinæ actionibus proveniunt, cuius integer conatus est, ut immunda purificet, & crassa subtiliet. Atque hæc ejus actione mundi univærsalis Spiritus, qui teste *Divo Petro* nihil aliud est, quam *Aqua*, in regiones puritate & impuritate, tenuitate & spissitudine differentes, atque in dispositionem quatuor elementorum est distinctus. Ex quibus patet, quod univærsalis mundi lux sit unica, ejusdemque actionis & naturæ ab æterno fonte derivata, & quod differentiarum operationum ejus non in ipsa, sed in diversitate materiæ resistentis existant. Nam quod fortius resistit, actum fortiorem requirit, & quod debilius est in sua repugnatione, minori impressione opus habet; & tamen actionis semper eadem est ratio. Similiter passionis ratio à diversitate materiæ, spissitudine & tenuitate differentis, procedit. Nam quod densum & compactum est, difficilius agentis impressionibus locum concedit; Unde fit, quod lux cœlestis, propter minimum Spiritus sui resistentis renixum, quoad nos insensibiliter calefacere videtur, cum tamen nihilominus in officio suo lucido excellat. Sic etiam videmus, eandem lucem, propter radiorum suorum in spiritu fœlso coarctationem fieri atque evadere ignem destruentivum & sensui tactus intolerabilem, imò verò docemur, quod quò magis ad centrum terræ illa penetrat, eo vehementior existat ejus facultas adurens & destruens; quippe cum radii ejus tendendo magis deorsum, inveniant subinde materiam crassiorem, atque ita tandem ineffabilem in modum comprimantur. Unde fit, ut non sine maximo cruciatu adurat, ignemque vulgarem producat. Sic etiam ignis flammam nihil aliud facit visibilem, quam partium aëris rariorem inflammatarum contractio, seu radiorum lucis in aëre occultorum & dilatatorum in unum congregatio. Quo quidem modo etiam videmus aërem humidum in tenui sua natura invisibilem, contractione in nubem visibilem & palpabilem condensari, quæ

quæ sic contracta, res madefacere observatur. Ex his ergo liquet, lucis inter se partes ab invicem non differre, sed ejusdem naturæ esse, adeoque easdem differentiam ejus quoad nos, esse diversitatem operationis. Similiter quoque materia mundi tota eadem est, videlicet aqua; quæ tamen pro majori vel minori lucis cum ea, & in ea repertæ, proportionem differre cognoscitur. Hinc igitur videmus, quod lux inferior taliter secundum proportionem suam agit in spiritum suum æreum, qualiter lux media agit in suum; atque iterum, quod media in suum spiritum æthereum non aliter agit, quam lux cœli superioris in suum; & proinde, quod tota differentia consistat in eo, quod luci inferiori proportionem ejus & multitudinem materię magis resistitur; luci autem medię propter ejus cum spiritu æthereo æqualitatem (quæ qualis sit ex consentanea pyramidis formalis & materialis adaptatione supra ostendimus) resistitur minus, utpote quæ invenit spiritum in eadem proportionem sibi obediētem; atque sic etiam porro lux superior, tanquam abundans excedenter, minori adhuc vel minima lucis agit in spiritum empyreum; utpote qui paucior est, & propterea incorporeus, ac planè metaphysicus dicitur, hoc est, ex materia naturæ terminos positus. Atque hæc est ratio illa evidentissima, per quam homines, mysterio divino illuminati, & quibus per consequens Deus à priori non demonstratur, tanquam per scalam à posteriore ascendunt, ut ad Dei cognitionem perveniant: namque per abditas aquæ cum igne operationes, quas hic in terra observamus, de lucis medię in suo spiritu effectibus divinare possumus; atque sic etiam ex manifestis Solis actionibus in aëre, de virtute lucis primarię in spiritu secundario judicare non erit impossibile; ac denique inventa ratione actionis lucis medię cum suo spiritu, ulterius actiones cœli superioris & earum effectus quadantenus efficaciter contueri non omnino diligenti inquisitori denegabitur; atque ita demum percipietur, quod lux, quæ egressa est ex fonte divino, ad materię purificationem, mundificationem & attenuationem tendat, & per consequens ad illius elevationem & exaltationem à re grossa ad subtilis, & à loco corruptioni obnoxio ad sedem formali luce repletissimam, quæ cunctis ejus appetitui satisfaciatur. Nā benigna est essentię divinę dispositio & propensio, ut ad rerum præservationem, salvationem, redemptionem, & à tenebris in lucem regionem promotionem semper operetur; adeoque semper in rerum deformationum reformationem versatur, turpiumque dispositiones in pulchritudinem reducere, tenebrarumque & liugii præstigias mundo propalare atque benivolentis suæ dona unicuique conferre & distribuere, ac divini tandem amoris sui characteribus omnia obsignare gestit. Nonne ergo observamus in hac regione elementari, quod ignis flamma, naturali instinctu, neglectis superfluis atque sublimibus, petat omni conamine inferiora? Nec quidem absque sensibili ejus extinctione eam ab hac sua inclinatione avertere possumus. Sic in suo artificialis natura observamus, quod, ut primum ignea ejus dispositio in actum deducitur, grave illius corpus contra suam dispositionem in altum attollatur. Ex quibus videre possumus, quam avidè natura lucida sedem suam connaturalem appetat, massamque suam corpoream relinquere, & ab ejus vinculis se extricare conetur.

C A P. VIII.

*De inaequali corporis & animae lucidae proportionē, & quod lux solummodò
ad corporis elevationem versus cælum & impuritatē
ejus expurgationem hīc in terra
laboret.*

CORPORIS materia se habet in proportione ad animam suam lucidam, ut spiritus infimæ mundi regionis ad lucem ejusdem; quam superius in proportione sesquialtera reperiri diximus; quateous scilicet illic una pars lucis & tres partes Spiritus materialis inveniuntur. Hioc ergo fit, quod corpus animam gravare, & in actionibus suis impedire dicitur; ita quidem, ut quæ illa vult, hoc peragere non sinat, & contra ejus actiones, quæ tendunt eò, ut illud in altum eleve, summa ope nitatur. Quod autem anima debilior sit in corpore multis gradibus quàm materia, experimento declaratur. Nam si quis descendat è monte, corpori valdè conveniens erit hic motus; quoniam omne grave, naturali quodam instinctu, deorsum tendit; imò verò lætatur homo externus, quia facilis ei videtur descensus; qui tamen motus est contra animæ naturam & dispositionem, ut in igne & fuso declaratum est: At verò in montis ascensu defatigatur homo externus, atque anima vivifica (quæ tamen quasi scintilla duntaxat est) vehementer & pro viribus agit ad elevationem ponderis istius gravis, suumque diverforium ad hoc laborare facit: Unde manifestum est, quod corporis moles multis proportionibus animæ suæ lucidæ mensuram excedat: quoniam totus homo delectari videtur descensu, qui fit secundùm materiæ appetitum, ascensu verò, qui est secundùm lucis cupiditatem, gravatur. Verùm enim verò, si animæ lucidæ facultas corporis mole copiosior esset, è converso homo gravaretur descensu, atque in ascensu suo lætaretur; quippe anima lucida omni naturæ conamine tendit sursum, imò verò etiam ipse Spiritus sursum ascendere vehementer cupit cum lucis suæ scintilla, quæ semper ad tale officium prompta est, ut in fusi accessi elevatione dictum est. Et quidem etiam idem illud sequenti experimento demonstratur.



Sit A. vas aqua plenum, in cuius fundo B. candela accensa affigatur, ita ut stet perpendiculariter, si ergo subito cōprehendēdo flammam candela in orificio visri, quod collo sit oblongiori, collum illud deorsum in aquam destruseris, & foramen C. in fundo ejus obturaveris, occulta signis facultas atque proprietas è vestigio observabitur. Nam grave corpus aqua sursum bona quantitate versus & secundum majorem vel minorem flammæ proportionem elevabitur. Percipiemus etiam, quod Spiritus æreus quoque sic ad hoc proclivis, & in opere isto quasi quidam coadjutor. Ad quod sequenti experimento vulgari declarabitur. Nam si milvum fictitium ex chartis factum, cui filum vel chorda satis longa alligabitur, vento expolueris, videbitur, veatque machinam illam satis gravem facillimè in altum attollere.



Ex quibus constat, quod non modò lux, sed etiam ejus vehiculum tendat ad corporum exaltationem; in tantum quidem, ut etiam, quando propter exiguitatem suam non potest opus illud perficere, tum soleat huc atque illuc à latere, videlicet dextrorsum & sinistrorsum, vel antrorsum atque retrorsum corpora & animalia columnis seu pedibus statuminata, sursum quo & deorsum, eo modo, quo dictum est, movere. Sed, ut artificialia ista omittamus, videmus quoque eandem dispositionem in plantis; quippe in quibus lucis portiones è terra exurgentes, sursum versus locum suum connaturalem cum tota sua massa corporali, præeuntibus in auxilium Solis radiis, se attollunt. Atque ut jam animalium disquisitioni insistamus, ab ancilla quadam andræi, quod aliquando cattam seu fœlem quandam seniore & majorem, ab insignem ejus rapacitatem ubi in ipsa gula & ingluviæ actû eam inopinantem apprehenderat, inclementer pedibus suis, solum alio destituta, & tamen præsentis occasionis opportunitatem è manibus dimittere nolens, contere, atque ita concutendo suffocare sentaveris: Ubi verò uno pede suo gusturi felis appposito, alteroque cordi ejus impresso & affixo, erecta consistis, bello exitiali sine ulla commiseratione miserum istud animalculum propter voracem ejus gulam crucians & affligens, percipit tantam in corpore ejus vim tantumque in exigua illa parte, & quasi scintilla lucis seu actui ei inclusi vigorem atque efficaciam, ut admiratione quadam percussa assidue verteretur, ne quando, & vel non obstante etiam onere tanto, in altum elevata, deiceretur, dum videlicet sensis ingentem Spiritus inclusi vigorem sursum evahere, & in altum elevari corporis sui molem. Ex his igitur evidentissimum est, quod Spiritus vitalis cum sua luce agente vim maximam habeat, non solum in rebus arte factis, in quibus videlicet Spiritus ærei locum obtinet sal nitri, utpote quod nihil aliud est, quàm aër congelatus, & lucis vicem supplet natura illa sulphurea, cujus natura lucida in actum deducta movetur virtute illius Spiritus, sed etiam in rebus vegetabili-

bus; quippe in quibus Spiritus æthereus radium solarem, illis inclusum, versus patriam suam sursum ducit (quod etiam ille, nisi impediret eum gravis aër cum elementis adhuc gravioribus terræ & aquæ, facillimè ascenderet) atque adeò quoque in ipsis animalibus ignobilioribus, quibus, uti suprà diximus, vis aliqua cœli rationalis inest: Unde fit, ut eorum lux ad corpora gravia elevanda efficacior atque fortior sit, quàm lux illa vegetabilium, à solo orbe solari derivata. Nam diligenter considerandum est, quod uti lux cœli empyrei fortior est, quàm lux cœli medii, atque hæc iterum fortior est, quàm lux cœli infimi, ita quoque ubi aliqua horum luminum portio prædominatur, ibi fortior aut debilior reperitur motus & effectus versu superiora. Hinc, uti antea dictum est, mineralium fixitas & immobilitas; quorum anima ex luce cœli infimi sive tertiaria producta est; Unde propter lucis debilitatem & materiæ fortitudinem ac compactam naturam circa centrū quiescunt. Sic etiam planta, licet vivacior sit minerali, ita ut supra terram assurgat, pede tamen affigitur terræ, nec per se moveri potest. At verò animal liberum est, corpusque suum huc atque illuc localiter movere, atque saltu corporis sui onus à terra nonnunquam elevare censitur. Unde evidentissima est creaturarum differentia in lucis & spiritus ei correspondentis dispositione. Veruntamen priusquam ad describendam lucis humanæ excellentiam, omnes alias lucis species in cæteris creaturis superantem, accedamus, obiter hæc & leviter tantum perstringendo, mentionem faciemus cuiusdam experimenti à nobis excogitati; ex quo quidem duo notabilia didicimus, videlicet primò, quod lux humana sit longè dignior, excellentior & potentior ad elevandum corpus in altum, quàm lux cæterorum animalium. Namque si animalis alicujus viventis pondus exploretur, atque tum iterum idem illud animal strangulatum sine ulla sanguinis aut excrementorum amissione, appendatur trutinæ, percipietis, corpus istud mortuum longè gravius esse, quàm fuit vivum. Atque hæc quidem omnes animadvertunt differentiam inter vivos & eorum cadavera. Unde manifestum est, quod animal illud levitatem suam à luce vitali & spiritu tali habuent, utpote quæ egerunt assidue actione sursum tendente; Sed quoniam corpus grave illis impedimento fuit, ad latera tantum & antrorsum ac retrorsum solummodò moverunt; Atque hæc est causa, cur levius sit animal vivum, quàm post mortem. Sic etiā videmus, quod homo, attracto per inspirationem spiritu aëreo in pulmones non faciliè in aquam submergatur, sed levitate aëris attracti super aqua detineatur. Sic etiam phiala aqua repleta & in aquam immissa subito submergetur: similiter si phiala per ignis violentiam liquefacta, in massam coaguletur, & in stagnum aliquod projiciatur, videbimus eam non aliter fundum de repente petere, quàm saxum aliquod grave: at si aëre impleatur eadem phiala, onus ejus virtute aëris elevabitur, in stagni seu aquæ superficie sustinebitur, nec ad fundum migrabit. Similiter si corporis humani vivi pondus respexeris, illud quæ cum mortui cadavere comparaveris, & differentiam diligenter examina-veris, cadaver ejus gravitate sua vivum corpus in pondere superare percipies; imò verò observabis, quod proportio ponderis & gravitatis in corpore & cadavere humano longè præcellat mensuram & numero corporibus & cadaveribus cæterorum animalium, siquidem hominibus fide dignis credendum sit. Quare evidens est, quod lux vitalis in homine (quæ non modò solaris est & mundana, ut in cæteris animalibus, sed etiam divina & summa, quatenus afflatu Deiformi in hominem immissa) majorem habeat efficaciam ad elevationem corporis humani in altum, quàm habet lux cæterorum animantium. Præterea etiam experimento quodam possumus indagare, quantum luminis essentialis defecerit in corpore humano vivo, ad hoc, ut potuisset in altum evehi. Nam si vivum corpus hominis habeat in pondere 100.

libras

libras, & cada ver ejus exæquet libras 140. certum est, quod vigor lucis cum spiritu vitali in corpore vivo adhuc requisiverit 60. proportionem actuales, quibus corpus illud elevari in sphaeram Solis. Nam corpus solare in medio loco idè suspenditur, quoniam ex æquali lucis & materiæ proportionem componitur; ita ut in medio, ubi pyramides se intersecant, collocetur, atque ita semper virtute lucis incorruptibilis in perpetuum suspendatur, donec vincula à Creatore dissolvantur, in cuius sola potestate est, teste Apostolo, *animam à Spiritu dividere*. Nec credendum est corpus hoc nostrum fordibus pollutum, & tenebris inquinatum in tali forma elevari posse. Nam virtute lucis copiosè transfigurabitur, quemadmodum tam sacrarum Scripturarum doctrina, quàm Philosophorum historiis instruimur. Nam primum in scripturis legimus, quod *Moyse facies adeò splenderet, ut non potuerint eum contueri Israelitæ*. Sic etià legimus, *Christum in monte Thabor Spiritus sancti lumine fuisse glorificatum àque transfiguratum*. Ita, Paulus se ad tertium cælum raptum fuisse, fatetur: Sed hi ad le iterum redeuntes, in terra mortui sunt. Veterù etiam Ethnorum historicis monumentis proditum est: *Socratem fuisse ita transfiguratum, solis luciferas ut viceris luminerosas & Alexandrum Magnum in India ingenti periculo circumventum, anima ita exarsisse, ut ipsi barbari intuitibus, lumen effundere visus sit*. Theodorici etiam Pater è corpore toto scintillas profudisse narratur. Et scribitur de quodam sapiente, quod scintillantes flamma ab eo hinc inde homine cum sono profilerint: Similiter in libro prodigiorum reperitur historia de *etiam quodam, è cuius capite flamma ignis satù magna exilire fuerit conspecta*: In Bibliis etiam sacris scriptum habemus, quod, virtute hujus lucis & Spiritus divini *Philippus Apostol. baptizato Eunuchus in India, statim inventus sit in Aetate*; Et de *Habacuc* similiter apud *Danielem* habetur consimilis relatio: Sic etiam 1. Reg. 18. 12. *Spiritus Jehova te deferet, nescio quò, &c.* Et 2. Reg. 2. 17. *Videndum, ne Spiritus Jehova foris sustulit eum, & coniecit eum in aliquem montem, aut in aliquam vallum*. Narrat etiam *Philostratus*, quod virtute eadem *Apollonius Tyaneus invisibiliter transiens, subito oculis in tribunali astantium apparuerit, & paulo post juxta Curiam civitatem unum ex discipulis suis allocutus sit*. Sic etiam *Enoch & Elias igneo curru & lumine ingenti circumducti, in cælum vivos fuerunt rapti*; sed in via transfigurati fuerunt, & purificati ab omni immunditie mortali, virtute luminis expurgantis ac sordes comburentis; quippe nemo facie corruptibili Deum potest intueri. Virtutem haud dissimilem attribuerunt Ethnici *Zoroastri & Romulo*; illum enim scripserunt transfiguratum, sursumque corpore sublatum; hunc in tonitru stupendo à patre suo Marte in cælum raptum monumentis reliquerunt Romani. Hujus lucis divinæ cum Spiritu potestatem agnoverunt *Avicenna Arabs, Avicenna Arabs* atque *Hippocrates Cæus*, & tota præterea *Chaldaeorum schola* fatetur, ac docet eam: quippe quorum omnium lucis hujus progressum animadvertentium sententia unanimis erat, stupendam quandam menti nostræ inesse potentiam, qua fieri posse narrant, ut mens, tota acie in Deum defixa, divino numine impleatur, atque sic impleta lumine, effusus radiis per singula media usque ad hoc crassum tenebrosissimum, grave & mortale corpus, copioso & efficaci suo lumine circumfundens atque circumseprens illud syderi simile, ei que æquè coruscans reddat, atque adeò etiam radiorum suorum plenitudine illud levitate quadam insigni, stupæ igne accensæ, seu fusi pulvere bombardico animati instar, tollat in altum, eaque ratione quoque aliquando corpus veluti spiritum è vestigio ad partes remotas transferat. Horum autem opinionibus ego, tum exemplis præcedentibus, tum etiam rationibus è philosophiæ armario seu sacrario depromptis persuasus, ad stipulari cogor; utpote quibus apertissimè video, absque mentis divinæ præsentia transfigurationem, regenerationem atque resurrectionem fieri non posse, & per consequens ex omnibus aliis creatu-

ris denegata esse, præterquam soli homini; quoniam ei soli & non itidem aliis, inest vitæ spiraculum atque sacrosanctum mentis & intellectus donum. Quod ergo lux habeat, pro majori vel minori sua proportionem, facultatem elevandi corpora, in quibus continetur, suprà demonstravimus. Sed quoniam, uti fieri afolet, corpora elementata in infima mundi regione prævalent animabus & lucis portionibus, ideo non habent creaturæ sufficientem hujus lucis quantitatem à sua creatione, quæ plenè suum officium queat perficere. Nec dedit Deus cuiquam creaturæ plus lucis, quàm ad sufficientem ejus perfectionem satis est; ita ut de suo lumine aliis impertiri nequeat, se manente integra. Sic itaque apparet stulticia eorum, qui conantur ex auri vulgaris portione infinitam præparare tincturam. Nam sic ipse Sol, creatura mundi visibilis nobilissima, sua virtute assidue magis magisque ratione luminis & tincturæ, ditesceret, altiore locum subinde appeteret, & gradatim versus mundi intellectualis apicem ascenderet, quousque ad unitatis punctum, multitudinem relinquendo, perveniret. Quare fallimur circa omnem talem potestatem ingentem, quæ, manens per se in suo statu & incorrupta, possit tantum formæ corpori corrupto præbere, ut ad excelsiora sublimetur. Unde igitur hoc donum a dipiscemur, cum nullibi possit à re creata depromi? A sola mente, scilicet divino Dei radio, cujus est omnibus plusquam perfectionem tribuere, cum in solo Deo & radiis ab ipso non divisis, summum & solum plusquam perfectionis donum invenitur. Nam quomodo possibile est, ut illud, quod solam perfectionem suæ speciei adeptum est, plusquam perfectionem dare & conferre possit alteri? A Deo ergo, ejusque Verbo & Spiritu, quibus mentis radii sunt continui, hauritur donum illud, & in homines sanctos infunditur; ac vi quadam magnetica & harmonia admirabili attrahitur ab unitatis essentia in hæc inferiora, modo acratione ea, quæ sequitur. Quoniam in quolibet homine est virtus ista à radice creationis ejus (quæ tamen fortitudine & debilitate operationis in diversis hominibus variat) revelatur à nonnullis sanctis, Prophetis & Sapientibus via, quæ à fonte lucido per radium continuum istius virtutis divinæ, ad inferiora & per consequens in ipsum hominem attrahatur. Nam pia anima menti adhærens, facillimè replebitur piis donis. Hinc in suo Hymn. i. ita cecinit Synesius: *Mens soli jam curat intellectuales mundos; bona enim inde humani Spiritus origo individue divisa est: At mens delapsa in hylam, mens immortalis, parentum divinatorum propago, exigua quidem, sed illorum tota, ista & una ubique, tota in totum infusa, vastam cavitatem calorum torquet, universumq; hoc conservans, in diversas formas distributa adeit; Pars ejus stellarum cursus, pars angelorum cursus, pars etiam gravi nexu terrenam sortita est formam, dijunctaque à parentibus tenebrosam hausit oblivionem, cæcis sollicitudinibus terram admirata. Inest tamen, inest aliquid lucis apertis oculis; inest etiam iis, qui huc delapsi sunt, in calum revocans quadam vi, cum fluctibus emergi visa, dati sanctum ingreditur iter ad regiam parentis aniam: Beatus, qui voracem hyla vitam lasratum, & è terra emergens, salu levivestigia ad Deum dirigit: Beatus, qui post fata, post labores, post acerbas terrenas curas, ingressus mensis vias, altitudinem vides divina luce resurgentem, &c.* Concludimus igitur, quod, ut Deus dedit omnibus creaturis perfectionem in creatione & sacrosancto suo tabernaculo, sic etiam in sola ejus sit potestate, plusquam perfectionem illis impertiri. Nam si in creaturæ potestate esset plusquam perfectionem dare, necesse esset, ut hoc faceret aut creatione nova, aut ut tale munus aliunde acciperet. At si in ejus potestate esset res creare novas, ipsi Deo, ejus solius est creare, æquiparanda foret; si autem hoc tale donum aliunde acciperet, sequeretur, eam illud à solo Deo, rerum omnium Opifice, comparasse. Ut ergo nulla creatura in se est infinita, sic etiam plusquam perfectio in infinitum à creatura dari non potest. At verò, si quis (& quidem non

adeo

adeò absurde *objiceret*, quod, virtute unius scintillæ ignis, infinitæ possint multiplicari, & præsentia unius candelæ innumeræ aliæ accendi, & quod proinde, cum ignis & lux sint creaturæ, sequatur, creaturas posse infinitum lumen & tincturam suisilibus largiri. *Respondemus*, quod lux sit vera Dei imago, & quasi ipsius Dei præsentia. Unde dicit *Augustinus*, quod, *quantum lucis aliquid in se habet, tantum Dei sibi vendicare videatur*. Quomodo autem lux illa divina se in hylam ad mundi creationem disperferit, satis evidenter nos docuit divinus *Synesius* loco immediatè præcedente citato. Nec quidem est ulla lucis seu ignis multiplicatio in candelarum multitudine illuminatarum per unam scintillam, sed est lucis in aëre dispersæ & attenuatæ atque propter raritatem invisibilis manifestatio, ita quidem, ut ignis sit ubique & semper permanens, sed nobis invisibilis ac intellectui solummodò & aëris variatione percipiendus, ille verò in spissatus & coarctatus objectum seu materiam & Spiritum, quibus inhaeret, coloratum, clarum ac lucidum reddit. Sic etiam aërem invisibilem in nubem visibilem converti videmus, hoc est, aërem tenuem & invisibilem fieri densum & visibilem coagulatione & coarctatione. Est igitur ignis vulgaris nihil aliud, quam ignis dispersi coarctatio & congregatio, non autem ulla multiplicatio; neque enim unquam plus aut minus ignis est, aut erit in mundo, quam fuit in creatione. Magnetica ergo & mirabilis est lucis proprietas, cum unica ejus scintilla infinitas ad se attrahat. Atque hæc est ratio, cur ignis in spissius subjectum contractus, urat atque destruat, quoniam vehementer agit ad dissolutionem, pro ratione ac modo, quo spissitudo subjecti ad fortem resistantiam est parata. At verò e contrà idem ignis per universum aërem expansus, corpora fovere atque reficere observatur. Hoc ergo est argumentum, quod ignis è folio Patris luminis egrediatur, quoniam videlicet quo ad nos, in infinitum videtur multiplicari; verò, in se est quasi unitas formalis, à qua omnes res, tanquam à forma, quatenus etiam est solus actus mundanus, procreantur. Unde evidenter liquet, quod lux immediatè in creatione à solo Deo, tanquam formarum in rebus creatis fonte unico derivetur. His igitur rectè consideratis percipiemus, quod actus mundanus nihil aliud sit, quam radiorum Dei in creatione progressio ac diffusio, & quod vice contraria Spiritus universalis sit quasi medium recipiens illos radios, & quod itidem materia ex spiritu cubico constata, sit quasi subjectum, eorum impressiones in se recipiens, & quod totum denique in hoc mundo nihil aliud sit, quam ignis in spiritum implicatio; ex quibus duobus ignis per se & in sua natura sursum tendit, Spiritus verò sine ignis adminiculo descendit. Sic factus est mundus, & ex mundo seu mundi elementis creaturæ. Non est igitur mirum, si ignis natura sit crassum attenuare, & ex fœdo pulchrum facere, tenebras propulsare, res mortuas vivificare, & de potentia in actum deducere, &c. Cum totum hoc sit Opificis intentio, videlicet res increatas creare, informes informare, inanimatas animare, damnata salvare, turpia mundificare, dejecta attollere, tenebris obruta liberare atque illuminare. Ex quibus manifestum est, divinæ essentiae imaginem esse lucem, ubique per universum expansam dispensatam, & aquis mundanis instar crocæ tincturæ cum liquore junctæ, permixtam.

C A P. IX.

De animarum humanarum communicatione.

EX præmissis videbitur quibusdam difficile, corporeis solummodò oculis ea inuentibus, quod anima unius hominis virtute splendoris sui spiritualis possit cum anima alterius, etiam longè distantis, communicare & familiaritatem habere, non aliter, quàm unus homo solet cum aliò sermocinari, quatenus carnis umbraculo tegitur atque obscuratur. Imò verò ipsa lux solaris, à qua anima media creaturæ derivata est tenuiori substantiæ opacè impedimento, quàm est impenetrabile corpus humanum, abscondi & obscurari potest, uti tempore pluviioso apparet; quare multò magis anima hominis de cælo delapsa. Similiter sequendo hæc *Merc. Trismeg.* dicta: *Anima naturæ verum orbata, bonique confecta, orbata oculis, corporeis sese passionibus implicat, &c.* patet, quod anima corporea mole obrecta, oculis quasi delitura sit, ita ut quæ extra sunt & in tenebris conspiceretur non possit. Hisce autem dubiis respondemus, rem quidem ita se habere consideratà animà, quatenus vitam solum respicit, quæ est solummodò media in animæ humanæ compositione portio. At verò quatenus cum sua domina mente, sine qua anima humana esse non potest, unitur, eatenus corporis parietes non magis possunt radios ejus comprimere & retinere, quàm aqua torrentis cristallini potius est impedire radios solares, ne ad fundum usque penetrent. Nam *Merc. Trismeg.* iussit, itequit, quod mens sua acie ad superna exigi possit. Atque alibi rationem assignat, videlicet *Pimand. 12. Quia mens absentia Dei nequaquam divisa sit sed illi potius eo modo contexta, quo solis corpori lumē. Quare mentē appellavit Deum in hominibus, dicitq; hominum humanitas esse divinitati quàm proximā; Unde homines appellavit Dæmon ejus bonos, mortales Deos.* Ex quibus manifestum est, quod mentis humanæ acies, lucisq; ejus radii sint tam subtiles & penetrabiles, ut corporis pori, ejusve massa tenebrosa eos nullo modo possit impedire, quò minùs id ipsius Creatoris solum penetrarent & ubique per mundum versentur. Hinc fit, sicuti dictus ille *Philosophus* testatur, ut præsentia menti, quàm Dei naturam nuncupat. homo intelligentia sua complectatur cuncta, quæ in terra sunt, & quæ in mari, & si quide est præter ea, quæ sunt supra cælum, atque adeò seipsam erigat, ut ipsum quoque bonum intueatur. Anima ergo media supremo atque Deiformi dono erigitur, & cum eo viam præbente porosq; opacos apertente, radios suos invisibiliter huc atque illuc ad exteriora effundit. Nec quidem mirum hoc est, cum mens illa sit actus, immediatè à Deo promanans, cui, ut cum *Psalmista* Regio loquar, tenebra non sunt tenebra sed nox ei tam est clara quàm ipsa dies. Atque hic radius Dei est quasi diviniæ ejus sapientiæ scintilla, sine qua non est possibile, ut anima humana de rebus manifestis judicet, quæ ante oculos sunt, multò minùs de illis, quæ in cælo. Sed hujus rei veritatem ex sequenti *Sapientis* sermone *Sap. 9. 15.* apertè videre licet: *Corpus, quod corrumpitur, aggravat animam, & terrena habuatio deprimis sensum multa cogitantem, & difficilis estimamus quæ in terra sunt, & quæ in conspectu sunt invenimus cum labore: quæ autem in cælis sunt, quis investigabit? Sensum autem tuum quis sciet, nisi tu dederis sapientiam, & miseris Spiritum tuum sanctum de altissimis, &c.* Necesse est ergo, ut scintilla radii divini, homini inclusa, ab alto reficiatur, cujus copia regeneratio fiat atque perfecta inter mentem auctam & Spiritum intermedium unio. Hinc prophetia, & rerum in partibus remotis gestarum præaugium; Unde soliti fuerunt *Propheta* quasi visores appellari. Hinc etiam formiorum veritas, rectaque rerum pervisiones explicatio, quoniam virtute splendoris istius spiritualis & invisibilis, duarum inferiorum portionum radiis uniti, tota animæ

animæ humanæ vis non aliter emittitur è corpore humano, quam lux & radii Solis visibiles ex corpore solari, ita ut quis in *Angliam* manens radium animæ suæ tanquam nuncium, aut *Romam*, aut ad *Indos*, aut aliò, & vel hoc ipso etiam instanti, sine impedimento mittere possit, ita quidem ut ipse voluntate præeunte, oculis contemplationis, qui quidem sunt verè spirituales, illa videre & meditari valeat in partibus longinquis, quæ nos oculis corporeis in proximis & vicinis locis contuemur. Imò verò, quod amplius, anima unius, per radiationes & aspectus, animam alterius procul dubio ore spirituali alloqui potest & solet, non minùs quàm lux unius candelæ potest conferri & jungi radiis lucis alterius: sed propter corporalis nostræ compositionis stupiditatem nos hæc mysteria discernere, aut percipere non possumus: Unde fit, ut sensu obtuso & hebetè hæc intuentes, frivola ea atque impossibilia pronunciemus, meramque stulticiam & vanitatem appellemus. Et tamen percipimus oculis apertis, flammam ex ligno opaco ardente exilientem, lumine suo omnia nocte nigra illustrare, spiritumque medium seu aërem suæ præsentia movere, & candelam accensam proportionè debita imagines in charta delineatas circumducere, & procul dubio susurrationem quandam cum humido suæ lucis medio seu vehiculo habere; prout strepitum colligere possumus, quem flamma cum aëre miscet; sed quoniam grossis nostris auribus talia audire, aut saltem audita intelligere negatur, prorsus ea stultè rejicimus, cum, teste *Salomone* omnium sapientissimo, in loco superius allegato, *anima mentis secreta percipere non possit, nisi adsit illuminatio ab alto*. Atqui nos persuadere nobis non possumus res ullas verè esse, nisi videamus eas, & cum *Thoma* illa non credimus, quæ non tetigimus. Nónne ex radiis Planetarum & Stellarum applicationibus, videlicet ex sex-tili, quadrato, trinòve aspectu, similiter ex oppositione & conjunctione mirabiles in hæc inferiora effectus infundi, quotidiana experientia edocemur, ac si esset quædam luminis cum lumine de rebus, quæ in terra actæ fuerunt, vel de præsentia agantur, consultatio: At stulti exertissimè solent clamare hæc deridendo; Quid nobis cum cælo & stellis? Ingrati homines, qui suorum parentum cognitionem & agnitionem respuunt, & impudenter rejiciunt, rebelles contra Deum Creatorem suum, præstantissimum machinæ ejus ornamentum nullius usus, & penitus inane esse existimantes. Quid denique est vestra corporalis locutio, nisi proportionalis mentis discursus, instrumento corporali per sonum & tonum sensibilem ita expressus, ut corpora aliorum, mediantibus eorum animabus, mentis locutoris intentionem intelligere queant, nec corpus tales sonos recipiens ea distinguere potest sine sua anima rationali? Anne igitur vultis, ut hujus sermonis intentio sit ab anima, tanquam motore, vel ab instrumento? Ratione igitur indignissimè erit censendus, qui animarum communicationem negaverit, cum lucès sint longè subtiliores, excellentiores & rationabiliores, quàm lumina seu ignes, qui vivaciter in hæc inferiora agere observantur, imò verò luminum & radiorum stellarum actus (aspectus) admirabiles & prægnantes facientes multis gradibus superant animæ lucès, quatenus mentem producere habent; imò quidem etiam anima humana in eo Angelis æquiparanda est, quorum communicationem & discursum intuitivum ad invicem, nec ullus Philosophorum, nec Theologorum, cum idem istud in prophetia Danielis & alibi inveniat, negabit. Quibus exactè consideratis luculenter apparebit, animas humanas inter se, alias cum aliis, virtute radii divini communicationem & irradiationem sive aspectum similem, qualem non habent nonnulla stellarum cælestium lumina cum luminibus aliarum stellarum, & quod ipse ad invicem susurrum spiritualem, seu discursum intuitivum miscere dignoscantur, non minus quàm ipsi Angeli, qui suo more ad invicem loquuntur. Nunc etiam oritur mirabilis animæ humanæ potestas in re Geomantica, videlicet in furti detectio-

nè, & de morte aut vita alicujus longè distantis, declaratione. *Quemadmodum* ego ipse quondam Oxoniùs degens à Domino Cox quodam amico meo interrogatus de fratre ejus in Hibernia bellum sequentis seu militantis, valetudine, virtute anima mea pacata & non perturbata sed ad hoc negotium omninò intensa, manum meam talimodo gubernatam vidi, ut facta punctorum projectione & figura Geomantica constructa, per animæ meæ informationem indicarem fratrem ejus in bello fuisse peremptum, atque vulnerere à tergo confestim, quod quidem, uti prædixi, eventus docuit. Nam telo per dorsum trajecto vulneratus, & tandem inde mortuus fuerat. Sed quoniam de admirabili hujus scientiæ operatione suo loco alibi tractabimus, ubi eam verissimam animæ scientiam esse declarabimus, hoc loco illa omitemus. Cæterùm accidit etiam nonnuquam, impedito quadantenus isto animarum aspectu, vel per nimiam ab invicem distantiam, vel etiam per illuminationis divinæ defectum & debilitatem, ut ipse animæ aliquantisper relinquant corpora sua quasi mortua atque evolent, quousque iis per radiationem anima personæ absenti, de cujus salute aut negotio agitur, occurrat; quemadmodum solet frequenter illis in *Biarmania* evenire, quorum mentionem facit *Olavus Magnus* in sua Historia; quod videlicet, cum quis ipso adit, ut de statu amici prout absenti eos consulat, soleant duo hujus conditionis & farina homines in conclave quoddam ingredi, & quod illis foribus occlusis, alter eorum, serpentem ancum manu una tractans, & altera marculum tenens serpentem istud marculo suo, mutationibus magicis intermixtis percutiat: Quo facto, de repente alter, veluti privatus anima, in terram concidit, & deinde post bonam temporis intercapedinem, revertente in corpus ejus anima, ad pristinam vitam sanitatem & integritatem rediens, surgit, & statim ac valetudinem personæ in remotissimis locis degentis reverè narrat. In *Chronicis* etiam *Gallicis* invenimus, quod Rex quidam, nomine *Contranus*, in veneratione fortè fortunæ à venatorum societate digressus, & unico tantum amico comitatus à sub magna quadam arbore defessus recubuerit, & tandem capite in gremium ipsius cinctus sui reclinato, placide obdormiverit: Interea temporis dormiente rege hic ejus comes percipit, animalculum quoddam ex ore Regis egredi valde tenue, & ex acre vix visibili constat, Cujus ille motionem & viam diligenter observans, deprehendit illud versus parvum quendam torrentem deproperare, & anxie ibi transitum quarens per totum aliquem vadis locum. Ipse igitur surgens, gladiumq; suum evaginans, illum utrique ripa imposuit, atque ita quasi pontem aliquem stravit, per quē in continenti animal istud ad ulteriorem aqua partem properavit, & in foramen sub montis pedem ingrediens, ibi non diu manens, per eandem viam rediit, & in corpus Regis iterum eēt ingressum. Accidit autem, ut *Contranus* ultro expege factus narraret huic comiti suo, omnia ea sibi in somnio occurrisse, quæ comes iste regius in animalculo seu animalis quasi idea viderat, videlicet indicavit, se per somnium valde fuisse in transeundo flumine turbatum, & tandem invento ponte ferreo secare transivisse vadum, atque tum in speluncam quandam sub monte immenso ingressum, in venisse ibi thesaurum incomparabilem: Unde, audita comitis sui de animalculo relatione, per speluncam in montem ingressus eēt, & thesaurum ibi ingentem adinventis. Verum enim verò, ut Spiritus supremus suas impressiones divinas fortiter in animam humanam infundit, ibi his majora perficiuntur; & quidem etiam non egredientibus è corpore, animæ viribus, sed integrè manentibus. Sic *Divus Paulus* se in certam carum raptum fuisse fatetur: sic Prophetæ sancti secreta aliorum etiam in longè difficiis locis percipere, & oculis quasi mentis, seu animi divini radiis, veluti sancto quodam splendore & charitate videre consueverunt, quemadmodum in multis sacrarum Scripturarum locis uberrimè demonstratur.

C A P. X.

*Quòd mentis, ex illapsi divini Spiritus afflatu, illuminatio,
sit causâ prophetiæ.*

Vaticinium sive Prophetia, juxta veterum Philosophorum opiniones, est, qua homines ordinis vitæ, sanctioris percipi, sum rerum præsentium causas eliciunt, sum futurarum etiam eventus prævident. Volueruntque Sapientes hanc oraculi virtutem vel à Diis vel à Dæmonibus in homines descendere, quippe à quibus spiritum hunc divinum afflatum atque infusum tradiderunt. Quorum quidem sententiâ à verbis sacrarum Scripturarum non multum discrepare videtur. Nam Deuteronom. 13. hæc scribuntur: *Si surrexeris in medio tui Propheta, aut qui somnium vidisse se dicat, & prædixerit signum atque portentum, &c. non audies verba illius Propheta vel somniatoris, quia vos tentat Dominus Deus vester. Similiter: Qui arrogantia depravatus voluerit loqui in nomine meo, quæ ego non præcepi illi, ut diceret, aut ex nomine aliorum Deorum, interficietur. Deuter. 18. 22.* Unde constat, quod per Deos Philosophi Ethnici intellexerint idem, quod sacra Biblia per Jehovam, seu personas in Trinitate, seu Deum unicum, solum & verum: & per Dæmones idem, quod Scripturæ sacræ per Deos alienos. Et tamen videmus etiam, intelligentias illas talia portenta edere non posse, nisi permissione divina cum à Deo, tanquam à summo fonte, omnis spiritus divinus affluat & non aliunde. Unde dixit Jehova: *Non audietis verba somniatoris seu Propheta, quoniam vos tentat Deus vester, ac si dixisset: Ministros sui excitavit ad vos tentandos.* Nam ipse Satan contra Dei permissionem nihil potest, ut in historia Jobi declaratur, & per hæc verba Prophetæ Michæ, 3. Reg. 22. *Vidi Dominum sedentem supra solium suum, & omnem exercitum cæli et assistentem supra solium suum à dextris & à sinistris, & ait Jehova: Quis decipiet Achab Regem Israël ut ascendat, & cadat in Ramoth Galbad? Et dixit unus verba hujusmodi, & alius aliter. Egressus est autem spiritus, & stetit coram Domino, & ait: Ego decipiam illum, &c. Egrediar, & ero mendax in ore omnium Prophetarum ejus. Et dixit Jehova: Exeat, decipies enim & prævalebis, &c.* Unde manifestum redditur, quod prophetiæ nullæ absq; Dei permissione fieri possint, & quod spiritus Prophetiæ procedat vel immediatè ab ipso Deo, vel mediatè ab aliqua intelligentiarum seu spirituum ejus, qui iidem agunt vel spiritu mendaci ad punitionem peccatorum, vel spiritu prodigia & ligna vera nonnunquam producente ad tentationem Sed prophetiæ omnes à Deo immediatè procedentes semper veræ sunt & infallibiles, quoniam nullum ex verbis Dei in terram vanè cadere potest. Unde 1. Samuel 10. 5. *Propheta fidelis signum est, cum nullus ex sermonibus ejus cadit ad terram.* Et Deuter. 18. 22. *Si Propheta in nomine Jehova prædixerit, & non venerit, hoc Dominus non est locutus.* Sed his relictis ad institutum redeamus. Vaticinatio hæc fit secundum Platonico, propter superiorum animorum in nostros descensum seu influentiam, quam illapiones vocant. Et *Merc. Trismegist.* eam vocat *Dæmonum sensus & Dæmonum animos*, quos Eurideas & Pythones veteres dixerunt, hominum ingredi corpora solitos & eorum uti vocibus ac linguis ad futurorum prædictiones: Hujusmodi fuerunt formiæ illæ *Pythone*, quæ Spiritu divino percitæ & extra se quasi raptæ, ac supra oraculi tripodem, juxta antrum situm, stantes, oracula Apollinis, prophetico more, voce audaci proferebant, quemadmodum apud *Diodorum Siculum* & alios legitur: Hujusmodi spiritu possessas fuisse decem illas *Sibyllas* testantur auctores, quæ multa de Deo Christo carminibus scripta post se reliquisse saruntur. Et *Martinus* ille *Anglia decus sempiternum*, cujus simi-

lem Europa nunquam ulla ætate produxit, virtute hujus spiritus divini, multa expressit mirabilia, atque de rebus Angliæ futuris more mirabili prophetavit, non ope & virtute Diaboli, ut stulti referunt, sed Spiritu vero; quippe qui verissimo Prophetæ argumento suprà designato præditus fuit; quoniam scilicet nulum quasi ex verbis ejus cecidit in terram. Prophetarum enim verorum verba à Deo disponuntur, imò verò Spiritus Dei in Prophetas ingrediens, eorum linguis & vocibus, tanquam instrumentis seu organis ad suam voluntatem futuram hominibus publicandam, utitur. Atqui hinc est, quod Prophetæ non potest transgredi præstitutum Jéhovæ, faciens rem bonā vel malā, ut Num. 24. 13. habetur. Nā *Propheta illud facit, quod edixit ei Jéhova, & nihil prætereā.* Num. 22. 2. & 20. Quod autem *Platonici* dixerunt, vaticinium fieri spirituum seu animorum illapsionibus & descensu in animos nostros, hoc idem quoque confirmare videntur sacre Scripturæ multis in locis: Nam de *Balaamo* dictum est; *Adfuit ei spiritus Jéhovæ viro scilicet aperto oculis, qui visionem Omnipotentis vidit excidens, sed reclusus oculis*, id est, donato luce spiritus divini. *Et excidens*, hoc est, extra se raptus, excidentibus sensuum facultatibus: quæ ratio est videndi visiones Dei. Sciendum est igitur, quod juxta Philosophos, tria sint vaticinationis genera, triplici Spiritus divini in homine actione diversā distincta: videlicet *Furor*, *Raptus* seu *Ectasis* sub qua visio comprehenditur & somnium. Atque hoc idem ex sacris Num. 12. colligimus; ubi declaratur, quod *Prophetis se notum facit Jéhova aut per visionem, aut per somnium eos alloquendo*; prout etiam exemplis infinitis sacrarum Scripturarum illud comprobatur. Similiter Prophetas illos pellit iste Spiritus infano atque furioso, quoad hos; more. Nam legitur 1. Sam. 19. 24. *de Saule*: *Exuens autem ille vestes suas Prophetico more agebas; ipse coram Samuele itaque excidit nudatus tota die & tota nocte.* Similiter ad amphorē Spiritus Dei illapsionis probationē dixit *Samuel* ad *Saul* 1. Sam. 10. 5. *Et irruet Spiritus Jéhovæ super te, ut Prophetes cū sis, & mutaberis in virum alium.* Per multos etiam alios locos ex lactis literis hinc demonstrare possemus Spiritus sancti descensum & infusionem in viros vitæ piæ, sed quoniam illi neminem in sacris bene versatum latent, hoc loco eos prætermittendos censemus, ut ad intentionem nostram properemus. Illa igitur, quæ jam dicta sunt, posuimus nostri discursus fundamentum, quod melius possumus secundum intentionem nostram explicare mentis divinæ in hominibus potestatem & immensam ejus cum Spiritu Jéhovæ familiaritatem, atque ita demum producere rationem prophetiæ & veræ rerum futurarum prædictionis. Atqui prophetiam veram solo Spiritus divini beneficio fieri & provenire docemur Num. 11. 25. Quod etiā prophetiæ per ænigmata & similitudinē nobis Deū exposuerint colligimus, Num. 12. 7. Quomodo autē hæc fiant, breviter pro capiti ingenii nostri explicabimus. *Mercurius* dicit, *mentē esse ipsius Dei essentiam*, seu ab essentia Dei nequaquam divisam, sed illi potius eo modo connexam, quo Solis corpori lumen. Imò verò dicit, hanc mentem in hominibus ipsum Deum esse, atque idcirco ex hominum numero quosdam esse Deos, eorumque humanitatem divinitati quā proximam existere; non multum scilicet in eo discrepans ab *Esaiæ* Prophetæ opinione, cujus verba sunt hujusmodi: *Annunciate nobis, quæ futura sunt, & dicemus, quia Dii estis vos.* *Divus Paulus* etiam, cum *Xisto Philosopho* conveniens, *animam vocat Dei templum*. Et *Platonici* dixerunt, Spiritus seu animos Deorum descendere in animos hominum; ac si dixissent, radium divinum seu mentem aut Spiritum sacrosanctum (quem *Mercurius* vocavit *Deum ignis & spiritus numen*; atque alibi, *spiritum intellectualem*, & alibi, *spiritum igneū*, cujus spiritus divini statu primum mundi mobile vehi atque circumduci asserit) in animam humanam descendere, & se ipsum cum mente ab eadem stirpe derivata conjungere. Quæ quidem superiorum connexione & unionē, anima ita illustratur fulgore

gore divino, ut ex se quasi rapta hominem reddat alium, quàm fuit ante, juxta illa superius allegata *Samuelis* verba: *Et mutaberis in alium virum*. Videmus quidem communi experimento, quod solaris virtus ovi testam, spiritu seu rore Majali repletam, sursum elevare possit: Quànto magis igitur poterit hic splendor illustrans spiritum humanum, cranii testæ inclulum, spiritualibus suis radiis in alium elevare? cùm tanta sit hujus numinis divini efficacia, ut hominis oculos, lapsu Adami clausos, reddat apertos & habiles ac idoneos ad videndam visionem Omnipotentis, atque ita aures ejus spirituales dilatando, reddat eum capax verbi, ita ut audire possit & intelligere sermones Dei fortis & noscere notionem Excessu, ut Num. 24. 15. 16. Est enim talis anima, juxta *Mercurii sermonem Pimandri*. mente Deo, plena, quam Platonici reverè stantem & non cadens vocaverunt. Sed per pauci sunt, inquit *Mercurius Trismegistus*, qui hujusmodi mentem instrare exuberantem adepti sunt. Nam cùm mens hujusmodi influit in sanctam animam, extollit illam ad veram sapientiam lumen, ut ipse testatur *Pimandri* 10. Et alibi inquit: Quicumque hac natura divina fulsi sunt, secundum operum comparationem pro mortalibus immortales habentur, intelligentia sua cuncta conspiciuntur, quæ in terra sunt, & quæ in mari. & si quid est præter ea supra cælum, atque ad eos se ipsos erigunt, ut ipsam quoque bonum intueantur *Pimandri* 4. Et quod amplius est, præterea & futura ac præsentia longè à nobis distantia in speculo hoc divino virtute luminis illustrantis cernimus. Hinc dixit *Balaam* Num. 24. 17. Video illud, non tamen nunc, contempler illud sed tamen non propinquum, &c. Præterea etiam præsentia hac divina sunt, & eduntur multa miracula à Prophetis; Unde innuere videtur *Jamblicus*, quod divinitus afflatus non vivant ipsa vita animali seu naturali, sed quod totus eorum actus sit ipsius Dei, à Deo simpliciter dependens, & à Deo peractus in mente vel anima simpliciter, ut in instrumentis ab omni motu proprio vacantibus: Atque hanc esse rationem asserit, quod multi ex Prophetis ad motum ignem videntur, ignem videlicet repellente Deo intus afflante: Cujus quidem verba etiam sacris Scripturis in historia *Schadrach, Mesach & Habednego* confirmantur Dan. 3. Nonnulli etiam, quamvis comburantur, nihil tamen sentiunt, nec pungentia percipiunt, nec rodentia, vel ulla tormenta. Præterea concludit, Prophetarum actiones non esse humanas, quoniam per invia vadunt. Sic *Petrus* portam carceris clausam perstravit. *Christus* ambulavit super undis maris. *Moses* per ignem in præsentiam Dei ferebatur: Et *Elias* igneo curru in cælum elevatus est: *Moses* per mare rubrum, *Josus & Elias* per flumen Jordanum transiverunt mirabiliter. Quæ etiam omnia *Jamblicus* narrat sacerdotem in *Cataballis* egisse. Quibus arguere videtur, Prophetas tempore eo, quo inspirati sunt, nec vitam humanam vivere, nec animale sensibus impetue utentem, sed divinam, & quod anima eorum otietur, quoniam Deum ibi esse dicit pro anima & movere, tanquam animam excellentiorem. Sed his *Jamblicis* rationibus astipulari penitusque adhaerere non possumus: quin potius animam humanam in homine inspirato ita se habere, & tali ferè motu movere putamus, quali Planetæ ab ortu versus occasum motu naturali dicuntur. Namque ut primum mobile, testis *Merc. Trismeg.* rapum Spiritus divini flatu fertur ab oriente versus occidentem, & tamen motus stellarum naturalis ab occasu in ortum non tollitur seu extinguitur, sic etiam res sese habet in Microcosmo, numinis divini afflatu concitato. Etenim Spiritus divinus procul dubio, menti quasi primo mobili conjunctus, rapto quodam motu rotat orbem humanam, ita quidem ut Microcosmus totus videatur taliter moveri, & circumduci atque agitari hoc motu rapto, qualiter totus Macrocosmus ad motum primi mobilis circumrotatur, dum tamen interim nihilominus in Macrocosmo sphaeræ planetariz, & in Microcosmo anima media, quæ est de natura stellarum, suo motu proprio movere dignoscuntur, licet propter violentiam

contrariæ cogitationis apud nos haudquaquam movere percipiuntur. Mens igitur seu Spiritus divinus internus, cum spiritu divino externo & divinitus infuso conjunctus, hominis sphaeram intellectualem movet contra motum sphaeræ animalis, quæ ab anima media ducitur; atque ita, licet anima quiescere videatur, motu tamen suo proprio movetur; sed Spiritus cum mente Dominium habens, tum super animam, tum super corpus, rapit totum hominem viventem ad visionis divinæ contemplationem, ipsamque animam unit secum, statumque humanum ad tempus relinquere facit, & divinitati eam connectit, secundum illum *Samuelis* sermonem supra allegatum: *Et mutaberis in alium virum, quàm fuisti antea*, &c. Videmus etiam, quod candela accensa, & solariis radiis exposita propter gloriosum Solis splendorem videatur virtutem suam penitus amittere, ita quidem, ut lux ejus, quasi submersa Solis gloriâ & claritate oculis humanis non appareat, dum tamen reverâ tale lumen est, quale erat antea, & in actione ac virtute sua non diminuitur, sed potius calor & actus ejus virtute Solis exaltatur. Sic etiam res sese habet cum anima inspirata. Nam si secundum *Jamblici* sententiam anima humana cum mente omnino ab actione vacaret, aut etiam in corpore penitus quiesceret, necessaria utique consequentia corpus illud discedente rursus spiritu isto divinitus infuso, maneret inanimatum, aut totaliter etiam actionis virtute orbatum, quoniam lucis & actus primi proprietas est, ut vel semper agat, vel etiam, ubi non agit, esse definat. Imò vetò potius sequitur, quod majoris actus & splendoris præsentia & illustratione agat, atque adeò promptius etiam, quoniam vis unita solet esse fortior. Proinde contra hæc *Jamblici* rationes, necesse est, ut Prophetæ inspirati actionem solum procedat à Deo seu Spiritu divino, in eum extraordinarie infuso, sed ut etiam ipsa anima cum mente, quasi tacta Spiritus divini præsentia, motu naturæ incognito, corporique alieno & non solito concitetur. Unde nulla hujus motionis ratio ab anima & sensu percipitur, animæque potestates sursum evectæ, inferiorum obliviscuntur, & superiora Dei mysteria, sensu intellectuali raptæ, contemplantur. Pia ergo anima mentem ad se allicit, mensque pium suum vehiculum amplectens, & splendore divino illud fovens, magnetica scilicet divinitatis virtute radios ad se divinos, divino Spiritu refertissimos attrahit, ut eorum pulchritudine, & dotibus animam illam pro merito remuneretur, atque ad viam cœlestem à terrena deducat, juxta illud *Merc. Trismeg.* dictum *Pimand. 10. Anima bona, cum omnia habueris virtutis pietatisque mandata, gerit aut Deus aut mens efficitur.* Hic igitur diligenter observare debemus, quòd miraculosa Prophetarum opera non fiant aliqua virtute vel stellarum vel illius portionis animæ humanæ, quæ ab iis derivatur, uti nec ab ipso corpore, sed mera & libera Dei potestate. At si quis foret dixerit, animam mediam posse causam esse immediatam hujusce virtutis seu muneris divini, demonstrabimus argumento in violabili, rem aliter sese habere. Nam, cum hæc animæ mediæ portio, unico homine comprehensa, & caduco corpore obumbrata sit, impossibile est, ut habeat ad divinum opus potentiam aut virtutem satis efficacem. Unde patet, quòd, si quis sit divinitus inspiratus, sequatur exinde, eum habere beneficium divinum, illustratione sancta desuper influente, per quam & actionis Dei videtur esse particeps. Nam si opera divina essent ab anima, sequeretur, animam esse naturâ & virtute propria compotem sapientię & divinitatis; & per consequens, etiam omnem aliam animam habere eandem divinitatis proprietatem. Atqui omnis anima longè à tali virtute abesse dignoscitur. Nam, quæ perfectâ videtur esse anima, illa respectu divinorum est adhuc imperfecta. Quare non anima (ote *Jamblici* jam mihi uti liceat) ut prima motorix, sed divinitus est causa promovens ad divina opera. Quod quidem nisi esset, frustranea foret religio, quoniam absque Dei cultu compotes essemus divino-

rum operum, si scilicet opera divina ab animæ mediæ virtute immediate permanerent. Ex his igitur constat secundum nostram intentionem, quod animæ humanæ portio media omnem suam vim & essentiam acceperit à luce intellectuali; quæ admodum medii cœli lux suum decus accepit à luce externa cœli empyrei, quæ & ipsa suam gloriam à splendidiſſimo unitatis fonte mutuata est. Et per consequens certum est ipsam suum bonum à mente & cœlo spirituali accepisse. De hoc autem subiecto verba plura hoc loci non faciemus, quoniam de Vaticano Tractatum integrum inferius publicare constituimus.

C A P. XI.

Quomodo homines virtute mentis illuminata, seu inspiratione divina, non modò res in longinquis & dissitis locis acies percipere, sed etiam secretas hominum procul absentium susurrations intelligere, & mira atque ineffabilia præstare possint?

Virtute mentis divinitus inspiratæ, vel spiritus divini ab alto emissi & menti humanæ uniti possibile est omnia omnino miracula, quæ tot humanum concipere, aut imaginari ulla ratione potest, perficere & expedire, quoniam omnes virtutes seu potestates, quæ in mundo ejusque creaturis reperiuntur, in Spiritu sancto comprehenduntur, & in eo manent. Hinc igitur miraculose illæ Vatum seu Prophetarum operationes, quarum respectu illi in Scripturis sanctis appellantur *viri aperti & reſecti oculis Num. 24.* Et communiter *Videntes* dicti sunt, sic 1. Samuel. 9. 9. *Eamus ad Videntem.* Et ibidem. *Eſſe illis Vident.* Similiter, quod viri hujusmodi Dei seu divini Spiritu afflati appellantur *Videntes* 1. Chron. 19. 29. & 2. Chron. 12. 15. &c. Nec mirum, cum non modò futura prævideant (unde inquit Balaam Num. 24. *Video illud non tamen nunc; contemplan illud, non tamen propinquum*) sed etiam præſentia, quæ in remotissimis & longè dissitis locis aguntur, sic *Jahaziel* de longè Ammonitas & Moabitas in summitate torrentis, qui est contra solitudinem Jeruſel, castra sua posuisse aperte conspexit, regemque *Josaphat* & totam Judæam admonuit, ut contra eos ascenderent & pugnarent 1. Chron. 20. Similiter *Eliſæus* secreta regis Syriæ, contra Israëlern pugnantis, detexit; imò quidem vidit eorum actiones, & cognovit eorum consilia, quemamodùm legitur 4. Reg. 6. Atque hæc omnia & infinita alia miracula præstituerunt virtute & assistentia Spiritus divini, in cujus splendore, oculos eorum dirigente, res gestas in dissitis locis conspexerunt, & mediantè Spiritu castissimo & politissimo, etiam voces & sermones atque consilia hominum in remotis ab illis locis degentium, non fecus, ac si in propinquum essent, audiverunt & intellexerunt. Ea sanè, quæ impossibilia videri non possunt illis, qui se ipsos rectè cognoscunt. Nam qui hominis interni virtutem ritè considerabit, utpote ex anima media, tanquam subiecto, & ex mente, tanquam forma divina constituti, percipiet, virtute mentis possere adhuc magis arduas ad optatum finem perducere, cum ejus potestas tam latè sit expansa, ut etiam Spiritus illam comprehendere nequeat, sed ubique & in omni loco adest, & tamen est incomprehensibilis, quatenus est de essentia Dei. Hinc ergo *Merc Trismeg.* dicit, *hominem hac Dei natura fulsum intelligentia sua cuncta complecti, quæ in terra sunt, & quæ in mari, & si quid est præter ea supra cælum, atque adeò seipsum erigere, ut ipsum quoque bonum intueatur.*

tur. Nam videmus in communi experientia, quod si mentis nostræ aciem convertamus Romam, in continenti nobis, ut vel maxime etiam quoad externum hominem in Anglia maneamus, offerat sese persona, & locus vel res antea illic eorum nobis acta, ita, ut defubito, & quasi in ictu oculi eam contueamur, &c. Atque sic etiam in locis quibusque remotissimis, videlicet in Judæa, &c. Imò verò simplicem humanæ mentis radium contemplatione seriatim ad ipsum Deum erigimus. Quid ergo perficiet hæc admirabilis essentia, si illustretur divino Spiritu, à quo, tanquam Dei radio, prius promanavit. Sed profecto corpus humanum tam lethale & præstigiosum est animæ sine hujus gratiæ divini influxu, ut, quæ videntur animæ, non sint, & quæ revera sunt, ei non videantur. Unde fit, ut totus homo non illuminatus tali Spiritu, rapiatur fallacii. Imò verò quilibet sensus exterior, circa propria objecta fallitur: multo magis igitur interior, qui carnis umbraculo circumquaque tegitur. Idque videtur *Proclus* confirmare hisce verbis: *Materia*, inquit ille, *omnia habere videtur, cum nihil revera possidet.* Hinc fit, ut homines carnales sint ita diffidentes & increduli, eaque prius negent, quæ sensui non sunt subjecta, deridentes philosophiæ, internam hominis naturam describentis, veritatem, & ipsos naturæ mysticæ ac spiritualis scrutatores. Neque enim, quæ non viderunt, aut cum *D. Thoma* tetigerunt, ulla ratione admittere volunt. Nam ut homines Spiritus divini præsentia illuminati solummodò spiritualia respiciunt, corporalia autem omnia, pro falsis & nugatoris ea habendo, aspernantur, sic etiam vice versa, homines mundani & circa sensum duntaxat occupati spiritualia pro chimæris & præstigiis habere solent, corporalia verò & sensibilia pro infallibilibus, atque ita decipiuntur. Cujus certè rei rationem luculenter nobis declarat *Salomon. Sap. 9.* his verbis: *Cogitationes mortaliū timida & incerta providentia nostra. Corpus enim, quod corrumpitur, & gravas animam & terrena habitatio deprimit sensum multa cogitantem & difficilia asseruantem, quæ in terra sunt, & quæ in conspectu sunt, invenimus cum labore. Quæ autem in celis sunt, quis investigabit? Sensum autem tuum quis sciet, nisi tu dederis sapientiam & miseris Spiritum tuum sanctum ab altissimis, &c.* Ex quibus patet, quod homo exterius non possit fieri internus, nisi divina illuminatione illustretur. Unde ex dictis in 1. *epist. Jer.* percipimus, aliū esse filium mundi, & aliū filium Dei, & quod filius Dei non debeat mundum aut tenebrosos ejus actus percipere, quoniam mundus non cognoscit Dei filios aut ejus actus. At verò nunc rationem adducemus, cur inspirati virtute & præsentia Spiritus divini, ejusque conjunctione & unionē cum mente hominis interni possint hominum non præsentium voces & susurrationses secretas elicere & percipere. Spiritus sanctus disciplina, licet ubique per orbem universum se expandat, omnibusque rebus virtutem, motum, actionem, sonumque & ipsam vocem tribuat; non tamen suo auxilio omnibus adest potenter, sed solis iis, quibus Deus eum ex elementa sua abundanter concedit. Nam in nonnullis simpliciter adest ad vitæ functionem, aliis duplici proportionē & nonnullis triplici, &c. Unde varia oriuntur Spiritus illius dona à *Divo Paulo* recitata. Hic, inquam, Spiritus sacrosanctus abundanter à Deo in nonnullos inspiratus, hominem, in quem effunditur, voces quilibet animalium pro placito audire & intelligere facit, eò quod ipse est causa productionis sonorum vocalium: Unde, cum super Apostolos in forma ignis cecidisset, ipsos reddit in qualibet lingua peritos: Narratque *Philostratus* Apollonium Tyancum virtute quadam divina avium garritum & loquelam seu vocum istarum significationem intellexisse. Imò verò hic Spiritus divinus, spiritum universum gubernans, & per ejus membra universa expansus, narrat homini, in quo habitat, & quasi resonat ei easdem voces & tonos, qui in locis remotioribus audiuntur: Nec quidem impossibile hoc videbitur sapienti, cum ipse *Apostolus Paulus*

Paulus

*Paulus, se virtute istius Spiritus raptum fuisse dicat in caelum tertium; ubi se mirabilia vidisse, & verba ineffabilia audivisse fatesur. Videmus etiam familiari exemplo, quod flamma ignis accensa nocturno tempore longè lateque videatur; idque in constanti & è vestigio fieri novimus sine ulla medire sistentia. Docemur etiam experientia in filo, in longum aërem protenso, quod si unica ejus extremitas percutiatur, altera etiam opposita ad illius ictum vibret. Sic etiam superior chordæ musicæ fortiter intentæ pars unica percussâ totam chordam resonare sonosque edere faciet. Quid ergo præstare non poterit lumen luminum, & spiritus spirituum vivacitate sua divina, tam in multiplicatione unius vocis per infinitum aëris spatium ab uno ad alium, quàm in visione rei per remotam locorum dissitorum distantiam? Hæc omnia paucissimis verbis innuere videtur Sapiens. Sapient. 1. hujusmodi sermone: *Benignus est Spiritus sapientia, & non liberabit maledictum à labiis suis, quoniam renum illius testis est Deus, & corda illius scrutator est verus, & lingua ejus auditor, quoniam Spiritus Domini replevit orbem terrarum, & hoc, quod continet omnia, scientiam habet vocis, propter quod qui loquitur iniqua non potest latere, &c.* His igitur consideratis evidens est, quod, cui Spiritus divini præsentia copiosè conceditur, illi & vocis & visionis scientia deitur, secundùm illud Num 24. 15 *Balaam auditor sermonis Dei fortis, & noscens notionem excelsi, visionem Omnipotentis videt excidens, sed reclusus oculis, &c.* De aliis etiam miraculis ex hujus Spiritus illuminatione dimanantibus, multa passim in sacro sancta Scriptura legere & percipere licet; quæ omnia hoc loco recitare lectori, forsitan tædiosum foret & supervacaneum videretur.*

V T R A.





TRACTATUS PRIMI, SECTIONIS I.

LIBER VIII.

De Microcosmicæ animæ mediæ actu in corpore.

C A P. I.

*De animæ vitalis cum spiritus sui ætherei proprietatibus
in corpore humano.*

QUÆnam sit portio hæc mundana, animæ humanæ medium constituens, in libro hujus primo aperte & luculenter explicavimus; videlicet, quòd in se considerata, sit quasi scintilla lucis animæ mundi à sphaera æqualitatis descendens; quam mundi animam, radium mundanum, naturam rerum, æquum secundum, quintam essentiam, vitæque animatorum originem appellavimus; & id quidem, quatenus per se in sua natura, & absque mentis, aut animæ sensitivæ admixtione consideratur. At verò quatenus est media portio per se, tã in mundi universalis, quã humanæ animæ cõpositione, eatenus rectè à *Merc. Trismeg. Pimand. 12.* definitur esse vita mentis vacua, & secundum esse suum dividitur in matetiam, quæ est spiritus purus, & formam, quæ est lux in eo spiritui, tanquam vehiculo, vecta, & in illum, tanquam in proprium suum passivum, indefinenter agens. Unde forma seu lux illa propriè à Philosophis calidum animati innatum dicitur, & spiritus hic æthereus humidum radicale vocatur. Hæc duo essentialiter juncta vitam constituunt, & proinde, auctore Porphyrio, non moriuntur; atque eorum sola virtute & præsentia quatuor elementa in compositione tanta justitia librantur, & spiritus hujus ignei vinculis ita ad invicem concordie pacæ connectuntur, & ad vitales ac symphoniacas motiones ordinantur, ut vita animalis & plantæ, imò & ipsius mineralis compactissimi hinc procreetur. Vinculorum ergò animæ istius violatio totalis mortem & dissolutionem inducit; partialis verò morbum & ægritudinem; utpote quæ nihil aliud est, quàm relaxatio vinculorum harmoniæ cœlestis, & dissensio unius elementis ætherei ac rebellis adversus suos socios naturæ ei inconvenientes; de quibus post-
eà

ea. Rationem verò, cur hæc anima in corpus humanum voluntate divina infundatur, duplicem esse demonstrarunt Sapienter. Priorem scilicet respectu mentis, quæ est animæ portio superior. Unde *Merc. Trismeg. Pimand. 10. Quoniam terrea sive mentem adeò divinam suscipere, atque tantum numen parvibili confirmatum corpore suslinere nequit, assumpsit mens animam, veluti amictum; quin etiam anima, divina existens, vehiculo spiritui utitur, spirituique animal totum percurrit, &c.* Atque hanc ob causam à Paulo & Xisto Philosopho anima hæc non ineptè *templum Dei* appellatur, ut antea dictum est. Vice versa ipsam animam pro labore & officio ejus benedicto infinitis modis remuneratur mens, quatenus illa in hac suum summum bonum habet. Nam anima hæc mente Deoque plena fuit in homine ab origine, ut testatur *Mercurius Trismegistus*, cum sacris Scripturis in hoc conveniens. Hinc evenit, ut, sicut anima secundum seipsam est causa vitæ, sic etiam mens cum ipsa conjuncta, ipsaque ei firmiter adhærens, sit causa vitæ piæ, sanctæ, honestæ & beatæ, quæ est vitæ æternæ initium. Atque inde *Merc. Trismeg. Pimand. 10.* utitur his verbis: *Anima humana, non omnis, sed pia beatæque divina.* Et alibi: *Anima bona, cum omnia subierit virtutis pietatiq; mandata, certè Deus aut mens efficitur.* Præterea anima per mentis præsentiam acquirit scientiam; per acquisitionem scientiam ipsi menti seu intellectui similis evadit, ut testatur *Proclus de anima.* Hinc est secundum *Merc. Trismeg.* quod anima menti unita dicitur *stans & non cadens.* Atque *Jamblicus* etiam per optimè animæ corpori incluse impotentiam explicat his verbis, ubi simul etiam infinitam illam utilitatem, ex mentis præsentia actui animæ obediendem, indicare & ostendere videtur. Anima humana in una specie comprehensa est, & caduco corpore nimium obumbrata, ideò nullum habet ad divinum opus potentiam efficacem. Si quando verò videmur tale aliquid quodammodo posse, solum id agimus illustratione divina desuper influente; per quam & actionis divinæ videmur esse participes: Atque alibi hujus reiteratò mentionem facit in hæc verba: *Quoniam, inquit ille, anima, quæ perfecta videtur, ad divinam adhuc est imperfecta.* Non enim animæ, sed divinitas est ipsa causa operum divinorum; alioquin non esset ad hæc religio necessaria, sed absque Dei cultu compotes essemus operum divinorum, si hæc ipsa animæ fierent potestate. Quibus, ut mihi quidem videtur, evidentissimè demonstravit, mentem primò omnium requiri ad animæ humanæ compositionem, & deinde ipsam animam mediā ab ea suum summum bonum acquirere: nam aliàs supervacanea esset oratio ad Deum pro gratia & illuminatione, si anima vitalis haberet illam proprietatem ex seipsa, atque sic etiam nulla inter hominem & brutum esset differentia. Denique remuneratio animæ quàm maxima est illa, quàm à mente accipit, quòd in mentis virtute consistit ejus post mortem resurgendi potentia. Nam ut anima cum suo spiritu fuit in causa, ut mens in corpus descenderet, propter Spiritus ejus inclinationem ad res materiales; sic etiam mens est potestas illa, cujus pennis vivificis anima in suam sedem connaturalem exaltatur. Unde miserrima est illa anima, quæ, mentē negligens, corporali animæ adhæret; nam facta talis animæ & corporis dissolutione, mens fugit propriis alis sursum, & relinquit eam in luto terreno seu bylæ voragine obscuratam. Constat ergo, qualis sit merces seu præmium illud, quod anima mediā à mente divina accipit pro labore suo, quo eam natura sua instar vestimenti seu munitimentali cujus, mediante Spiritu, texit, & intactā à pessimo corpore conservavit. Restat igitur jam inquirendum, quodnam beneficium, aut qualem gratiam inferior animæ portio seu elementorum filia, aut anima sensitiva huic animæ mediæ soleat pendere pro ejus in se benevolentia, quæ non modò cum Spiritu suo descendit, & vitam ac motum ei, corporique ejus secum attulit, sed etiam præterea excellentissimam illam gemmam super cœlestem deorsum

secum in eam vexit & introduxit. Hæc itaque, licet dispositione ei sita ppositissima, tantò magis tamen ejus præsentia exaltatur, quantò magis valet animæ mediæ portionem ad se allicere, & per consequens tantò majori superbia inflatur, quantò eminentiorem victoriam obtinet ejus princeps (tenebrarum nempe) ad versus lucis divinæ portionem, illic præsentem & principis luminis imaginem præ se ferentem: Hinc fit, ut infima illa animæ humanæ portio tenet primo loco deliciis & voluptatibus mundanis spiritum intermedium, quo deinceps possit tantò melius & facilius animam ejus, sollicitante ipsam hoc Spiritu, decipere. Nonne tentavit hac via serpens Evam, feminam seu patientem, ut postea Adamum, virum seu agentem, circumveniret, in tantum quidem, ut etiam illi ambo inde sint Dei præsentia orbat & privati? Nimirum hac ratione, humida Spiritus natura seu Eva, & lux coeli agens seu Adam, consentiendo animæ animalis seu sensitivæ consilio & adherendo ei, perdiderunt mentis divinæ præsentiam. Hinc eorum infortunium & damnum; quod nunquam reparari aut refarciri potuisset, nisi copiosa illa mentis fugientis præsentia, quam à mundi Salvatore & mentis secundæ infusione, in qua Verbum Dei est, accepimus. Hinc ænigmatica nostra explicatio descriptæ voluptatis Paradisi aperta est, quam *Tractatu nostro Theologico-philosophico de Vita, Morte & Resurrectione* exposuimus. Namque Adami anima per copiosam mentis præsentiam ad sola superiora contemplanda propendebat: Ubi autem illa blanditiis animæ sensitivæ, & falsis ac malignis Diaboli instigationibus adherere prælegebat, ibi volabat mentis portio, & quasi in locum ejus, mors succedebat, atque sic itidem quoque denuo, iterata mentis copiosa in hæc inferiora infusione, in qua Verbum est, hominis interni regeneratio, & tam interni, quam externi resurrectio sequitur. Sed jam Philosophorum auctoritatem producemus, loquentium de blanditiis & illecebris animæ sensitivæ seu idoli, & de incommodo quoque ejus lethali ac infelicitate ineffabili verba facientium. *Merc. Trismeg.* dicit, quòd anima, natura rerum bonique conscia, orbat a oculis, corporei se passionibus implicet, & quòd necesse sit, ut mentis oculis circumspicias, ne funditus pereas. Et alibi dicit, quòd anima impia & corpus amans, in natura propria remaneat, ac seipsam nimium cruciet. Et alibi: animam propter ejus à mente dijunctionem vocat non stantem sed cadentem. Sic etiam in suo *Pimand.* 10. asserit, quòd anima mentis præsentia destituta, nec agere quicquam nec dicere potius, dicit que hanc animam ab anima brutorum nullo modo differre. Hujusmodi igitur est carnalis & mundanæ animæ spes; hujusmodi animalis animæ stipendium, quod vitali seu mediæ reddit pro descensu ejus è coelis; hujusmodi ejus receptio; hic hospitalitatis carnalis finis; hæc ejus divitiæ; quarum effectus nihil sunt aliud, quam fraudes, mendacia, præstigiæ, illusiones & nihil certitudinis; cum omnis veritas solummodò à mentis radiis & virtute dimanet, ac nullatenus aliunde proveniat. Et certè infelicissima fuit hæc animæ fors, quæ, in hujusmodi obscuram hylæ abyssum descendendo, tanquam in diverforium & carcerem obscurum, ac à sua dignitate prorsus alienum, & quidem contra voluntatem suam, commigravit. Id quod etiam fateatur *Jamblicus* hisce verbis: Anima, quæ deorsum labitur, occurrit, trahens secum signa vinculorum atque penarum, materialiumque spirituum compositione se gravatam ostendit,urbationibusque materia dissimilibus occupatam. Quam quidem *Jamblicus* opinionem confirmare videtur sapiens, *Sap. 9.* loco supra allegato: Corpus, inquit ille, quod corrumpitur, aggravat animam & terrena habitatio premis sensum seu animum multa cogitantem, & vix possumus discernere ea, quæ ante nos sunt. Huic etiam, meo quidem judicio consona est *Platonis* & *Procli* opinio, quæ vult, quòd non sit naturale animis cum corporibus vitam degere, & in generatione versari, sed e contra separari, & quòd immaterialis & incorporea vita potius sit animis consentanea; ajuuntque, quòd quando

quando in generatione versantur, similes sint hominibus pestilentem habitantibus regionem, & quodd, cum extra generationem vivunt, similes sint prata colentibus. Hæc ergo est ratio, propter quam *Proclus* in libro suo de animæ formis omnes in corpore agrotare affirmavit. Atque eadem de causa quoque *Porphyrius* dixit, animam, quæ in se semper vigilantissima est in corpore dormire. Hinc etiam dixit *Synefius*, quod pars animæ mundana gravi nexu sortita sit formæ, disjuncta a parentibus tenebrosam hausit oblivionem, cæcis sollicitudinibus terram admirata injucundam. Quibus omnibus corporis perturbationibus cum inclusa anima affligatur, non est dubium, quin ejus descensus in corporeum hominis tabernaculum sit contra ejus naturam; non secus quàm ignis dispositio, qui semper sua proprietate superiora petit, cogitur nonnunquam violentia deorsum tendere. Unde ergo est innaturalis ista inter hæc duo extrema conjunctio? Certe à voluntate divina, ut tam inferiora, quàm superiora ditaret benedictionibus suis vivis; & præcipuè, ut homo, ad Dei imaginem factus, tam inferiora, quàm superiora intueretur. Nam animam mediam milit Conditor universalis in hominem ratione duplici: Primò videlicet, quoniam ut *Merc. Trismeg.* verbis utar, neque terræ saxe mentem adeo divinam suscipere, neque tantum numen partiabili confirmatum corpore sustinere potuit. Assumpsit ergo mens animam velut amictum; quia etiam anima, existens divina, vehiculo spiritus utitur; Spiritus autem animal totum percurrit. Secundam porrò rationem adducit *Merc. Trismeg. Pimand. 3.* Anima, inquit ille, humana velata est carnium umbraculo, ad celestium Deorum discursum suscipiendum, ad opera Dei & naturæ progressus, ad bonorum signa, ad possessus divini cognitionem: portio quadam tributæ est ad bonorum malorumque judicium, ac varium bonorum artificium inveniendum, &c. Ex quibus manifestum est, quod anima in sua natura bona sit & utilissima ad hominis constitutionem. Imò verò est media illa natura in animæ humanæ compositione, sine qua duo ejus extrema ad invicem jungi nequeunt. Sed per carnis ad voluptates mundanas proclivitatem & præstigiosas partis sensitivæ illecebras decipitur, atque ita per nimiam corporis opaci obumbrationem tenebrosam, à parentibus disjuncta, haurit veritatis oblivionem, orbataque oculis, corporeis sese curis & passionibus implicat. Hinc *Merc. Trismeg. Pimand. 10.* Cum compactum corpus animam in suam molem dispergit atque distrahit, tunc illa oblivioni subjicitur, pulchritudo & boni visione privatur. Oblivio autem ipsa improbitas est, &c. Unde necessarii requiruntur ad ejus salutem illustrationis divinæ assistentia, cum sine ea nihil boni aut sancti in hac vita producere queat. Beatus ergo, cujus anima menti divinæ firmè adhæret. Beata anima, quæ voracem hylæ vitans latratum & è terra emergens, saltu levi, mentis alis provecta, vestigia ad Deum dirigit. Beatus Spiritus, qui post corporis fatum & dissolutionem, post labores duos, acerbæque curas terrenas, mentis vias ingressus, cacumen & altitudinem felicitatis videt divina luce refulgentem. Beatus ergo Spiritus cum anima, terque beatus, qui menti fidelissimus constansque perdurat ad finem, namque talis felicitatis poculum prælibabit, & de æterno immortalitatis fructu gustabit. Ne respicias igitur, ô animæ mea, præstigiosa carnis & mundi blandimenta, læta te, secundum propriam tuam dispositionem, ad superiora erigas; sis igne communi nobilior, cujus est semper versus superiora tendere, ac inferiora contemnere & naturali instinctu averfari. Nam cum sis decorata & pulchra facta imagine & similitudine Dei, sponsata Spiritui per fidem, empta & redempta sanguine Christi, adjuva ab Angelis, comes beatitudinis, hæres salvationis & particeps rationis, quid habes tu ad agendum cum carne, cum sensu & cum mundo? At verò jam de ratione, quæ hæc anima cum mente & Spiritu in corpus ex luto conflatum, ingreditur, paucis agemus.

CAP. II.

Quomodo anima media cum sua Domina Mente, mediante Spiritu aethereo, in corpus infundatur; & de actionum ejus faustarum, infaustrarum & mixtarum ratione.

MERCV. Trismeg. asseveravit, quod Verbum in mentem, mens in rationem, ratio in animam, & anima in spiritum, atque hic in aërem, & deinde omnia, per mare aëreum deorsum subterlabentia, cum illo & in illo, tanquam ultimo vehiculo, in corpus transferantur. Nos etiam quodammodo hoc idem probaremus, nisi mentem ipsum Verbi Dei radii putaremus. Nam teste Divo Johanne, cap. 1. in ipso Verbo vita erat, & illa vita erat lux hominum, &c. Unde cum Jehova protulisset verbum istud: *Fiat homo*, &c. transit lutum, manibus Dei præparatum in animal vivens, & virtute spiraculi, cum Verbo ab ore ejus egressi, productæ fuerunt omnes virtutes humanæ. Atque ita Adamus factus est animal rationale, discursu utens simul atque vivens. Neque enim credendum est illorum figmentis, qui artis pictoriæ periti, Deum in forma hominis externi depingentes, atque ita loco eum circumscribere non erubescerent, comminiscuntur, ipsum immediatè os suum luto faciei Adami applicuisse: siquidem os atque membra Dei ubique pro placito ejus divino reperiuntur; imò verò ubique adsunt, & tamen nusquam circumscribuntur. Nam ipse Deus oculis intellectalibus, ubique videtur per universum expansus, omnia sua præsentia implens, ita ut secundum sacrarum Scripturarum doctrinam, *terra sit scabellum pedum ejus, atque cælum sit ei quasi solium & thronus*. Unde, quicquid ipse loquitur in cælis, illud è vestigio & in ictu quasi oculi in terra immediatè completur. Dixit ergo in cælo sedens: *Fiat terra*, & virtute Verbi firmata fuit terra, & id quidem in continenti. Dixit etiam: *Fiat homo*, locutus ita è cælis sanctis: & desubito atque in instanti factum est, quod præcepit nam Verbi impressio spiraculum vitæ per ejus nares infudit, &c. Ut autem mundus dicitur imago Dei atque triplex regionum ejus distinctio triplici personarum Trinitatis proprietati refertur, unde & primum in creatione locum habuerunt, sicut in *Tractatu nostro Microcosmico* dictum est; sic etiam homo, qui est imago mundi, & per consequens imago Dei, hoc divino & dei formi afflatu accepit. Nactus est ergo homo immediatè ad suam existentiam virtutem Verbi atque Spiritus Creatoris; & per consequens particeps est essentia divinx, non minus, quam ipse mundus particeps est Spiritus Domini, qui ferebatur super aquas: Accepit etiam portionem à visibili Jehovæ Creatoris folio seu throno, videlicet à cælo: quippe à quo animam suam vivificam est adeptus: Ab elementis etiam, in quorum regione scabellum pedum Jehovæ ponitur, accepit puritatem formalem, ex qua ejus idolum seu pars sensitiva fit: atque tandem à terra seu centro totius machinæ vendicavit sibi lutosum seu externum & opacum sui interni diversifoni subjectum. Sic itaque Jehova non aliter inspiravit in Microcosmum spiraculum vitæ sexto creationis die, quo ipse conditus fuit, quam id Macrocosmum die primo. Constat igitur, quod Verbum à Deo loquente ad hominis divini animalis creationem, quasi verus supersubstantialis radius emissus & Spiritu sacrosancto stipatum, ac deorsum tendens per Spiritus interle-

ctualis

etualis expansum, pro vehiculo secum rapuerit ejus portionem, & quòd deinceps in medio cœlo ab ejus luce & Spiritu receptum, & cum illis ulterius in ærem regionis elementaris profiliens, ad postremum in Adami nares intraverit, atque ita ad centrum usque penetrans, cõjussibet mundanæ regionis portionem, pro levitate vel gravitate ejus, in corporis humani regiones introduxerit, eamque in illo mirum in modum disposuerit. Atque sanè experimento infra descripto edocemur, quòd necesse sit, ut mens cum suo vehiculo supremam Microcosmi regionem possideat, cum ejus in Macrocosmo locus sit cœlum empyreum, & ut itidem quoque pars formalis, videlicet anima media cum Spiritu æthereo, media hominis regione fruatur, videlicet thorace, ad exemplum illud, quo Sol cum suo Spiritu mediam mundi regionem sibi vendicat, atque demum, ut pars sensitiva, igneæ sphaeræ contigua, infimum Microcosmi ventrem occupet, uti elementa possident locum mundi inferiorem. Experimentum autem illud est tale. Impleatur aqua pars vitri quarta, cui artificialiter superinfundè vinum rubrum, ita ut superinnatet aqua, uti fieri potest mediante crusta panis, atque ita capiat vinum istud secundam vitri quartam, deinde suaviter ei arte of-funde optimum Spiritum vini, ut itidem ille superinnatet vino priori, & impleat ea ratione tertiam vitri quartam, quo factò accendatur Spiritus iste, ut ardeat: Ita hoc experimento demonstrabitur, qualiter ætherea natura natet super aëre seu elementari, uti vinum super aqua, atque tum postea, qua ratione natura empyrea superinnatet æthereæ & Spiritus denique igneus empyreæ, ut in demonstratione sequenti.



Ex hisce igitur colligendum est, quomodo hæ naturæ in homine se habeant, videlicet Spiritus empyreus in cerebello, Spiritus igneus & intellectus seu mens in cerebri apice juxta piam matrem, ubi Spiritus æthereus in minima quantitate reperitur, ut in cono pyramidis materialis dictum est. Vinum in sua natura Spiritui & luci æthereæ refertur, quòd natat super aqua seu aëre mundano. Atque hoc vinum aptissimè Spiritui arteriali potest comparari, cujus tenuior

niior pars est Spiritus vini, regionem empyream; constituens, crassior verò pan-
 est phlegma seu aquea substantia, aëri & aquæ seu sphæræ humiditatis in cælo
 infimo æquiparata. Ex quibus evidentissimè apparet, quòd cæli ætherei Spi-
 ritus participet de natura cæli tum inferioris, tum superioris tam in mundo quàm
 in homine. Atque hæc est ratio illa infallibilis, quæ exactè docetur, quòd cæli
 empyrei natura sit ita contiguitate ac quæ si continuitate conjuncta cum natura
 cæli ætherei, respectu Spiritus, ut aër cum aqua; & quòd tali nexu æther aëri
 connectatur, quali aqua terræ; atque iterum Spiritus empyreus ad mentis ra-
 dios se habet, ut aër ad ignem, atque mens ad Spiritum, ut ignis ad aërem, vel æ-
 ther ad ignem. Hinc igitur luculenter constat, qualis sit partium hominem in-
 teriorem constituentium positio in ejus externo: videlicet, quòd mens cum ra-
 tione in capite, tanquam in cælo empyreo seu sede sua naturali commoretur, &
 quidem etiam vendicantibus sibi illic locum superiorem radiis mentis. Deinde,
 quòd anima cum Spiritu æthereo cor in medio venire tanquam orbem solarem
 inhabitet; Et quòd denique Spiritus aëreus cum anima animali ventrem infi-
 mum pro sua statione naturali eligat, ubi hepate pro suo diverforio seu labora-
 torio utitur. Spiritus rationalis actum dat sensibus, vires suas invisibiles per or-
 gana nervorum in universum corpus diffundens; ita ut cum ratione & judicio
 res videre, audire, palpare, gustare & olfacere possimus. Anima virtutis cum suo
 Spiritu medietatem Microcosmi, non aliter quàm Sol cæli visibilis centrum
 possidens, per arterias sursum & deorsum radios vitæ universaliter per homi-
 nem externum transmittit, ut eorum virtute vivere atque movere possit. Anima
 animalis seu idolum, aut virtus aërea, ex elementorū formis conflata, & virtutē
 suam, partim ab elementis accipiens, partim superiorum officia sibi usurpans, in
 hepate agit & operatur, ut chyli alimentum in sanguinem ad usum suum trans-
 mutet, quem sursum etiam & deorsum per venas in universam suam machinā
 corpoream ad partes compositionis elementaris in suo statu integro conservan-
 das effundit & dispergit. Contigua ergo est mens rationi; quare omnes opera-
 tiones gubernat. Contiguus Spiritus rationalis Spiritui æthereo; & proinde per
 radios utriusque naturæ agunt: nam arteriæ communicant cum nervis & nervi
 cum arteriis: ac præterea etiam arteriarum ramusculus cerebrum obtegens, re-
 te ibi admirabile constituit: rami verò nervorum admirabiles sunt, & mentis
 veram sedem arguunt. Nam ut Deus in cæli altitudine sedens, est omnium re-
 rum radix & unitas deorsum solummodò in mundum radios sui actus infun-
 dens, rationemque & vitam ac sensum creaturis tribuens; Sic etiam ipsa mens
 in culmine Microcosmi posita, est radix omnium nervorum, quorum rami
 deorsum solummodò decurrunt, ut inferiora rationis & sensus moderatione re-
 ficiant. Etenim Deus in Macrocosmo & radius essentiae ejus in Microcosmo
 non emittens sursum ab essentia sua radios, tanquam ab eorum radice, arguit,
 quòd nihil sit rerum, quas creavit Conditor supra ipsius existentiam, non ma-
 gis, quàm numerus potest ultra unitatem retrogredi. Inferiores ergo Spiritus
 sunt quasi subditi superiorum, quorum omnium Rex atq; Imperator est mens;
 Cui si anima in medio regnans fuerit obediens & fidelis, felicissima erit hæc
 Respublica, sin rebellis, infelicissima, & anima ista pro sua inobedientia luet pœ-
 nas. Hinc fit, ut mentis radii per Spiritum intellectualem terribiles sint animæ
 rebellis; gratiosi verò & amabiles obedienti. Nam rebellis animæ curas, tristi-
 tiam, timorem, diffidentiam, desperationem, iracundiam, rabiem, odium, gu-
 lam, ebrietatem & hujusmodi alia afferre solent; dum è converso obedienti
 gaudium, lætitiā, audaciam in veritate, fidem, spem, patientiam, mansuetudi-
 nem, amorem spiritualem, temperantiā, & id genus alia inducere animad-
 vertuntur. Quomodo autem hoc sese habeat, breviter ita accipiat: *Galenus de*
loc.

loc. aff. & diff. symptom. Ex Avicenn. prima primi doct. 6. Ex Galen. 2. differ. respirat. cap. 5. & 6. & secundo de motu muscul. cap. 6. Similiter de symptomatum diff. cap. 3. & de puls. diff. 1. Ex Avicenn. secunda primi doct. 3. summ. 2. c. 1. 2. 3. 4. Et Conciliator 82. Et Avicenn. de Med. cord. cap. 7. ac multi alii Medici in eo convenientes scriptis suis tradiderunt, actionem hominis interni esse aut voluntariam & animalem, aut involuntariam: Illā homo aut tempus aliquod respirat, agit, fingit, aut semper, unde agunt sensus, ut Visus, Auditus, Odoratus, Gustus, Tactus: quæ motio actiua dicitur & princeps, imaginationem, ratiocinationem & memoratorem comprehendens. Involuntariam autem in Vitalem diviserunt & Naturalem. Hic obiter observandum erit, quod regio superior, propter mentis & rationis præsentiam imperet, atque instar Dei prohibitu, hoc est, voluntariè agat. At vero actionem regionis vitalis uti & naturalis, quam animalem & idolum suprā nuncupavimus, involuntariam esse percipimus, & quasi à potestate superiori vel numine excelsiori gubernatam. Ex dictis igitur autonibus colligimus, quod actio involuntaria vitalis consistat, vel in cordis dilatatione tantum, unde lætitia, spes, confidentia, amor, misericordia, humanitas; vel in cordis dilatatione & contractione simul; unde pulsus motio, in systole & diastole consistens; vel in cordis contractione tantum; unde tristitia, desperatio, metus, odium, invidia, ira, furor, pudor, & huiusmodi alia procedunt. O viri Christiani, respiciatis, oblectro, quam propinquè hi Medici, Ethnici & Philosophi ad veritatis umbram appropinquaverint! Quid enim melius & rectius per ea depingere potuissent, quam illam nostram de creatione opinionem & intentionem? Nam in primis actionem vitalem, in media hominis regione sitam atque radicatam, & similiter quoque naturalem, in ventre infimo collocatam, involuntarias esse percipimus, hoc est, ex ordinatione & dispositione potestatis superioris dependere: Deinde in regione media, utpote in cuius corde seu medietate vita consistit, aperiè videmus actiones trium mundi regionum; quatenus in cordis dilatatione nascitur lætitia, spes, amor, confidentia, misericordia, humanitas & consimiles sanctæ animæ actiones, quæ mentis & Dei dona infallibilia esse dignoscuntur, ac proinde denotant animæ obedientiam, & ejus cum mente societatem, communicationem, amicitiam & fidelitatem. Quantum enim gaudium & lætitiā, qualem fidem & confidentiam, & quam ineffabilem amorem, misericordiam & humanitatem Deus sanctis atque bonis animabus infundat, copiosè declarat Scripturæ sacræ, *Merc. Trismeg.* assertionem multipliciter confirmantes. Hinc lubens illa & parata ac prompta propugnaculi vitæ dilatatio, ut benedictiones à Deo & mente ejus immittas, cum gaudio excipiat: Non enim timet Dei actiones, quas semper sibi salutare deprehendit, sed eas avidè, tanquam summa sua bona, appetit & appetendo accipit. Nam experientia docemur, nihil perturbationis aut malitiam posse accidere, ubi prædicta Dei & mentis dona reperiuntur. Talis ergo erat actio Adam, in Paradiso adhuc viventis; Etenim dopis & beneficiis mentis impletum erat cor ejus, semperque ad actiones divinas & superiores suscipiendas apertum atque dilatatum: Unde & ostia seu portæ in suprema cordis parte reperiuntur, significantes, quod corde super vitæ beneficium & gaudium expectet: Atqui Adam post suam inobedientiam ab hac voluptate exquisita exclusus fuit; nimirum gaudiis supremi cœli, quatenus cum cognitione mali communicavit, privatus fuit; Unde jam summam suam voluptatem habet à cœlo medio, utpote cuius natura est, de utroque extremo participare, videlicet de bonitate regionis summæ, & de malitia regionis infimæ. Nam quatenus ejus natura componitur ex dispositione & proprietate utriusque extremi; videlicet ex luce formali & spiritu materiali, eatenus fit, ut cor

C A P. III.

*Quomodo anima media, quandoque immortalis, & quando
mortalis nuncupetur, & qua ratione in loco
esse dicatur.*

DE animæ immortalitate in *Tractatu nostro de Microcosmo lib. 4. cap. ultimo*, verba fecimus. Hic verò de ejus mortalitate, cum ejus immortalitatis ratione agere nobis proposuimus. Anima quidem reverà nunquam mori dicitur, quatenus est imago & similitudo Creatoris; imò quidem est ipsa Creatoris radii scintilla; Unde impossibile est, ut mortis termino claudatur; quippe quæ quatenus est Dei actus vitam, & esse suum nunquam amittere potest. Cæterum secundum quandam suam mobilitatem, qua potest vel melior vel deterior fieri, mortalis æstimanda est; Morti enim tum subjici existimatur, cum benè vivere perdit; quamvis tunc etiam immortalis dicatur, quatenus miserè vivere amittere non potest. Unde, si animæ animali cohareat & carnī, mundoque subjiciatur, mori dicitur, hoc est, de felicitate in miseriam detrudi. At verò, si constanti contemplatione emti affigitur, vivere & immortalitatis nomē acquirere, & feliciter obtinere putatur. Similiter etiam modo, respectu incorporei Dei, corporea est, cum nihil invisibile & incorporeum naturā credendum sit præter solum Deum, id est, Patrem, Filium & Spiritum sanctum, qui ex eo incorporeus & invisibilis dicitur, quod infinitus & minimè circumscriptus est, simplex, sibi & omnibus modis sufficiens in seipso, & cum ubique sit, in seipso invisibilis & incorporeus esse dignoscitur; Omnis verò rationalis creatura corporea est, hoc est, ex Spiritu, tanquam materia & luce, tanquam forma, conflata. Sic angelos & omnes virtutes corporales esse dicimus, licet non subsistant carne: Ex eo intellectuales naturas corporeas esse affirmamus, quod loco circumscribuntur, sicuti etiam anima humana, quæ carne clauditur, adeoque etiam exinde in loco & localis esse, dici potest: In loco scilicet, quoniam hic & alibi præfens est; localis verò, quia, quod alicui præfens est, totum alibi non est. Non tamen habet anima corporalem dimensionem, nec corporalem circumscriptionem, quoniam corporalis quantitatis experta est; Sed quia per præsentiam & operationem concluditur, ipsamet localis dicitur. Veruntamen non sicut corpus, cui, secundum locum, principium, medium & finis assignatur. Respectu incorporeæ naturæ, quæ incommutabilis ubique est, corporea dicitur anima, quoniam tale aliquid non est ipsa, nec tamen per loci spatium sistitur vel movetur, ut majori sui parte majorem locum occupet, & breviori breviorē, minorque sit in parte quàm in toto. Per omnes siquidem particulas corporis tota simul adest, nec minor in minoribus, nec major in majoribus, sed alicubi intensius, alicubi remissius, & in omnibus tota, & in singulis tota est. Sicuti enim Deus est ubique in toto mundo, & in omni creatura sua, sic anima est ubique in toto corpore suo, tanquam in quodam suo mundo, Microcosmo nempe; Intensius tamen est in cerebro, quemadmodum Deus uberiùs esse dicitur in cælo empyreo, & ibi rationaliter agit; Similiter in corde, tanquam in Sole mundi æthere; ubi efficaciter & vivaciter operatur; sicuti Deus dicitur esse in cælo. In membris verò cæteris totius corporis, prout digniora sunt vel indigniora, magis aut minus remissa atque efficax esse percipiuntur. Ex his igitur videmus, quòd, quamdiu anima se in cælo

continet, de cœlesti felicitate gustare videatur, & ipsi Deo, à quo est, m^o v^o m^o modum æquiparari, atque immortalì beatitudine Spiritum quasi haurire. At verò, si cum Lucifero deorsum in materiæ multitudinem se immergat, cœlumque relinquendo, in inferiorem abyssum, superioribus minimè obediendo, eorumque ritus contemnendo se dejiciat, morte, hoc est, tenebris & sepulchro quasi oblivionis contegi ac cooperiri videbitur, atque ita à vitæ immortalis felicitate collapsa, respiciendo mortalem vitæ cœlestis felicitatem, mori atque mortalis fieri metaphorica locutione non infulsè dicitur.

C A P. IV.

*Quòd spiraculum vitæ non modò hominibus, sed etiam brutis datum sit
& de utriusque spiraculi differentia, similiter de
animarum creatione.*

Quoniam ex sacris Literis colligimus, quòd spiraculum illud vitæ non modò hominibus, sed etiam aliis animalibus datum sit (nam *Genes. 7.* ita legitur: *Universi homines & cuncta, in quibus spiraculum vitæ est in terra sunt mortua.* Et ibidem *cap. 6.* *Interficiam omnem carnem, in qua est Spiritus vivus*) idcirco dubium oriri potest haud exiguum, quænam sit differentia inter vitæ spiraculum hominum & brutorum. Pro cuius dubii solutione intelligendum est, quòd vitæ spiraculum in creatione sit duplex: Primum videlicet collatum mundo ad complendam fabricæ ejus constitutionem, & à Jehova primo die in hylam inflatum, ut ex nihilo, seu nondum ipso actu existente, aliquid, imò omnia in actu produceret. Hinc mundum appellavit *Merc. Trismeg. Dei Filium*, & Platonici omnes, Dei imaginem. Ex hoc ergo spiraculo divino immediatè creatus est mundus & informatæ sunt aquæ, ex quibus juxta *Genes. 1.* mundus fuit factus; *Et Spiritus Domini ferebatur super aquas*, &c. Atque virtute hujus Spiritus vivifici & ignei, mundum informantis, omnes mundi creaturæ, veluti quodam afflatu mundi, à Deo tanquam radice sua profluente, mediatè vitæ spiraculum acceperunt; ut non ineptè dixerint Platonici cum *Merc. Trismeg.* in eo convenientes, quòd *Deus sit mundi Pater, mundus verò creaturarum omnium genitor.* Hoc est, Deus primò in Verbo Spiritum suum vitæ inspiravit in mundum, cujus præsentia mundi, & ejus creaturæ omnes suas virtutes tam vivificas, quàm alias acceperunt, ut videtur *Psalmista Regii. Verbo Domini firmati sunt cali & Spiritu ab ore ejus omnes montes eorum.* Ex quibus constat, quòd bruta & vegetabilia & miueralia vitæ spiraculum mundi animam immediatè acceperint, mundus autem suam vitam & spiritum suum ex afflatu Dei hausit, & per consequens manifestatum est, quòd Spiritus vitæ elementaris mediatè, & non immediatè à Deo processerit, & quòd unicuique illud spiraculum vitæ semel ad mundi existentiam in hylam principii inflatum sufficiat ad continuandam virtutem creaturarum omniumque adiuturum PEREAT. At verò homo omnium animalium princeps, & exinde non minùs quàm ipse mundus, Dei imago & simulachrum appellatus, unde & Microcosmi nomen nactus est, hanc eandem gratiam a Creatore, ultimo creaturis die adeptus est, quam mundus die primo. Nam eodem modo, quo Deus inspiravit in deformem & tenebrosam hylam ad mundi existentiam primo creationis die, eodem, inquam, modo idem spiraculum inspiravit Jehova in obli-

aspiret. Atque tunc anima, si in hac actione sua constans fuerit, beatitudinem acquireret, secundum hanc *Mercur. Trismegist.* sententiam *Pimand. 10.* *Anima bona, cum omnia subierit virtutū pietatque mandata, aut Deum aut mens efficitur.* Unde etiam ille talem animam alibi vocavit *animam stantem, & non cadentem.* Hæc ergo est anima illa, quam donis suprà dictis, quibus propugnaculum ejus seu cor dilatatur, gaudere diximus. At verò vice versa, si contra divinæ naturæ constitutionem, hujus animæ vitalis radii & purior Spiritus illius latex, per inferiorem arteriarum ramum descendendo, blanditiis Spiritus seu animæ inferioris ventris auscultata verint, tunc ibi retinebuntur, carnisque illecebris venenatis inficiuntur, atque ita Spiritus impuriore in ramo arteriali, ratione gravitatis & situs sui cum malo & regione inferiori conspirantes, loco veræ quintæ essentia: sursum elevaruntur, quos mentis radii propter ipsorum impunitatem fugiunt. Atque hac via radii animæ obscuriores, & deorsum aliàs naturaliter tendentes, jam sursum elevati eclipsin producant inter solem mentis, & lunam animæ in ventrem inferiorem delapsæ. Hoc est, ergo Microcosmi interioris chaos, cujus elementorum confusionem hic oculis veris discernere possumus, & cujus irregularis dispositio non nisi sola illuminatione divina (cujus actibus etiam Dæmones obedire coguntur) ad concordiam reduciuntur. Hinc illæ animæ infirmitates & passionēs, quās suprà commemoravimus, videlicet tristitia, desperatio, metus, &c. De quo *Mercurius Trismegistus* loquitur *Pimand. 10.* quando dicit, *quod anima impia in natura propria remaneat, ac seipsam nimium cruciet:* Et alibi: *Anima in corpus humanum delapsa, siquidem mala perseveraverit, non gustabit immortalitatis quicquam, necque bono etiam fruetur.* Hinc igitur oriuntur omnes terribiles melancholiæ effectus, à quibus ratio est aliena; hinc mania, Lysanthropia, insania, incubus, somnia per unionem mentis cum anima in tenebras depelluntur, penitusque evanescent, & nihil aliud esse deprehenduntur, quam præstigiæ & illusiones Diaboli sub tenebrarum velamine tectæ, quibus miserrima anima, nebulis tristitiæ submersa cruciatur, ut de Dei & mentis benignitate desperet. Habemus ergo hic in Microcosmo omnes Macrocosmi regiones seu ventres. Atque ut in regione infima aër ubique ferè expansus est, & aqua caloris operatione subtiliatur ac vertitur in aërem, atque ex aëre subtili elicitur ignis, sic etiam videmus, quod in infimo hominis ventre, chylus ventriculi quem mari Macrocosmi comparavimus, virtute hepatis operantis fiat sanguis, & in aërem convertatur, videlicet in massam sanguineam, occultam naturam cæterorum elementorum in se habentem; cujus subtile seu ignea natura in cystam fellis detruditur, pars verò serosior deorsum effunditur, tanquam in locum infimum fontium, seu abyssum terræ, atque inde quoque portio crassior parti illi, quæ terræ comparatur, nempe lieni, committitur. Similiter videmus, quod Spiritus vitales in corde, tanquam in domo sua & radice, in qua præparantur cibum suæ naturæ consimilem ab aëre externo eliciant, videlicet ætheream naturam, aëri invisibiliter in hærentem, qua inspiratione tacita Spiritus vitales quotidie, & omni minuta, tanquam vitæ pabulo aluntur & reficiuntur, & nutriunt vincula illa membrorum corporis, quibus elementa concordia pace conneduntur, ne ob eorum defectum elementa, libertatem nacta, ad invicem discordent, atque ita vitæ concordia discordiis interrumpatur; unde aut morbi periculosi, aut mors & integra totius resolutio sequeretur. Spiritus etiam rationalis subtilissimum alimentum & quasi pabulum sibi simile accipit ab aëre attractum per os & nare,

ram hominis externi massam; idque non immediatè, videlicet uel cæteræ mundi creaturæ illud à mundo acceperunt, sed immediatè ab ipso Creatore factum est. Unde homo tam completus est in sua essentia, quàm ipse mundus: imò verò nulla est in mundi natura, quæ non reperiatur itidem in hac nobilissima creatura homine, quemadmodum suprà luculenter explicavimus. Hinc igitur ut mihi quidem videtur, nullum potest relinqui dubium aut scrupulus in illa opinione, quæ asserit, animam ex raduce provenire. Namque, si primum vitæ spiraculum sufficit ad perpetuitatem mundi, & continuationem creaturarum ejus, quippe, ut *Psalmista loquitur, à Spiritu oris ejus procedunt omnes virtutes mundi & creaturarum ejus*, quidni sufficiat itidem secundùm ejus spiraculum, ut præstet idem sine repetitione & renovatione in successione hominum, quòd primum in continuatione & præservatione specierum in cæteris creaturis? Quare videtur contraria opinio potius derogare potestati Dei, quàm ei aliquid honoris addere; quatenus scilicet videtur arguere, Deum non fuisse tam fortem & potentem in hac suæ creationis, quàm fuit in principio; namque alias crederetur Spiritus ejus esse tam fortis in fine, quàm in principio, & per consequens idem præstare in Microcosmicæ speciei conservatione, quòd præstat in Macrocosmo & ejus creaturis. At verò, si unicus Dei afflatus hominum mortalium successionem continuare & conservare potest usque ad ultimum *PEREAT*, quid opus erit pluribus, cum, teste *Philosopho frustra fiat per plura, quod potest fieri per pauciora*. His igitur consideratis videmus, primo quidem, quanta sit differentia inter spiraculum vitæ in brutis, & illud, quòd est in homine, videlicet, *quod illud sit immediatè à mundo*, unde & ratione manifesta destituatur; hoc verò immediatè à Deo, unde intellectu & ratione perspicua exornat hominem internum, sua nobilitate conjungens eum cum suo Creatore: Deinde videmus, quòd spiraculum divinum in homine nullo modo differat ab eo, quòd fuit mundo communicatum. Atqui unicum idemque mundi spiraculum sufficit ad perpetuandam semper speciem & virtutem mundi ac creaturarum ejus. Quare etiam spiraculum hominis idem sufficiens erit ad continuandam speciem humanam, & per consequens non erit opus assidua animarum creatione. De hoc autem argumento plura non dicemus, quoniam suprà de hujus dubii ratione satis apertè disceptavimus.


C A P. V.

De natura & gradibus diversis anime in corpore, & de ratione vigoris & fortitudinis corporis, ac de ratione differètiarum in speciebus creatis, & quomodo spiritus medius hominis à medio spiritu aliorum animalium differat?

SEQUITUR ex illis, quæ præcesserunt, quòd multi sint animarum inferiorum gradus, & quòd animæ humanæ dignitas cæteris omnibus sit anteponenda. Sed quoniam percipimus, unum hominem superare alium ingenii præstantia, animæ quæ & rationis ubertate ac promptitudine, in alio autem deprehendimus præstantiores medix animæ effectus, quatenus scilicet vivacior & agilior est alius, atque iterum alium corporis vigore robustiorem, & viribus potentiorum ac validiorem cernimus, necessarium esse putamus, hujus rei rationem diligenter perquirere. Sciendum igitur in primis est, quod rationis & ingenii effectus à mentis & spiritus rationalis actu promanent. Unde fit ut mentis scintilla fortificata & rationis radius multiplicatus in se, producat fortiores effectus,

factus, reddens hominem ingenio acutiorem, ratione graviolem & contem-
platione divina longè cæteris profundiolem, quoniam longius & fortius emit-
tit radios suos invisibiles & spirituales. Unde evenit, ut animæ meditationes al-
tius versus Dei solum elevant & extollat. Hinc dicit *Proclus de anima*: *Anima per-*
fectiores ad inventionem sunt promptiores: imperfectiores verò magis externis indigent
adminiculis: illa enim magis ex se mobiles sunt, minusque deteriori natura participes,
hæ verò minus ipsa movent, magis sortem corporum patientes. Hæ quoque quando perfi-
ciunt, à corpore videlicet resurgentes, seque ipsas à materia colligentes, fecundiores in ven-
tricibus evadunt, prout circa illa, in quibus antea erant steriles & ambigæ, propter
ignaviam ineptam vitæ à materia contingentem, sordidumque, torporem ex generatione
contractum. Per quæ *Proclus* videtur majores vel minores animæ rationalis effe-
ctus ascribere, non fortitudini aut debilitati ejus in sua essentia, sed potius bonæ
malæve corporis seu opacitatis ejus velamenti dispositioni: quæ licet aliquid faciat
ad adjumentum, vel impedimentum, tanta tamè est mentis, spiritui rationali præ-
sidentis, potestas in homine, ut si modò sit efficax & plena in sua actione, ejus in-
fluentis, resistere nullo modo possit corporis caligo & opacitas, quoniam in splen-
dor divinus in ipsis tenebras illuminat; imò verò tenebræ non sunt tenebræ, sed nox
ei est ita clara, quam dies. Præterea verbum, quod teste *Mercurio*, in mente est, vitæ exi-
stis, & lux illuminans in tenebris, ipsa, mens, quam *Merc. Trismeg. Dei animam & ef-*
ferentiam vocat Pimand. 12. dominatur omnibus. Coptoso ergò hujus Spiritus afflatu
& plenitudine fiunt ex hominibus simplicibus, prophetæ verissimi & divini-
ssimi, ex pusillanimi animosissimus, & ex artis vel scientiæ ignaro peritissimus, si
modò sacris Scripturis fidem aliquam adhibeamus. Et proinde sequitur, quòd
corpus non sit mentis actionibus impedimento, sed quòd potius, aut ipsa, agere
nolens in corpore maligno, vacare dicatur, aut etiam Spiritus ejus à Summo non
sit auctus & multiplicatus. Hinc dicit *Mercurius*: *mentem non omnibus dari, Et a-*
libi dicit, quòd omnibus detur, sed in aliquibus, nempe in malignis & impiis non omnino
agat, vel vacet. In aliis enim agit quidem, sed parè, in bonis autem, piis atque re-
generatis abundanter operatur, & illapsionibus in alio multiplicatur. Hinc
igitur videmus, rationem varietatis in actionibus mentis, & quòd operationum
ejus diversitas sit causa exaltationis & dejectionis in homine, cum intensior
ipsius benevolentia seu plena præsentia reddat sapientem, ejus verò neglectus
& absentia ignarus & à bestia non multum differentes. Ratio autem, cur unus
homo sit alio agilior & vivacior, consistit in bona animæ mediæ dispositione,
quæ quoniam inest tam animalibus irrationalibus, quam rationalibus, eosdem
in quolibet animali profert effectus. Hinc animalis levitas in saltu, velocitas
in cursu, facilitas in motu & vita. Atque hæc dispositio ut plurimum accidere
solet etiam iis animalibus, quorum corporis membra non sunt valida, sed debi-
lia: Unde liquet, quòd hæc animalis facultas oriatur à fonte mediæ regionis, vi-
delicet à corde, in quo anima mediæ seu vitalis & æthereæ fovetur. Causam igitur
majori vel minori animæ mediæ actioni præstat multitudo vel exiguitas
radii mundani seu lucis secundariæ, aut animæ mediæ cæli, quæ etiam anima
mundi dicitur. Atque hæc agnoscimus cum *Proclo*, quòd corpus multum facere
possit ad impediendas operationes hujus animæ: quoniam hæc est illa anima
humanæ portio, quæ dicitur gravari fœce terrena & onerari carnis umbraculo.
At verò hujus animæ affluens proportio invito corpore suos producit effectus,
quem admodum experimentis inferius descriptis luculenter demonstrabimus.
Unum etiam animal ejusdem speciei differt ab alio corporis & membrorum
robore. Nam hic homo, vel ille equus hoc vel illo fortior & validior est compo-
sitione. Qui quidem hominis seu animalis habitus non ab anima mediæ, sed à
facultate naturali seu infima, vel animæ animalis seu idoli natura procedit, cu-
jus

jus est membra corporis in sua fortitudine & vigore conservare, partesque solidas, debilitate & macie consumptas, reddere validas atque robustas. Dispositio ergo fortior vel tenuior istius infimæ portionis animæ humanæ consistit in bono vel malo istius facultatis habitu. Nam bona hepatis constitutio bonum producit sanguinem & copiosum; & per consequens pabulum optimum subministrat membris, quo solidiora & robustiora fiunt, mala verò malum, paucum & malè nutrientem generat sanguinem; atque ob hanc causam membra malè nutrit, debiliaque relinquit. Membrorum & corporis universi robur est vel animæ agili & vivæ junctum, vel segni & tarda gubernatum. Talis fuit in robore *Herculis*, *Caci* & *Antei* differentia. Talis in *Jovis* & *Titani* filiis discrepantia. Hujusmodi in brutis differentia, distat mus à bufone, equus & cervus à bove, porcus à cane, testudo à fele, &c. Quæ omnes animæ portionum differentie procedunt à majori vel minori actus lucidi proportionem. Nam major lucis substantialis quantitas vivaciorem producit effectum; minor verò minorem; idque cernitur in diversis individuis ejusdem speciei. *Exempli gratia*, videmus, quod duplicata pulveris bombardici portio multiplicet vim tormenti bellici expultricem; ac per consequens onus globi ferrei vel plumbei altius vel remotius ferre dignoscitur.



Hinc etiam oritur omnium in quolibet animalium & plantarum genere specierum differentia. Nam ut infinita quasi puncta numerantur inter terminum à quo, ad quem, sic etiam infinitæ sunt animæ vitalis & naturalis proportionem atque gradus, quibus una species ab alia differt, & unum individuum ejusdem speciei ab altero discrepare animadvertitur. In hoc tamen differt graduum dispositio in diversis individuis ejusdem speciei ab illa diversarum specierum, quod scintillæ animæ in individuis ejusdem speciei reperiuntur in majori quidem quantitate, sed in eodem spiritu; at verò in speciebus diversis differentia talis est, ut, sicuti differunt lucis natura & proportione, sic etiã dispositione spiritus, in quo anima illa natat & vehitur, dissentire videantur. Sic spiritus mineralium, qui est ex tenebris infimi cœli, differt à spiritu vegetabilium, qui est parum ex spiritu medio, & parum ex infimo: Unde vegetabilia mineralibus ortu & natura cognata sunt, sed eorum spiritus sunt diversi. Sic etiam spiritus animalis vitæ est simpliciter à cœlo medio, & lux ejus vitalis etiam ejusdem conditionis: quemadmodum porrò quoque spiritus humanus parum est ex cœlo empyreo, utpote à quo ejus spiritus rationalis derivatus est, & parum ex cœlo æthereo, à quo spiritum suum vitæ accepit; prout etiam ejus lux mixta est cū spiritibus diversis, uti antea dictum est. Atque hæc est causa varietatis in rebus creatis. Spiritus igitur

& lux in homine differt à spiritu & luce aliorum animalium non minus, quam spiritus vini inflammatus & ardens ab oleo & liquore in lampade accensus. Nam, ut ignis ex spiritu vini componitur ex spiritu partim aereo & partim æthereo (unde tenuior ejus pars accensa non comburit) ignis verò lampadis resinet solummodò naturam æream & magis crassam, ut rem inflammabilem comburat, sic etiam res sese habet in differentia inter utrasque illas animas hominis scilicet & brutorum. Nam ut spiritus vini longè est oleo subtilior, & tamē ambo sunt spiritus; ita quoque spiritus utriusque speciei sunt ambo quidem spiritualis dispositionis, sed differunt raritate & puritate ut spiritus vini ab oleo, vel aër ab æthere, vel æther à spiritu intellectuāli.

C A P. IV.

Quòd anima humana per se unitatem amplectatur, respectu verò materiae inclinet ad multitudinem.

Anima humanā per se in sua natura & origine unitatem amplectitur; quippe cujus princeps & summitas est ipsa mens, seu radius ipsius unitatis, unitati seu essentiae supernaturali ita connexus & continuus, ut radius Solis est portio ejusdem. Per mentem igitur erigitur media animae portio ad unitatem uti videmus in natura ignis, qui sursum ascendens, angulum acutum facit, oculis corporeis visibilem, significās hoc ipso, quod alis spiritualibus ad conum pyramidis materialis ascendere vehementer tentet & appetat; quippe in extremo conum seu anguli uniformitas, & sola unitas invenitur. Præterea anima media, cum sit radius mundi, seu lux secundaria, vocatur etiam, ut testatur *Merc. Trismegistus*, mens secunda seu mentis primae imago. Unde manifestum est, quod ejus unitas sit origo, à qua ejus actus scaturivit. Patet igitur, quod hominis interni portiones, quatenus formalis est in sua essentia, fontem suae existentiae per se & naturaliter quasi instinctu respiciant: Sed ita factum est divina voluntate, ut cum *Proclo* loquamur, ut anima descendenti adnata sint ex mundo multiformes viæ, vestesque variae, trahentes quidem ipsam in compositionem caducam. Id quod etiam *Jamblicus* confirmat: Anima, inquit, qua deorsum labitur, trahens secum signa vinculorum & penarum, materialiumque spirituum, se gravatam ostendit, perturbationibusque materia dissimilibus occupatam. Unde manifestum est, animae substantiam de lapsam esse à statu unitatis in abyssum multitudinis, hoc est, à puritate simplici in fecdam & immundam compositionem. Hinc dicit *Proclus*. Anima in corpus descensus junxit quidem illam à divinis animis à quibus intelligentia & potestate, simplicitate puritateque implebatur. Conjunxit verò se generationi & naturae, materialibusque rebus à quibus oblivione & errore & ignorantia est imbuta. Quid autem sit unitas formae & divina, & quomodo in se constans, immutabilis, indivisibilis, non multiplicanda existat, nec aliquid ab ea abstrahendum aut ei addendū, cum ipsa sit totum & sine ipsa nihil, in *Tractatu nostro de Numeris divinis* & abstrusis satis luculenter declaravimus. Quod autem materia, quò magis à cono suae pyramidis vertex ejus basin descendit, eò magis subinde magisque multiplicetur, quoniam deorsum tendendo grossior semper evadit, ita ut in superiori regione gradus ejus numero denario augmententur, in media autem centenario & in infima millenario, suo loco etiam ante à in eodem *Tractatu* tam verbis quam demonstratione viva delineavimus. Hinc ergo manifestum est, secundum *Procli* & *Jamblici* opiniones supra expressas, quod anima, quò magis deorsum, hoc est, vertex pyramidis materialis basin tendit, eò magis multitudini materiae immergatur.

Mulu-

Multitudo autem materiz, informari appetens, animam illam universalem & cum unitatem verantem, dividit in partes infinitas, easque dat cum nec multitudinis membro: Hinc specierum & individuum multitudo, hinc animarum & sensus, & partes divites, ignorantia, sapientia oblitio & error. hinc etiam existerit ad sapientiam malitia. Nam juxta *Proclum* agrotant animæ, atque debrant, quasi in corpore humano, velut *Porphyrus* vult, perpetuo in corpore quasi dormiunt. Ob hanc rationem dicit *Jamblicus*, quod animarum proprietas sit declinatio ad multitudinem & motum generationis, licet per se, & in sua natura respiciant unitatem & statum, quæ est permanens in seipsa, & tamen immobilis motuum causa. Nam cum natura animæ sit semper movere, quatenus est ad us simplex, eatenus suum motum per accidens, & in hac generatione, multitudinem proficit. Etenim corpora animas includunt, easque oculis orbantia, silent animarum motus ad sensus appetitum, qui circa multitudinem versantur, convertere. Atque hinc fit, ut animæ in corporibus motio generationes & individuum quilibet speciei incrementum producat. Hoc idem etiam evenit in corporibus humanis, & maxime nobilissimam includentibus, quorum solimodo est, virtute splendoris divini, animam inter creaturas magis exaltatam possidere; Unde fit, ut ipsa, quamvis in suo carcere vinculi spiritualibus ligata, nonnunquam tamen lux præternaturalis, ejusque acies radiorum divinum penninatum altum alacritate percipitur, sicut in similitudine *Jamblicus*. Anima in mundo intellectuali audit harmoniam divinam, & quædam remanifestatur, quando audit melodias, habentes divinam vestigiæ remanifestationem, & ad eam vehementer afficitur. Similiter juxta *Synesium* anime etiam in quibus hac dilapsi sunt, & in corpore, & in quædam vis, &c. Imò vero factis hominibus, & quod est etiam in brutis, revidetur via, qua possit anima humana, relinquendo multitudinem, ad unitatem redire, quam *Mercurius* viam regenerationis vocat; videlicet spiritum divinum assumptum & illapsum. Atque etiam *Proclus* videtur, modum quendam rationis depingere, quo à multitudine ad unitatem reverti possimus; videlicet scientiæ acquisitionem. Unde dicit, quod anima per acquisitionem scientiæ fiat monothymia: hoc est anima multitudinē, per scientiæ virtutem & illuminationem, relinquens, & ad unitatem. Nam omnis multitudo tam diversa est in se, ut alia aliaque tam opposita & contraria videantur. Unde opus erit, si ad unitatem, ubi nulla est contrarietas, ascendere velimus, ut ad scientiam veram nos conferamus in ipsa unitate contrarietatem habet nullam: Nam tamen si affectus affectibus, & virtutibus, & similibus sensus sensibus, cogitatio cogitationibus, & opinio opinionibus, & melior scientiæ contrarietate reperitur. Etenim in scientia proportionum & notionum multitudinem congregamus in unum, scientiarum quoque rationum in uno quodam vinculo connectimus; adeoque tantum abest, ut alia sit ab invicem fiat contraria, ut etiam notio notioni, scientiæ inferiores scientiis ministrant, atque ita hæc ex illis suis habeant exordia. Sic videmus mathematicas Geometriæ notiones unico Theoremate, ejusque demonstrationi consistere: sic puncta, lineas, angulos & superficies cum notionibus suis, corpori seu notioni dimensionum referri animadvertimus. Sic in umerationem, additionem, subtractionem & multiplicationem inter se aliam ab alia dependere videmus, & ad divisionem ac radicis extractionem necessarias esse: sic etiam regulæ seu propositiones de sonis, tonis, semitonis, Diatessaron, Diapente, Diapason & notiones temporalium signorum proportionales designantes ad symphoniarum concordantiam conducunt; Et licet tales notiones in multitudine sint, rem tamen in se ipsa notant, videlicet melodiam. Sic Arithmeticam, Musicam, Geometriam & Opticam Astrologicam ventatis cognitioni conducere percipimus. Nam si quæ contrarietas est ulla in scientiarum multitudine, cum unitate unitatem, & multitudine materiz, quæ distrabit & vagatur semper

ac discedit ab unitate. Oportet igitur intellecta & creatura multitudine in illis, quæ solummodo unum aliquid proponit, ad ipsum mundum perducere. Quocirca disponantur compositiones, divisiones & multiplices, ut quæ ad intellectum vitam & simplices contemplationes hiant, ut ait Proclus verbi gratia: *sentientia non est summus cognitionum apex, sed ea cunctarum est intellectus animæ illustratio*: namque per solum intellectum, per intellectum nempe unitatis, & alterum multitudinis cognoscimus. Tunc quæ est multitudo per gradus cognitionum suo ordine præcedentes, ut præcedemus deinceps quoque similiter per gradus cognoscibilem ad idem adhibendum probandum. Sensibilia evitanda sunt omnia; quoniam congesta sunt in illis, & duo ac penitus mirabilia. Ab his igitur ad essentiam incorpoream transferamus. Omne enim sensibile habet adventitiam unitatem, & per se ipsum est dispersum ac infirmitate plenum. Propterea & beatissimus est illarum mundus, qui venitium & a seipso distans ac dissidens, atque in fide relictus ab animis, non vero ascendit in nobis, & in corpore steterimus collocati, conspiciuntur, ut solum in ordine super corpora mobilem ex seipso, per se agentem, motum se suam subtilitatem præcedentem. Multitudinem ergo animi, ut videmus, quædam, ætheraque relinquendo, atque sursum adhuc ulterius atque deinde ad intellectum & intellectualia regna conferamus, ut seum per se ipsam unitatem, ubique naturæ illius contemplatores fiamus. Eam speciem, quæ in æthere unitate manentem, vigentem vitam, intelligit, illam vigentem vitam nihil deest vitæ. Hanc itaque ubi invenimus, facillime observamus, ut in se ipsa accomodatur & melior, & videbimus an in ipsa invenitur unitas, & an uniformis sit vel multiformis. Hic percipies ergo, ut in multis, ut in uno, ad quod anima humana semper cupit pertingere. Hic rationis creaturarum fons & origo. Hic gaudii & lætitiæ culmen ac saltigium. Hic unitas & sola simplicitas & veritas illa, de qua Plato & Pythagoras agunt, quæ non movetur, tantopere ad multitudinem fugiendam, ut veritatem simplicem, finem, ut dicuntur, quod finem ut faciamus, modum & viam nobis præsentibus, ut Proclus haud dissidentem, videlicet quod multitudinem variam evitare debemus, ut quidem affectuum, deinde sensuum, tertio imaginationum, & quarto opinionum, & dependentium. Atque horum quidem censuræ non videntur illam, ut in intentione nostra dissidere. Nam, cum anima tenebris sit involuta, ut in se ipsa, si alio pro luce suo. Unde ejus acies deinceps in terro, circa totius mundi circumferatur, ut incertitudinē & inconstantiam in anima pariant, ac ita animæ rationis, ut in se ipsa, sensuum objectis & eorum contemplatione distractis, aciem suam, ut in se ipsa, nunt, ita ut a unitatis throno & sedem penetra re nequeant, ut per se ipsa, & incerta sit anima, quod se debeat ad veritatem invenire, illam veritatem, ut in se ipsa, licet non minus fallitur in materia, quam ipsius quæque materia, ut in se ipsa, eam versantem præstigiis decipitur. Quare non ineptè dicit Proclus, *non videtur omnia habere, cum nihil in terra possideat, sic & anima, duplici innotuit, videtur finis, quæ non habet possidere*. Atque hoc fit, propter multitudinem, ut in se ipsa, sus est etum. Quæ re sensus externi multitudo in primis alijcienda est, ut in se ipsa, quæ etiam non debemus imaginatione nostra concipere, et in se ipsa, ut in se ipsa, sunt, ut in se ipsa, tantasmultitudo in aëre conceptorum, quoniam hoc est, ut in se ipsa, tanta multitudo, quæ est sola veritas. Atque præterea, ut in se ipsa, horum omnibus sit, ut in se ipsa, veritati contradicentibus, ut in se ipsa, hanc existimamus, ut in se ipsa, eodem postea, ut in se ipsa, gradum, ut in se ipsa, unitatem regrediendum ad coelum medium, ut in se ipsa, modum, ut in se ipsa, finem & perfectiorem, ut in se ipsa, peruenimus. Tunc dicitur, ab eo per se ipsa, ut in se ipsa, altius nos elevanda, ut in se ipsa, mundum, ut in se ipsa, actuali, ut in se ipsa, peruenimus.

gradus demeritis, & deinde ad adripium in statu formalis palatium tandem
peruenit, & sic uita haec, via anima à multis die liberabitur, & in primum
suum in puritatem remeabit.

C A P V I I.

*Cur anima hæc media vegetabilibus & plantis uitam vegetatiuam
solummodo dederit, cum animalibus quibuscunque sensum
cum vegetatione tribuat?*

Diversitate & differentia inter animam vegetabilium & animalium fecit
non quidem verba nonnulla in superioribus. Hoc tamen locutus adhuc
est, ut ostendat, hæc creaturarum generis differentia & differentia ne septem
horum, & curauimus alibi in præmissis, vegetabilium animas esse, & in puriori
mundo tenebrarum secundo creationis die, medio mundi, celo & orlum
reuerberatarum spiritu, cum lucis secundæ portionibus seu scintillis ei inclusis.
Atque hanc eandem quoque esse animalium omnium animam, in semibi
demonstrauimus. Sed nonnullis forsitan absurdum hoc, aut vix probabile videbitur,
quod eadem lux cum tali spiritu cum hæc tanta inter se differentia distent)
fuerit, & hæc animalis origo, quippe quod argueret res eandem à seipsa ita differe
re, & posse. Quibus respondemus, quod non differat anima plantæ ab anima
animalis nisi secundum plus & minus. Rationem autem, cur plantæ minus de
gatur, media, animal vero ubiorem ejus portionem habeat, breuiter hic de
monstramus. Quod plantæ & vegetabilia, e terræ poris exurgunt, tertio crea
tionis die fuerint cum ipsa terra creata, nos docent sacræ Scripturæ: quo qui
bus tempore radii cœlestes non fuerunt in Solem contracti, sed diffusi per uni
uersum spiritum mundanum & præcipue circa spiritum cœlestem dilatati &
concreuerunt. Sed ut secundum vetus illud axioma Philosophorum, *vis unita fortior*
est, & diuisa est debilior. Hinc ergo factum est, ut anima plantæ non esset ad
modum, umbrata, clara atque ad functiones suas præstandas ita efficax, atque
potens, animalium, utpote quæ orta est ex radiis cœlestibus coarctatis, atque
in Solem contractis, & unitis. Namque tertia creationis die ante So
lem creationem lux fuit æqualiter circa terram dispersa & densa atque cr
assior, & visibilis, & ita atque involuta: unde factum est, ut obscura esset, & non
potius, potius pulchritudini comparanda, quàm nubes fulgidæ splendor Soli,
aut ignis dominatus igni comparari potest. Sed postquam omnes cœli radii ad
Solem ipsum sursum è terra cum lucis suæ scintillis exilientem, congregati
essent, mirabiles subito radiorum simul contractorum effectus se mundo pa
rebat, ac primo pisces, deinde volatiles, & denique animalia procreata sunt,
ante terræ secundum solaris dominii incrementum seu prædominationis ejus in
mundum materiam vapores, sursum sese à terra in elementarem regionem ele
uantes & exhalantes, operationem, subinde singulis diebus anima gradatim
potentior & potentior producta & per creationem in lucem edita fuit. Hinc ergo
manifestum est, quod operatio in creaturarum perfectiorum productione luculen
tior, & nobilitior, & per consequens vegetabilium defectus explicatur, uti o
portet, quod in operationem concurrunt soli modo radii lucis dilatati & sp
iritus, & ita quidem, ut nullum Solis, nobilissimæ, & viciatissimæ
animæ, & potentioris alicuius, quæ ex radiis cum spiritu simul contractis producta est,
operatio, & ita in interferat. His igitur iterum iterumque reputatis, percipie

mus, quod vegetabilium spiritus sit grossior & spissior, quam spiritus animalium, quippe cuius radii erant debiliores, quoniam spirituum rarefactio & puritas consistit in multitudine & vigore radiorum lucis, ita ut, qualis est lux, talis etiam videbitur majora ut minor, talis etiam sit spiritus raritas & puritas, talis etiam minor. Sed lux ante Solis creationem erat magis dilatata: Ergo motus etiam de proinde sequitur, quod in plantis animæ portio sit in spiritu grossior & paucior ac tenuior, quam in animalibus. Ob hanc igitur causam, etiam animæ utriusque hujus animati generis ab invicem differant. Quoniam etiam illam differentiam reperimus inter naturam atque essentiam dictarum animarum, cum anima animalium profluens à Sole, solaris naturæ potestatem sibi vendicet, quam supra ex luce & Spiritu tenebris cœli empyreorum tribus constari diximus, & proinde eam rationis esse participem, prædemonstravimus. Anima autem vegetabilium ex spiritu & luce tenebris cœli adheret, seu mediū originem ducens, neque spiritum & lucem habet, neque potentem, neque simpliciter & puritate formæ cum anima animalium dominari potest. Unde fit, ut, cum plantæ tardæ sint in suo motu & terre immixtæ, & que immobiles maneant, videamus, animalia esse levia, subtilia, & quælibet, & huc atque illuc voluntate quadam moveri. Hæc ergo est visio, quæ in illo animatorum generis differentia, hæc in una dignitate, & in alio genere rationis, abiectionis quæ ratio, cum alia sit igne & Spiritu cœlesti ditius, & puritate & humiditate magis dejecta.

C A P. VIII.

Quod anima vitalis ex calido innato & humido radicali componatur, & quod de natura Solis participet; Similiter de cordis pyramidalis figura, & quod sit animæ vitalis palatium; & quomodo hæc anima, mediante Spiritu, per universum corpus dispensetur.

Quoniam tam Philosophi veteres, quam Medicorum principes solummodo diuini & humidi radicalis, ex quibus mixtis vitam oriri dicunt, non tam quærentem facerem mentionem, operæ pretium videtur, ut hoc ipsum calidum, & idem quoque humidum istud breviter declaremus. In secretis naturæ potiores dicere solent, calidum à motu, & motum ab actu seu principii potentia derivari. Nec certè quicquam aliud est calidum, quam motus, & motus quemadmodum nec motus quicquam est aliud, quam lucis visibilis visibilis actio seu actus. Unde manifestum est, quod ubi calidum est, ibi motus iam adsit, & per consequens cum motu lux essentialis, tanquam motus. Unde ergo fit, ut à nonnullis calidum pro motus effectu, aut sola qualitate, aut potius quædam pro ipso motore accipiat. Nam apud Hippocratem repertum est, quod illud mortale, quod calidum appellamus cum omnia sentiunt perturbata, non in rationem involvat, ut, quam veteres æthera vocaverunt. Illi igitur, qui præterea primæ qualitatē, seu accidentem accipiebant Hippocratem, sed propter caliditatem, & immortalitatem prædita, videlicet pro universa luce substantiali, ex qua omnia animalia animatorum portio derivata est, quod calidum innatum appellamus, & quod motu & calido effectu vitæ creaturæ induci nullo modo potest, & quoniam eorum præsentia rationes elementum compositum, & quod

nes obediētes sunt, & quietē retinentur: imò verò, quò major est hujus calidi proportio, eò efficacior & excellentior est vitæ actus, & salubrior totius elementarum compositio. Ex quibus liquet, quòd natura ista nihil aliud sit, quàm radius seu scintilla lucis secundariæ seu æthereæ, immediate cum spiritu æthereo in creaturas infusæ, qui quidem Spiritus est quasi vehiculum, pabulum, passivum & humidum illud, cujus præsentia & interventu calidum & lux (per metonymiam, effectum pro causa accipiendo) vehitur deorsum (quia Spiritus ad Spiritum relationem habet) agit in subiectum benè dispositum. Atque hic spiritus ideo radicalis dicitur, quoniam conjunctus est cum calido in prima creatione: Vel est quasi radix & arbor solarium fructuum; vel est radix atque origo materialis creaturæ, per cujus artus seu membra discurrit. Sic etiam lux vel calidum illud dici potest innatum, quatenus est primus terminus & punctum, à quo movetur ad generationem; Vel dicitur innatum, quasi connatum cum humido illo naturali, quod Spiritus est æthereus, in quo vivit, atque vitam tribuit creaturæ, cui inest. Quibus opinione reputatis, percipiemus, hoc calidum innatum in sub humido radicali nihil aliud esse, quàm illam quintam elementariam, per cujus consonantiam in Diapente, dissonantia quaternarii, qui est numerus par atque imperfectus, ad concordem pacem reducitur. Mira ergo de hujus quintæ essentia virtute & potestate tradiderunt Philosophi, tam Theorici, quàm in Chymia praxi versati. Namque videntur agnoscere, eam nihil aliud esse, quàm unionem Spiritus ætherei cum lucida ejus anima: quare asseveranter dixerunt, quintam rei essentiam esse eideam, quod est anima illa vitalis, quam ex sphaera media ætheris (quam sphaeram æqualitatis vocaverunt, & in quam animam mundi posuerunt) emanare affirmarunt. Nam etsi rustici & reiliterae prorsus ignorarunt & experientia deprehenderunt, plantas & arbores quotannis revirescere, & denuò veluti juvenescere, atque ejus ubertate, tanquam à fonte glorioso, luminis visibilis multiplicationem habere. Porro etiam Philosophorum sagaciorum sententia est, Solem & hominem procreare hominem. Ex his igitur evidens est, quòd vitæ creaturarum sint de essentia Solis & ejus quasi feminaria ab ejus fonte perenni deorsum emissâ. Hinc dixerunt nonnulli, quòd cœlum sit quasi mundi universi pars mascula; terra verò & ejus elementa pars feminea; imò verò, quòd terra sit matrix universalis, in se recipiens aurea cœli & Solis femina, quæ in materis utero per digestionem in creaturas innumerabiles cujuslibet speciei transeant. Sed jam, quid ego per experientiam circa ea in creaturæ vegetabilis anatomia invenerim, dicam. Ejus profectò animam vitalem subtilissima inquisitione inveni, in qua verissimam animæ in Spiritu suo natantis iconem atque imaginem deprehendi; cujus certè intuitu, Solis celestis compositionem in materia & forma percepi: Crystallinam enim figuram immobilem adinveni, radiis lucis repletissimam; qui quidem radii huc atque illuc per illud medium extendi videbantur. Hæc quidem materia mobilis ignis appositione subito liquecebat, & instar sanguinis efficiebatur, atque subito deinde in pristinam suam formam immobilem, instar cristalli undique radiis aureis decorati redigebatur. Hinc evidenter observavi, quid esset vegetabilis illius Spiritus, quid lux, quid calidum innatum, quid humidum radicale, quid agens & quid patiens, ac quid denique ejus anima vitalis, quid quinta essentia, & quid vinculum elementorum, ea in concordia pace ad invicem colligans; Videretiam satis apertè, quòd indumentum atque vehiculum illic esset Spiritus: Unde oculis intellectus talibus percepi, quòd eadem rationem mentis divinæ indumentum sit anima, quæ Spiritus est indumentum animæ. Cognitis igitur jam, quid sit anima, quid Spiritus, quid calidum innatum, & quid humidum radicale, quidque vinculum elementorum in corpore, inquiramus tandem, quomodo

anima hæc tota in totum, & in quamlibet corporis partem infundatur, & quoniam sit præcipua hujus animæ sedes in corpore humano: Sic enim dicitur Dei solium esse in cælo, cum tamen sua præsentia ubique adsit, vel potius (necesse est divina terrenis comparemus) videmus, solare corpus esse in cæli corde, & tamen ejus radii atque præsentia per ætherem ubique reperiuntur. Cognoscimus igitur diligenti inquisitione, quod animæ vitalis sedes præcipua non minus sit in corde, quod est in medietate medię regionis Microcosmicę situm, quàm Solis sedes est in medio cæli. Hujus vitæ palatii figuram & positionem, si rectè consideraverimus, percipiemus, illam ad effigiem & similitudinem ac situm pyramidis mundi formalis à creatione ordinatam ac dispositam esse, cum ejus basis sursum tendat, ejus verò conus deorsum. Quo innotescere videtur, quod hoc organum corporeum, sit instrumentum maximè circa formam vitalem occupatum: quippe cujus figuram pyramidalem procul dubio nobis delineaverunt radii vitales, quorum natura est deorsum versus terram radios suos ejaculari. Inest ergo hic vivificus Spiritus cum regia sua luce in corde, tanquam in sphaera sua propria. Unde radios suos, qui sunt essentię ejus connexę, per universum corpus non aliter dispergit, quàm Sol è sua sphaera media in cælo ad partes infinitas, & remotissime distitas suos radios emittere & ejaculari solet. Cur ergo per venas in massam vel mare sanguineum, & undas corporis æthereas, tandemque per artus & partes solidiores, non aliter, quàm radii Solis per elementa in mare æthereum & aqueum, ut tandem terrā & ejus membra densa reficiant. Atque hinc est, quod sacris Litteris docemur, sanguinem esse animarum quasi vestem & receptaculum. Quomodo autem id fiat, à Philosophis divinis succinctè demonstratur. Anima per medium suum deorsum vecta, infunditur primò in puncto cordis medium, quod est centrum corporis humani, & exinde per universas corporis partes membraque diffunditur, quando currum suum naturali jungit calori, per calorem Spiritui ex corde orto, per hunc immergit humoribus, per illos in hæret membris, atque his omnibus æquè sit proxima, licet per aliud in aliud transfundatur, quemadmodum calor ignis aëri & aquę inbæret proximè, licet per aërem deferatur ad aquam. Ita patet, quod immortalis animæ æthereum vehiculum corpore claudatur crassiore & mortali. Similiter dicit *Merc Trismeg. Spiritus in venas & arterias sanguinemque diffusus animal undique ciet, mollemque corporis suspensam tenet atque circumfert anima in spiritu, ratio in anima & mens in ratione.* Quibus quidem verbis peroptimè nos docet, quomodo omnes hominis interni particule, mediante Spiritu, per universum corpus humanum dispensentur. Non tamen in hoc ei ullo modo ad stipulari possumus, quod mens, aut ratio, aut anima vitalis in omnia corporis membra per Spiritum transferantur, atque æqualibus portionibus ubique in suis essentis adsint. Sed dicimus, mentem in rationali Spiritu superiorem Microcosmi regionem inhabitare, tanquam locum digniorem; & animam possidere regionem ejus mediam, tanquam sedem suam connaturalem. Sed tamen dicimus, hæc ita se habere ibi in regionibus suis, ut Deus in cælo supremo & Sol in medio. Nam Deus in cælo sedens radios suę præsentię in omnes mudi partes mittit, juxta illud *Sapientia Sap. 1 Spiritus Domini replevit orbem terrarum.* Et *Jerem. Fecit cælum suum solum & terram scabellum pedum suorum.* Sic etiam mens humana, à divina stirpe derivata, radios suę præsentię per nervos, tanquam per media in inferiora corporis ubique dispergit, ipsa tamen in Microcosmi cacumine supra Spiritum intellectualem, tanquam ventorum alis vecta, constanter sedet. Similiter ut Sol, positionem in cæli corde possidens, formam inferioribus suis radiis communicat, & ubique per elementa sua virtute, lumine essentiali & influxu diffundi dicitur, sic etiam animæ essentia, in corde humano constanter sedens, radios suos vitæ in omnes hominis

hominis partes, tam solidas quàm fluidas, dispergere cognoscitur, ipsa tamē in corda manēre, non minùs, quàm Solis essentia in cœli medietate seu corpore solari, quod cordon inepitè refertur. Spiritus igitur aëreus, corpori familiarissimus per universa ejus membra in formam sanguinis & humoris influit atque perfunditur, secumque fert vestigia Spiritus ætherei, in cujus rivulis radii lucis ætherei seu radii naturæ feruntur, in quibus intellectus & rationalis Spiritus, quasi atomi nonnulli, vel potiùs habitus insensibiles ab alto emittuntur, super quibus & in quibus Spiritus Domini & tenuissimi ipsius mentis radii immediatè natare percipiuntur. Sic ex fonte quodam, in quo habetur vel croci massa, vel sanguinis congeries, vel pannus etiam recenter in atramentum intinctus, videmus rivulum totum ab eo egredientem tingi, cum tamen principium tingens in ipso fonte semper requiescat. Hinc igitur quodlibet corporis membrum, ratione viam monstrante, juxta mentis præstitutum ad bonum vel ad utile movetur. Hinc etiam fit, ut quodlibet membrum ratione radiorum animæ vitalis, moveatur tam secundum rationalis Spiritus directionem, motu videlicet voluntario, quàm secundum vitæ facultates motu involuntario. Movet n. anima media artus & mēbra hominis ad vitā, gubernatq; ratio illum motum, ut ad mentis instituta fiat, nisi anima illa, animæ naturali subdita, cursu irrationali cum brutis moveatur. Fit ergo lux media motor in animato primus, ejusque Spiritus seu vehiculum, illud, quod in primis movetur; cujus denique motu exagitur atque impellitur corpus ad functiones suas perficiendas. Nam hujus rei demonstrationem evidentissimam ab inferiori luce contracta seu igne communi cum aëre desumere non erit impossibile; cum præsentia ignis videamus aërem externum moveri, & huc atque illuc duci juxta ignis seu vitæ illius motum. Hinc etiam percipimus, imagines in charta depictas simul cum ipsa charta, virtute candelæ illuminatæ, circumduci, quemadmodum infra dicemus, ubi lux candelæ motum excitat, motus autem aërem commovet, & aër motu ac agitatione sua corpoream chartæ & imaginum dimensionem circumducit.

C A P. IX.

Quod anima sit quasi lucis cœlestis scintilla; quod pabulo sibi proprio nutriatur; Et de ratione, cur anima lucida aëre recenti destituta præfocetur.

ANimam cujuslibet creaturæ esse, quasi lucis infinitæ per spiritum universum expansæ, scintillam, multis observationibus, respectuque consideratione dignissimo docemur. Nam si diligenti attentione primi hujus voluminis tractatum pervolutaveritis, demonstrationibus fide dignis deprehendetur, quod cœlum empyreum sic se habeat ad æthereum, ut hoc se habet ad cœlum inferum & elementare. Quibus ignem istum elementarem, quem artificialem vocant, simili modo atque eadem ferè proportionem in aëre suo medio movere probavimus actusque suos præstare, quo ignis ille cœlestis & solaris in suo vehiculo æthereo movet; itidemque etiam æthereum in suo spiritu operationes producere similes operationibus ignis seu lucis supercœlestis primo die creatæ in ipsius spiritu. Quod quidem inde evenit, quod ignis noster communis ab æthereo & æthereus ab empyreo immediatè derivatur. Hanc tamen differentiationem inter unius & alterius actus invenimus, quod ignis empyreus multo magis imperet, quàm ignis æthereus, quoniam istius spiritus quodammodo pa-

tiens, totaliter quasi igneus & propter suæ proportionis exiguitatem & subtilitatem tenuitatem, formalis redditur. Unde fit, ut ultra humanæ imaginationis, rationem formæ suæ obediens efficiatur. At verò ignis æthereus, quia cum æquali spiritus portione jungitur magis in suis operationibus seu actu perfectus illius resistentiam impeditur: atque hinc accidit, ut hæc lux suum spiritum tanto imperio non gubernet, quanto lux illa cœli supremi: Infima denique lucis portio propter materiæ ibi residentis multitudinem fortissimè impeditur, & per materiæ spissitudinem ac resistentiam coarctatur; quemadmodum in *Tract. 1. volum. 1. cap. De igne artificiali*, luculenter expressum reperietis. Hinc igitur manifestum est, eandem esse motus rationem in igne infimo, quæ est in medio, & eandem in medio, quæ est in supremo. Actus verò inferior propter materiam resistentis copiam & abundantiam magis retunditur, quàm actus cœlestis, & iterum etiam cœlestis ille eandem ob causam magis reprimatur, quàm supercœlestis. Concludimus itaque, quod liceat nobis per experimenta in hac regione infima à mutuis ignis & aëris actionibus desumpta, indagare mysteria superiora, & mutuas cœlorum operationes quodammodò persentiscere. Hinc igitur elicimus, quòd cum ignis vulgaris, veluti scintilla seu flamma candelæ accensæ potestatem habeat aërem ambientem tali modo exagitantem, ut machinam ex charta confectam, qualis in qualibet ferè tonforis officina nocturno tempore conspicitur, circumducatur atque moveatur, non sit dubium, quin etiam scintilla lucis cœlestis seu calido innato suum spiritum æthereum seu humidum radicale movente, machina particularis microcosmica huc atq; illuc deducatur; idque virtute spiritus moti, aëremque internum suo motu provocetur. Experimentum sequitur, atque etiam secundum rationem *Heroni Alexand.* descriptum habemus exemplum simile in sequenti Fig. 1.

Hero Alexand. Prop. 71.

Si in ara aliqua accendatur ignis, animalia choream ducere videbuntur. Etenim ara perfumica vel transparentes erunt, sive vitrea sive cornea. Demonstratio est talis ut Figura 2. apparet.

Probat

fig. 1.



fig. 2.



Probat^{ur} etiam, hunc ignem inferiorem affinitate proximum esse igni celesti, & vel eo solo, quod sua virtute in debita proportionē solis ova excludere & pullos producere, æquē feliciter, atque calor gallinæ naturalis à superiori^{us} derivatus. Namq; hoc experimentum non modò in Africæ partibus, sed etiam in ipsa Europa compertū & manifestatū fuit, ac diebus hīcē nostris cōprobatū; videlicet, quod pulli fornacis temperatē calidæ beneficio è conchis seu corticibus propriis educti, & in lucem editi sint, qui tamen secundū naturæ consuetudinem vixerunt. Similiter in hypocausto calefacto flores & virgulta nondum pullulantiā de subito virtute caloris ignei efflorescere, & interiora sua protrudere percipimus. Sed, ut ad ignem cœlestem jam ascendamus, nōne dicimus, Solem & hominem procreare hominem? Ubi per Solem tota cœli substantia ignea accipitur, ex cuius scintilla cum hominis specificatione homo generatur. Nōne etiam videmus, quòd vermes terræ, ex terra corpora sua, & ex regione ætherea formam seu animam, qua vivunt, accipiant? Unde ipsos per putrefactionem generari volunt Philosophi. Hæc etiam erat *Pœta* sententia in *Pythonis* serpentis generatione ex radiis Solis & limo terræ, post diluvium cum modico humilitatis aquæ commixtis. Simili experientia etiam nosmeripii edocti sumus, totam corvi alicujus mortui substantiam in loco Soli exposito seu aprico suspirantem vivificā Solis virtute in vermes innumeros, & quidem spatio paucorum dierum fuisse conversum. Apud nonnullos etiam autores legimus, apes ex capite bovino, cœlesti calore operante, in magna copia prodierisse; quæ certē animas suas non ex re mortua, sed à cœlestibus radiis habuerunt. Anne etiam multum inferior est hoc igne, calor ille fimi equini, cuius virtute pilisæ pisicæ in vermes & angues convertuntur? Cujus generis animalia ego hīcē meis confexi oculis. Quid etiam de illo monstro censendum putabimus, quòd *Dracronis* formam præ se ferens, in spelunca quadam, aquas putridas & foeculentas, cum sanguine animalium è culina cujusdam nobilis Anglici per canalem eò defluentes, recipiente repertum fuit. Id sanè, quòd animam suam procul dubio à luci putredine calore plena, corporis verò substantiam à materia putrida & quasi menstruosā ad exemplum illius *Pythonis* accepit. *Didorus Siculus* etiam narrat, quòd post Nili inundationem, cum aqua ferè exsiccata fuerat, & terra media luti formam, aridior jam facta, à Sole acquisiverat, multæ bestię fuerant quasi de novo creatæ, inter quas nonnullas radit secundū medietatem solam creatas, alias verò completa forma inventas fuisse. Quibus omnibus exemplis manifestum est, animas vitales, corporibus viventibus aptas, aliud non esse, quàm radios quasi & scintillas cœlestes ab universi fonte lucido derivatas, quas naturæ ætus suprā nominavimus. Cū itaque res ita se habeat in duobus his cœlis inferioribus, quidni etiam proveniant ratio & intellectus ab universo illo fonte lucis supercœlestis, cuius sunt radii, cū sint ætus istius Creatoris; quos radios supercœlestes & divinos nō modò dixerunt Philosophi, sed etiam Theologiz peritiores? Hic autem in memoriam nobis venit dubium aliquod resolutione non indignum, videlicet: *An anima pabulo aliquo nutriatur necne?* Certum est, quod anima non minùs requirat ad suam præsentiam pabulum suum proprium, quàm alia in natura opus habent suo alimento: id sanè quod multis argumentis potest demonstrari. Nam corporis cujuslibet actionem ab anima provenire videmus: At verò tota ejus operatio versatur circa nutrimentum, videlicet in cibi appetentia, ejusdemque præparatione, attractione ad ventriculum, retentione, sanguificatione & cæteris consimilibus. Quare videtur anima vitalis tam ad suipsius, quàm ad suæ machinæ sustentationem alimentum requirere. Deinde experientia docemur, quòd, si aëris pabulum à corde propter defectum inspirationis per unicam horæ quartam avertatur, protinus ipsa quasi

animæ

animæ lux extinguatur & moriatur. Observamus etiam, quòd ignis requirat
 aëris præsentiam, tanquam suæ vitæ pabulum. Nam si ignis ardens in loco mu-
 nis circumdato occludatur, ita ut aër illuc ingredi nequeat, subito extinguitur,
 & quasi interficietur: Unde certum est, quod ignis inferioris pabulum sit aër, &
 quod ignis ætherei nutrimentum, sit Spiritus æthereus. Sed quid hoc? Anne
 igitur morietur anima vitalis? Certè quoad nos, moritur, &, quoad nos alimen-
 tum requirit, cum tamen, si oculis intellectualibus lucus naturam confidere-
 mus, eam neque pabulum requirere, neque emori constet. Nam, quamvis a-
 nima & lux atque ignis æreum sibi fomitem appetere videatur, non tamen hoc
 facit necessitate cibi, ac si vivere sine eo non posset; sed ut passivum ea ratione
 adipiscatur, in quod, tanquam in subiectum benè dispositum, agat. Nam im-
 possibile est, ut lux, quæ est merus actus, subsistat, nisi in aliquod subiectum agat:
 semper nam agit, nec secundum plus vel minus in aliquod subiectum agere desinit.
 Non tamen eò spectant actionis ejus effectus, ut seipsam nutriet, sed ut subje-
 ctum in patiens primum calefaciat, & per calorem suum attenuet, atque subti-
 liet, atque ut tandem illud subtiliatum exaltet, & ex re corporea spiritualem fa-
 ciat. Hinc igitur videmus, quod cum aliud pabulum sufficiens invenire non
 potest, in quod agat, proprium suum tabernaculum consumat; quemadmodò
 in tabidia videmus: Unde certum est, eam non operari propter se, sed propter
 materiam tum spiritualement, tum materialem, cum quibus habitat. At verò hu-
 midum illud innatum, & connatum ei, est ipsi conveniens, & in perpetuum cum
 ipsa durabile, estque quasi *Psyche* cum *Cupidine* in completo amore conjuncta.
 Et quamvis ignis, combusto ligno, aut excluso aëre subito videatur præfocari,
 non tamen moritur, sed propter deficientem aëris spissioris successionem dissi-
 patur per aërem aut inclusum aut apertum, atque ita invisibilis rursus, uti antea
 fuit, efficitur. Nam universus aër igne invisibili impletur; qui quidem ideò in-
 visibilis est, quoniam per medium est dispersus atque rarefactus. Videtur igitur
 ignis extinguì & exanimari, cum ad suam naturam invisibilem revertitur: liqui-
 dem ea, quæ in corpore & materia videmus, aliter & contrario modo se habent
 in anima. Nam corpus, quò magis senescit, eò magis debilitatur, dum è con-
 verso anima, quo diutius in corpore vivit, eò magis juvenescit, atque scientia,
 consilio & prudentia ditescit: sic etiam corporis pondus est in gravitate, animæ
 verò in levitate & subtilitate; utpote in quarum gradibus consistit ejus perfe-
 ctio. Atque sic in cæteris. Constat igitur, quomodò anima suum pabulum
 requirat, & quomodò tum mori & extingui putetur,
 cum reverà regeneratur & liberatur
 à corporis angustis



TRACTATUS PRIMI, SECTIONIS I.

LIBER IX.

De animæ sensitivæ actu in corpore.

C A P. I.

*De anima sensitivæ seu animalis vel portionis inferioris
hominis interni proprietatibus in corpore
humano.*

QUAMVIS anima media ex natura sua sit conditionis liberrimæ, atque infinitæ dignitatis, scientiæ, pulchritudinis & perfectionis; tamen, quatenus cum mente, quam secum portat sub una specie comprehenditur, & caduco corpore nimium obumbratur, eateus deprimitur, & contra suam naturam ad inferiora contemplanda, tanquam oculis destituta spiritualibus, pronæ efficitur. Atque hinc est, quod à sensu contra suam naturam ducitur, & deorsum contra illam naturam suam prospiciendo ad contemplandas & admirandas res viles ac abjectas proclivis redditur, quoniam dispositio ejus naturalis, quando libera est à corpore, ipsam, juxta flammæ igneæ naturam, sursum tendere atque superiora intueri monet. Habet ergo anima media corpori inclusa duos ductores, quorum superior atque dignior eam allicit ad bonum, & ut meditationes cœlestes tractet, hortatur. Inferior verò ad res malas & viles atque ad effectus tenebrarum amplectendos eam sollicitat; ita, ut anima hæc videatur in medio duorum extremorum, conditione & dispositione differentium collocari, secundum illud Porphyrii in Occas. *Anima media est inter essentiam individuam, quæ est intellectus, & essentiam in vera corpora divisibilem.* Qualitates autem, materialesque formæ secundum corpora sunt divisibiles. Hujus etiam infimæ in homine interno portionis cum media conjunctionem miserabilem sic describit Proclus: *Anima in corpus descensus se junxit, quidem illam à divinis animis, à quibus intelligentia, & potestate, puritateque implebatur, conjunxit verò generationi & naturæ materialibus rebus, à quibus errore, oblivione & ignorantia imbuta est. Nam anima descendenti adnata sunt ex mundo multiformes viti, vestesque variæ, trahentes quidem ipsam in compositionem caducam, obliantes autem contemplationi separatorem. Jamblicum etiam in mysteriis hoc idem asseverare videtur: Anima, inquit ille, humana à corpore*

corpore caduco comprehensa atque obumbrata est; quare nullum habes ad divina operapotentiam efficacem. Si quando verò videmur tale aliquid quodammodo posse ad solum agimus, illustratione divina de super influente; per quam & actionis divina videmur esse participes. Similiter alibi: Anima, quæ deorsum labitur, trahens secum signa vinculorum atque pænarum, materialium spirituum onere se gravatam ostendit,urbationibusq; materia dissimilibus occupatam. Ex his ergo Philosophorum assertionibus evidens est, quod corpus humanum, ejusque spiritus connaturalis quem supra nuncupavimus animæ idolum, animam naturalem, elementati potentiam elementarem, corporisq; reëtricem, sensuum originem, perquam anima in hoc corpore vires explicat sentiendi, sentitque corporalia per corpus, movetque corpus per locum, regit in loco, alitque in corpore corpus; animam sensitivam & cum D. Paulo hominem animale[m] sit causa erroris, peccati & concupiscentiæ in anima media, & quòd in tenebris ac ignorantia submergatur. Nam hæc hominis interni portio ducit hominem ad pessima: De qua loquendo D. Paulus, Video, inquit, aliam legem in membris meis, capivantem me in lege peccati. Huic ergo idolo, inquit Plotinus, si anima, mentem negligendo, adhæreas, depravatur & demeretur, donec efficiatur malus Damon. De hac inima hominis interni portione, ejusque dispositione & natura cum sufficienter in præmissis locuti simus, breviter tantum hoc loco & veluti pertranscursum agemus.

C A P. II.

Qua ratione anima media ad inferiora alliciatur, ita ut superiora negligere soleat.

CUM anima humana in se sit rationalis, concupiscibilis & irascibilis, per concupiscibile[m] qualitatem subiecta est affectibus appetendi vel amandi aliquid, Et proinde sciendū est, quòd, sicuti multa sunt appetitus & amoris objecta, sic etiam reperiuntur illa non in una tantum mundi regione, sed in omnibus, & quod per consequens alia eorum magis alliciant ad Deum, alia ad mundum, & alia ad idolum: Nam objecta voluptatum & appetituum in regione grossa & terrena Deo animum avocant, & ad vitia eum convertunt. Amor ergo sensuatus est carnis appetitus implere, & hominis externaturæ se subijcere. Namque ut ex duobus substantiis consistit homo, videlicet anima cum ratione, & carne cum sensibus ejus, hoc est, anima & corpore, sic etiam est amor alius particularis corporis seu carni, & alius animæ rationali proprius & peculiaris. Quare, si anima attrahatur deorsum voluptate sensuum, qui sunt ex carne, submergitur in terrenis. At verò vice versa, si virtute rationis illuminatur sursum attollatur, lucem mortali clarificatur. Præcipua igitur amoris elementaris vis in regione inferiori microcosmi reperitur, videlicet in vasis seminariis, cum impetu luxurioso, vel voluptate coitus, quæ hominum animæ more brutorum præcipites feruntur. Atque sanè, respectu hujus appetitus & objecti ejus, quid interest, obsecro, inter hominem & brutum, quum utriusque appetitus vis ad vasa seminaria referatur, in quibus amoris carnalis voluptas reconditur? Hinc ergo fit, ut locus istius objecti in infimæ regionis base ponatur, quòd innotescat nobis, hujusmodi amorem nihil aliud esse, quàm concupiscentiam terrestrem, brutalem atque animæ cælesti ad terrena seduëtricem. Et certè per pauci sunt homines, qui alium amorem præter istum, cujus comites gula, pigritia & hujusmodi alia, cognoscunt. At verò ipsa anima à carnis umbraculo libera præstantiorem in medio novit amorem, ac castum & virgineum, ubi ejus concupiscentiæ effectus magis

magis clari sunt, atque simplices & trutinis Astræ justis librati, quippe quæ hoc in loco cum castissima Psyche in simplici matrimonio conjungitur, & circa castam ac puram mundi vitam versatur. Sic etiam in secunda homini regione gaudium, lætitiâ, spem, misericordiam & alios hujusmodi pios atque castos filios generat. Imò verò cum concupiscibilis in animæ proprietatis ratione videnter, fortiter & justè instituitur, tùm accipit à Spiritu illuminationis donum, cujus effectus in quatuor castissimas exurgit filias, patria supercoelesti natus, quas virtutes Cardinales vocant, videlicet prudentiam, temperantiam, fortitudinem atque justitiam; quæ quasi origines & cardines sunt omnium virtutum. Nec quidem hoc præstat sola concupiscibilis animæ proprietatis, videlicet amor per se, sed cum irascibili conjuncta, quæ est odium: Nam per odium mundus sui proficit in amore Dei & proximi, per contemptum temporalium & inferiorum crescit desiderium æternorum & supernorum. Non est igitur in obsequio concupiscentiæ inferioris ulla via conducent ad superiora, sed potius ejusmodi obstaculum; neque profectò liberi carnales sunt alii, quàm mundi & plane ad ulterius respectu illorum coelestium, quos producere debent homines, ut ad Deum transeant. Horum autem filiorum, tam spuriorum seu adulterinorum, quàm casta generatione ortorum, mentionem egregiam fecit cap. 3. sapiens. Ut etiam respectu generationis carnalis, ibi dicitur, quòd *felix sit sterili & non concupinata, quæ nescit thorum in delicto, habebit fructum in respectu animarum salutarum*, id est, liberis spiritualibus fruatur. *Et spado qui non operatus est per manus iniquitatem, &c.* Dabitur enim illi fidei donum electum & foris in templo Dei acceptum. Similiter Sap. cap. 4. *O quàm pulchra casta generatio cum charitate, immortalis est, & memoria illius, quoniam apud Deum nota est, & apud homines.* Hinc igitur sancti præteritorum seculorum, ut castè & sine carnali appetitu viverent, antestram duxerunt vitam, quòd objecti seminalis incrementum diminuerent, & concupiscentiæ mundanæ prædominarentur, quoniam observaverunt, quòd ad luxuriosum & coitus impulsu, castæ eorum cogitationes inquinarentur, atque animæ operationes circa Deum occupatæ à cælo ad inferiora sensibilibus tantis illecebris avocarentur: Imò quidem de pravo hujus appetitus effectu quererebatur ipse Apostolus Paulus, dicens: *Videò aliam legem in membris meis, contrariam legem me in lege peccati.* Concupiscibilis ergo proprietas regionis inferioris ducit hominem ad pessima. Hinc enim ita legitur 1. Joh. 2. *Mundus diligeni non habet charitatem patris in se, quoniam omne, quod est in mundo concupiscentia carnis est, & concupiscentia oculorum, ac superbia.* Et ibid. cap. 3. *Quæ mundus non novit filios Dei, quia filii Dei non noverunt mundum.* Et certè credo ego, futurum, ut quasi sancti nomen promeretur, & miraculosas operationes perficeret, si quis, tentationes carnales constanter superando, semen suum in vitiis propriis, intactum continuaret. Nam quotannis multiplicaretur ejusmodi semen, quòd abque sui emissionem in tantam lucis copiam excresceret, ut unum verumque seminis illius tabernaculum obscurum illuminaret, corporisque malam vitam transfigurando eam, alis igneis sursum elevaret. Sed huic virtuti duplex est obstaculum; quorum unum est pollutio sive inquinatio seminis, contracta in mixtionibus, quippe quam non amat lux divina, quatenus circa mundum versatur. Atque alterum est immensum illud dominium, quòd caro habet cum sensibus in compositione humana, animam quotidie noctesque dies, & sollicitas ad appetitus sui complementum, ita ut neminem ferè ex matre naturam putem, qui semen suum intactum sibi ipsi ita conservaverit, ut aliis ejusmodi semen non tradiderit. At si talis aliquis reperiat, ille profectò, uti ex mirabilibus tam in prophetia, quàm in morborum curatione, & in vitæ suæ prolongatione propter multas rationes, quas omnes hoc loco recitare fortè superfluum foret, præstare poterit. &c.

C A P. III.

Quomodo anima à sensu carnali obfusctetur, & suis sensibus obliviscatur: Et quæ ratione, tùm ipsa per vitia seu sensuales in naturam corporis transeat; tùm etiam è converso caro per virtutem in naturam spiritus migrare soleat. Similiter de virtutibus anima in genere atque de sensibus.

Quemadmodum anima hæc media, menti adhærens, seu radiis sapientiæ illuminata, suum principium respicit, summumque bonum contemplatur atque seipsam cognoscit; ita quoque mentis radiis, divinaque illuminatione destituta passionibus corporeis confopitur & per sensibiles formas extra se abducitur eaque extra se quærit, quæ in seipsa potest invenire, imò verò obliviscitur omnino quid sit, vel quid fuerit, & quod nihil aliud se fuisse meminit, nihil, præterquam quod videtur, esse credit: solo sensu circa corpora & imaginatione circa corporum & locorum similitudines versatur, & in eis sive vigilando, sive dormiendo exercetur. Absentia ergo radiorum mentis est causa tantæ amicitie inter corpus & animam; secundum quam amicitiam nemo carnem suam odio habet. Nam licet carnis seu corporis societate prægravetur, secundum illud Sapientis: *Corpus, quod corrumpitur, aggravat animam, & terrena habitatio deprimis sensum multo cogitantem*, &c. attamen ineffabili modo diligit illud, amatque carcerem suum; & ideo libera esse non potest, sed doloribus eis vehementer afficitur; formidat interitum, quæ mori non potest; timet defectum, quæ per naturam non potest deficere, oculorum speculatione pascitur, sonoris delectatur vocibus, suavisimis gaudet odoribus, & larga epulatione reficitur. Et, licet his rebus nullatenus utatur ipsa; gravi tamen moerore affligitur, si illæ subtrahantur. Hinc etiam nonnunquam surripunt vitia rationi contraria, dum anima oblectamentis corporis largius indulgendo noscitur locum præbere peccato. Modus autem, quo id fit, est huiusmodi: per sensus progreditur anima ad corpus movendum & vivendum: novem quoque foramina sunt in humano corpore, quibus secundum naturalem contemperantiam influit & effluit omne, quo idem corpus vegetatur & regitur: Sunt etiam utriusque quædam similia; corporis scilicet, supremum, & spiritus, infimum, in quibus, licet sine personali naturarum confusione, attamen unione facile conjungi possunt: Similia enim similibus gaudent, itaque anima, quæ spiritus est, & caro, quæ verè corpus est, in suis extremitatibus facile & convenienter uniuntur. In phantastico animæ quidem corpus non est, sed simile corpori, ut in harmonia sequenti dicitur, nec in sensualitate carnis, quæ ferè spiritus est & sine anima fieri non potest. Sicut autem supremum animæ, nimirum intelligentia sive mens gerit imaginationem sui superioris, id est, dei; unde & suscipere eum potuit, & ad unionem personalem, quando voluit, absque ulla naturæ diminutione suscepit; ita simili modo supremum carnis, id est, sensualitas animæ gerit similitudinem, & ad personalem unionem, ejus essentiam suscipere valet. Nec illud mirum est, cum etiam in sensu & memoria pecudis sit quædam immutatio rationabilitatis, & in ejus appetitu immutatio voluntatis, atque in his, quæ refugit immutatio reprobationis: spiritus enim corporeus, qui verè est corpus, sensu naturali inter multa discernit, & vi concupiscibilitatis eligit, & vi irascibilitatis reprobat. Constat igitur ex his, quod convenientissima hæc sint media carnis & animæ, videlicet sensualitas carnis, quæ ignis est, & phantasticum spiritus, quod igneus

vigordicitur. Hinc, inquam, fit mira ista societas, quæ est inter carnem & animam, inter spiritum vitæ & limen terræ. Cum autem anima, tenens suum rationale, & sine carne, sit rationalis, concupiscibilis & irascibilis, sequitur, quod per rationabilitatem habilis sit & idonea, ut illuminetur ad veritatem cognoscendam infra se, & supra se, & in se, & juxta se. Nam ita cognoscit Deum supra se, seipsam in se, Angelum juxta se, & quicquid celi ambitu continetur infra se. Similiter per concupiscibilitatem & irascibilitatem habilis est ad affectus aliquid appetendi vel fugiendi, amandi vel odii habendi. Et proinde de rationabilitate omnis sensus animæ oritur, quemadmodum de duobus aliis omnes affectus, videlicet de concupiscibilitate gaudium & spes, & de irascibilitate dolor & metus oriuntur: qui quidem quatuor affectus animæ sunt omnium tum vitiatorum, tum virtutum quasi principia quædam & communis materia. Atque mirum videtur haud exiguum, quod idem animæ affectus prolem atque filios naturæ contrarios producere queat, quales sunt vitia & virtutes, cum *virtus desinatur habitus mentis bene compositæ; vitium autem est converso, habitus animæ male dispositæ, & tenebris obruta.* Sed, ni fallor, eadem est differentia inter rationem illuminatam & obscuram seu tenebrosam, quæ est inter virtutem & vitium. Nam ratio illuminatione carens prompta est, ut in tenebris & errore versetur, atque vitia cujusque generis producat; cum tamen eadem ratio illuminata ab intelligentia gubernetur, & in viam veritatis dirigatur. Atque hoc est illud, quod insuper diximus, videlicet, quod Spiritus menti adhærens virtutes producat, mentis verò radiis destituta, vitia & errores generet, aut sibi contrahat. Hinc, inquam, est, quod animæ rationalis illuminatione carentis, vis concupiscibilis gaudium carnale & voluptates mundanas parit; quatenus scilicet impudentiam, gulam, ventris illecebras, segnitiam, ambitionem, avaritiam, vanam, gloriam & infinita alia hujusmodi vitia gignere, & tanquam effectus producere solet. Sic etiam ejus vis irascibilis rabiem, furorem, iram belluinam, rixas, bellum, odium injustum, injuriam, timorem, pudorem, audaciam & pusillanimitatem, prodicionem, dissimulationem, falsitatem seu mendacium, atque innumera alia illius naturæ generare atque proferre animadvertitur. Cum tamen vice versa, si anima rationalis à mente illuminetur, ejus vires (concupiscibilis nempe & irascibilis) fructus contrariæ naturæ producant; videlicet virtutes, quæ habitus sunt mentis bene compositæ: nam in mentis lumine componimus, instituimus & ordinamus animæ affectus ad id, quod spectare debent, & quomodo debent, ut virtutes perficere possint: Unde fit, ut sine tali lumine prædicti animæ affectus in vitia facillimè dilabantur. Cum ergo adfuerit splendor sanctus animabus nostris, tum prudenter, modeste, fortiter & iuste amores ac odia nostra instituuntur, atque in virtutes illas quatuor insurgunt originales seu cardinales, scilicet in prudentiam, fortitudinem, iustitiam & temperantiam. Similiter per odium mundi & nostri proficimus in amore Dei & proximi; per contemptum temporalium & inferiorum crescimus in desiderio æternorum & superiorum. Ex his igitur videmus, quod, ut anima sua præsentia corpus seu carnem vivificat, sic quoque ipsa per hujusmodi virtutem vivificam ita sit corpori isti colligata, ut nec, cum vult, possit seipsam inde segregare, nec etiam, cum vocem Creatoris audit, inibi retineri. In vita equidem animæ consistit vita corporis, & de morte corporis descendit mors animæ. Sicut enim anima viventem facit carnem vitam suam, & de fonte naturæ suæ irrigat eam animando, sic caro per corruptelam materię suæ occidit animam, si cupiditatibus illicitis eam illigaverit. Et, cum altera innitatur naturæ alterius, transit unaquæque in viciniam naturam: ita ut aut carnem spiritualem reddat anima suis virtutibus, aut etiam animam efficiat carnalem vitætrix caro. Anima ergo menti adhærens, contem-

maendo

mnendo carnis sensuumque illecebras, victrix dicitur. At verò si ea, menti obedi-
entiam minimè præstando, blanditiarum & præstigiis carnis ac animæ a-
nimalis toxicum hauriat, atque exinde per istas carnis & concupiscentiæ blan-
ditias deorsum ad res viles & terrestres admirandas ac contemplandas impel-
latur & pelliciat, victrix trophæum sibi vindicat caro. Anima tamen de mor-
te nihil habere potest, nisi quod per vitia ei obvenit; nec quidem caro de vita
quicquam possidere potest, præterquam quod ab animæ societate hauserit; sic-
ut nec altera in alte-ius naturam transire potest, nisi priùs fuerit aut vitiis infe-
cta, aut virtutibus imbuta & inserta. Anima igitur mente illustrata affectioni-
bus suis prædictis exercetur, & virtutes parit; dolor namque circa peccata, ti-
mor circa supplicia, desiderium circa promissa, & gaudium circa præmia sunt
quædam virtutum exercitia. Cæterùm varix sunt virtutes, in quibus versatur
anima pietate divina imbuta, dum aliis instruitur & armatur contra vitia; vide-
licet quatuor illis originalibus, quæ & *cardinales* dicuntur. Nam per *prudentiam*
scit anima, quid debeat facere; per *temperantiam* se regit atque gubernat in pro-
speris; itemque per *fortitudinem* in adversis; ac per *iustitiam* scit, quid cuique
reddere conveniat. Porro etiam monet ac docet eam, *prudentia* quidem scire
quid possit, *fortitudo* autem facere, quod potest, *temperantia* nō præsumere, quod
non potest, ac tandem *iustitia*, non velle plūs quàm potest. *Prudentia* ergo ejus
est in eligendis, *temperantia* in utendi; *fortitudo* in tolerandis, atque *iustitia* in di-
stribuendis. *Prudentia* est nihil poenitendum appetere, nec quicquam præter
justum velle facere; *Temperantia* est, nihil nisi turpe timere, & quicquid agimus
aut cogitamus ad rationis normam dirigere; *Fortitudinis* est, terrenas cupidita-
tes non jam reprimere, sed penitus oblivisci, *Iustitia* denique est, omnem animi
cogitationem ad Deum erigere, &, quasi nihil aliud sit, eum sola mentis acie in-
tueri. Aliis virtutibus initiatur ipsa anima: atque tales virtutes *sacramentales* vo-
cantur; cujusmodi sunt *fides*, *spes*, *sacramentum*, *baptismus*, *innectio*, *confirmatio* &
cætera, quibus Deo consecratur. Aliis proficit & conjungitur Deo, quales sunt
humilitas, *puritas* & *charitas*. Nam *humilitas* animam Deo subjicit, *puritas* con-
jungit, atque *charitas* unit. Sunt etiam virtutes minores & in re viliori, videli-
cet in corpore versantes, quibus anima corpori jungitur, quarum infima est *na-
turalis*, media *vitalis* & suprema *animalis*. Et sicuti Deus trinus & unus, omnia
tenet, omnia implet, omnia sustinet, omnia excedit & complectitur; sic anima
his tribus viribus per totum corpus diffunditur; non quidem locali descensione,
sed vitali intentione. Naturalis namque virtus operatur in hepate sanguinem
& humores alios, quos per venas ad omnia corporis membra transmittit, ut in-
de augeantur & nutriantur. Vis ista quadrisaria est, quoniam dividitur in *appe-
titivam*, cui attractio ministrat, *retensivam* qua attractum retinet, donec utilis
perficiatur concoctio, *distributivam*, bonorum ciborum chylosos humores, om-
nibus membris perfundentem, prout cuique expedit, atque *expulsivam*, noci-
va & superflua, seu foculentam atque inutilem substantiam expellentem & e-
vacuantem: Anima verò virtus media, *vitalis* scilicet, quæ in corde habet suum
imperium, versatur in fervoris atque caloris cordis contemperatione, aërem
que inspirando & expirando vitam & salutem toti corpori distribuit, aëre nam-
que puro sanguinem purificatum per totum corpus impellit per arterias seu ve-
nas pulsátiles; ex quarum motu temperiem & intemperiem Medici cogno-
scunt: Virtus denique *animalis* in suprema corporis regione, videlicet in cere-
bro advenitur, atque inde quinque sensus corporis vegetat, jubet etiam vo-
cedere, membra movere. Hæc animæ virtus tribus cubiculis seu ventricu-
lis præcipuè utitur, quorum unus est anterior, à quo omnis sensus, alter poste-
rior, à quo omnis motus; tertius inter utrumque medius est rationalis. Primam

ergo cerebri regionem incolit vis animalis, id est, imaginativa, quia in ea corporum rerum imagines continentur, unde & Phantastica dicitur. In media regione seu conclavi vis rationalis collocatur, quæ ibi examinatur & iudicatur ea, quæ per imaginationem præsentantur. In ultimo hypocausto sita est vis memorialis, quoniam ibi commendantur atque committuntur memoriæ ea, quæ sunt indicata.

C A P. IV.

De sensuum exteriorum origine; Cur ipsi in facie exprimantur; quid sint cause errorum in homine; similiter de imaginationis orbe.

IN anteriori parte cerebri seu facie sensus ita fiunt. Est quoddam in corpore subtilissimum & actuosissimum, atque exinde animæ maximè simile & vicinum, imò verò quasi effectus exterior virtutis operativæ in ipsa anima, quod Philosophi lucem vocaverunt. Hæc lux centralis primum per oculos diffunditur, & emicat in radiis oculorum ad visibilia intuenda; deinde auditum, odoratum, gustum, & tactum per mixturam quandam, primò quidem cum aëre puro, deinde cum aëre caliginoso atque nebuloso, tertio cum corpulentiori humore, & quarto cum terrena grossitudine constituit, atque ita quinque sensus cum ipso visu seu sensu oculorum perficit. Ubi tamen visus solus propter puritatem sui actus excellit. Isti sensus in sola facie expressi sunt, ut opinor, quoniam sufflavit Dominus Deus in faciem hominis spiraculum vitæ, cum factus est in animam viventem. Anterior quippe pars posteriori meritò præponitur; quia ista ducit, illa sequitur, ab ista sensus, ab illa motus, sicut consilium præcedit actionem. Istæ vires tam animæ, quàm corporis dici possunt, quia ab anima in corpore fiunt, nec sine utroque produci possunt. Sed ut hanc rem adhuc luculentius declaremus, intelligendum est, quod corpus humanum ex quatuor elementis componatur; & quod in carne & ossibus terra maximè discernatur, aqua autem in humoribus, aër portò continetur in sanguine & pulmone; quippe qui semper in motu existens est, quasi cordis ventilabrum, ne id nimio calore consumatur atque dissolvatur, quoniam sedes ignis ætherei est in corde. Hinc ejus pars una est acuta, sicut igneæ flammæ summitas, pars altera autem lata, sicut flammæ basis. Est autem quædam pars ignea aëre seu æthere temperata; quæ à corde ad cerebrum ascendit, tanquam à coelo corporis æthereo in cælum ejus empyreum. Hæc autem purificata & colata per oculos, aures, nares, cæteraquæ instrumenta sensuum foràs progreditur, & ex contractu exteriorum formata, quinque corporis sensus constituit, visum videlicet & auditum & odoratum, & gustum & tactum; qui tangendi sensus ab anteriori parte cerebri ad posteriora transiens, inde per cervicem & spinæ medullam per totum corpus, virtutem nervorum inde orientium diffunditur. Porro ipsa vis ignea, quæ exterius formata est, sensus dicitur; eademque forma per illa ipsa sensuum instrumenta, per quæ egreditur, & in quibus formatur, natura operante, introrsum ad cellam phantasticam, usque retro trahitur, atque imaginatio efficitur. Post eadem imaginatio, ab anteriori parte capitis ad mediam transiens, ipsam animæ rationalis substantiam contingit & excitat discretionem, in tantum jam purifi-

cata

cata & subtilis facta, ut ipsi spiritui immediatè conjungatur; verè tamen corporis naturam retinens, & proprietatem seu potius similitudinem. Quæ quidem imaginatio in brutis phantasticam cellam non transcendit. In rationabilibus autem purior fit, & usque ad rationalem atque incorpoream animæ substantiam contingendam progreditur ac defertur. Est itaque imaginatio similitudo corporis, per sensus corporeos ex corporum contactu extrinsecus concepta, & per eosdem sensus introsum ad partem puriorem corporei spiritus reducta, ei-que impressa; in summo scilicet corporalis spiritus, & in imo rationalis corporalem informans, & rationalem contingens spiritum; quem voco ærèm vel potius ignem, qui præ sui subtilitate videri non potest, & corpora interius vegetando vivificat. Quædam autem vegetat hæc vis, & non sensificat, sicut arbores, herbas & universa in terra germinantia, quædam vegetat & sensificat simul, ut bruta animalia, in quibus quædam sensum habent, imaginationem non habent; quædam verò tùm sensum, tùm imaginationem. Cùm itaque plus sit sensificari, quàm simpliciter tantum vegetari; constat profectò, hanc vim subtiliorem esse; Ubi autem magis subtilis est, ibi magis spiritus est. Et proinde magis equidem incorporeæ naturæ appropinquat, cùm imaginationem format, quàm cùm sensum præstat. Nihil enim in corpore altius, vel spirituali naturæ viciniùs esse potest, quàm id, ubi post sensum vis imaginandi concipitur. Quod quidem adeò sublime est, ut, quicquid supra illud est, non sit aliud, quàm ratio. Hinc igitur manifestum est, quod sensus & imaginatio consistant ex spiritu corporali, sed ille ex magis densò & perceptibili; hæc verò ex subtiliori & rationali spiritui in sua tenuitate proximo; ita, ut Spiritus ille sensus æri, imaginationis verò ætheri assimilari possit; ex quibus mundus visibilis constat. At verò, si ad terminos pertingere velimus, necesse erit spiritus nostros adhuc altius per unum gradum depurare. Quod, ni fiat, à rebus corporeis & sensibilibus ad spirituales & intellectuales, à mundo visibili ad invisibilem, à tenebris ad lucem, à diaboli potestate præstigiola ad Dei aspectum & veritatis investigationem pervenire impossibile erit. Ex sensibili igitur spiritu & intellectuali constat animæ animalis seu sensuæ & sensitivæ seu idoli existentia atque potentia, cujus violentia animam ad carnem & mundanas voluptates magis pronam esse, superius declaravimus. Hinc animæ animalis cum mente luctatio, quia ut rarò fit mentis radiorum receptor, sic carnis radii à sensu & motu animali oriuntur. Vis ergo animalis non aliter à mente, quàm Lucifer à Deo, producta fuit: Lucifer enim materia & tenebris participans, contra suum Creatorem rebellis factus est; Anima animalis seu sensitiva, ex nihilo in ætæm nobilem mentis operatione prolata, auctori suæ existentie rebellis facta est, cum carne & corpore se jungit, illamque movet contra rationis illuminatæ leges, nisi radiis divinis impediatur, atque freno justitiæ sacrosanctæ gubernetur, secundum illud *Sapientis Sap. 9. Difficilia asstimamus, quæ in terra sunt, & quæ in conspectu sunt, invenimus cum labore; Quæ autem in cælis sunt, quis investigabit? sensum autem tuum quis sciet, nisi tu dederis sapientiam & miseris spiritum tuum de altissimis? Et sic correctæ sunt semina eorum, qui sunt in terris, & quæ tibi placent, didicerunt homines. Nam per sapientiam sanati sunt, quicumque tibi placuerunt Domine à principio.* Unde manifestum est, quod sensuum & carnis inobedientia splendore & virtute spiritus ab alto descendens tollatur, & quod eorum malitia in bonitatem convertatur, atque ita nunquam satiatus corporis appetitus jam sapientiæ divinæ præsentia quiescat, refocilletur, & obediens rationi illuminatæ reddatur. Sed de

his sensibus latius in capitibus
sequentibus.

CAP. V.

De sensibus exterioribus; & primum de visu & auditu, & cur sensus fallantur circa propria objecta.

Sensus ergo exteriores, quos numero *quinque* esse suprà declaravimus vim suam atque effectum ex virtute ignea, per nervos & alia organa, tanquam per instrumenta dispersa, accipiunt, per quæ, mediante etiam vivifico musculo colore, spiritus sensibiles deorsum à facultate animali moventur, musculosque & cæteras partes, secundum rationis instinctum, motu involuntario movere animadvertuntur. Horum autem sensuum duo sunt *principales & simplices*, videlicet *Visus & Auditus*, ut in capite antecedenti demonstratur. Alii verò *minùs principales*, nempe *Tactus, Olfactus & Gustus*. Illos igitur *principales* vocamus, quoniam simplices partes constitutionis mundi respiciunt, hoc verò *minùs principales*, quatenus integram mundi substantiam ex materia & forma constantem amplectuntur, atque motu suo affectant. Partes autem simplices compositionis mundi vocamus simplicem illam materiam spiritualem, quam universali nomine aquas à scripturis dictam & appellatam esse, suprà meminimus, atque lucem, quæ est formalior mundi pars, ut pote cujus præsentia aquæ seu spiritus universales, potentiales adhuc & informes è nihilo facti sunt actuales & formales. Spiritus igitur seu ær universalis est medium, circa quod versatur Auditus; Et lux est objectum unicum, quod videtur, & per quod corpora dicuntur colorata, & in quo res omnes percipiuntur. Nam nihil, præter lucida videtur, quoniam, quicquid cernitur, illud in lucis splendore intuemur. Visus igitur circa divinam versatur iconem, cujus virtute gloriam Dei, immediatè ab ejus facie cum splendore insigni egredientem, Israëlitz, Mose duce, conspexerunt, & etiam novam eandem, ab illo mediatè per infinitas reflexiones procedentem, quælibet animalis mundi creatura oculis prædita, cum læticia contuetur: Quod quidem hoc ipso maximè confirmatur, quòd tam fortis atque efficax est lucis proprietas & natura super omnia illa, quæ in mundo existunt, & præcipuè super spiritum, qui secundum in mundo locum sibi vendicat, ut res nulla atque adeò etiam ne quidem ipsius spiritus diaphani densitas, penetrativam ejus facultatem impedire queat. Ejus verò super spiritum æthereum excellentiam exinde percipimus, quod in fragore tonitruali priùs discernitur lux fulgoris, quàm sonus seu crepitus ad aures proveniat. Ex quibus evidens est lucis efficacia super illam materiæ & per consequens, quòd sit ipsius Creatoris effigies seu imago, cujus motui & influentiæ nihil resistere potest: Nam ut voluntas Dei immediatè absque omni obstaculo perficitur, sic etiam lucis effectus è longinquo, & vel in ictu quasi oculi, cernitur atque conspicitur sine ullo medii impedimento, quippe quod, ut Deus est unitas, quæ in se multiplicata semper refultat in seipsam, in tantum quidem, ut etiam ipse semper idem futurus sit, quod fuit ab initio, sic etiam lux procul visa, cum sit tantum unica, taliter ad oculi aciem pervenit, qualiter è nube vel alio subjecto egreditur, sine ulla suæ essentię divisione. At verò sonus seu vox vel fragor dividitur, atque in aère multoties multiplicatur, & in multiplicatione partim continuatur, partim dividitur. Unde fit, ut bombardæ crepitus minor videatur emiui, quàm reverà est. Ex his igitur evidens est, quòd sensus visus tantis gradibus auditui præferendus sit, quantis lux

Spiritus;

Spiritu. Similiter, quod visus sit sensus simplex, & magis actus, ac per se, quatenus virtute actus lucidi completur, auditus verò sensus quidem iisdem simplex, sed magis passivus & per accidens, quatenus medium illud, per quod auditio fit, subijcitur actionibus lucis, sonosque ad aures perducit variis reverberationibus & multiplicationibus. Admirabilis ergo est visus effectus, cum ejus virtute iconem & similitudinem Dei, in multiformi iridis colore, atque etiam mille aliis viis possit verus artifex, opticam speculorum disciplinam sequendo intueri, non sine admiratione stupenda, prorsus, ut videatur artificis istiusmodi obtutu in memoriam revocari divinatorum illorum colorum Deitatis & gloriæ ejus, quam olim, dum adhuc libera fuit, in patria sua supercælesti oculis spiritualibus conspexit. Quàm ineffabilis ergo sit hujus sensus potestas propter objecti sui nobilitatem, & quàm admirabilia, quàm abstrusa & abdita nobis revelare valeat, humanum ingenium vix unquam mundo, si quidem id licuit, explicare potuit. Similiter etiam ipse Spiritus, qui est medium, sine quo auditio fieri non potest, miraculosa & arcana per lucis divinæ præsentiam in se comprehendit; quæ quidem sapientes propalare, aut in publicum emittere & promulgare noluerunt; imò quidem non auli sunt; ni Domini maledictionem vellent in, urrere. In his igitur duobus consistit omnis magiæ tam naturalis, quàm supernaturalis operatio, omnis vitæ animalis gubernatio & universalis mundi actus, cælorumque effectus & syderum excusio. His videt oculus mundi omnia, quæ in mundi cavitate geruntur; his intuentur angeli itæ inferiora, & ad thronum Dei utque respiciunt; his solent animalia distinguere bona à malis; his intelligitur unius hominis intentio per alterum; his res à re differre cernitur; atque his harmonia unius animæ, corpori inclusæ, cum harmonia alterius consonare aut dissentire percipitur. Imò quidem integrum volumen horum duorum sensuum laudibus, & virtutibus implere possemus, nisi ad alia nos advocaret subijcti hujus necessitas. Sed hic unico verbo Lectorem intelligere velim, quod paucissima vera atque certa, infinitas autem falsitates & præstigias oculi corporei intueantur; cujus rei ratio est tenebrarum in nobis dominium, quod fallacis nos decipit, atque ea nobis apparere facit, quæ talia non sunt, qualia videntur. Nam quicquid cernitur, videtur in corpore, quod quidem in se nihil est, quippe quod, quicquid habet à forma lucida recipit. Materiam ergo sequimur; formam verò negligimus, atque ita decipimur, quoniam materia est ex tenebris, tenebræ autem ex nihilo, & proinde quoque, quod corporeum, per se & in se nihil: Sed si quid est, hoc esse suum omne à forma, quæ est à luce, accipit, à cujus fonte est vita rerum; nam verbum, in quo & ex quo vita, est sola veritas, & quicquid extra hanc veritatem existit, præstigiosum est, & à principe mendaciorum. Sed Ethnicos jam Philosophos audiamus. *Præclux* uno quasi verbo hoc omne concludit: *Materia*, inquit ille, *omnia videtur, cum nihil verè à possideas*. Videmus etiam in varietate speculorum variam ejusdem rei figuram & discrepantem corporis illius dimensionem apparere, cum tamen unica sit rei veritas. Sic eandem faciem in speculo convexo longitudine contractam, latitudine verò ultra modum laxatam atque extensam animadvertimus, in concavo autem videmus illam secundum longitudinem, horribili modo productam & extensam, secundum latitudinem verò mirabili ratione contractam. At verò in speculo plano atque polito, hanc eandem iterum effigiem iusto modo, & secundum oculi naturalis indicium dispositam conspiciamus. Fallimur ergo omnes; & quæ vera sunt, discernere impossibile est, nisi id fiat in splendore & veritate sancta; in qua omnia, prout vera sunt, intuemur: Quot enim præstigias, illusiones & fascinationes inducere soleat diaboli auxilio magus impius, tam historiarum relationes, quàm orales narrationes infinitæ nobis indicarunt; quarum tamen effectus

nihil

nihil sunt aliud, quàm visus deceptiones, & res vanæ, quæ non sunt verè tales, quales esse videntur, non magis, quàm hominis pictura est revera ipse homo, cui assimilatur. Hinc inquit *Sapiens, Sap. 9* *Corpus quod corrumpitur, aggravat animam & terrena habitatio deprimis sensum multa cogitantem, & difficilia altissimas que in terra sunt, & qua in conspectu sunt, invenimus cum labore. Quæ autem in cælis sunt, quis investigabit? sensum autem tuum quis sciet, nisi tu dederis sapientiam, & miseris spiritum tuum sanctum de altissimis?* Ex quibus verbis patet, quòd sola veritas sit ab alto; cuius cognitionem si ignoremus, impossibile est, ut rem aliquam rectè sciamus. *Quis enim juxta doctrinam D. Johan. potest seipsum rectè cognoscere, qui lucem in se comprehensam, cujus præsentia illud est, quod est, non comprehendis, & per consequens veritatem sui ipsius ignorat, nescitque quid ipse sit, multò minùs, quid res alia.* His igitur docemur, quàm fallax, incerta atque misera sit vita humana absque vera Christi cognitione, qui est sola veritas, vita atque lux rerum, cum sine ea omnia sint vana, præstigiola atque fallacia. Hoc etiam unicuique experimentum circa sensum auditus vos observare velim, quòd medium ejus sit tam aqua, quàm aer spissus, nec aer quicquam aliud, quàm aqua tenuis. Nam cum *Nemossis Languidochia in Gallia viverem, in fonte ejus famigerabili sine fundo*, ut dicunt, quoniam ejus profunditas non cognoscitur, *vespertinus horu aliquando circa Solis occasum, animi & refrigerii causa natavi, & duobus lapidibus seorsum utraque manu acceptis, immersi me satis profunde, experimenti facienda gratia, in aquam inter se quosdam nudos ubique protuberantes, atque ita sub aquis manens, lapides istos ad invicem collisi.* Unde factum est, ut sonus horribilis & vix verisimilis audiretur. Quibus certior reddebar, auditum, propter medii spissitudinem multis gradibus evidentiorẽ & vehementiorẽ fieri in aqua, quàm in ipso aère, utpote in quo omnia sunt magis benevola, mitia & naturæ humanæ convenientiora.

C A P. VI.

De Tactu, Olfactu & Gustu.

UT Deus in hominis creatione mentem & rationem in summam atque nobilissimam ejus regionem, videlicet in caput, deposuit atque collocavit, sic etiam bajulos seu ministros quinque ei adjunxit, quorum usu & motu, vel potiùs per quos, tanquam organa corporalia & sensibilia, vires suas circa res percipiendas exereret & exerceret. Nam animi humani natura est, per se sine corpore aut sensu, res spirituales & insensibiles intueri & contemplari. At verò, quatenus res sensibiles respicit, necesse est, ut mediante corpore, ejusque sensibus exterioribus, agat, utpote sine quibus de rebus crassis, visibilibus, tangibilibus & hujuscemodi aliis judicare non potest: Quinque ergo sensus offerunt conspectui rationis, quæcunque ei ad corporum cognitionem sunt necessaria, eaque illi ostendunt, quibus adjuvatur in cognitione rerum, circa corpora visibilia, audibilia, tangibilia, &c. versantium. Hi autem corpori humano inserviunt, nõ aliter, quàm ad navis directionem nautæ, cujus naucleus & dux principalis, seu rector & ductor est mens in ratione, magnetica quadam virtute iter dirigens, ac navis cursum in ejus summitate ex acus marinæ, polum Arcticum respicientis, proprietate & directione observans. Per hos autem suos ministros de accidentibus externis, navi obvenientibus, & de prospero ejus itinere, aut de scopuli, periculum navi comminantis, ratione admonetur, ut, quòd malum

ei in via imminet, evitet, & quod bonum ei ac salutare est, sapienter eligat. Cuique autem horum bajulorum seorsum sua proprietas distincta assignatur. Nam visus versatur ex sua proprietate circa decem; videlicet circa lucem & tenebras, colorem & corpus, figurā & actus, remotionem & propinquitatem, motum & quietem; quæ tamen omnia, uti suprà dictum est, ad solam lucis proprietatem reducuntur. Nam tenebræ cognoscuntur per oppositionem lucis, color discernitur per lucis in corporis superficie operationem, & sic in cæteris. Auditus proprietas est versari circa sonos duplices; videlicet circa voces animales & non animales; quarum illæ aut rationales sunt, pertinentes ad loquelam humanam, vel irrationales, ut rugitus leonum, hinnitus equorum, garritus avium, &c. hæc verò vita animales destituuntur, ut sonus tympani, fistulæ, strepitus ventorum, tonitru, &c. De his autem duobus, tanquam præcipuis rationis bajulis multa hic non scribemus, quoniam de internis ipsorum dispositionibus suprà locuti sumus. Sed solummodò vos obiter observare velim, quòd mentis lux invisibilis & spiritalis per organum opticum emissâ, lucique externæ occurrens, sensum visus reddat cæteris nobiliorem. Similiter rationis & vitæ spiritus, per aures expirans, eodem modo cum medio aëreo resonante conjunctus sonum in mentis palatium introducit, ubi à sensu communi & virtute imaginativa recipitur, ut à consiliariis & ministris regiis, nimirum à spiritu rationali & intellectu examinetur, atque ab eorum scriba memoria veluti ad acta recordationis referatur. Unde hic sensus propter hanc suam excellentiam dignitate visui est proximus loco & natura. Nam quicquid lux sonora sua actione producit, hoc etiam spiritus iste intellectui mediante organorum auditus integritate, repræsentat. Tres autem sensus exteriores minis principales vocavimus, quoniam subijciuntur duobus prioribus virtute & necessitate; siquidem ex materia magis mixta constituuntur. Nam ut ex duobus illis prioribus, alius magis versatur circa lucis proprietates, & alius spiritum in suo motu & actione respicit; sic etiam tres isti posteriores de utraque natura, videlicet de luce & Spiritu simul mixtis in majori vel minori proportionem participant. Nam tactus, qui est vis palpabilis inter duas pelles contenta, quarum una est in superficie corporis, & alia carnes tegit, hæc, inquam, potestas fit ex spiritu subtilissimo, effectu caloris, seu lucis inperceptibilis virtute, à cerebro per nervos in universum corpus depulso & infuso, quorum actione & passione ad invicem tactus sensus, tam in partibus corporis interioribus, quàm exterioribus operatur. Hujus autem motus seu operatio sensibilis est, vel in calido, vel in frigido, vel in aspero & lævi. Ex quibus patet, quòd, ut sensus duo priores versatur circa essentiam lucis & materiam spiritus, sic etiam *Tactus* magis circa activas utriusque qualitates occupetur, videlicet circa calidum, quod luci refertur, à lucis motu & actione immediate promanans, atque frigidum, quod quidem magis propriè tenebris atque materię attribuitur, cum materię resistentis vis, contra formæ actiones à frigido proveniat. Cæterum *Gustus* alio modo à prædictis partibus compositionis mundi vim suam acquirit. Nam ut *Tactus* operatio est in dijudicatione inter intensionem aut remissionem graduum calidi & frigidi; sic *Gustus* seu *Saporis* actio versatur præcipuè circa passivas lucis & spiritus dispositiones; videlicet circa humiditatem spiritui propriam & siccitatem lucis comitem: Unde fit, ut majori vel minori humiditatis aut siccitatis prædominio sapes alterari percipiamus. Hinc dulcedo, amaritudo, salsedo, unctuositas, acetositas, insipiditas, ponticitas, acritas, &c. Quòd autem hæc omnia fiant ad saporis diversitatem, experimento notabili docemur. Nam percipimus, quòd stiptica qualitas & austeritas sint siccitatis terrestres participes; quam quidem siccitatem à frigore congelativo acciperunt; & quòd itidem deinceps aciditas stipticitatem sequatur, ordine progrediendo

diendo à terræ seu spiritus frigore condensati natura versus solventem ignis & lucis regionem; Deinde adhuc altius à cruditate ascendendo versus temperiam ad pondus seu dulcedinem ad saporem insipidum pervenitur, ubi stipica frigoris potestas omnino radiis appropinquantis lucis resolvitur; atque jam tandem ad dulcedinem pertingimus, in qua benefica aëris & Jovis dispositio, & exacta formæ cum materia, seu lucis cum spiritu, convenientia sentitur. Atque hæc est media via progressus inter cruditatem & adustionem. Quare ulterius progrediendo ad falsedinem accedimus, quæ est primus adustionis gradus, deinde ad acritatem, & ad acritate denique ad amaritudinem fit transitus; à qua ad bilis adustionem & nigredinem pervenimus, in cujus actione completa ignis tandem rotatur in terram. Videmus ergo, quod vitriolum congelatum stipicitate sit plenum, & quod oleum ejus, cui ignis violenti portio adhæret, stipicam suam dispositionem in aciditatem convertat. Videmus etiam, quod vice versa Sal Tartari adustionis amaritudinem quodammodo sapiat, quod aëris seu spiritus externi admixtione in oleum conversum, acritatem in se habet. Si ergo æquali qualitaturnon corporum proportionea acidum oleum cum acrillo permisceamus, dulcedinem satis evidentem inducimus. At verò, si portio acidi superet portionem acris, insipidus sapor cum quadâ ponticitate resultabit, si acris, falsedo & principium acrimoniæ; Et in his diversis oleorum actionibus & passionibus falsia producentur diversarum naturarum; Videlicet in principio motus ab austero gustum aluminis, in medio sacchari, atque in fine salis natri reperi-mus. Edoctus etiam sum experimento quodam certissimo, quod per liquoris ex aceto, vitriolo & antimonio conflati commixtionem cum aloë hepatica, & eorundem ad furnum panis adhibitionem, Aloës illa omnem suam amaritudinem perdat atque nihilominus suaviter & sine ullo incommodo corpus, cui adhibetur, expurget. Denique docemur, quod *Olfactus* etiam potestas in lucis cum Spiritu commixtæ operatione consistat. Sed hujus actio differt ab actionibus duorum præcedentium *duplicatione*. Nam *primò*, ut Tactus vis & potestas absolute inter corporis membranas est inclusa, & versatur circa frigidum & calidum; ac porro Gustus in linguæ proprietate consistit, & circa distinctionem effectuum humiditatis & siccitatis operatur; sic Olfactus, nec agit necessariò circa calidum & frigidum, nec circa humidum & siccum, sed Spiritus cum luce mixti substantiam respicit. Namque odoratorum vapor, ex lucis redolenti Spiritus suavis-simæ actione exiliens, non aliter in spiritu communi, videlicet in aëre, natat & natura sua invisibilem aromatzare solet, quàm crocus in aquam limpidam immer-sus, totam aquæ substantiam sua tinctura visibiliter occupare & tingere cernitur; aut quemadmodum atramentum in aquam claram infusum, illam in colorem nigrum vertit, sic enim odores quoque rerum de proprio suo subiecto in-visibilem in modum per aërem ambientem expanduntur, illumque suavi suo odore implent. Atque ita etiam, si malus aut foetidus sit odor rei, simili modo commune medium inficit. Sensus autem olfactus est hujusmodi qualitatibus in aëre delitescens index, an scilicet illa sit naturæ grata vel injucunda. Optima igitur debet esse sensus Olfactus dispositio & æqualis ejus lucidæ ac spiritalis naturæ temperie proportio, ut medium odoribus perfusum optimè suscipere, susceptoque eo, de illius in bonitate vel malitia temperie & qualitate rectè judicare possit. Quod autem ad odorum diversorum naturas attinet, sciendum est, rem odoriferam, quò magis est circa lucis essentiam & spiritus seu ætheris substantiam in qualitate & proportionem temperata, eò esse suaviorem & naturæ humanæ jucundiorē; siquidem ea assimilatur naturæ humanæ, quæ inter omnes aliorum animalium naturas est in calido innato & humido radicali temperatior & efficacior; ita ut ipsi Dæmones, teste *Pfello*, humanæ naturæ contactu

aruis suos gelidos maximè refovere appetant. At verò odores fœtidi sunt tales ex parte elementi ignis, videlicet propter spiritus sui impuritatem & comburentem lucis naturam. Namque ego in eipſe experientia ſum edoſtus, quòd *omnis faſtor ſit ab elemento ignis, cum ſpiritu ſeu aëre impuro mixti*: Deinde etiam aër fœtorem aliquem, ſed minorem quàm ignis, producit propter ſuam impuritatem & immunditiem, quam habet à cæteris elementis. Tota autem ſuavitas, qua anima delectatur, à cælo profluat, ubi æther cum luce in pace concordit & lancibus atque trutinis Altræa pondera & proportiones æquales obtinet; quemadmodum & ipſe in corporum anatomia chymica ſæpiùs cum admiratione ſum expertus. Maniſeſtum igitur eſt, quòd omnis fœtor, ſeu odor naturæ humanæ gravis, inſucundus atque ingratus ſit ab humido aëreo, vel aqueo impuro & corrupto, per calorem igneum combuſto, atque ita præter naturam. At verò odor ſuavis, bonus atque ſenſui gratus à puro ſpiritu cum calore tali oritur: Terreæ verò natura, quatenus eſt frigiditatis conſtringentis fons atque origo, ſenſui huic magis officiit, magisque eum impedit in ſua actione, quàm ut ei ullo modo prodeſſe poſſit. Imò verò & cujuſlibet ſenſus facultati contraria eſt frigiditas, organa potiùs ſtupore afficiens, quàm ullum iis auxilium præbens. Nam omnimodò contraria eſt facultati ſenſuum; quippe quorum perfectio tēperatam caliditatis præſentiam requirit, qua operentur. Hanc autem auferre ſolet frigiditas ſua prædominatione. Similiter pororum atque organorum dilatatio ad completam ſenſuum functionem requiritur. Atqui frigiditatis eſt, meatus obturare & occludere. Senſus etiam ſpiritus ſubtiles appetunt, quibus velociter & efficaciter functiones ſuas expedire poſſunt. Frigiditatis autem eſt, condenſare atque inſpiſſare, quòd ſubtile erat, & per conſequens ſenſibus in ſua natura eſt oppoſitiſſima. Hinc ergo eſt, quòd frigiditas pororum obturationem & tunicarum incræſſationem, oculorum cæcitatem inducere ſolet, atque etiam incræſſationem & condenſationem humorum in nervo optico. Læditur dem auditum, obturando organa & inſpiſſando ac deſiccando materiam glutinoſam & torpore atque ſtupore afficiendo membra; unde & Taſtui adverſa eſt frigiditas. Obturat etiam nares & naturalem organorum calorem extinguit, cujuſ virtute ſenſus debebant odores rectè diſtinguere. Guſtui partes linguæ ſtupefaciendo obeſt, cujuſ beneficio ſenſus hic operari ſolet; & nonnunquam mortificationem & gangrænam faucibus atque gingivis inducere obſervatur. Quibus omnibus rectè intellectis, certum eſt, quòd frigiditas terreæ non ſit cauſa odoris ſive fœtidi, ſive ſuavis, ſed ſemper odoratus & olfactus ſit propter caloris præſentiam. Et quamvis nonnulli fortaliſ obſcient, quòd *ipſum opium, cum ſit frigidum, odorem ſatidiſſimum emittat*, attamen illud non ſit propter frigiditatem medicamenti; ſed ab occulta potiùs diſpoſitione calida ptomana-re dignoſcitur. Nam in eodem ſæpè ſimplici qualitates & naturæ contrariæ eſſe animadvertuntur. Verbi gratià: *Fumaria ſeu ſumma terra*, quamvis operatione frigida & ſicca ſit, quin tamen amaritudinem ſuam ab igne hauſerit, nemo equidem mentis ſanæ dubitabit. Atque ita ſenſuum exteriorum diſpoſitionibus atque naturis ſatis luculenter, ut nobis quidem videtur,

explicatis, ſinem huic parti breviter
imponemus.

C A P. VII.

De facultate naturali & quòd vegetatio omnis fiat ab hepate seu massa Microcosmi aërea.

DE facultate naturali in sanguinis generatione, corporisque partium & elementorum in compositione, præsertatione, nutritione, atque in eodem statu sustentatione aliquid in præmissis locuti sumus. Hic verò ostendemus, quod præcipua corporis vegetandi ratio ab hac hominis interni facultate dependeat. Sciendum igitur in primis est, quòd omnis corporis vegetatio & multiplicatio tam in animalibus quàm in plantis ab aërea procedat dispositione. Neque tamen potest aërea natura hoc præstare perfecte, nisi à superioribus tam Macrocosmicis, quàm Microcosmicis adjuvetur. Nam facultas naturalis secundum Astrologorum sententiàm à Luna & Venere præcipuè gubernatur, quippe quæ vim & spiritum naturalem, vegetativum & generalem augent fovèntque; quibus etiam Jupiter in sua dispositione mirificè in tali opere se jungit, quatenus est humidus & calidus in gradu temperatissimo. Nos verò experientia notabili instructi, solis operationem præ omnibus aliis, tam vegetatione quàm multiplicatione, locum in hac facultate possidere deprehendimus. Nam in cuiusdam admirabilis nutritivi vegetabilis anatomia aquam per se superfluum vidimus, quæ in vegetabili illo erat loco urinæ, vel ut sanguinis serum in homine; Deinde aërem tenuissimum observavimus, qui longè aliter se habebat, quàm ipsa aqua, & tamen liquidam possidebat formam, ad salis oleaginei naturam magis vergentem; eratque familiaris tam cum ipsa aqua propter suam humiditatem, quàm cum igne propter suam caliditatem. Unde facillimè se jungebat cum utroque extremò; dum tamen ignea pars cum aqua nunquam conjungi potuit. Atque sic inde fiebam certior, istud vegetabilis internum esse ejus aërem, quem ubi levissimo igne volatilem reddidi, observavi, ipsum instar grandinis in sale albissimum in summitate vitri conversum atque congelatum, qui tamen sal albissimus desubito caloris appositione seu minimo calore in oleum aureum dissolutus est. His ergo obiter instructus sum, quòd aër mundanus sit aqua quasi sicca, quæ si congeletur, nil præterquam sal sit. Hujus etiam experimentum in *salis petra* observatione declaratur, qui secundum omnium Philosophorum atque Chymicorum sententiàm nihil aliud est, quàm *aër congelatus*. Residuum autem istius aëreæ partis, quòd in sal non congelabat, in liquorem album crystallo similitum deorsum in vas recipiens descendebat. Sed videor mihi jam cum audire vos susurrantes in hæc verba: Quid ex hoc? *Quomodo multiplicativam & generalem proprietatem in aëre, aut in hoc liquore inesse dicis, si cum aëream planta naturæ esse concedamus?* Cui vestræ petitioni respondeo, quòd tanta sit vis magnetica inter naturam istius laticis albi & naturam solis, ut ipse etiam solo aspectu & intuitu naturam vivificam atque tincturam multiplicativam à sole & cælo sibi attrahere absque omni controversia soleat, quòd quidem nos hinc oculis non sine admiratione insigni conspeximus. Namque exposito solis radis humore isto, qui erat instar albæ aquæ limpidissimæ, spacio paucarum horarum percepimus, ipsum attraxisse tincturam & rubedinem tantam à solari facie, ut etiam rubino factus esset rubicundior. Ex quibus evidenter deprehendimus multiplicationem granorum & seminum, ejusque rationem consistere in

NATURA

natura aërea, & quòd hic humor granorum in terra, per putrefactionem à suis vinculis liberatus, potestatem habeat attrahendi sibi magnetica quādam virtute multitudinem radiorum vitæ, attractosque retinendi. Nam ingens videtur esse amor inter naturam hujus limpidissimi liquoris patientis & lucis vivificæ solis agentis: Unde credo fabulam istam inter *Apollinem & Nympham Syringam* inventam fuisse. Hinc ergo fit, ut ex unico grano multa oriatur, videlicet, quoniam multæ vitæ scintillæ in unum vehiculum aëreum contrahuntur. Sed fortasse meras hæc imaginationes esse, atque à rebus necdum satis explicatis dicetis. Audiatis igitur, quæso, amplio rem hujus naturæ vegetabilis demonstrationem & profectò rem, nisi oculis propriis eam vidissem, vix mihi ipsi verisimilem. *Quidam Gallus mecum hic Londini degens, cui nomen erat Palmarius partem hujus liquoris, magis sæculentam & impuram in ollam satis amplam reposuit, illamq. lamina ferrea eidem ampla obtexit: Ut autem nonnullis diebus elapsis, laminam forte fortuna resperxit, effectum hujus liquoris admirabilem observavit; mag. cum admiratione ad locum convocans, laminam mihi indicavit, cujus faciem superiorem ex omni parte infinitis quasi stipulis ferreis, sursum ex lamina (haud dubie virtute vegetativæ in liquore isto naturæ, quæ ex terra in forma segetis lamina ista tellus, ex surgentibus repleta vidimus, quarum altitudo erat quasi dimidii pollicis. Unde manifestum est, quanta vegetationis virtus fuerit in hac natura aërea, quippe quæ ipsius etiam metalli naturam tali modo ad quandam vegetationis dispositionem alterare voluit. Nec satis erit, ut quis dicat hanc fuisse potiùs vegetabilis illius quintam essentiam seu ætheream ejus portionem, quàm aëream; quoniam invenimus illius naturam absolūtè inter aquæ & ignis dispositionem positam, & cum utroque extremo convenientem, & præterea aliam in eo vegetabili naturam conspeximus multis gradibus aëreæ anteposendam, quam veram non solum lucis, vel ejusdem Spiritus, sed utriusque simul portionem exitiile deprehendimus; quippe quæ erat limpidissima, radiis solaribus plenissima, nec mobilis, nisi calore & violentia colliquefcens exagitaretur. Atque hæc proculdubio erat illud naturæ balsamum, cujus glutine elementa ad vegetabilis compositionis existentiam in pace conglutinantur, vitamque & motum accipiunt; cui quidem prædicta pars aërea videbatur concatenatione magna in compositione uniri. Nec sanè potuit ulla fieri specierum multiplicatio absque hac natura, quippe quæ toti & cuilibet compositionis parti vitam distribuit. Atque hinc fit, ut Sol sit parti aëreæ ita familiaris, quatenus scilicet ea de hujus quintæ essentia natura participat. Ex his igitur patet, quænam alimenti pars ad hepatis, sanguinis & partium solidarum compositionem, ac in habitu convenienti præservationem conferat, & quæ ad vitalis in anima facultatis sustentationem requiratur. Ætherea enim pars ad cordis thalamos per diapedesin & alios meatus ei convenientes transmittitur, quæ arteriis pabulum vitæ necessarium subministrat. Ignea alimenti portione impletur cista fellis: Aërea ante descripta quasitota in sanguinem venosigenereis, virtute operativa ipsius hepatis, transformatur. Aquea pars crassior & impurior per renes colatur & secernitur à massa sanguinea & ad vesicam transferitur. Terreæ autem portio magis inutilis partim in prima concoctione à ventriculo per intestina vebitur, atque facultate expultrice evacuatur, & partim in venoso genere reperta in lienem excluditur. Massa denique tota sanguinea, ejus major pars est de natura aërea (quoniam hepar, quod est fons sanguinis, reperitur esse constitutionis aëreæ) habet in se aliquid magis subtile & electum ex quatuor elementis, quo artus atque membra corporis universa quotidie nutrirî & foveri cognoscuntur. Nam facultas naturalis summa cum discretionem cuilibet membro secundum ejus nobilitatem sui laticis portionem tribuit: Unde aliis puriora hujus partes, aliis verò grossiores secundum eorum naturalem*

compositionē distribuere observatur; videlicet quintam ejus essentiam cordi, aëream ejus dispositionem hepati, pulmonibus & partibus simplicioribus, carnī portionem ex elementis bene proportionatam, nervis & tendonibus aqueam cum terrea, & denique ossibus absolute terream, sed bene depuratam. His igitur mirabilis facultatis naturalis dispositio & operatio, tam in vegetatione, quam in multiplicatione explicatur; & quod facultas hæc naturalis non plus possit absq; benevolæ animæ vitalis aspectu, quam Luna sine radiosæ solis præsentia, & quod nulla multiplicatio aut generatio fiat à solo homine, aut alio animali, aut planta; sed quod omnem vim habeat à cælo; videlicet à Luna, Venere, Jove, & præcipuè ac præ omnibus à Sole, utpote à quo etiam cæteri Planetæ habent suum esse. Et per consequens (contra stultas nonnullorum opiniones) quod nulla generatio fieri possit, nisi anima vitalis à cælo per aërem descendat & per aërem corpori inclusum infundatur.

C A P. VIII.

De rebus naturalibus in genere, quæ juxta Philosophorum & Medicorum opiniones ad duplicis hominū constitutionem requiruntur.

Homine jam interno in externo ad eum modum, quo dictum est suprā, circumsepto, & ambobus hominibus simul junctis, unumque hominem constituentibus, qui de utraque natura participat, hominemque partim mortalem & partim immortalem reddit, conveniens esse videbitur, hujus hominis ex duobus compositi naturam, seu res naturales in eo contentas, ita atque tali modo describere, ut duplici ejusdem compositionis rationi corresponsdeant. Dicimus igitur juxta *Galeni*, *Avicennæ*, *Rasis* atque aliorum opiniones, quod res naturales ad duplicem hominem perinentes sint novem, videlicet: Aut ¹ *principia*, scilicet, summa caliditas, summa frigiditas, summa humiditas, & summa siccitas, per se sine omni materiæ ratione consideratæ. Nam si materiæ inessent, facerent elementa. Rationem autem harum qualitatum simplicium in *primi libro Tractatus nostri Macrocosmici* reddidimus, ubi declaravimus, *caliditatem* fuisse lucis actionum & motus effectum; *frigiditatem* autem, tenebrarum seu materiæ comitem; *humiditatem* intermediam qualitatem esse diximus, à mutua caliditatis in frigiditatem actione, & frigiditatis resistantia procedentem; *siccitatem* denique demonstravimus nihil aliud esse, quam humiditatis absentiam. Unde in locis intermediis non reperitur, sed in extremis tantum cum qualitatibus, agentibus scilicet & patiente.

Aut ² *elementa*, ut ignis, aër, aqua, terra, quæ per excessum etiam dicuntur calidum, frigidum, humidum, siccum. De quibus etiam in *Tractatu & libro suprâ allegato* copiosè locuti sumus.

Aut ³ *humores*, qui sunt vel ⁴ *naturales*, & illi quidem aut *primarii*, ut *bilis flava*, cujus complexio est ignea; *Sanguis*, qui aëreæ est complexionis; *Pituita*, quæ aqueæ; & *Melancholia*, quæ terreæ est complexionis; aut *secundarii*, ut innominatus, alimentarius, carnisformis & primogenitus, ex quorum absentia oriuntur quatuor siccitatis genera: Vel ⁵ *non naturales*, cujusmodi sunt ⁶ *1. Bilis non naturalis*, vitellina, porracea, æruginosa, isatidis cœrulea; ⁷ *2. Pituita non naturalis*, qualis

¹ Gal. de nat. hum.
² & 3 de Elem. secū.
duo Hipp.
cap. 6.

³ Gal. de Elem. Avic.
prim. pr. d. 2.
⁴ Gal. lib. de Attrib. de nat. lib.
d. Gal. com. 2. de hum.
⁵ Gal. com. 2. de nat. hum.
⁶ Avicenn. prim. pr. d. 4.

qualis est vitrea seu cruda, dulcis, acida & salis, atra bilis non naturalis, acida, radens, & quæ est adusta pituita. Nam quamvis Avicenna prima princ. sex faciat melancholicæ species, nos tamen eas cum nonnullis aliis convenienter ad tres reducimus.

Aur corpus, quod Galenus dividit vel in salubre & insalubre, atque utrumque facit, aut simpliciter tale, idque vel semper, vel in plurimum, atque tunc vult, quod utrumque sit vel exquisitum, exquisitius, exquisitissimum, aut nunc vel hoc instanti tale, videlicet salubre vel insalubre. Vel in neutrum, hoc est, nec salubre nec insalubre, per negationem extremorum aut per participationem extremorum simul & quidem æqualiter & inæqualiter, vel successive.

Aur partes vel similes, aut ex naturæ rei, cujusmodi sunt fibræ, membranae, panniculus, caro simplex, adeps, ossa, cartilago, ligamentum, nervus, medulla, aut sensus iudicio, ut venæ & arteriæ, aut ex sanguine factæ, licet in se exangues sint, ut, os, cartilago, arteria, vena, nervus, adeps, glandula, membrana, medulla; Vel dissimiles, quæ sunt aut instrumentales, ut manus, pedes, &c. aut ipsum instrumentum principale, ut cor, cerebrum, hepar, testes, ministrans, ut arteriæ, nervi, muscoli, venæ, vasa seminaria, tam præparatoria, quam delatoria; per se regens, & non regitur, ut ventriculus, intestina, lien & renes, nec regens nec regitur, utos, ligamentum, membrana, cartilago, glandula, pinguedo.

Aur temperamentum temperatum, hocque vel ad iustitiam, seu in singulis generibus, vel ad pondus, seu simpliciter intemperatum: estque vel sanativum, quod, intra sanitatis terminos comprehensum convenit cum temperamento temperato ad iustitiam; vel morbificum, quod excedit limites sanitatis. Atque hæc quatuor temperamenta considerantur vel in qualitatibus primariis cum materia & sine ea, vel in quatuor temporibus anni, vel in quatuor ventibus, vel in septem ætatibus, vel in qualitatibus secundis, quæ sunt visibiles, audibiles, tangibiles, odorabiles, gustabiles, vel in saporibus, quorum alius est astringens, alius austerus, alius acerbus, quartus acidus, quintus dulcis, sextus amarus, septimus salis, & octavus acris, vel in medicamentis simplicibus.

Aur virtus, quæ est triplex, videlicet, vel animalis in cerebro, atque hæc est vel sensitiva visus, auditus, odoratus, gustus & tactus vel motiva, quæ facit motum voluntarium in universo corpore; vel princeps, videlicet sensus communis & imaginativa virtus in primo ventriculo, æstumativa, cogitativa & ratiocinatrix in secundo, & memorativa in tertio & posteriori. Vel vitalis in corde, quæ per arterias dispersa, motum producit vitæ necessarium, qui quidem motus à motu animali multum discrepare videtur eo, quod involuntarius est, & continuus, tunc etiam, quia diversis utitur organis. Nam virtus animalis ad motum suum voluntarium & pro voluntate intermissum, utitur nervis & musculis pro suis instrumentis. Vitalis verò arteriis, quemadmodum & naturalis venis, vel naturalis in hepate, quæ est Aut primaria, eaq; vel nutritiva per appositionem, unionem & assimilationem, cujus defectu Atrophia, Anasarca & Morpha provenire solent; vel augmentativa in longum, latum & profundum; vel generativa per immutatricem, quæ semen deducit, & per formatricem, quæ deductum semen format. Aut secundaria, quæ est primarum ministra, & est vel attractrix per fibras rectas, vel renetrix atque concoctrix per fibras obliquas, vel expultrix per fibras transversas.

Aur actio, tam voluntaria sive animalis, quæ est vel ad aliquod tempus, ut respirare, egerere, mungere, vel ad semper, eaq; est triplex, videlicet sensatio, motio, quæ actuosa dicitur, & princeps, imaginatio scilicet, ratiocinatio & memoria, quàm involuntaria, quæ est vel vitalis, & consistit aut in cordis dilatatione tantum cujus effectus sunt, læticia, spes, confidentia, amor, misericordia, humanitas

h Avicenn.
prim pr.
Gal. 1. ar-
tu papua.
h Gal. de
Elem. c. 1.
C. de diffi-
morb. c. 3.
Gal. 1. de
nat. fac.
m Gal. de
Elem. c. 3.
n Gal. lib.
de art. cur.
ad Gal.
o Avicenn.
prim. pr.
d. 6.
p Avicenn.
lib. d. c. 3.
cap. 1.
a Gal. 1. de
Temp. c. 1.
b Gal. de
diff. feb.
c Gal. lib. de
diff. feb.
d Gal. lib. 1.
de Temp.
cap. 4.
e Gal. 1. de
hum.
f Gal. 1. de
Temp. c. 1.
g Gal. 1. de
Elem. c. 9.
h Gal. 1. de
simpl. med.
fac. cap. 16.
i Gal. de
simpl. diff.
cap. 3.
k Gal. de
simpl. diff.
cap. 1.
l Avicenn.
prim pr. c. 6.
m Gal. de
simpl. diff.
cap. 3.
n Gal. in
simpl. de-
puli. c. 1 a.
o Gal. lib.
de nat. fac.
p Gal. lib.
dem Avic.
prim pr.
cap. 1. p.
q Avic. ib.
cap. 3.
r Gal. de
loc. aff. c. 3.
diff. simpl.
s Gal. de
diff. respir.
c. 3. & 4.
t Gal. de
simpl. aff.
cap. 1.
u Gal. de
loc. aff.
x Gal. 1. de
ant. diff. pulg.

Y Gal ibid.
Arisc.
ennd. prim.
de lib. 3. sum.
2. lib. 3.

aut in ejus contractione & dilatatione simul, quæ systole & diastole dicitur, ex cuius motu vario pulsuum diversitas oritur; quæ consistit in tempore, unde pulsus creber, sive velox tardusque dicitur, vel in tribus dimensionibus, unde dicitur, longus, brevis, latus, strictus & subtilis, altus & elatus, profundus, occultus & submersus, magnus atque parvus; vel in robore virtutis seu in percussione venæ ad digitos; sic pulsuum vocamus vehementem & fortem, debilem & languidum; vel in corpore arteriæ; atque ita dicimus pulsuum esse durum aut mollem; vel in primis qualitatibus; quo modo pulsuum considerando, eum calidum, frigidum, humidum & siccum dicimus, vel in plenitudine arteriæ; atque ita plenus dicitur pulsus vel vacuus; vel in tempore quietis; atque ita creber appellatur, spissus & frequens, aut rarus, resolutus & lapsus; vel in rhythmo; atque tunc nuncupatur talis motus arhythmus & eurhythmus; vel in æqualitate vel inæqualitate, hocque vel in pulsu uno, & tunc dicitur æqualis, dispar & inæqualis, vibratus & dicrotus, crapizans bis feriens, seu bis pulsans, innuens, circumnuens, intercurrentes; vel in pluribus pulsibus & dicitur collectivus; estque talis motus vel deficiens seu intermittens & interceptus, forficinus, mutilus decurtatus, deficiens decurtatus, atque decurtatus reciprocus; vel in compositione; & tali modo pulsus dicitur undosus, vermiculans, formicans, hecticus seu tremulus, convulsivus atque serratus. De his autem copiosè tractat Gal. 1. de caus. puls. cap. 5. 6. Et lib. 1. de prasag. ex puls. cap. 3. Et 2. de diagnosi. puls. cap. 2. & lib. 3. de differ. 3. cap. 5. Imò verò lege omnes hos Galeni libros, videlicet de diff. puls. De diagnosi. puls. De caus. puls. De prasag. ex puls. De puls. ad Tyron. De synops. puls. &c. Aut in cordis contractione tantum; cuius effectus sunt tristitia, desperatio, metus, odium, invidia, ira, furor, verecundia, &c.

Arisc. de
vid. cord.
cap. 1.
2 Gal de
Nat. fac. A.
risc. prim.
prim. de lib.
6. cap. 1. 3.

Vel actio involuntaria est naturalis, eaque aut secunda, videlicet attractio, retentio, alteratio, expulsio; aut primaria, videlicet, nutritio per appositionem, unionem & assimilationem, auctio in longum, latum & profundum, generatio per immutationem & per formationem. Atque hoc modo breviter per epitomen ista tradidimus, & succinctè Medicorum de novem rerum naturalium speciebus, duplicem hominis compositionem concernentibus, opiniones proposuimus. In capite verò sequenti principia nostra circa compositionem humanam, ejusque elementa, humores, corpus, virtutem atque actiones secundum nostram intentionem explicabimus.

C A P. IX.

De principiis nostris Microcosmi, & quomodo tam cum principiis divinarum
literarum, quam cum intentionibus omnium Philosophorum
& Chymicorum conveniant?

JAm porrò demonstrabimus, quomodo hæc nostra doctrina seu Philosophia in omnibus tum Theologorum, tum etiam Philosophorum & Medicorum veterum opinionibus in physiologiæ humanæ descriptione consona sit & conveniens; ac primùm quidem, methodicè progrediendo, à principiis omnium primariis exordiemur. In primo igitur primi nostri Tractatus libro, ubi de principiis egimus, luculeater declaravimus, quod omnium rerum principia sint Tenebræ, Aquæ seu Spiritus intermedius, & Lux; diximusque, tenebras esse deformitatis originem & privationis formalis causam immediatam, declarando, eas non esse merum accidens, sed prore quadam non imaginabili tenebris obruta accipiendas esse; quæ quidem videbatur esse inter aliquid & nihil. De talibus tenebris Aegyptiaci loquebatur Moses in Exod. quas palpabiles vocavit. Erant ergo tenebræ

tenebræ quasi velamentum reiviximaginalibus & omnino informis. Hoc agnovit Moyses Genes. 1. quando dicit, quod tenebræ fuerint super faciem abyssi. Per terram etiam inanem tenebras omni luce informante destitutas intellexit; ex quibus mediante luce, terra germinans, virescens & fertilis tertio die creata atque re percussiva lucis virtute in machinæ centro producta fuit. Hic ergo veram habemus materiam primam Peripateticorum deformitate amictam. Hic luce clariùs videtur, tenebras esse eorum principium per accidens privationem rebus inducens. Hic etiam Platonice hylæ mysterium, quod somnio comparaverunt, discernere potestis; at verò Spiritus Domini, quem *Mercur. Trismeg. Pimand. 1. Deum ignis* appellavit, seipsum in tenobris revelans; *Tibi, inquit Psalmista, tenebra non sunt tenebra, sed nox est tam clara tibi, quam dies.* Tenebrarum tegumentum duscissum est, & deorsum obliqua revolutione reverberatum ad fabricæ centrum; atque ita illud informe, quod in tenebris erat occultum, & forma omni carens, nunc lucis pulchritudine decoratum, appellatur nomine aquarum seu spirituum. Unde immediatè postquàm dictum est, quòd tenebræ fuerint supra abyssum, perhibetur abyssus illa in aquam esse conversa per præsentiam lucidi fontis Spiritus. Unde scriptum est: *Et Spiritus Domini ferebatur super aquas.* Hic ergo habemus materiam secundam *Aristotelis* & spiritum universum *Platonis* eorum, &c. Habemus etiam formam formatam, videlicet spiritum divinum, & lucem ab ejus sola præsentia primo die creatam, cujus virtute & assistentia omnia sunt informata, & in actum deducta. Quibus luculenter satis explicatur, quòd tria nostra principia sint illa ipsa, quæ Moyses discrete nominavit, videlicet tenebræ, aquæ seu spiritus, & lux; & proinde quòd ea sint efficacissima & infallibilia, utpote cum quibus omnia omnium Philosophorum principia convenire observantur. Quæ enim alia sunt *Aristotelis* principia quàm hæc nostra, seu potius *Mosaica*? Quid enim aliud *materia* ejus *prima*, quàm *abyssus* (quare eam dixit hylam) & *privatio* ejus seu *materia deformitas*, quam vocavit *tenebras*? Quid ejus *materia secunda* præter illam, quam ipsi Philosophi cum Moyse agnoverunt esse *aquam*? Quid ejus *forma*, cujus virtute, ut ipse fatetur, *materia prima* & *potentialis* in secundam & actualem reducitur, (unde eam etiam actum primum vocavit) præterquàm *Spiritus divini* fructus, seu effectus, seu lux primo die creata? Hoc idem etiam est *hyle Platonica*, quod abyssus *Mosaica*, & idem ejus *idaa*, quod Spiritus radii; deniq; portò ejus *Spiritus intermedius*, quod aquæ, quibus Spiritus Domini incubabat. Quòd autem ad rerum principia secundaria omnia attinet, nunc ab hisce primariis illa per consequentiam deſcendunt? *Galenus* & *Hippocrates* quatuor summas qualitates fecerunt principia. Quomodo autem hæc à nostris principis actione diversa prominent, antea in tractatu primi libri primo declaravimus; videlicet caliditatem ex lucis effectu, frigiditatem ex hylæ gremio & aquarum centro, humiditatem ab actionibus & passionibus intermediis produisse diximus; siccitatem verò ostendimus nihil aliud esse, quàm humiditatis absenciam. Unde, quia humiditas in loco intermedio invenitur, necesse est, ut siccitas incolat utrumque extremum. Postea etiam ipsa quatuor elementa, à dictis qualitatibus orta, vocantur principia corporis humani. Quæ quidem nosce tuius in tria reduximus. fumendo integrum humiditatis sphaeram cum *Artesio* & *Avicenna*, pro unico solo elemento & duo extrema produobus cæteris diximus, etiam, quod elementa in sua substantia nihil aliud sint, quàm aqua; quæ grossior aut tenuior fuerit propter lucis majorem aut minorem præsentiam (nam major lucis portio magis subleuat, minor verò minùs) differentias distinctas producit in sua massa, quæ elementa dicuntur. Deinde grossiora adhuc principia, nominaverunt ex elementis facta, ex quorum unionem corpus humanum conflatur, videlicet quatuor humores, quos itidem quoque

nos in tres, secundum elementorum discrimen contraximus, videlicet, ut elementorum materia erat aqua seu spiritus, sic humorum materia erat chylus; atque ut materię elementaris nimia calefactione igneum elementum productum fuit, sic etiam nimia chyli concoctione bilis generatur. Unde videmus, quod homines hepate calido præditi aptiores sint ad bilis procreationem. At verò si nimium aduratur, in terram revertitur non minus, quam lignum in carbones & deinde in cineres. Unde ex eadem sphaera habemus ignem & terram. Nam in elementari rotatione & circulatione, ignis cum terrę siccitate convenit. Est tamen & terra simplex in sua natura, quę naturalem melancholiam & sanguinis fecem producit; quę verò grossior, frigidior & crudior est, aquę animalis portio. Atque ita habemus bilem naturalem seu flavam & melancholiam naturalem, atque illam, quę ex bile adusta inter humores animales numeratur. Sphaera autem media magis aut minus participat de utroque extremo. Est tamen ex vera natura sphaerę humiditatis. Nam pituita aquę refertur, quę ob suam propinquitatem cum terra crudior atque frigidior est; sanguis verò, aëri comparatus, maturior est & magis coctus, quatenus bili seu elemento ignis comparatur. Totæ ergo humorum massa universo elementorum Spiritui assimilatur, sphaeręque intermedia à sensibili utriusque humoris extremi actu non aliter producit, quam sphaera humiditatis ab actione frigoris terrestris & caliditate elementi ignis. Nam frigiditas est terra, ut actionibus ignis occurrat, exiliens, sua dispositione frigida & sicca atque congelativa in media via inter ignem & terram, resistit actionibus ignis deorsum descendentibus. Ignis verò calor dissolutivus liquefaciendo & relaxando vim frigoris congregativam, in spiritu seu aqua intermedia operantem, resolvit ipsam in quendam madorem, qui secundum magis vel minus in spissitudine relinquitur, pro majori vel minori sua appropinquatione ad alterutrum extremum. Caterum, quoniam hic radiorum caliditatis & spirituum condensorum frigiditatis concursus fit in ipso quasi centro inter ignem & terram, idcirco evenit inde, ut versus inferioris aëreę regionis peripheriam nubes assidue congregari videamus. Hęc ergo est vitę causa, videlicet caloris actio in humore ad impediendos frigiditatis insultus congelativos, qui, si dominium habuerint, mortificationem secum adferent, ut in gangręnæ malo demonstratur. Atque hinc fit, ut calidum innatum semper comitetur humidum radicale. Nam sine calido humidum facilius præsentia frigoris congelabitur, quę est causa mortis. Nam ut calor est causa motus & vitę, sic è converso frigus est causa quietis & mortis: Ut autem lucis & tenebrarum effectus se habent in Macrocosmo, sic etiam iidem se habent effectus animę & corporis in Microcosmo. Nam animę præsentia & actu caloris ejus, sanguis fit fluidus, ejus verò absentia congelatur, motusque omnis tollitur. Similiter, ut aqua à tenebris derivata est, ex qua conflata sunt elementa, sic etiam à corpore omnium humorum materia orta est, unde substantiam corpoream & visibilem habet. Hinc ergo corporis sanitas & infirmitas, vita & mors, ab humoribus procedit, eorumque successione membra corporis oriuntur & nutriuntur. A caloris facultate bonę corporis virtutes & actiones oriuntur, tam voluntarię, quam involuntarię, quę è converso à frigoris dominio depravantur. *Verbi gratia.* Animales actiones congelativa frigoris facultate corrumpuntur, ut in paralyti, catoche, apoplexia & hujusmodi aliis. Spiritus vitales tetrus melancholicę vaporibus inquinantur, corque contrahitur, unde tristitia, metus, ira, desperatio, cordis tremor, syncope, & multa alia hujusmodi prava accidentia inducuntur. In parte naturali per frigoris malitiam, facultas attractiva, expulsi-
va & concoctrix læditur, membraque atrophia, hydropē & infinitis aliis infirmitatibus afficiuntur. Sed ad principia nostra redeundo, videmus, quod ab illis ad homi-

hominis compositionem oriuntur tria principia, ab omnibus tam Theologis, quam Philosophis, Medicis & Chymicis approbata; videlicet *corpus, spiritus & anima*; ac si quis diceret, *terra, aer & ignis*, vel *tenebrae* ex quarum congene terra est, & ex terra corpus, uti suprà demonstravimus; *aqua* seu spiritus tenebris exutus, & *lux* spiritum informans atque in eo habitans. Nonnulli etiam hæc tria in duo contraxerunt, videlicet in *animam & corpus*. Et tunc appellationi animæ spiritum incluserunt, qui semper est animæ vehiculum; unde animam ejus spiritum vocaverunt. Sed quid jam tandem de *Paracelsi* principis censendum sit, ut non verbo dicemus, & quod cum nostris etiam convenient, breviter ostendemus. Ipse tria rerum omnium posuit principia; videlicet, *Sals, Mercurium & Sulphur*. Quæ, si diligeat rem consideremus, ex nostris principiis immediate effluere atque promanare percipiemus. Nam ex terræ seu tenebrarum centro sal extrahitur, & terræ cum igne mixtæ refertur, Sulphur verò seu rerum anima & tinctura, à luce, tanquam animarum, uncturarum & vitarum origine procedit, Mercurius autem partim de sale & partim de igne participans, spiritui in intermedio non ineptè assimilatur. Nam aërem universalem Macrocosmicum secundum suam materiam esse salem petreæ, superius probavimus, & secundum formam suam nihil aliud esse, quam ignem dilatum, & ubique per orbem Macrocosmicum expansum. Unde ejus pars superior in infima mundi regione dicitur *ignis*, ejus verò totum in regione media dicitur *ather*, quasi *athæer*, id est, *igneus spiritus*, & porro ejus totum in suprema regione, per excellentiam vocatur *empyreum*, hoc est, *solum quasi lucidum atque igneum*. His igitur manifestè, nihil aliorum explicatur, tum quod hujus nostræ Philosophiæ principia cum omnibus aliis tam Theologorum, quam omnis generis Philosophorum opinionibus convenient, & quod præter lucem, spiritum atque tenebras seu terram non sint aliqua alia principia naturalia excogitanda; tum etiam, quod hæc tria in sua dispositione referantur ad illa tria principia infinita, & increata unius essentia; tum denique quod unumquodque horum creatorum principiorum habeat respectum ad triplicem rerum primorum creationem; videlicet lux, ad primam, indicans Deum, cujus imago lux erat, fuisse ante omnia; Deinde spiritus seu aquæ, ad secundam, in quarum medio firmamentum, quod cælum nuncupatur fuit positum; Tertia die terra ex tenebrarum congerie ad opificii centrum conglomeratarum facta est: Atque tum immediate ex his principiis corpora composita sunt producta; videlicet herbarum viventes, semen proferentes, & arbores seu plantæ, fructum juxta genus suum producentes. Imò verò ante horum principiorum productionem ipsæ stellæ erraticæ cœli non fuerunt creatæ; quoniam eorum crassum ex terreo subtili factum fuit. At verò *Angeli atque Intelligentiæ*, quatenus ex simplicissimo spiritu & luce primo die in cœlo empyreo creati producti sunt opus non habuerunt, ut tertii principii ortum ad suam existentiam expectarent; quare primo die fuerunt creati. Omnes autem creaturæ mundi visibiles trium principiorum prædictorum opem ad suam existentiam requirebant; inter quas hominem, nobilissimum illud subiectum, quod præ manibus nostris habetur, præcipuè nominamus, qui ex corpore, quod sacræ Scripturæ in multis locis terram & tenebras appellat, triplici spiritu intermedio, & anima seu lucis proportionem itidem triplici, tribus Macrocosmi regionibus correspondente, componitur. Atque ita humanæ creationis rationem breviter proposuimus & declaravimus.



TRACTATUS PRIMI, SECTIONIS I.

L I B E R X.

De triplici animæ in corpore visione

C A P. I.

*De primo genere visionis, qua videlicet anima res corporales percipit
per sensum; & quomodo in hac sua visione
aliquando decipiatur?*



Tria visionum in animæ esse genera ab effectu sui facta
animadvertimus; quorum primum est corporale, quo
per corporis sensus corpora rerum eorumque dimensiones & alia sensibus obvia percipiuntur. Nam quamvis substantia & compositio animæ sit invisibilis, & per consequens invisibiliter in corpore maneat; attamen ipsa est corpore prospiciens & invisibiliter quasi egrediens, quia corpus corpora videt, videlicet cæli & terræ, atque creaturas in iis, oculis nostris conspicuas. Atque hæc animæ visio, mediantibus corporis sensibus externis, perficitur. Secundum visionis in animæ genus spirituale est, quo corporum similitudines spiritu solummodo, & non ratione seu mente, cernuntur. Quicquid enim materiale est, & tamen corpus non est, illud rectè merito spiritus dicitur. Idcirco quadam vi occulta & spiritali ita rapitur anima, ut corporum expressas eorum similitudines, tanquam in speculo videat. Tercium visionis genus est intellectuale, quo res illæ, quæ nec corpora, nec corporum similitudines habent, conspiciuntur; quales sunt, ipsa mens, Deus, justitia, sapientia, &c. omnis animæ affectus bona. Nam visione intellectuali nunquam fallitur anima. Autem intelligit anima, & verum est, quod intelligit; aut si verum non est, non intelligit. In visione verò corporali quàm sæpius errat & fallitur anima, secundum vetus illud & verum axioma Philosphorum; *sensus fallitur circum primum & verum objectum, cum in ipsis corporibus fieri putat, quod videtur apparere in phantasia*. Verbi gratia. Navigantibus videntur terra, civitates, arborei & animalia moveri; similiter in terra firmè consistentibus sursumque eorum in universum.

bus videntur sydera stare; quæ tamen omnia ab ortu in occasum, & è conuerso moveri diligens homines docuit observatio. Porrò etiam divaricatus oculorum radius, res una duplam habere formam videbitur, & in aqua baculus fractus apparebit, & multa id genus alia. Imò verò inter omnes alios sensus maxime *visus*, quamvis præstantissimus, decipitur. Nam videmus in speculo aliquando majus idolum, aliquando minus & nonnunquam æquale; similiter in alio dextra videbitur esse sinistra, & è conuerso; sic etiam quod sursum est, deorsum se habere videbitur, & vice versa. Aliquando idolum apparebit extra speculum, ut in concavis probatur; aliquando verò intra speculum; Erin uno idem speculo, videlicet in concavo oblongo, res videbitur iusto longior, in convexo vero brevior æquo, in plano verò apparebit, prout in sua forma naturali existit: Attamen in planis speculis dextra videbitur esse sinistra, & sinistra esse dextra; atque si in cæteris infinitis, de quibus optica scientiæ periti luculenter egerunt; Imò verò & nosmet ipsi in scientia nostra optica, in libellis de radiis refractis & reflectis hæc omnia succinctè & unico quasi verbo delineavimus. Sensus etiam *auditus* interdum animam fallit, dum aliquis, ulularum cættæ seu felis, vel canis audiens, purat eum esse clamorem vel querelam aliquam mulieris vel hominis aut infantis. Similiter tormenti bellici istrepitus pro tonitru non raro accipitur, voxque unius hominis pro tono alterius habetur; sic etiam in Musica nonnunquam dissonantia pro consonantia approbatur, & vice versa. Porrò etiam per *gustum* decipitur anima, quatenus ipse circa proprium objectum fallitur. Sic aquam aromaticis admixtionibus in vini colorem & saporem Medici periti convertere norunt & solent, ita ut ab ægris pro vero vino accipiat, quod quidem etiam mescum vario artificio præstitisse non eo inficias; Sæpiculè etiam fallitur gustus, rem unam pro alia propter naturarum similitudine accipiens. Halucinetur etiam anima in sensu *Odoris* sive *Olfactus*; quatenus sæpissimè videmus, quòd ex odore sæpè res aliud, quàm revera est, esse creditur; atque hoc quidem tam boni, quàm mali odoris ratione accidere percipimus. *Tactus* denique animam decipit modis infinitis. *Hinc Isaaci anima decepta fuit à Rebecca*. Ex quibus evidense est, quòd visui illa animæ corporalis, quæ sensibus exterioribus pro organis suis utitur, circa objecta corporea fallatur. Atque hic est primus visionis in anima gradus, quo corpora sentimus, quam quidem functionem animæ per quinque corporis sensus expedire solet.

C A P. II.

De secundo gradu visionis animæ, quæ est in imaginatione seu phantasia, & quomodò anima in ea nonnunquam fallatur, patiatur, atque aggravari videatur?

SECUNDO genere visionis animæ, quo non corporea, sed corpori similia, atque adeò etiam nosmet ipsos non aliter, quàm corporibus similes, intuemur, res in spiritu phantastico conspiciuntur, quemadmodum imago in speculo politissimo. Atque ut imago corporis in speculo se habet ad corpus, quod extra speculum existens, imaginis figuram suà præsentia exhibet; sic etiam corporum à sensu externo visorum icones atque effigies spiritui imaginationis imprimuntur.

tur. Sensum igitur & animæ per eum visionem regioni mundi inferiori committimus, in qua corpora verè visibilia sunt trina dimensione circumscripta. Imaginationem autem & illam animæ visionem, quæ per eam fit, effigiebus celestibus referimus, quæ tales videntur, quales non sunt. Sic *Aries cæli* videtur habere arietis terrestris simulachrum. Et *via lactea* talis esse videtur, qualis non est, sed potius similitudo est rei illius, quæ videtur esse. Intellectum etiam & animæ per eum visionem rebus supercelestibus tribuimus, in quibus nec corpus, nec alicujus rei corporeæ aut sensibilis imago invenitur, quales sunt Deus, mens rationalis & intellectualis, ratio, virtutes cardinales, castitas, pietas, & quæcunque alia sunt ejus generis, quæ intelligendo vel cogitando enumeramus, dulces amamus & definimus, ut suprà dictum est. Anima advertendum autem est, quod in intellectuali visione, nunquam fallitur anima. Aut enim intelligit animæ, & verum est, quod intelligit, aut, si verum non est, non intelligit. In visione autem corporali sæpè fallitur anima, ut dictum est in capite præcedenti. Sed & fallitur anima in visione spiritali, de qua hîc agemus, atque illuditur, quoniam ea, quæ videt, aliquando vera, aliquando falsa, atque nonnunquam perturbata & interdum tranquilla sunt. Ipsa autem vera aliquando futuris similia, vel seorsim aut secretò dicta, aliquando obscuris significationibus, & quasi figuratis locutionibus, vel oraculo, visione, somno, insomnio atque exaltati animæ pronunciata videntur, de quibus verba hîc ordine & methodo iusta faciemus. Hinc igitur apparet, animam non esse corpoream, sed potius corporis quasi similitudinem, quæ non est corpus, quemadmodum spiritus non est corpus, sed de corporis & lucis natura participans, quoniam dormienti & in somno alicui veluti corporeus apparebit, neque tamen id corpus ejus est, sed anima, nec verum corpus, sed similitudo corporis ejus. Jacebit enim corpus ejus, ambulabit anima, tacebit lingua corporis ejus, ac loquetur ipsa; clausi erunt oculi tui, videbit autem te illa; & ita in ea tota ac integra cernetur similitudo carnis ejus. In hac similitudine quasi per loca cognita & incognita ducitur, & sentit læta vel tristia. Anima autem mortui, sicut dormientis, in ipsa similitudine corporis sui sentit, ut & bona sive mala; quæ tamen non sunt corporalia, sed corporibus similia, & quasi si Narcissi imago in latice fontis, quibus animæ corporibus exultat, afficiuntur, sive benè sive malè, cum & ipse suis corporibus similes sibi metipsis appareant sunt tamen vel vera læticia vel molestia translata de substantia spiritali in substantiam spiritualem, ut reflexio de uno speculo in aliud. Certum nempe est, quandam spiritualement naturam in nobis esse, ubi corporalium rerum similitudines aut formantur aut formatae ingeruntur, sive cum præsentia aliquo corporis sensu percipimus, ita ut continuo eorum similitudo formetur & memoria recondatur, sive cum absentia jam tum ante nota, vel etiam, quæ non novimus, cogitamus, ut inde formetur quidam spiritalis intellectus. Innumerabilia etiam pro arbitrio & opinione fingimus, quæ vel non sunt, vel esse nesciuntur. Innumerabiles idem aliarum rerum formæ in animo nostro depinguntur, cum vel facimus aliquid, vel facturi sumus. Aliquando etiam spiritu rapiente, tollitur anima, ut videat hujusmodi sive bona, sive mala. Anima quoque intentione cogitationis, vel aliqua vi morbi (ut in delirio è febre orto accidere solet) aut coinmixture cujusdam alterius spiritus sive boni, sive mali, fallitur atque pervertitur. Nam corporalium rerum imagines in spiritu exprimuntur, & tanquam corpora, ipsius corporis sensibus præsentantur, ita ut absentia videantur adesse, tanquam præsentia, atque ut ea, quæ non sunt præ oculis, adesse credantur. A dormientibus etiam multa videntur, vel nihil, vel aliquid interdum significantia. Unde sæpè imagines rerum corporalium tanta expressione objiciuntur in somnis, quanta præsentantur ipsa corpora vigilantibus, in tantum quidem, ut etiam

etiam inter visionem dormientium & veram cognitionem vigilantium non discernatur, sed continuo iis caro moveatur, & contra propositum suum, vel contra mores licitos, concumbere sibi videantur, ac quod naturaliter collectum est, per genitales vias emittant; quam quidem actionem Medici *nocturnam pollutionem* nuncupant. Hunc motum casti vigilantes cohibent & refrænant, quem dormientes id eo compescere non possunt, quia in potestate non habent imaginis corporalis expressionem, quia caro naturaliter movetur, unde sequitur illud, quod cohibitum sequi solebat, & quod sine peccato à vigilantibus fieri non potest, sic in spiritu, & multa pro arbitrio finguntur, vel præter arbitrium demonstrantur, dum corporaliū rerum imagines apparent. Ipsa namque anima, quæ motu proprio semper in motu est, quia à corpore non finitur, vel etiam plane non finitur corporalia sentire, aut ad corporalia vim suæ intentionis dirigere, idcirco, corpore sopito, spiritu ipsa agit, sicuti imagines corporum cogitando ex seipso versare assolet, aut subiecta intuetur, cum ad ea videnda aliquo spiritu assumitur. Notare autem vos velim, *o Lectores æquo animo opera hæc nostra legentes*, quod non de mente jam loquamur, quam supra probavimus, nulli passioni aut mutabilitati obnoxiam esse, sed de anima media in corpore, sensibus & spiritu corporali, imaginationi attributo, mixta, quæ si per sensum corpori jungatur, hoc est, si visione corporali visibilia corporea intueatur, corporea dici potest ab effectu, si per phantasiam circa visionem spiritualium & similitudines corporum versetur, spiritualis dicitur, atque ita quicquid, si per intellectum circa visionem, in qua nec corpora, nec corporum similitudines conspiciuntur, occuperet, rationalis & intellectualis appellatur. Namque hæc anima si menti adhæreat, tunc ejus visio circa mentem & intellectum magis versatur. Si verò magis animæ sensitivæ subijciatur, tunc visionibus ejus inferioribus utitur. Est ergo hæc anima substantia spiritalis, ex luce & spiritu medio conflatæ, & per consequens simplex & indissolubilis, incorporea, passibilis & mutabilis respectu abundantiz spiritus sui, qui passibilis est; at verò, quoad formam suam lucidam, per se manens, fixa atque immutabilis. Quò ergo magis deorsum inclinatur, eò magis spiritu submergitur, & per consequens passioni subijcitur. Quò verò magis sursum elevatur versus mentem, eò minus aggravatur perturbationibus materiæ. Hinc ergo in mentis regione, ubi intellectuales visiones facit, semper vera intuetur, propter ejus libertatem à passionibus & eximiam lucis potentissimæ operationem. At verò in inferioribus suis visionibus falsa pro veris, quàm sapissimè speculatur propter grossitiem medii, in quo natat. Sic remus vel baculus rectus, aquæ immixtus, propter medii spissitudinem, frangi atque incurvari videbitur; Unde res tales id videbuntur, quod reverà non sunt, atque ita fallitur anima: Caret etiam anima pondere, figura & colore, quatenus invisibilis & sensu non capienda. Nec quidem etiam pro parte capienda est, sed pro creatura Dei, neque etiam de substantia Dei, nisi in quantum participat de ejus bono lucido: neque est de materia quatuor elementorum, sed ex nihilo cum quinto spiritu essentiali creata, siquidem Deus eam ex semetipso fecisset, nequaquã vitio, passioni, mutabilitati aut miseriz esset subiecta. Porro etiam, si ex elementis fieret, esset corporea. Initium ergo habet, sine verò eam carere certum est. Et cum spiritalis sit atque æthereæ, nihil habet terreni secum mixtum aut concretum; nihil humiditatis ærææ aut aqueæ, nihilque caliditatis & siccitatis elementi ignei. Ut igitur ejus natura est invisibilis, sic etiam invisibiliter in corpore manet, & de corpore invisibiliter egreditur, per corpus corpora videt, vel uti cœlum & terram, & quæ in iis conspicua sunt oculis nostris. Per spiritum autem corporum similitudines intuetur. Quicquid enim corpus non est, & tamen aliud est, non insulse dicitur Spiritus. Per intellectum ea videt, quæ non

corpo-

corpora sunt, nec corporum formas habent, quemadmodum in superioribus deductum est.

C A P. III.

*De anima visionibus, similiter de somniis & quinque ejus generibus:
De Phantasmate, Ephialte, & tandem
de Extasi.*

ERŪ, quæ nō sunt corpora, sed spirituales corporum similitudines, quales cernimus per imaginationem, alia sunt visa usitata, alia dormientibus appaerent, atque nonnulla in extasi percipiuntur. Quæ sunt *visa usitata & humana*, & vel ex *spiritu nostro* existunt, vel ex *corpore spiritui quodammodo suggeruntur*; secuti, cum vel carne vel animo homines fuerunt affecti, non solum vigilantes in similitudine corporum versant animo curas suas cogitando, verum etiam dormientes somniando tractant illud, quo indigent. Namque & negotia suagerunt ex animi cupiditate, & epulis poculisque inhiant, si forte siuentes esumentesve obdormiverint. Vigilantibus etiam occulto quodam instinctu ingestas esse cogitationes, quibus divinarerent, novimus; sicut *Caiphas Pontifex* prophetavit, cum ejus intentio prophetandi voluntatem non haberet. Videmus ergo ex supra dictis, quod multa videat anima, & quod eadem natura sit omnium visionum, sive in vigilantibus, sive dormientibus, sive ægrotantibus; quoniam res hujusmodi, quæ videntur, non sunt ex alio genere, quam ex natura spiritus, de quo vel in quo sunt similitudines corporum: Obscuratas namque vias habet sentiendi, ut videat, quæ somniantes vident. Visa siquidem Phreneticorum similia sunt visis somniantium, similia sunt cogitationibus vigilantium. Dormientibus quidem in cerebro consopitur via sentiendi, quæ intentionem ad oculos ducit, ideoque ipsa intentio, in aliud versa, cernit visa somniorum, ac si corporales species adessent; ita ut sibi dormiens vigilare videatur, & non corporum simulachra, sed ipsa corpora intueri. Nec certe sine admiratione insigni contempler, & contemplando afficior stupore haud exiguo, quanta celeritate & facilitate anima fabricetur imagines corporum eorum, quæ per corporis oculos videt. Qualiscunque tamen illa visorum natura sit, procul dubio corpus non est. Non enim corpora visa illas imagines in spiritu faciunt, nec eam vim habent, ut aliquid spirituale forment; sed ipse spiritus in seipso celeritate mira id præstat, utpote spiritualis, intellectualis atque rationalis. Quæ dormientibus apparere videntur, secundum *Macrobij* opinionem, in quinque genera distribuuntur, videlicet in *oraculum, visionem, somnium, insomnium & phantasiam*. Oraculum definit esse, cum in somnis parens, vel aliqua gravis, sanctaque persona, seu sacerdos, vel ipse Deus, eventurus aliquid aperte, vel non eventurus, faciendum aut devitandum, denunciat. De quo sacre Scripturæ multis multa locis disertè tractaverunt, & *Jamblicus* in suis mysteriis permulta recitavit. *Visio* est, cum id quis videt, quod eo modo, quo apparuit, evenit. *Somnium* est figuris rectum, & sine interpretatione intelligi non potest, hoc est, ænigmatibus obductum. Unde *Num. 12. In os alloquitur Jehova Moysen, & ostendit, non per somnia & anigmata & figuras, ut solebat ceteris Prophetis se patefacere; sed palam Deum aspexit, atque similitudinem Jehovæ intuebatur*. *Insomnium* est, quando id, quod vigilantem fatigavit, ingerit se dormienti: cuius generis sunt cibi cura, vel potus, vel aliqua studia, vel artes, vel infirmitates; namque secundum studia, quæ quisque exercuerit, somnare solet; Similiter solitarum artium simulachra, de præsentibus impressa, appaerunt

bunt in infomniis. Porro etiam, juxta infirmitatis diversitatem, diversa incidunt infomnia, & secundum morum ac humorum varietatem iidem quoque illa variantur; cum alia videant sanguinei, alia cholericæ, alia phlegmaticæ, & alia melancholicæ; isti vident rubea & ignea; illi alba & nigra. *Phantasma* est, quando quis dormire vix coepit, & vigilare se adhuc existimat, ac aspici se sibi videtur alios quasi in se intrantes, vel passim vagantes formas, discrepantes & varias, easque vel lætas vel turbulentas: sub quo quidem genere *Ephialtes* seu *incubus* & *sucubus* numeratur; quem fama est, quiescentes subito atque inopinatè invadere, atque eos suo pondere gravare. Quod quidem juxta Medicorum opinionem nihil aliud est, quàm quædam fumositas à stomacho vel corde ad cerebrum ascendens, atque ibi vim naturalem comprimens. In *extasi* ab omnibus corporis sensibus anima alienatur & avertitur, magis, quàm in somnio, sed minùs, quàm in morte. Anima in hac non fallitur, sed ipsa mente divinitus adjuvatur, sicuti in *Apocalypsi Johannis* exponitur. Magna quidem est hæc revelatio, siquidem, cum bono spiritu assumitur, anima falli non potest; quia sancti Angeli miris modis visa sua per facilem quandam ac præpotentem unionem vel mixtionem, vera reddunt, & visionem suam ineffabili quodam modo in spiritu nostro reformant. Ipsi siquidem hiscè corporibus indicandis & ministrandis præsumt, & eorum significativas similitudines in spiritu ita disponunt, & tanta potentia quadanteus tractant, ut eas possint hominum spiritibus revelando commiscere. Inde est, quòd *Angelus Jehovæ apparuit infomniis Joseph, dicens: Noli timere, accipe Mariam conjugem tuam. Et iterum. Tolle puerum & fuge. Deus autem per Prophetam Joel dicit: Et effundam de spiritu meo super omnem carnem, & juvenes visiones videbunt, & senes somnia somnabunt, &c.*

C A P. IV.

De hominum in bestiarum effigies per prestigiosam veneficarum operationem transformatione. Quomodo Dæmones boni vel mali assumant hominis spiritum; Et qua via Dæmones mali futura prænunciant, ac deludant falsis apparitionibus?

Accidit aliquando, secundum nonnullorum fide dignorum opiniones, ut, arte quadam venefica mulierum & potestate Dæmonum, homines in lupos & jumenta conversi, instar brutorum, necessaria quæque portent, operèque hoc completo, iterum ad se & pristinam formam suam redeant, ita tamen, ut mens interim in illis non fiat belluina, sed rationalis humanaque conservetur. Id quod etiam *Divus Augustinus* in Italia suo tempore evenisse fideliter nobis scriptis suis consignatum reliquit. Sed hoc, ni fallor, ita intelligendum est, quòd Dæmones quidem nesciunt creare naturas, sed tamè possint aliquid facere tale, ut videatur esse illud, quod reverà non est. Neque enim ulla arte aut potestate magica vel diabolica animus, sed ne corpus quidem, aliqua ratione in membra & lineamenta belluina verè converti potest; sed in hominem quidem phantasticum potest; quippe qui etiam cogitando vel somniando per rerum innumerabilium genera variatur, & cum corpus non sit, corporum formas mira celeritate capit. Consopitis igitur & oppressis corporis humani sensibus, figura tanè corporea ad aliorum sensum produci potest, ita tamen solummodò, ut ipsa

Dd vera

vera hominum corpora alicubi jaceant, viva quidem, sed multò gratiùs atque altiùs, quàm somno, sensibus obferatis, phantasticum autem illud, veluti formatum in alicujus animalis imaginem, aliorum sensibus occurrat & appareat. Quo quidem casu, talis sibi homo iste videbitur, qualiter solet sibi nonnunquam in somnis apparere, ac si onera portaret. Quæ scilicet onera, siquidem vera sunt corpore, portantur à Dæmonibus, ut homines isti præstigiis dediti per eorum actiones illudantur, dum partim vera hominum, partim falsa jumentorum corpora vident. Humanum etiam spiritum aliquando bonus & interdum malus assumit spiritus: nec facillè discerni potest, à quo spiritu sumatur, nisi in eo, quòd bonus instruit ad bona, & in viam veritatis ducit, malus verò fallit, & fallacibus suis machinationibus animam, etiam in manifestis bonis, deludit, ut eam, cum sibi in talibus creditum fuerit, ad suam voluntatem sequendam pertrahat & seducat. Sic plerumq; humanum spiritum rapit, ut occulta amborù mixtura, quasi idè spiritus esse videatur spiritus vexati, & spiritus vexatùs: quemadmodùm in Dæmoniacis & quadam mala Epilepsie specie affecta quondam observavimus. *Dumenim Marcellus Gallia degerem puellam quandam Dæmoniacam inter presbyteros si- gno crucis agitatam animadverti, quæ dum scientiarum esset penitus ignara, proprio quasi afflata verba nonnulla græca protulit, & multa tam de præteritis, quam presentibus non sine magna æstantium admiratione multitudini indicavit.* Quod reverà à proprio ejus Spiritu provenire non potuit, sed propter factam cum eo Spiritus maligni commixtionem talia quasi unico flatu protulit. Atque hinc notatu dignum esse putamus, quomodò spiritus malignus cum maledicentis spiritu, ad impij in maledicente proposito executionem, se jungere soleat. Namque hujus puellæ mater invalida & ægitudine confecta, propter istius filiz suæ neglectum, sive quòd ea, uti quidem ferebatur, aliquid pecuniæ perdiderat, sive quòd in nugis illud consumperat, diris eam imprecationibus infectando, in hæc tandem verba proruperat: *Velim (inquit illa) ut diabolus cum legionibus suis in corpus tuum subito ingre- diatur.* Quo quidem malitiosè enunciato, effectus è vestigio securus est voluntatem. Nam puella subito à Dæmonibus malis & quidem, uti ipse Diabolus per os puellæ confessus est, à sex Legionibus obsessa fuit, atque miserè à iis excruciat. In spiritum igitur à matre malevolè & nefando modo efflatum protinus ingressi sunt Dæmones, atque ita Satan propter propinquitatem naturæ inter spiritum matris & filiz, facillimè in spiritum filiz penetravit, vehens secum turbam Dæmonum. At verò animadvertendum est, quòd Dæmonibus permittatur spiritum hominum possidere, attamen impossibile sit illis in lucidam mentis & rationis regionem penetrare; quoniam illa est tantùm sedes & tabernaculum Trinitatis, non aliter, quàm Sol cælestis, uti testatur *Psalmista Regius.* Et tamen dicitur Satan as implere mentem alicujus & principale cordis. Sed hoc intelligitur fieri, non quidem ingressu in eam, & in sensum ejus, sed fraude, iniquitate, omnique malitia, qua animam illam rationalem ad se illicite atque seducit, decipiendò eam & faciendò per cogitationem, ut bona & virtutes evideantur illi, quæ verè sunt falsitate, vitiis, præstigiisque plena. Est enim Diabolus fallax, nequam & fraudulentus deceptor animarum. Non igitur participatione naturæ seu substantiæ animæ rationalis, ut quidam putant, occupat Diabolus lucidam hominis animam, aut incola ejus efficitur, sed ex parte suæ compositionis cum spiritu hominis aëreo junctus, per fraudulentiam, deceptionem atque maliciam dicitur possidere mentem ac animam, hoc est, obfuscandò rationis splendorem per phantasticas imaginationes in spiritu sensuali hominis obselli, quas excitare solet suis artificiis, ita ut ea videantur esse, quæ non sunt. Veruntamen sensus Diabolo subjectus redditur. Unde lingua obselli loquitur, & phantasie apparitiones ille, uti quidem autumat, certas & infallibiles videt,

videt, cum reverà illæ nihil sint, quàm præstigiøsæ illusiones & à Christi veritate omninò dissidentes. Nam illud bonum, quod Deus impertitus est creaturis suis, sola Trinitas intrare solet; Diabolo autem spissiorē possidere datur spiritum, hoc est, aëreum, in quo fallit sensum & imaginationem. Et tamen per æstutias ejus, mens, hoc est, verus atque immediatus Dei radius, non minùs patitur Diaboli ineptias. quàm Sol cœli fert nubis aëreæ obscuritates, aut tonitruorum fragores & strepitus. Quæ, licet terræ atque terrenis videantur esse tenebrôsæ spissæque nubes, aut tonitrua horrenda, aut Dracones volantes tremendi aut Cometæ prodigiosi, &c. nullatenus tamen illis perturbatur Sol cœli, sed semper constans est in motu suo, semper idem in sua pulchritudine & splendore; quia Deus ei semper adest, cum sit ipsius tabernaculum. Simili, inquam, modo se etiam res habet inter Diaboli præstigias obfuscationum, & mentem seu radios lucis in homine. Nam licet oculi trepidi reddantur, atque sensus vanis Diaboli figmentis illudatur, imaginatioque nebulis atque meteoris falsis opprimatur, (unde fit, ut in media aëris regione videamus, quòd nubes aliæ Draconum effigies, aliæ montium, aliæ castellorum, aliæ hominum inter se belligerantium atque infinitorum aliorum imagines habere videantur, cum reverà nihil sit tale, quale apparent, imò quidem mera figmenta & accidentia, sive simulachra vana existunt, & magis quidem vana, quàm ulla pictorum, quoniam citò evanescunt) attamen ratio illuminata atque mens regia se habet, ut ipse Sol mundanus, firma, immobilisque in sua veritate & fide existens. Unde fit, ut contra homines illos, quibus adest fides, hoc est, quorum animæ menti adhærent, nihil possit Diabolus suis illusionibus; quoniam illi per lucis claritatem fallacias ejus intelligunt; sed quorum animæ carni & sensibus obligantur, hi omnia, ob fidei & radiorum mentis defectum, credunt esse talia, qualia Diabolus ea apparere facit, atque ita ignorantia submerguntur, tenebris obruuntur & in tetricam hylæ abyssum dilabuntur, vivique, sed quasi mortui, in ea sepehantur. Cogitemus ergo nos mortales de mentis excellentia, in quam Diabolus ingredi non potest, ut nec in animam menti adhærentem, quoniam est Dei templum atque tabernaculum. Quare mentis aspectum fugit Diabolus, ut ipsissimum aspectum Dei, unde *Lucis fulgur* dicitur. Et tamen tanta Dæmonum est potestas, tantaque acie præditus est eorum sensus, ac tanta celeritate in aëreo motu præcellunt, ut non sit mirum, si terrenorum corporum sensum acumine, celeritate atque virtute motus faciliè superent. Hinc ergo fit, ut quædam nunquam cogitata prænuncient, quæ homines propter corporis sui tarditatem admirari videntur. Porro etiam Dæmonibus propter tantam vitæ suæ extensionem longè major rerum experientia accessit, quàm hominibus ullis propter vitæ brevitate acquiri potest. Ideò quædam futura per exactam characterem naturæ significationem & positionis eorum rationem prædicunt, & quædam alia mirabilia præstant, quibus homines mentis radiis non illuminatos ad voluntatem suam alliciunt & seducunt. Atque hinc est, ut, teste *Augustino de civitate Dei*, quædam mulierculæ Dæmonum illusionibus & phantasmatibus seductæ, credant & constentur, se nocturnis horis cum Diana Pagano- rum Dea & cum Herodiade ac innumera feminarum multitudine equitare, earumque visionibus obtemperare. Similiter de tali veneficarum cohorte egomet per *Lotharingiam* à flumine Rheino non multùm distatam, transiens audivi, quæ paulò ante meum adventum, credulæ suæ stultitiæ pœnam luerant, igne vindicæ à vitæ suæ impuritate in mortis abyssum missæ. His enim serena quadam nocte, splendente Diana, Satanas sæpissimè variis figuris apparuerat, circa quem ipsæ choreas cum ingenti lætitia ducentes, ipsum pro suo Deo unico habuerant. Nam Satanas, qui se in angelum lucis transfigurare solet, ubi a-

nam alicujus mulierculæ incredulæ seduxit, ipsamque per infidelitatem ejus sibi subjugavit, illicò transformat se in diversas personarum species & icones, atque animæ illi, quam captam tenet in tenebris, & quasi in somnis deludit, modò tristitia, modò læta, & modò incognitas, modò cognitās personas ostendit, atque ita eam per avia quæque seducit. Et cùm solus spiritus infidelis hoc patitur, non in animo seu mente, sed in phantasia, sensu & corpore illud evenire existimatur. Idcirco nimis stultus & hebes est, qui hæc omnia, quæ spiritui apparēt, reverà corpori evenire arbitratur, cùm *Ezechiel* & alii Prophetæ, itēque *Johannes Evangelista* & Apostoli in Spiritu, non in corpore, viderint visiones. Denique quod ad *umbra mortuorum* vel viventium, eorumque apparitiones attinet, sciendum est, quòd, cùm homines mortui vel vivi aliis dormientibus vel vigilantibus apparent, non videantur uti sunt, sed solum modò in quibusdam similitudinibus rerum. Fieri autem istud credimus operationibus angelicis, per dispositionem providentiæ Dei, bene cupientis bonis vel malis, secundùm inscrutabilem altitudinem judiciorum suorum, sive hinc instruantur animæ mortalium, sive fallantur, sive consolatione erigantur, sive terreamur, prout unicuique vel exhibenda venit misericordia vel irroganda justitia. Sed quoniam de his in *Tractatu nostro de morte, sive anima à corpore dissolutione*, latius loquimur & discurremus, hoc loco ea omitemus.

C A P. V.

*De tertio visionis animæ genere, videlicet intellectuāli,
quod nunquam fallit.*

Tertium visionum animæ genus est intellectuāle, ut suprà dictum est, quo illæ res, quæ nec corpora, nec corporum formas habent, conspiciuntur. Atque hujusmodi quidem visione nunquam fallitur anima. Atqui in visionibus sensibili & phantastica sæpè deluditur & seducitur, propter rationes superiùs à nobis allegatas. Idcirco per solam visionem intellectuālem potest animus ad veram sui ipsius agnitionem pervenire, & nullo modo per priores illas visiones sensus & imaginationes, quippe quæ potius fallunt animam, & faciunt, ut sibi illud videatur, quod verè non est. Per recessum igitur à sensibus & corporū simulachris ad sui ipsius & Dei cognitionē pertinere solet homo internus, cùm hic solus sit modus, quo sibi incognitus discit se cognoscere. Sed hic labor, hoc opus, quippe assiduū opus est cōsuetudine & constantia magna recedēdū à sensibus, ut scilicet homo animū suum à multitudine abstrahat versus unitatē, hoc est, ut ipsum ad se revocet & in seipso retineat. His equidē sensibus impeditur anima, ne cerneat se ipsam & creatorem suum valeat, quo ipsa sola & simplex sine oculis respicere debet. Quare necesse est, ut relicti gradibus sensibilibus ad rationis metam, calcando viam justitiæ transcendat. Nam anima rationalis inter eas, quæ à Deo factæ sunt, omnes superat, & proinde, quando pura est, proximaque Deo, atque adeò etiam, in quantum quidem charitati mentis coheret, lumine illo intellectuāli perfusa & illustrata, utique non per corporeos oculos, sed per sui ipsius principale, hoc est, per intelligentiam Deum cernit, in quo est perfectissima pulchritudo & beatissima visio, qua quidem visione ipsa fit beata. Removere igitur debet à consideratione sua omnes notitias, quæ per corporis sensus extrinsecus accipiuntur: quippe quòd corporalia, eorumque similitudines, atque ipsi

ipsi quoque sensus & imaginationes circa ea versantes, & in memoria, cum ea recordando reminiscitur, hærentes ad exteriorem hominem pertinent, quamquam istis anima veluti nunciis quibusdam, exteriora percipiat. Anima, quoque simplex est & libera, cui nihil est seipsa præsentius, interna quadam & non simulata, sed vera præsentia. Videt se in se; nihil enim tam novit, quàm id, quod sibi præstò est, nec quicquam ei magis præstò est, quàm ipsa sibi. Nam se cognoscit vivere, meminit se esse, velle, cogitare, scire, iudicare, hæc, inquam, omnia novit anima in se, nec imaginatur ea extra se, si aliquo sensu corporis illa tangat, sicut corporalia quæcunque tanguntur, ex quorum cogitationibus nihil ei accedit, ut tale aliquid se esse putet, quicquid ei de se remanet, hoc solum ipsa est. Nihil enim tam in anima illuminatum, quàm ipsa anima, nec quicquam aliud sic cognoscit, ut ipsa anima; cum enim quærit anima, quid sit anima, profectò novit, quòd seipsam quærat & novit, quòd ipsa sit anima, quæ seipsam quærit, nec enim aliud de se quærit, quàm seipsam. Dum ergo se quærentem novit, se quidem tota novit. Quod si novit, utique omne, quod novit, tota novit. Et si inventa parte non se totam quærit, attamen, quòd se tota quærit, tota sibi præstò est, & nihil ei præsentius esse potest, quàm ipsa sibi. Quòd autem de se quærit, quid antea fuerit, vel quid futura sit, vel qualis jam sit, quærit, hoc est, quàm similis vel dissimilis Deo, quàm humilis & devota, quàm pulchra & quàm sancta. Sed quia in istis est corporibus, quæ cum amore cogitat, & cum quibus amorem miscere consuevit, non potest sine imaginibus eorum videre seipsam. Nam tanto glutine ei cohærent hæc, quæ foris sunt, animalia, ut etiam, cum absunt ista, præstò sint eorum imagines cogitanti. Quapropter secernere eas à se non potest, ut se solam inspiciat & videat. Redeat ergo anima ad se, & stet in se, nec licut absentem se quærat, sed velut præsentem se curet cernere & discernere; & intentionem voluntatis, quæ per alia vagatur, statuat in seipsa, & se cogitet, ut seipsam cognoscat & diligat. Ita videbit, quòd nunquam se non amaverit, nunquam nesciverit, sed quòd, alia secum amando cum his se confundent, ita ut sine magno labore ab iis separari non possit, quibus magno amore adhæsit. Quapropter ea phantasiis corporalium imaginationum deformatur, eisdem altè impressis & soluta corpore illis non exiit. Si enim à corruptione corporalium affectionum hic non mundatur, exuta corpore tenetur passionibus corporalibus. Nam maxima, sicut dictum est, cohærentia est inter spiritum animæ & corporis, ita ut si spiritus animæ cohæreat spiritui corporeo, neglecta mentis pulchritudine & benedictione, tunc ille spiritus elementaris & sensitivus post animæ egressum de corpore adhæreat, & connectat sese ejus spiritui aëreo; atque ita talibus tenebitur passionibus anima corpore exuta, qualibus subiacebat in corpore existens. Nam ut in plantæ incremento videmus, quòd spiritus æthereus cum sua anima seu lucis scintilla, versus suam patriam volans & tendens, sursum supra terram sese elevat, cujus alterius connectitur portio elementi igni, utpote quod contiguum est cælo æthereo; at igni iterum aër cōglutinatur propter loci sui dignitatem, atque aqua aëri, & denique aqua terra, atque ita activa lucis & spiritus ætherei voluntas grossa & gravi illo spiritu sæculo deprimatur, ita ut contra velle suum in aëre detineatur, & magis sursum ferri aut attolli nequeat. Sic etiam, si anima ætherea hominis, portioni mentis non adhæreat, sed à radio divino, qui est de cælo empyreo, & nullum cum elementis habet nexum aut familiaritatem, negligatur, eodem ferè modo se habet, ut animæ planæ aut bestię. Nam ignea elementorum vi colligatur cum corpore & cum aëreo spiritus sensitivi, & nonnunquam cum tenuiori quoque portione concatenate, ita ut à loco gaudii & lætitiæ deprimatur, ac in loco passionibus illis, quibus in corpore humano perturbata fuit, obnoxio detineatur, quoniam o-

mnēs animæ passiones malæ fuerunt in spiritu grossiori, sensuum videlicet & phantasiæ, qui quidem spiritus adhuc ei corpore jam exutæ coheret. At verò, si anima in corpore, carnis voluptates respuendo, rationi illuminatæ, intellectui atque menti ad hæserit; tunc in potestate mentis erit, eam cum adhærente ei spiritu grosso, priùs purificato, sursum, extra & supra regionem passibilem, vehere, atque ex loco perturbationum & terrorù in locù lætitiæ & gaudiù elevare. Hæc enim est via veræ resurrectionis à morte in vitam, hoc est, à tenebris in lucem cum suo corpore glorificato, quod nihil aliud est, quàm spiritus corporis sensibilis, virtute radorum mentis illustratæ ita rectificatus, ut subtilitate sua possit omnia penetrare, & per portas ac fenestras clausas transire: Id sane, quod aliis spiritibus corpore exutis denegatur, si historiis tam vetèribus, quàm recentioribus fides aliqua est adhibenda. Sed & tanta est perfectio animæ cum spiritu corporeo glorificato, ut etiam ei, ab omnibus omnium elementorum vinculis immuni, cœlum æthereum rescindere, & per regionis supremæ cribum, evehentiùs eam & sursum elevantibus mentis ab omni passione liberæ alis penetrare à Deo concedatur. Studeat ergo anima in hac vita, dum scilicet cum corpore suo opaco adhuc est conjuncta, ut menti adhæreat, quò hac ratione se à corporis & sensualis spiritus inquinamenti liberet & emundet. Quod quidem, si fecerit, egregia hæc erit merces ejus, & insigne hoc ejus præmium, quòd, cum bine, id est, à suo corpore exierit, nihil corporei aut immundici ei secum trahet, sed ab omni corporali passione erit immunis. Hic obiter vos notare velim, quòd huic animæ multa nomina secundum operis ejus diversitatem imponatur. Nam ut integra anima mundana, ex parte infima sive elementari, & ætherea ac multiplici empyrea, sic etiam spiritus ejus medius (qui & anima media vocatur, & cujus est, prohibitum participare de utroque extremo) dum sentit, & circa carnales & terrenas operationes versatur, dicitur sensus; dum vegetat & vivificat, vita nuncupatur; dum recordatur, memoria; dum discernit, ratio; dum sapit, animus; dum intelligit, mens; dum contemplatur spiritus; atque dum vult, voluntas. Ista tamen non differunt in substantia, sed nominibus tantum; quippe illa omnia non sunt nisi unica anima, proprietatibus quidem diversa, sed essentia una. Sic enim eundem spiritum continuum esse videmus à circumferentia mundi ad ejus centrum; atque sic etiam lucis pyramidem continuatam intelligimus à terra, ubi incipit ejus conus ad peripheriam mundi. Et tamen tam spiritum istum universum, quàm lucem, varias in se habere proprietates, secundum majorem vel minorem lucis quantitatem, aut juxta majorem vel minorem spiritus tenuitatem percipimus. Unde fit, ut grossior spiritus portio sit mutabilis, corruptibilis & infinitis alterationibus subjecta; Ejus verò pars media, temperata multorum planetarum, proprietate ad invicem differentium, orbes distinguit, & mediocris in remissiori aut intensiori gradu existit, atque tandem regio ejus suprema est formalissima, subtilissima, intellectuallissima, atque divinis intelligentiis, ordine & natura distinctis, impleta. Quæ quidem omnes differentiæ in uno & eodem spiritu fiunt propter varietatem proportionum lucis omnia operantis. Ut igitur unus idemque dicitur hic spiritus, & tamen varias in se habet operationes; unde & terra, aqua, ær, ignis, æther, spiritus igneus & intellectuallis appellatur, sic etiam eadem anima dici solet sensus, imaginatio, vita, ratio, intellectus atque mens, licet unus atque idem sit spiritus à Deo creatus, radiisque multifariis adornatus, quorum diversa operatione, varia sortitus est nomina. Sic videmus, quòd in infima mundi regione defectus lucis sit causa tot & tantarum mutationum. At si Deus huic spiritus regioni tantam gratiam conferret, quantam spiritui humano per mentem, subito in excellentiam superioris mundi regionis exaltaretur. Non enim differt spiritus portio inferior à superiori,

nisi

nisi quod illa pauperior est lucis affluentia, hæc verò infinitis gradibus opulentior. Quia non potest hæc infima spiritus portio sublimari, nisi Deus in eam infundat abundantiam suæ formæ, qua universa, cælum nempe & terra fient nova & inquinamenti omnis expertia. Sic etiam, nisi in homine Deus animæ medietatem spiritum illuminasset ab alto, impossibile esset, ut regeneraretur in hac vita, aut resurgeret in vita altera ad vitam æternam. Infima ergo spiritus mundi portio efficietur, per lucis medietatem additionem, vitalis & vivifica, atque æthereæ, cui si iterum proportio lucis spiritus empyrei addatur, mutabitur illa subtilisatione & illuminatione in spiritum rationalem & intellectualem, & ultimo illuminationis gradu, tanquam ipsa mens seu spiritus divinus ornabitur. Sic quidem sese res habet in anima; quæ in grossio spiritu sensus nuncupatur, cujus rectificatione sensibilem corporum imaginationes introducuntur, atque tunc imaginationis & phantasie nomen sibi vendicat; ac si hic spiritus ad buccam extra omnem sensum purificatione & corporalium pollutionum sepositione ad interiorem & medium cerebri thalamum per verucis latera penetrare valeat, ratio vocatur, cui præest & supereminet intellectus, qui à mente gubernatur. Atque hæc omnia sunt unus & idem spiritus, variis quasi *Prothei* transformationibus mutatus, hoc est, diversis proprietatibus & naturis subalternatim præditus. Concludimus igitur ex his, quòd duplices sint animæ actiones, cum alio consilio erigatur ad divina, alio verò prodendat & inclinetur ad mundana & carnalia. Ejus autem inclinatio est hujusmodi. Cum scilicet sit subtilis & invisibilis, videri non potest, sed per potentias suas se extendit & ostendit. Per concupiscibilitatem enim appetit, per irascibilitatem contemnit & odit, per rationalitatem inter utrumque discernit. Si ergo anima versatur circa Deum, tunc exultat & gaudet in suo bono, quippe quòd Bonum animæ est Deus. At si versetur circa mundana, tunc lætari & exultare videbitur in bono carnis. Nam bonum carnis est mundus cum abundantia jucunditatis ejus. Sed mundus est exterior, Deus verò est interior, imò verò nihil Deo est interior, cum sit rerum quasi centrum. Unde necesse est, ut nos, ab hoc mundo revertentes, & quasi ab imo sursum ascendentes, attollamur. Ascendere autem ad Deum est intrare in seipsum, & non solum se ingredi, sed ineffabili quodam modo ad intima sui penetrare. Qui enim interiora transiens, & intrinsecus penetrans, seipsum transcendit, ille vere ad Deum ascendit. Ab hujus igitur mundi distractionibus cornostrum recolligamus, & ad interna gaudia illud revocemus. Et si in his illud retinere non possumus, saltem ab illicitis & vanis cogitationibus istud restringamus, ut aliquando illud in divinæ contemplationis lumen figere valeamus. Hæc enim est requies cordis nostri, cum illud in Dei amorem per desiderium figitur. Hæc est vita animi & cordis nostri, cum Deum suum contempletur, & ista contemplatione suavi ter reficitur; Et dulce est semper ad considerandum, quod ad amandum & laudandum semper dulce fuit & suave; Nihil enim ad beatam vitam præstantius videtur, quam velut clausis carnalibus sensibus extra carnem mundumque convertere affectum quempiam intra seipsum alienatoque affectu à moralium cupiditatibus sibi soli & Deo loqui. Cum denique duplex sit animæ vita (nam aliâ in carne vivit, & aliâ in Deo) benedictus æstimabitur, qui in carne benè vivendo, in Deo etiam optimè vivere nititur. Nam qui vivit in Deo, ille suum quasi esse cognoscet, esse ipsum Deum, & Dei verbum, atque per hujus rei contemplationem læticia atque gaudio ineffabili perfundetur. Hinc ergo est, quòd *Mercur. Trismegist.* dicit; *Crede, quòd in te videt & audit verbum Dei.* Nam teste *Evangelista Johanne*, *in Verbo erat vita, & illa vita erat lux hominum, &c.* O quàm nobilis existit spiritus ille, qui vera sapientia ductus, oculis spiritualibus percipit se ex luce & vita conflatum esse. Nam ille Deum, omnium patrem,

cognoscit,

agnoscit, quoniam, teste Mercur. Trismegist. lux & vita Deus est & Pater, ex quo
natus est homo. Spiritus igitur, deprehendens seipsum ex vita & luce compo-
situm, ad vitam rursus & lumen transcendens. Deus nobis hujusmodi felicitatem conce-
dit, ut veris & spiritualibus mediis ad illum & in illum, à quo primordialiter processimus,
fideliter redeamus. Amen.

*Trium Anima Visionis generum in Microcosmo, eorumque regionum,
objectorum, rationumque discernendi
luculentissima demonstratio.*



Hic demonstrantur tres animæ visiones, videlicet quatenus illa est *sensus*, quatenus *imaginatio*, & quatenus *ratio, intellectus & mens*. Cùm verò est *sensus*, corpora & res visibiles videt, audit, odoratur, gustat & tangit, prout sunt, hoc est, immediatè sensibus exterioribus ea omnia in compositione percipit. Profundius ergo versatur anima in multitudine rerum, dum sensus appellationero sibi vendicat, & per consequens remotior est à divinorum & spiritualium contemplatione. Unde fit, ut sensus cistam solam seu corticem rerum intueatur, seu cooperimentum & tegumentum veritatis; ipsamque veritatem in centro delitescentem cernere, & sensuum exteriorum organis percipere non possit. Animæ ergo sensitivæ obijciuntur mundus corporeus & visibilis, cujus terrez portioni Tactus correspondet, aqueæ Gustus, ææ ex grossæ & mixtæ Odoratus, ææz simplicis & tenuis Auditus, & ignis cum æthere Visus. In anteriori porrò interioris montis seu capitis Microcosmici parte residens anima dicitur *imaginativa*, vel ipsa phantasia & imaginatio; quia rerum corporalium & sensibilem, non quidem veras imagines, sed similitudines & quasi umbras intuetur. Unde mundi & rerum mundanarum ideas & icones speculatur, quatenus est imaginatio & res in abstracto, non autem realia, vel res in concreto, atque prout sunt, apprehendit. In centro autem cerebri anima nec phantastico modo videt, nec sensibili respectu corpora considerat, sed *rationis* spiritu, *mentis*, lumine res intellectuales contemplatur, quæ neque fuerunt in sensu, neque sola phantasia comprehenduntur, sed ipsa ratione pro rebus veris habentur & æstimantur. Non quæ enim cadebāt intelligentiarum arcana sub sensum, uti nec trine Essentia ineffabile mysterium. Quomodo etiam ne quidem earum ideas comprehendere potest imaginatio; cùm ipsa ratio atque ingenii humani acumen ad tantam gratiam vix unquam, & non nisi ingenti mentis illuminatione pervenire queat. Unde fit, ut ipsa ratio per divinam speculationem ad intellectum prius exurgat, & deinde ab intellectu in mentis sphaeram saltu levi se erigat, ut in ejus lumine spiritualia eminens conspiciat, & per hujusmodi visionem ingenti læticia veluti rapiatur, ac Jehovah, secundum *Esaiam Prophetam* in cælo sedentem, atque in altissimo throno elevatum, & super palatium mundanum collocatum, intueatur, ubi ejus solium est cælum, ejusque palatium gloria repletissimum, ipsa lux, ita ut semper quasi in extasi aspiciat supercælestia, negligendo inferiora; hæreat, inquam, in contemplatione rerum tam nobilium à sensu vili abstractarum. In ultima denique cerebri parte anima dicitur *memorativa & motiva*: namque in illa parte visionum objecta recondit, custodit, atque recordatur, tam mundi sensibilis, quam imaginarii & intellectualis. Similiter *motiva* nuncupatur, quatenus per spinæ medullam dat & deorsum immittit motionem cuilibet mundi minoris membro.

Alia demonstratio ostendens, quomodo anima ascendat spiritali ascensu à rebus mundi sensibilibus ad unitatem per 22 mundi gradus, incipiendo à terra, atque sursum ascendendo ad Deum, hoc est, à multitudine ad unitatem.

*Principium
Terminus a q
Fons essentia
Acus primus
Ens entium
Natura naturans*



Ut 21. sunt literæ Hebraicæ, à Deo omnium Conditor in hominis usum ad rerum creaturarum figuras & naturas exprimendas vel denotandas introducæ (nam ea, quæ Deus prima septimana creavit, numerum 21. non excedunt) ita quoque per totidem gradus ascendere debet anima piæ corpore discedens, à terra, id est, à spiritalis lineæ suprà depictæ centro, seu à multitudine versùs unitatem, significando, quòd Verbum, in quo est vita rerum, sit in omni creatura, ab unitate incipiendo, & ad basin multitudinis progrediendo. Unde & rectissime illud α & ω nuncupatur: prout etiam varix ejus in materia actiones per literas illas hebraicas distinguuntur, ita quidem, ut inde concludant nonnulli fidei digni, quòd quilibet harum literarum denotet speciale aliquid creationis opus. Est ergo exordium motus, seu iter animæ recedentis à sensibilibus & exterioribus ad spiritualia, insensibilia & interiora, à terra seu tactus objecto ad aquam, & ab aqua seu gustus objecto ad aërem grossum, & ab aëre grosso, seu olfactus objecto ad aërem tenuem, & ab hoc auditus objecto, ad ignem, à quo igne tanquam visus objecto, mundum sensibilem relinquendo, ad mundum imaginationis & similitudinem corporum ascendit: Unde per Lunæ objectum transit, ubi fingit, se *Endymionem* in Luna ingenti sentium falce onustum videre, & infinitas alias chimæras in regione Planetaria se in abstracto contueri imaginatur. Videtur sibi etiam *Arietem, Taurum, Leonem, Scorpionem & Capricornum*, atque itidem quoque extra Zodiacum *lupum, canem, ursam, anguem, &c.* prata, camposque cœlestes aspectu protervø peragrarè, & in illis noctesque diesque pasci & nutriri. Similiter homines imaginarios in hac sphaera stellifera vivere opinatur, videlicet *Geminos, Virginem, Sagittarium & Aquarium* intra Zodiaci margines, sic etiam extra eas *Orionem, Centaurum, Aurigam, Herculem, Serpentarium, Perseum, Cepheum, Bubulcum, Antinomum, Cassiopeam, Andromedam, &c.* Hic etiam intra Zodiaci limites *Cancrum & Pisces*, & extra eos *Cetum magnum*, tanquam in cœlo aqueo natantes, cernere se somniat, & puppem *Argos* fluctus æthereos sulcare phantastico modo videt, ita, ut ea res vere corporeas esse credat. Dehinc altius surgit hic spiritus humanus, alis divinitatis in mundum invisibilem vectus, qui & spiritalis dicitur, quoniam vix materialis est, atque ibi integram invenit veritatem, nihilque in eo, præter solam veritatem contueri potest, quoniam aut videt, & tunc necesse est, ut veritatem videat, aut non videt, & tunc falsitate invidere ei est impossibile, imò verò in hac beatitudinis sede semper videt, & quod verum est atque bonum videt, quoniam providentiæ increatæ oculus, omnia ibi & ubique videns, radiis suæ visionis sempiternæ efficit, ut quicquid in hoc cœlo existit, oculis rationis, intellectus ac sapientiæ omnia videat non sine gaudio & lætitiâ ineffabili. Primum igitur animæ iter in hac regione illuminata fit per regnum Angelorû, secundum per regnum Archangelorum, atque ita ordine & gradatim sursum ascendendo, omniumque intelligentiarum regiones peragrandò continuatur usque dum ad supremum mundi invisibilis cacumen perveniat, in quo est unitas illa, à quo omnis multitudo derivatur, seu terminus, à quo motus fit ab aliquo ad nihil, seu principium unicum, à quo mundus factus est, seu fons essentiæ, à quo formæ rebus sunt inditæ, vel ens entium, cujus entitate res omnes factæ sunt entia, vel actus primus, cujus præsentia & actus res omnes de potentia in actum sunt deductæ, natura naturans, à cujus natura naturatæ sunt naturæ omnium rerum. Hæc incomprehensibilem suam gloriam, ineffabile suum lumen & benignum suum aspectum in creaturas suas omnes in perpetuum benevolè & ubertim deorsum effundit. Hic itaque anima, gaudio inexplicabili perfusa, quiescit, & admiratione capta deorsum illicò descendit, ut vestigia sapientiæ suæ acquisitæ corpori suo, per omne hoc tempus in extasi quasi permanenti imprimat, atque ut integrum Microcosmum

finum, olim opinione dubia fallaci atque incertitudine plenum, jam fidelem, certum & constantem in sapientia legibus efficiat, eumque in rerum veritate stabiliat & confirmet. Sic fit ex tyrone sapiens; sic homo ex vili mundano efficitur nobilis Dei que comes, & per Dei misericordiam ex carnis progenie in filium & heredem Creatoris sempiterni adoptatur, atque ita optime præparatur ad possessionem illam æternam, quæ à primordio mundi ordinata & destinata est benedictis & electis

Dei.

Ec 3

TRA-





TRACTATUS PRIMI, SECTIONIS I.

LIBER XI.

De Spermate & Generatione.

C A P. I.

De generationis & multiplicationis ratione.



LN generationis arcana multa, tam supercoelestium quàm coelestium & sublunarium mysteria vulgò adhuc incognita, & nondum promulgata veniunt enucleanda & diligenter observanda. Quod igitur in primis attinet ad supercoelestia, animadvertendum est, secundùm Jamblici doctrinam, *viventia in 4. ordines esse divisa in Deos, scilicet, Dæmones, Heroës & Animas*, hoc est, in Deum, Angelos Deo instar architectorum in opificio mundano ministrantes, spiritus olympicos seu gubernatores Planetarum & corporum coelestium, ac Animas. Unde ex ejus sententia videntur duo esse semidiametri, ducti à centro seu terra ad ejus circumferentiam extremam, id est, cœli empyrei capacitatem superiorem & cœlum elementare; quorum illud Dei, hoc autem animarum habitaculum existimatur; Dæmones verò & heroës loca intermedia sibi vindicare dicuntur: Unde fit, ut Dæmones propter propinquitatem suam cum igneo Dei tabernaculo, de ipsius proprietate, quæ est unitas, participare tradantur. Nam ipsorum proprietates sunt, teste Jamblico, *continere in se doses Deorum, inferiori quidem modo quàm Dii, sed sub idea, ratione, earum obtinere deteriore conditionem*. Unde de unitate & stabilitate participant. Alteram verò extremitatem magis deorsum tendentem inhabitantis & operantis animæ proprietates (cùm sit declinatio ad multitudinem, motum, & res naturales motu vitali replendas, & ad generationem perficiendam) ab unitatis natura seu Dei proprietate maxime distare observatur; quippe quòd ad numerum & pluralitatem tendit. Heroës denique

denique, quoniam magis ad animarum situm declinant, cum ipsarum naturis in omnibus ferè conveniunt. Ipsorum enim proprietas sub conditione multitudinis & motus, permixtionisquæ dispositione, statu & excellentia comprehenditur, quemadmodum à nobis suprà, in pyramidis mundanæ in radicem quadratæ & cubos divisione, latius declaratum est. Differunt ergo Dæmones ab Heroibus in eo, quòd *Heroës aliquantò magis inclinant ad particularia mobiliaque*, ut *Jamblicus* verbis utar *quàm Dæmanes*. Nam duo illa mediolorum genera, Dæmones scilicet & Heroës componuntur ex proprietatibus extremorum, scilicet Dei & animarum; qui quidem digitis simplicibus & articulis primæ compositionis seu radicibus, in suprà dicta pyramide materiali denotantur, sed in Dæmonibus est plùs divini, in Heroibus plùs humani. Ex his igitur constat, quòd Planetarum gubernatores cum suis legionibus in regione elementari degentibus, quos Heroës vocant, vitam in inferiora à suis orbibus infundentes, & per consequens cum animabus consentientes, multiplicationes in vegetabilibus, & generationes in animalibus promoveant. Atque horum Heroum locus describitur in quadratorum pyramidis materialis ordine, quemadmodum animæ in profunditate cuborum ejus submergi dignoscuntur. Deus quidem, cum sit punctissima & simplicissima forma, luxquæ exactissima & primaria, purissimam & simplicissimam fecit generationem monadis, ipsam in seipsum reflectens: ita ut unitas in sua natura integra & intacta absque omni materie pollutione permaneret. Nam ipsa materia erat causa multitudinis & numeri augmentationis, quemadmodum ex ænigmatica hac historia seu fabula sequenti declarabitur.

*Damogorgon, qui est summus & primus Deus, æternitate autè mundi originem stipatus, comitatus & ornatus, atque in ea se reponens, Chaos informe inæffabili oculorum suorum splendore intuebatur, ventremq; ejus mirum in modum contentione, colubitatione, atque tumultu vibrari, & perturbari percipiens, manum suam porrigebat ad illum Chaos gravidum adjuvandum. Unde litigium illico & prima facie arrium suum accepit, quòd benevolo Damogorgoni beneficio in mundi circuitum productum, vultu equidem inhomesto & impudico, strepitusq; inaudito comitante ambistosis aliis in altum & sursum in cæli fastigium calcemq; ferri affectavit. Unde factum est ut à Damogorgone in imam abyssum meritis deiceretur atque pessundaretur. Chaos verò rerum omnium mater, post rebellis hujus sui primogeniti ortum, purius jam manens sudore & suspiriis igneis ardebat, atque alia adhuc vice gravidum laborare ad partum cupit, sternumq; assilente Damogorgoni manu prolem secundam masculam edidit, cui nomen erat Pan, naturam, materiam seu spiritum universalem significans; cujus caput ocellatum, corum stellatum, aures dua utrumque mundi polum, barba longaradios solares deorsum tendentes, fistula ex septem syngibus conflata septem Planetas, cum ipsorum harmonia, pedes caprini temporis naturam significabant. Iterum post Panis ortum tres ejus sorores, Parca scilicet, ex utero Chaos fuerunt edita & prognata, rerum vicissitudinem arguentes. Denique Polus, Titan, Terra & Hærebus lineari successione sunt secuti. Ex hac ergo relatione demonstratur, materiam seu Chaos, ex spirituum seu aquarum informium congerie constitutum, ante creationem fuisse generationis originem & matricem; quæ tamen nihil parere aut producere potuisset, nisi actus Damogorgonis adfuisset, utpote sine cujus assistentia Chaos potentia in actum minimè potuissent deduci. Unde manifestum est, quòd Deus unica sua essentia & proprietate formali, quæ est unitas, in actum produxerit naturam secundam, quam *Pythagorici* in numerum imperfectorum, videlicet in dualitatem, reposuerunt. Unde deinceps, unitate spirituum informem informantè, ternarii & Trinitatis dispositio producta est; ita ut virtute unitatis edita sit dualitas imperfecta; quæ additione unitatis illustratæ à numero imperfecto in numerum & naturam perfectissimam est redacta, nempe in Trinitatem. Sic Deus in Verbo, Verbum in Spiritu ab ambobus profuente*

te, & Deus in omnibus. Sic Verbum Dei in omni natura seu spiritu orbem universum implente. Sic Deus cum Verbo & Spiritu ubique. Atque sic per harmoniæ hujus divinæ symphoniam pax, litigio jam tūm ante è cælo in terram dejecto, & in ejus centrum disturbato, inter elementa usque ad ultimum PEREAT continuabitur. Sic felicitas perpetua primæ mundi regioni, amicitia durabilis mediæ, & quies cum pauca perturbatione infimæ perpetuò aderit. At verò in hac regione infima aliquando ventorum oppositorum tumultus, fluctuum & aquarum conflictus, meteororum ex contrariis qualitatibus conflatorum generatio, & infinita alia accidentia, mundo huic inferiori contingentia propter ejus cū litigio contiguitatē sēpissimè reperiuntur. His igitur intellectis in promptu ratio est, cur inferiora magis sint ad generationem apta, quàm superiora; cū densior & efficacior matricis chaos pars in hac regione reperiatur. Unde terra dicitur mater rerum omnium, quas ignis in ejus matricem immisit. Nec quidem de hoc ulterius est dubitandum, cū nec aërem, nec ignem, nec ætherem ad animalium, vegetabilium, aut mineralium generationem in sua regione idoneum esse observemus. Erat igitur à Chaos materia generationis & substantia, quæ formam, animam, & actum suum à Deo accepit ad suam essentiam & existentiam. Nec enim potest fieri generatio absque actione in passivum bene dispositum, & per consequens, Deus, qui est unitas & monas, per se non generat multitudinem, sed per abundantiam materiæ Chaos, seu spiritus scæundi, seu naturæ humidæ, quam teste *Mercur Trismegist* Verbum & lux & ignis, *incervus fovebat, seu Spiritus Domini, qui ferebatur super aquas*, animæ oriuntur ad multitudinem particularium prona; & ab Heroibus seu Planetarum Dominis, materiam prolificam & vitalem deorsum effundentibus, animæ istæ ad assiduam generationem & procreationem sollicitantur, alliciuntur & fortificantur. Est ergo Heroum & animarum dominium à sphaera solari usque ad centrum seu terram; quoniam ab illo puncto, deorsum progrediendo, pyramidis formalis conus tendit ab universalitate formali ad ejus particularitatem, videlicet ad punctum coni in terra desinens; dum è converso basis pyramidis materialis, terræ innitens multitudinem materiæ subministrat paucitati formæ in cono pyramidis formalis ibi reperto. Hinc oriuntur tot generationes in terra, totque corruptiones & mutationes seu alterationes. Nam materia multa, nunquam formæ paucitate contenta, habitum suum quotidie mutare desiderat, quò formam sibi nobiliorem acquirit, cujus præsentia & actu appetitui suo plenè satisfiat. At verò à sphaera Solis sursum ascendendo nihil generationis inveniri potest, eò, materialis pyramidis pars sursum tendens, subinde magis magisque subtiliatur, dum ad pyramidis formalis basin gradatim accedit. Unde talis materia, propter suam ex forma & luce subtiliationem, est ad generationem omnino inepta atque infecunda, cū ejus matrix sit nimis tenera & subtilis, ita ut lucis semina propter intensam eorum fortitudinem retinere non valeat. Hinc igitur animæ à Philosophis partem mundi infimam & ordinem intelligentiarum ultimum possidere dicuntur, locumque prope terram, seu in regione infima sibi vindicare; quoniam ibi appetitus earum, circa particularia & generationis multitudinem occupatus, secundum *Jamblic* opinionem superius allegatam, sufficienter expletur.

C A P. II.

De generatione, & quid inter eam & creationem intersit?

Quòd cœlum sit generationis rerum origo.

*Philosophi Peripatetici de naturali rerum genitura fideliter agentes, & generationis rationem ac dispositionem diligenter inquirentes, tandem percepserunt ipsam Genesin seu generationem nihil aliud esse, quàm mutationem à forma unica pristina substantiali in aliam; hoc est, progressum materię ad formam substantialem, quæ nondum ei inest, sed mox inenit. Verbi gratiâ: Generationem pomi volunt esse progressum germinis, ut materię ad pomum, tanquàm ad formam substantialem; quia pomum est substantia; forma autem pomi non inest germi, sed mox, perfectâ generatione, inenit. Verùm enim verò utinobis videtur, & quod bona Peripateticorum venia sit dictum, formam rei generandæ ipsi spermati seu germi actualiter etiam à primordio inest, licet se sui nostro non statim innotescat, sed occulte magis magisque indies operatur in massa feminis ab eo instanti, quo illud in matricem generationi convenientem ad rei gignendæ perfectionem projicitur, quemadmodum infra declarabimus. Quid autem inter generationem & creationem intersit, supra dictum est, ubi luculenter explicavimus, creationem esse originem speciei non præexistenti, & per consequens cujuslibet ejusdem speciei individui immediatè ab ea & primariò permanens; generationem verò dicimus esse modum conservandi & continuandi speciem præexistentem & creatione in mundum productam. Ex quibus patet, quòd creatio versetur circa rem non præexistentem, generatio verò necessariò circa rem præcedentem, & in rerum natura beneficio creationis existentem. Præterea inde elicimus, quòd, ut Deus est creationis autor, seu specierum creaturarum pater, sic etiam ipsa creatura dignoscatur esse pater rei genitæ; cùm sine creaturæ spermate impossibile sit, ut ulla generatio fiat, siquidem absque virtute occulta seminali, materia formam & speciem animatorum corporum induere non potest. Hinc igitur constat, quòd nullum genitum sit bonum, quatenus est passio à passibili & imperfecto patre productum, secundum illud Merc. Trismegist. Pim. 6. *Gemita non sunt bona; nam generatio passio est ubi autem passio est, nullo modo bonum; ubi bonum, non passio ponitur ulla, quemadmodum ubi dies, ibi nulla nox, ut ubi nox, ibi nulla dies.* Præterea, quod genitum est, bonum non est, quippe quod imperfectum est. Hoc etiam confirmatur ejusdem Mercur. Trismeg. verbis Pim. 4. quæ sunt talia: *Quicquid genitum, utique imperfectum, dividuum, crescens & decrescens; ei verò, quod perfectum, horum nihil accidit.* Pater ergo creaturæ erat solum bonum atque summa perfectio, Monas scilicet, omnium principium, radix & origo, absque verò principio; quæ omnem numerum continet, à nullo contenta, omnem gignit numerum, à nullo genita; quæ creaturæ primæ de sua bonitate & perfectione communicavit. Unde omnia creata bona sunt dicta: Quæ quidem perfectio & bonitas peccato Adami interturbata est. Nam, qui non, nisi ad suam compositionem & perfectionem solummodò formæ portionem adeptus est, ille volens ejus portionem ad generationem aliorum conferre, atque ita prodigiosius eam impertiri, de creatura perfecta factus est creatura imperfecta & tenebrarum pollutione ac inquinamenti maculata. Atque ut ipse Creator*

Eff erat

erat Pater Adami, sic ipse ulterius stultè cupiens more divino alios ambiciōē creare, exinde sese in sphæram generationis præcipitavit, atque ex perfectione & fastigio contemplationis Creatoris sui in abyssum miseriei & imperfectiōis dejectus est atque pessundatus; adeoque etiam omnes cæteræ creaturæ post & propter eum, imò verò & ipsa terra, inde maledictionem acceperunt. Ex prædictis ergo apparet, quòd, ut ipse Deus, mediante Verbo suo sacrosancto, fuit auctor immediatus creationis, sic etiam cælum seu natura sit generationis origo, secundum illud *Merc. Trismeg. Pimand. 1. Circulorum celestium circuitus, quemadmodum ipsa mens voluit, ex elementis inferioribus animalia conservit.* Et alibi *Pimand. 9. Mundi revolutio, generationes exagitant, qualitates efficit, quasdam inficiens, maloque defensans, bonoque purgans.* Experientia autem edocentur *Astrologi*, rem ita sese habere. Nam mali Planetæ, aliàs *Infortunia* dicti, depravare solent dispositiones hominum; *fortunia* verò eas in meliores convertunt: Mentem tamen ab omni fato influxuque celestili liberam esse superiùs declaravimus, quamvis interrim procul dubio certum sit, quòd bonæ cæli sancti influentiæ animam reddant menti obediētiorem; prout è converso quoque prævæ influentiæ faciunt eam illi hominib; interni portioni, quæ mentis naturæ opposita est, subiectiorem. Ex his igitur evidens est, quòd generationis vis & proprietas à cælo derivetur. Imò verò ipsum hominem sine Sole & homine generari non posse agnoverunt sapientes. Quòd verò ad ignaros illos & stultos attinet, qui, cælum in hæc inferiora non agere, insulse & imprudenter asseverant, in fumum abeant eorum intentiones, & pro ingratīs perpetuò habeantur, utpote qui primos & principales suos parentes impudenter abnegare gestiunt, dum se à cælo & cælicolis, tanquam Creatoris ministris per divinā voluntatem procreari inficiantur, atque ita producentem eos cæli potestatem ac virtutem duro ore sensuque fallaci abjurare conantur, adeoque gloriosum illud mundi ornamentum nulli inservire usui, falsò inferre non erubescunt. Anne, ô stulti, participes esse vultis regni cælestis, & tamen sine medio ad illud penetrare præsumitis? Anne *Divum Paulum* in tertium cælum rapi potuisset, nisi per medium transiisset? Quasi verò quis diceret, motum esse à termino, à quo ad quem, vel à principio ad finem sine medio. Cæli operationem in generatione negatis, & tamen vitam vestram ab ejus corde quotidie hauritis: O stulta hominum natura, dum ea, quæ non videt aut tangit, in rerum natura existere non credit, atque ita, veritatem negligendo, vana & falsa atque præstigiōsa capit, ac vanitatibus inebriata, fidem quoque vanam concipit, eaque ratione tenebris infecta, lumenque rejiciens, verà pro falsis habet, falsa quoque pro veris vanè amplectitur. Sed Deus Opt. Max. hæc omnia in meliora pro bona sua voluntate reformat.

C A P. III.

De spermate & semine: Quomodo ea ab invicem differant? Spermatīs procreandi ratio ex quatuor elementis. Et quòd illud in animalis sit ex præstantiori membrorum corpora substantia.

UT absque spermate animalis generatio fieri non potest, sic etiam sperma nō plūs potest sine suo semine, quàm corpus sine anima. Non igitur est sperma idem cum semine, quamvis nonnulli hæc duo vocabula confundant, pro synonymis

mis ea fumendo, atque ita internum pro externo accipiendo. Nam sperma est illud; quod, cum sit visibile, semē invisibile in suo cētro possidet; quod quando in matricem venit debitam, congelatur, & congelatū quod reperit purum vel impurum puro mixtum Sed jam, cum sperma sit res visibilis, semen autem res invisibilis, summa cum diligentia querendum est & indagandum, *quidnam sit hoc sperma, quid illud semen*, ut tūc postea, quomodo hæc ab invicem differant, rectè cognoscamus. *Sperma* secundum Philosophorum præstantiorum sententiam, ex principaliori substantia omnium genitoris membrorum componitur. Unde patet, quòd illud sit quasi quinta essentia, ex quatuor elementis composita & vix naturalis electa. Nam operatione naturæ quodlibet elementum emittit suum subtile; quæ omnia & singula in rebus conveniunt, & ad generationē præparantur per unionem & assimilationem. In qua quidem mixtione, si elementa masculina prædominentur, formam speciei generantis masculinam producūt, si feminina, femininam. Ex his igitur colligitur, quòd sperma componatur ex parte magis spirituali omnium elementorum, & quòd per consequens in se cōprehendat speciem integram corporis genitoris, adeoque etiam imaginem ejus, invisibilem in se retineat; quam in actum visibilem deducit natura, nisi in suo motu impediatur, & præcipuè, si ipsum sperma in locum seu matricem consentaneam disponatur. At verò quemadmodum videmus, quòd corpus ex quatuor elementis compactum, nihil possit, nisi anima vitalis ē cælis infundatur; sic etiam nec hæc tenuissima elementorum collectio quicquam potest, nisi in invisibilis natura cælestis ei insit, quæ vitam illi & motum tribuere potest. In semine enim vita jacet, & anima rei generandæ, atque in spermate inveniemus elementorum virgulta & germina, quæ tenera sunt, & vix adhuc efflorescere incipiunt. Et tamen deinceps gradatim aut pedetentim, mediante nutrimento conveniente quotidie crescere & vigescere dignoscuntur, & id quidem vivifico seminis centralis motu; quod idē percipimus centrum spermatis possidere, quoniā ipsum cor in microcosmi medio, & solem in cæli centro per ocularem demonstrationem deprehendimus, quorum unum est corporis animalis vita & alterum mundi anima, quæ vivere dicitur. Ex his igitur evidens est, quòd sperma omnes membrorum genitoris proportionales in se habeat, modo tamen invisibili & contracto; quæ virtute animæ vivificæ seu seminis inclusi paulatim indies extenduntur. Sic in vesica bovina, cujus forma seu figura fortassis est triangularis vel quadrangularis vel pentagonalis vel hexagonalis, &c. si in massam convolvatur, figura ejus penitus delitescit, Atqui si levisim spiritui flatoris extendatur, percipimus, quòd ejus figura vera & geometrica in suis lineamentis patefiat. Nonne etiam animadvertimus, quòd aer mutatione sua convertatur in quodlibet elementum? Nonne ipsum in nubem condensari, atque iterum crassiorē nubis vel quæ partem in lapidem sulphurea nativi in loco aliquo caloris virtute transmutari, atque ita per diversam naturæ in elementis operationem, res diversas in eorum gremio, facta, nempe ipsorum relatione, procreari cernimus? Sic etiam procul dubio ipsum sperma nihil aliud est, quàm ipse aer congelatus; qui & ipse nihil est, quàm subtile terræ cum aqua simul mixtum, ex quibus non magis est impossibile, ut mediante naturæ centralis operatione, caro, ossa, & hujuscemodi aliz partes fiant, quàm in centro aeris ex aëre nubes, aqua & lapides producuntur. Et indubitato percipimus, quòd natura nunquam frustra operetur; unde probabile est, quòd aer ad cordis thalamum per inspirationem introductus, secundum majorem sui partem per meatus insensibiles cuiuslibet regionis Microcosmicæ parti dispensetur, atque ita locum materię spermatis, ex quolibet membro per vias insensibiles extractæ & in vasa seminaria infuse suppleat. Similiter alimenti subtile ad hoc opus

complendum non est otiosum. Atque hinc est, ut mihi videtur, quòd alia *seminis vasa* dicuntur *seminales arteria*, ex magnæ arteriæ caudice initiantia, & ad testiculos se extendentia, alia verò *ex-venis prodeuntia*, & ad testiculos pertingentia. Ex quibus demonstratur, quòd sperma nutriatur partim ab alimento in ventriculum attracto, seu chylo in hepate sanguificato, & partim atque præcipuè ab aëre attracto ad cordis refrigerium, quoniam ab ejus regione seminis invisibilis efficacia derivatur. Sed quamvis hoc incredibile nonnullis videbitur (qui nimirum nihil consueverunt credere, præterquàm quòd sensui subjicitur) quòd spermatis materia proveniat, & dimanet ab omnibus corporis generatis membris, multis tamen argumentis, hoc ita reverà sese habere comprobabimus; quorum primum sumimus à spermatis definitione, quæ est talis: *Sperma est hominis semen ex principali substantia omnium membrorum compositum*; secundum ab effectu in homine post multum coitum. Nam ingenio & animalium spirituum dispositione graviores magisque stupidi redduntur homines post coitum. Unde certum est, cerebrum de suo aliquid huic actioni contribuere. Præterea dicunt, quòd in cisione nervi alicujus, juxta aures in homine ascendents, immediate ipse postea sterilis fiat. *Similiter* & alios novi, qui è vestigio post coitum cæperunt peritum stupore vel dolore quodam podagrico laborare. Atque sic etiam homines coitu in initio indulgentes universaliter corpore debilitari testatur experientia. Tertium porro est tale: Natura exigit, ut similia de similibus nascantur, quò omnia possint progredi, & secundum propriam speciem generari. Unde necesse est, ut portio purior omnium membrorum genitoris ad gignendi productionem concurrat: Aliud etiam hujus rei argumentum habemus, quod est hujusmodi: si pater aliquis infirmitatem incurabilem in loco quodam habeat (verbi gratià, podagram, chiragram aut similia) filius quàm sæpius circa idem membrum incirrit talem infirmitatem. Uode autem est hoc, nisi in spermate consistat illius infirmitatis causa? Et per consequens certum videtur, illam spermatis portionem, quæ à læso genitoris membro processit, esse causam istius mali. Hinc etiam patet, quòd quælibet membri portio in spermate correspondeat membri reigenitæ. Proinde his argumentis probatur, quòd sperma ab omnibus membris genitoris derivetur. Sed si quis petat, per quos meatus hoc fiat, aut quibus modis? respondeamus, subtilibus viis & oculo intellectus solummodò percipiendis id fieri. Nam ut aër in tenui sua dispositione invisibilis est, & per corpora densa modo invisibili cognoscitur penetrare, sic etiam spermatis substantia aërea, more vaporis subtilis, in venas & arterias penetrat, mirabilia moris & concupiscentiæ fervore, occultoque naturæ vigore ad hoc impulsâ, quam substantiam natura sagax in vasa ei destinata magnetica sua virtute alliciens, quasi vaporem aliquem in nubem spissam, coctione debita condensat, in cujus centro scintilla invisibili vitæ, quam semen supra appellavimus, circumsepta manet, cujus est virtute sua moerice & facultate vegetativa palatium suum actum atque strictum indies reddere ampliùs, viasque suis motibus convenientes præparare, ut in iis liberius & melius queat functiones suas rationis, vitæ & sensus expedire & complere. Atque hinc est, quòd Philosophi semen definiunt esse quandam qualitatem, & vim occultam à natura spermatis inditam, à partibus præcipuis ipsius generantis ortam; quæ quidem vis sive qualitas informet materiam animatorum corporum forma specieque simili. In qua tamen definitione semen malè dicitur qualitas, cum sit essentia informans: Bene autem dixerunt, hanc essentiam à partibus præcipuis ipsius genitoris oriri, scilicet à cerebri regione mentis & rationis, à corde seu sede vitæ & animæ medix, atque ab hepate seu regione elementari, à cujus fonte elementorum subtile nutritur. Uode fit, ut experientia compertum sit, quòd hoc sperma semen suum

continens

continens in matrice clausum tres producat operatione secreta internæ dispositionis ampullas; ex quibus diligenti observatione tria corporis membra principalia fieri animadvertuntur, videlicet cerebrum, cor & hepar, ut infrà latius ostendemus. Nec tamen credendum est, quòd unius hominis natura diversas formas humanas creaturis suæ speciei nascendis præbere possit: sed quemadmodum videmus in frumenti multiplicatione, quòd radii cœlestes radius granorum ad eorum multiplicationem successivè adduntur (quoniam unicum granum frumenti non plùs habet, quàm ad propriam ejus existentiam sufficit) sic etiam naturæ divinæ portio à cerebro dimanans per additionem & influxum radiorum rationalium ab alto, partem hominis geniti supremam plene perficit, manente genitore illæso. Similiter portio spermatis à corde & regionis ejus ad hærentibus derivata recipit à cœlo & sole portionem, eamque magnetica similitudinis virtute sibi attrahit, qua mediam gignendi regionem complectitur, ut completa vitæ facultate fruatur. Portio denique spermatis hepaticam genitoris vim possidens emendatur, tùm occulta elementorum exteriorum influxu, tùm admirabili superiorum virtute. Hoc ergo modo quælibet spermatis humani particula auxilium acquirit à superioribus, quo in viventis suæ speciei animalis membra, tùm magis principalia, tùm minùs principalia reducit. Atque hæc est ratio integra, qua homo ex homine per generationem provenire solet.

C A P. IV.

*De Spermatis humani operatione post ejus in vulvæ muliebrem immisionem. Et quomodo Planeta agant ad fœtus complementum;
Et de vera partus muliebris tempestate duplici,
ac de ratione ejusdem.*

REcepto spermate visibili in matricem muliebrem cum ejus semine invisibili matris subitò clauditur, nec postmodum usque ad fœtus perfectionem & complementum aperitur, nisi id fiat ratione præter naturam impellente; quæ etiam solet effectus periculosos secum afferre, nupte abortum, &c. Spermato igitur in matrice firmatò tres illæ ampullæ superius designatæ, seorsim seu ad invicem divisæ spatio septem dierum producuntur, & visui manifestæ fiunt, quæ quidem die decimo quinto reducuntur in tria illa membra principalia, quæ dicuntur cerebrum, cor & hepar, quorum prius est mentis, rationis & spirituum animalis sedes, secundum vitæ & animæ mundanæ atque infimum facultatis naturalis, ita ut venas à jecore protuberantes atque arterias à corde egredientes, & nervos ex cerebro scaturientes percipere possimus; quorum postea virtute, conperante calore, cæteræ etiam partes paulatim producuntur, videlicet pulmones, cæteræque thoracis partes, stomachus, intestina, & quæ ea contingunt, similiter vesica, renes, & ultimo loco cæteræ corporis universi partes. Deinde die trigesimo masculi apparere solent & trigesimo septimo, feminæ. Completis itaque corporis membris atque organis fœtus adhuc ad omnimodam suam maturitatem & coctionem manet in utero, usque ad complementum novem mensium. Et nonnunquam etiam egreditur vivus mense septimo, si autem mensem septimum excedat, non videtur vivere, nec vivit in septimo verò vivit, ut tam experientia, quàm ipsa Philosophia testatur. *Octavo autem mense nasci moriuntur, nono verò*

vivunt,cujus quidem rei rationem nobis reddunt *Astrologi*,videlicet,quoniam *septimus mensis* foetus in utero jacentis gubernatur à *Luna*,imò verò eo tempore operatur *Luna* in foetum seu infantem,laboratque sua lubrica frigidityate cum humiditate ad expulsiorem ejusdem. Quare si tunc nascitur infans vivere potest; At si non nascatur,debilitabitur. *Octavo* autem *menfe Saturnus*,constringendo uterum & foetum prædominabitur. Unde fit,ut si infans illo mente nascatur,vivere non possit. *Nono* autem *menfe* iterum *Jupiter* caliditate & humiditate nutriendo,vires foetui reducit,& sic ille completè nascitur beneque vivit. Similiter præcedentium sex mensium quilibet à peculiari Planeta gubernatur. Nam *primo menfe*,cùm semen in matricem recipitur,operatur *Saturnus*,coagulando & stringendo materiam spermatis sua frigidityate & siccitate,eamque in primam suam massam coagulando. *Mense* autem *secundo* prædominatur *Jupiter*,massam coagulata dirigendo sua caliditate in quandam massam crudam, quæ vocatur *Embryon*. *Tertio* verò *menfe* eminentiore potestatem habet *Mars*, qui agendo in materiam sua caliditate & siccitate,dividens atque separans massam illam,membraque disponens,illa in suum colorem convertit,reducendo ea in formam sanguinis;virtusque *Jovis* tunc latet & quiescit. *Quarto menfe* *Sol* imperare observatur,qui nutrit spiritus & vitam partus,desiccando superfluas humiditates,manifestiorem reddit. *Quintum* porrò *mensē Venus* disponit atque ordinat,manifestam oculorum,capillorum,superfiliorum & testiculorum effigiem formando. *Sexto* denique *menfe* operatur *Mercurius*,quo foramina & spiracula dicuntur fieri,nam extendit membrum linguae & vocalem arteriam. De *septimo*, *octavo* & *nono* ante locuti sumus. Quæ quidem omnes Planetarum operationes proveniunt,propter occultam naturæ æthereæ dispositionem in spermate delitescentem,quam semen appellavimus,quæ quidem respectu vivificæ suæ dispositionis cœlestia mirum in modum respicit,& ideò facilimè impressionum superiorum & præsertim Solis,à quo præcipuè derivatur,capax est in vitæ & membrorum atque instrumentorum ordinatione. His igitur satis luculenter explicatis,aliud vobis fortè occurrit dubium;quomodo scilicet *Embryon* seu *foetus* tempore *septem* vel *novem mensium* in utero occlusus,nutriripotest? Dicimus ergo,quòd nonnullorum opinio,& ea quidem ab omnibus ferè recepta sit,quòd foetus in utero à menstruoso fluore,jam propter matris obfirmationem retento,nutriatur: quod quidem,si *Plinii* rationibus fidem aliquam adhibeamus,ita se habere non potest: Quoniam (inquit ille) *menstruorum natura tam violenta est ut urticas supra quas decidit,reddat siccas & mortuas quod seminat* ejus contactu sterile sit,venenosa sua qualitate facit speculum perdere suum splendorem & ustellum acutum facit obtusum,cane de iis gustantes rabidos efficit. Ex quibus patet,quàm lethale partui foret hoc alimentum menstruosum,cum etiam confirmatis creaturis tantam perniciem adferre animadvertatur. Sed hinc alioriri potest quæstio;videlicet quibus modis menstrua evacuentur,vel an semper maneant inutilia in corpore per totum illud spatium? Cui respondemus,quòd virtute caloris,quæ in foemina crescit assiduè propter respectum creaturæ generandæ,ista superfluitas menstrua deltruatur. Quod igitur ad verum satius nutrimentum attinet,procul dubio illud ab umbilico ei obvenit,mediate quadam venula,quæ ab hepate ad matricem ad solum istud officium partui præstandum,descendit: Infans autem prædicto tempore peracto,ad completam suæ speciei & magnitudinis perfectionem in utero perveniens,atque naturali quodam instinctu,tùm locum ampliorem,tùm alimentum copiosius appetens,tandem è tenebris in lucem egredi desiderat,exitumque suum,mediantibus superioribus aggreditur mense septimo,aut nono,uti dictum est. Sumptis ergo & completis in illius temporis termino viribus suis,incipit se movere,nervosque sua fornicu-

dine frangendo, & vincula idonea violando nascitur in mundum. Sed, quoniam in calido & humido erat nutritus, & verò terra ad quam tendit, est frigida & sicca, idcirco infans in suo ortu, tantam contrarietatem sentiens, vocem lamentationis emitit, arq; ita *prima vox hominis est vox doloris*. Unde fit, ut obstetric ad loci prioris naturæ imitationem vel alicui panno calido involvar puerum, vel in aquam tepidam eum imponat, cujus caliditatem & humiditatem sentiens infans esse similem naturæ obscuri sui habitaculi statim tacere, & eo oblectari percipitur. Hic autem notatu dignum esse existimamus, quòd cetera animalia, ut primum sunt nata, statim incedant, cum tamen homo longo tempore post suam natiuitatem nec stare nec ambulare possit. Cujus rei ratio est, menstruosa illa materia ad uterum mulieris descendens, quæ infantem, propter rationes suprà commemoratas, debilitare solet. Nam cetera animalia menstrua non habent.

C A P. V.

*Cur anima animalis non agat tam citò in sætu,
quàm vita & motus?*

IN superioribus secundum Mercurii Trismegisti sententiam, dictum est, quòd *mentis & rationis indumentum sit anima, & quod animæ vehiculum sit spiritus*. Horum autem omnium recepraculum est sperma, quòd est extractum subtile omnium in genitoris compositione concurrentium elementonum, ex quo tanquam ex furculo, nova arbor, vel novum corpus exurgit, corpori genitoris speciei, membris, figura & organis haud dissimile. Sed quoniam, teste illo Mercurio Trismegisto, *mens interre hac male secundum se existere, & tantum numen partibili confirmatum corpore sustinere nequit, assumpsit mens animam, velut amictum, similiter anima etiam diuina existens, utitur spiritu*: Nam mens in sua natura & ipsa anima lucida à mente derivata, & quasi mentis imago seu mens secundaria, tam contrariæ sunt naturæ corporis opaci, ut spiritualia seu tenuissima & mollissima vehicula materialia requirant, sine quibus cum corpore coniungi nò possunt. Incluso igitur spiritu, ipse motus ab anima occulto modo in spermate contenta spermaticam moultantiam, corporis generandæ effigiem invisibiliter in se habentem, paulatim & successivè inflat, eamque gradatim se extendere, & in formam velicæ eleuare facit, animamque ad tale ædificium extruendum exagitat mens, quæ est Dei radius. Et in mente, inquit Mercurius, *est Verbum Dei, quòd hac omnia ordinas atque instituit*. Ercertè, quoniam Verbo factus fuit homo, verbo etiam continuatur ejus successio per generationem, & per consequens, Verbi character atq; sigillum non est solum modò in homine completo, sed etiam in ipso nondum formatum, cum Verbum Dei manere dicatur in æternum; siquidem *Diuus Johannes* testatur, quòd *per Verbum facta sint omnia, & sine ipso factum est nihil, quod factum est*, Nam in ipso est *vita*, & illa *vita erat lux hominum, & illa lux in tenebris lucet*. Nonne etiam dicit Mercurius Trismegistus cum Euangelista conueniens, ore quasi Dei & Mentis loquendo? *Cogita, quòd in te vides Verbum Domini, mens autem Pater Deus, neque enim distant ab invicem; horum unio vita est*: Et Psalmista Regius Psalm. 139. 15. *Non occultata est vis tibi, ex quo factus sum in occulto, artificiois confectus, velut in imis partibus terra. Massam meam videns oculi tui, & in libro tuo hæc omnia scripta sunt, ex quibus diebus formabantur, cum nondum nullum ex eù extaret, &c.* Similiter Psalm. 119.

Manus

Manus tua fecerunt me & plasmauerunt me. Sic etiam apud Job 10. 9. reperimus: *Sicut argillam me fecisti: nonne sicut lac fudisti me? & tanquam caseum coagulasti me? Cuse & carne induxisti me? ossibusq; & nervis sexisti me? cum visa benignitatem excrevissergamae? Et visitatio tua conservavit spiritum meum?* Et denique juxta Psal. 11. *Cum tu sis, qui eduxisti me ex utero faciens, ut considerem ad ubera matris meae. Interejectus sum ex vulva, unde ab utero matris meae, Deus fortis meus sis.* Ex his igitur evidenter, ni fallor, patet, quod Deus sit in ipso utero, ibique agat ad fabricam humanam productionem, & consequenter, quod Verbum Dei sit in mente, & cum mente, & ob hanc rationem in ipso homine, & in spermate in utero manente, ut ad speciei humanae existentiam, & ad divinum exemplar illud conformetur. Sed ut Verbum à *Mercurio* dicitur esse in mente, mens in ratione, ratio cum Verbo & Mente in anima, & anima lucida cum his omnibus in corpore, atque ita progressio sit a unitate ad multitudinem; sic necesse erit, ut Mens, quasi dualitas, moveatur à Verbo, & Spiritus rationalis à mente, & anima à spiritu rationali, atque ut ita tandem spiritus per ipsam animam ad praestandum suum officium in corpore spermatico immediatè operetur. Spiritus igitur aëreus seu æthereus agit in corpus, tanquam in suum simile, ad ædificandum palatium pro suo rege cælesti, organisque & membris atque promptuariis & officinis, cuilibet radio atque spiritui interno, & à superioribus illa pro convenientibus illud exornat. Anima ergo vivificat spiritum ad hoc tale opus, ita ut spiritus sit animæ instrumentum & vehiculum; Ratio vivificat animam, & anima cum ratione admirabile illud opus divinum, vel divinum divini radii tabernaculum construit. Rationalem etiam spiritum imbuunt mens acumine & dignitate ineffabili. Et Verbum in mente splendorem supersubstantialem secum portat; cujus præsentia speciei æternitas ejusque perpetuitas conservatur, ut in antedictis deliripimus. Hinc igitur est, quod *Mens & Ratio* ultimo demum loco apparent. Nam spiritus virtute occultæ actionis animæ, massam & embryon flatu suo inde à principio indies augeri & crescere facit. Et tamen vita seu anima vivens tunc nondum apparet, quamvis manifestum sit, quod occultè operetur per ampullarum arteriarum, venarum & nervorum productionem, seu potius patefactionem. Audis igitur & sensibilibus factis corporis organis, sensibilior quoque sit animæ motus & illius effectus. Unde fit, quod vita in augmentationis medietate apparere solet, adeoque fœtus etiam tunc ipso sensu tactus movere percipitur, nec tamen agere videtur mens cum ratione, nisi mystico quodam in anima motu, quem sensus humanus nullo modo percipere valet. Nam ut spiritus agit in corpore, sic anima in spiritu: sed ut animæ actiones absque spiritu non possunt sensu corporeo percipi, sic nec mentis atque rationis, absque animæ vivificæ effectū. Unde liquet, quod actus spiritus sint sensibus corporeis familiares, quoniam iis propinquiore sunt, & quasi contigui. Actus verò animæ non sunt illis ita familiares, quoniam inter corpus & animam interponitur spiritus. Similiter rationis actus sunt adhuc cognitu difficiliore sensibus corporeis, quam actus animæ, quoniam inter corpus & rationem interponuntur spiritus & anima media. Omnium autem difficillimi perceptu sunt sensibus corporeis actus mentis & operationes Dei, quoniam longius distant, & sunt quasi in mysteriorum spiritualium centro. At verò sensus operationes in extrema superficie sunt positæ. Summè quidem arduum erit sensui in terræ superficie degenti & agenti, operationes secretas, quæ in terræ centro perficiuntur, & mysteria naturæ, quæ ibi delitescunt, percipere; Multo itaq; durius & difficilius adhuc erit, ut materia grossa & terrea mysticas illas operationes atq; intentiones intelligat, quæ in cælo supercælesti producuntur. Hinc igitur est, quod mens & ratio, quoad sensum humanum in massa spermatica quiescere videntur, cum tamen occulto & mystico

stico modo in anima operentur, ut ipsa quoque tandem in infimo spermatis spiritu movens, structuram atque domicilium humanum ædificare solet. Et quemadmodum videmus in prima mundi creatione, quòd lucis supernæ impressiones in sphaeram elementarem fuerunt debiles, & quasi imperceptibiles ante Solis apparitionem (unde & nullum animal, sed solum vegetabilia & mineralia fuerunt producta, siquidem non agebat ad vitam animale, sed ad vegetabilem tantum.) Similiter, ut observamus, quòd post massæ vegetabilis incrementum, virtute aucti caloris vivifici corpora animalia & vitalia, sed ratione evidenti destituta sunt producta; videlicet aquatica, volatilia & terrestria, & quòd in creationis fine ratio cum mente in hominem nobilissimum animal fuit inspirata; sic attendatis obsecro, qualiter res sese habeat in fœtu, durante ejus in matrice mora. Mundus cum suis creaturis septem dierum spatio ex aqua & luce creatus est. Aqua condensatione aut sublimatione in elementa, natura & situ diversa distinguitur. Atque hæc talis mixtio tribus prioribus creationis diebus facta fuit. Sic spermatis origo est aqua & lux, per quorum diversas mixtiones producuntur quatuor elementa, & ex horum subtilit fœmen seu aqua spissata. Hoc sperma tribus mensibus in tres regiones corporeas, ex tribus ampullis, tres mundi regiones representantibus conflatas, concrevit: Sic mundum in tres regiones, tribus primis creationis diebus correspondentes, divilum esse supra declaravimus; massæque vegetabilis completa crescere & augeri cepit. In cæteris verò atque ultimis creationis diebus vita animalis producta fuit, & operata Solis virtus: Atque sic etiam per cæteros tres commorantis in utero fœtus menses, vita animalis in massa vegetabili apparet. Sexto demum die creationis regione elementari à suis nubibus caliginosis & vaporibus rebellibus purgata, ratio cum mente, mediante verbo, in hominem inspirata fuit. Sic igitur etiam circa mensem sextum, rationis scintillæ ex humana specie exilire quodammodo, licet admodum lente, videntur. Atque ut die septimo completa fuit mundi & creaturarum fabrica, sic etiam infans jam ad imaginem mundi peractus in lucem produci solet, vel ob defectum maternum mense nono.

C A P. VI.

De hominis ætatibus, & cur illæ sint subinde breviores; Elementorumque corruptorum purificandorum ratio in novissimo die.

Mirabilis equidem virtutis est numerus septenarius, cum in eo præservata fuerint animalia mundi in arca Noë à diluvio, atque eisdem quoque peregris institutionem totius vitæ humanæ curriculum gubernetur. Nam ut fœtus in mulieris matrice datur continuare ante completam ejus perfectionem septem menses; ita etiam post illius ex utero egressum, vitæ ejus cursus septem aliis temporis intervallis commensuratur, quæ ætates appellantur, & unumquodque eorum iterum septem annis circumscribitur. Ex septenariorum enim annorum nexu fit illa dimensio, quam annum cluastericum vocaverunt sapientes. Ut autem antea declaravimus, quòd scortim Planeta aliquis unumquemque fœtum mensem in utero secundum ordinem gubernet; ita etiam semper aliquis horum Planetarum cuique ætati præesse observatur; quippe quarum primam idem

Luna sibi vendicat, quòd infantem in utero complevit, perfecit & ad egressum ejus in lucem operata est; adeoque etiam exinde in ejus dispositionem vim habet spatio primæ ætatis durante. Sic itaque *infantia* meritò *Luna* attribuitur, quoniam integram ejus dispositionem sequi potestatem lunarem animadvertitur, siquidem in ea secundum nutritivam & vegetativam potestatem vivimus. Unde fit, ut hæc ætas sit fluida, tenera, aquosa, & magis frigida & humida, quàm sequentes. *Secunda* autem *as* *pueritia* scilicet, *Mercurio* datur, cum in ea maxime reperiantur dispositiones Mercuriales; namque in ea, juxta *Procli* sententiam, literarum, ciuitarumque & luctus similibumque ludorum studium exercemus, hominisque phantasia varia atque levis, & ad plurima prona existit. *Tertia*, quam *adolescensiam* vocamus, *Veneri* subjicitur. Unde fit, ut in ea turgeant membra seminibus & ad genituram protinus excitemur. *Quarta*, nempe *juventus*, dicitur *Solaris*, in qua vigor ætatisque perfectio est conspicua. Hæc enim vitæ humanæ pars cum sit media, ita sese habet, ut Sol sua dispositione in cœli medio. *Quinta* ætas est inter juventutem & evidentem senectutem, quæ à nonnullis *Isidoro* & *iracunda* appellatur ætas, quatenus planeta *Martialis* in ea prædominatur: In hac ergo potentias & victorias affectamus, & ad iracundiam facillè provocamur. *Sexta* autem ætas, quæ *viridis senectus* nuncupatur *Jovi* assignatur, cum in ea prudentiam, vitam activam & civilem naturali quadam inclinatione describeremus. *Senectus* autem curva & decrepita *septima* est, quam *Saturnus* gubernat; siquidem in ea consentaneum est naturæ a generatione desistere, seque à corporeis appetitibus segregare, & ad alteram incorporeamque vitam se componere & transferre; Unde hæc *as* *contemplativa* nuncupatur. Ex his igitur constat, quòd contra cæcas stultorum opinionones, stellæ in hominibus mirificè operentur, & totam ferè vitam humanam apprimè gubernent. Ac certè, si rectè rem consideremus, deprehendemus, vitam humanam nihil esse aliud, quàm transitum quendam seu iter à puncto seu termino imperfectionis & cruditatis ad terminum perfectionis & maturitatis. Imò verò per opumè ea cursui solari, annum constituentem & à solstitio hyemali versus æstivum moventem, comparari potest. Nam sol versus partes boreales properante, magis magisque subinde perfectio plantarum & maturitas fructuum inducitur, ut in ceralis, pomis & hujusmodi aliis fructibus videre est, quippe qui calore, maturitate & colore, quasi ad juventutis culmen ascendere, atque tum postea exindè rursus, velut ad senectutis metam per viam corruptionis, *Sole* & *Cancro* versus meridiem regredientes, descendere percipiuntur, in tantum quidem, ut etiam ipsa arborum folia, per *Libram* decurrente *Sole*, cadere, communis observavit experientia. Sed & in omni crescentis natura possumus exquisitè vitæ humanæ & motus ejus rationem percipere: Namque illud in primordio sui motus crudum est & indigestum, ut *Luna*; deinde via lineari procedit per omnes Planetarum dispositiones ad completam maturitatem, quam juventuti comparamus. Tum postea paulatim decrescendo, vergit iterum ad corruptionem. Hic igitur observare debemus, quòd corporis corruptio sit nihil aliud, quàm animæ vivificæ multitudo. Nam maturescen- te corpore anima vitalis fit fortior; quæ ad suam è carcere corporali liberationem jam properans, in primis tentat corpus corrumpere; Id sanè, quod paulatim & gradatim, tam in fructu conari percipitur, quàm in animali, motum suum, tum à maturitate completa in fructu, tum à juventute intentam in homine ad corruptionem incipiens. Videmus etiam, quòd hæc vita humana viz seu itineri hominis possit comparari, facta progressionem à septimo climate boreali versus clima primum juxta æquinoctialem. Nam clima transiens *Flandriam* & *Angliam* *Luna* attribuitur; Unde istius climatis homines reperiuntur cæteris humidiore & frigidiore. *Sextum* assignatur *Mercurio* secans *Galliam*, cujus incolæ

Angli

Anglis calidiores sunt, & non ita humidis; unde & in suis dispositionibus magis tenaci & leves sunt, quasi viventes in vita puerili. Quintum italiam dividit, quod gubernatur à Venere: Unde hæc natio deliciis, cantilenis & hujusmodi aliis voluptatibus Venereis afficitur; Et in hac mundi plaga adolescentiæ spæra movere videtur. Quartum clima Soli dicatum, per mare mediterraneum transit, Græciamq; secans, reddit homines doctos ac statum juvenilem repræsentat. Tertium terram sanctam sibi subijciens Marti attribuitur; in qua victoria, bellum & iracundia effectus suos ab initio exercuerunt: hic calorem in suo vigore invenit peregrinator: deinde homo in vitæ suæ curriculo per Ægyptum transiens, Jovis ibi naturam invenit secundum clima regentem: Unde civilior fit & prudentior, atque ad verum Deorum cultum & religionem pronior. Atque tandem ad altissimum clima perveniens, quod Æthiopiam dividit, Saturnum ibi gubernantem invenit decrepitem, & contemplatione divina, neglectis terrestribus, cælestia considerantem. In hoc climate corpus debilissimum reperitur, anima verò fortissima: Unde anima, terrena jam, atque adeò quoque ipsum corpus suum negligendo, ad cælum aciem suam erigit, ruptisque animæ animalis & sensitivæ vinculis, ad patriam suam supercælestem tendere, alisque spiritalibus avolare appetit, adeoque diligenter sese ad hoc iter suum præparat: Luget ergo corpus, lætatur apima. Atque ita peregrinus homo ad finem itineris sui mundani & mortalis pervenit, ut peregrinationem magis læta & jucundior quærat vitæ cælestis & immortalis regnum. Cæterùm jam ad rationem illam occultam me convertam, qua demonstratur, Cur ætas humana secundum mundi ætatem subinde sit brevior & magis decurtata. Intelligendum est igitur, quòd in principio Deus creaverit omnia elementa purissima, quatenus ea quasi inebriavit quinta illa essentia primordiali, cujus vinculis ea, discedendo à confusione, in ordinem & concatenationem concordem sunt redacta. Nec tamen illa fuerunt per omnia puritate æqualia in prima creatione, sed aliud existit alio purius & mundius pro majori aut minori quantitate quintæ essentiæ, quam possedit. Quoniam igitur homo præcipue, & præterea quonque cæteræ itidem creaturæ ex hujusmodi elementis puris in sua creatione factæ sunt, idcirco necesse erat, ut in hisce creaturis noviter conditis esset corporum compositio ex altissima & purissima, atque ut per consequens illæ mori aut corruptioni dissolvi non possent; quatenus scilicet erant à Deo immortaliter & eternè creatæ, juxta illud Sapientis Sap. 1. 13. Deus mortem non fecit, neque delectatur perditione viventium. Non omnia creavit, ut sint & salutes sunt ortui hujus mundi in quibus non est pharmacum exitiale neque inferorum regnum super terram. Justitia autem immortalis est. Quod si ergo hæc non fuit Creatoris voluntas, ut res ulk interiret, quam fecit, aut ut ipsa terra jam corrupta, mortis aut inferorum vestigiis obnoxia esset, unde orta est hæc creaturarum depravatio tantaq; elementorum coinquinatio? Unde accidit, inquam, ut hæc quatuor elementa taliter creata, videlicet pura & clara, ratione perfectionis illius, in qua fuerunt condita, defecerint jam tandem ab ista naturæ perfectione, ita ut creaturæ ex illis factæ jam cogantur mori? Respondemus, quòd hoc fiat propter elementorum, & præcipue ipsius terræ immundiciem, quæ adeò aptior est ad corruptionem, quoniam in sua creatione minorem habuit quintæ essentiæ portionem; adeoque hæc corruptio haud dubiè à prima generatione provenit, quoniam, ut creatio erat purissima, quatenus immediatè à Creatore facta, in quo & à quo nihil nisi puritas procedere potest; sic etiam generatio non est à Creatore, sed à Creatura, videlicet à Natura; unde imperfectiorem secum ducit; quia Creatura non plùs habet perfectionis, quàm ei ad ipsius perfectionem sufficit; & per consequens perfectionem completam aliis dare non potest, cum hoc sit officium solius Creatoris, qui solus est plùsqvam

perfectus. Atque hinc est, quod creatio quidem fuit in se absoluta & sine destructione, generatio autem parvæ durationis. Hinc, inquam, est naturæ imperfectio; quæ quò magis est imperfecta, eò magis sui perfectionem appetit. Perfectionis autem naturæ appetitus est generationis in corruptionem, & corruptionis in generationem. Qui quidem instinctus seu appetitus non provenit immediatè, ut dictum est, à Creatore naturæ, namque si hoc ita se haberet, sequeretur exinde rem fieri à Creatore, & non à Creatura, atque ita ea esset perfecta & sine destructione: Et proinde venit instinctus ille à natura, adeoque ipsa non potest per se, hoc est; sua generatione facere rem perfectam. Generatio ergo prima produxit corruptionem in mundum, cum generatio unius sit corruptio alterius: Nam, ut in *Tractatu nostro Theologico-Philosophico de Vita, Morte & Resurrectione* dictum est, si Adam generationis appetitu non fuisset transportatus, creationis beneficium & immortalitatis præmium nunquam perdidisset. Etenim cum sperma sit elementorum & membrorum creaturæ subtilis, multis quintæ essentiae spiritibus repletum, necesse est, ut genitoris compositionem relinquat magis grossam, impuram atque indignam, quatenus parvulum illud spermatis corpus in se habet potestatem procreandi aliud corpus suæ speciei simile. Videmus autem in auro, quòd quanto plius tincturæ ei aufertur, tanto vilis & ignobilius illud relinquitur, minusque efficax. Hinc itaque suborta est elementorum inquinatio, & præcipuè terræ: namque hac serpentis astutia mors introducta est in orbem terrarum, secundum illud *Sap. 1. Injustitia mortis est acquisitio*. Nam mixta erat quinta essentia cum elementato hominis, secundum Creatoris justitiam, hoc est, ad pondus, quo quidem temperamento exquisitissimo anima corpori & corpus suæ formæ amore immortali connexæ sunt: At verò his immortalitatis viaculis semel violatis perditur immortalitas, locoque illius acquiritur ejus contrarium, atque ita per injustitiam, hoc est, per violationem justitiæ divinæ propter instinctum naturalem ad generationem mors creaturis & immundities elementis propter creaturarum corruptionem adductæ sunt. Quod sanè omne factum est astutia serpentis, juxta illud *Sap. 1. 24. Invidia autem Diaboli mors introiit in orbem terrarum*. Similiter testantur sacræ Scripturæ, quòd ipsa terra propter Adami errorem fuerit maledicta. *Genes. 3. 17. Maledicta terra in opere tuo, &c.* Et ibidem 18. *Spinæ & tribulus germinabit tibi*. Et *Sapien. 1. Nolite zelare mortem errore vite vestre, &c.* Generatio igitur mortem comitatur, quoniam generatio unius est corruptio alterius, & corruptio unius similiter est generatio alterius. Post generationem ergo mortui sunt homines & animalia & nascentia terræ desiccata, cum destructione generationis ducta à corruptione in generationem, & à generatione in corruptionem. Itaque corpus impiorum resolutum manet hoc, quod inquinavit & corruptis elementa: propter quam corruptionem omnis res visibilis est parvæ durationis, quoniam natura rem ita perfectam, propter multitudinem materię grossæ & impuræ ac corruptæ facere nequit, quàm prius, scilicet in principio, operante Deo Creatore in Creatione faciebat; imò verò quò magis continuatur operatio generativa, eò magis deprimitur Naturæ actus ad perfectionem tendens, quoniam ipsa natura de imperfectione participat, magna corruptione inficitur propter materiam elementorum, quam quotidie minus puram invenit, quia quod nunc ad immutandum ipsam ponunt, tunc ad componendas partes ligamenti firmiores ponebant, sed ut Adami operationi insisterem, ejus spermata ante generationis actum erat simplex, purissimum & harmonia quintæ essentię plenissimum: Atque sic itidem quoque sperma Evæ seu mulieris. At verò ubi semen viri fuit calore ita exaleatum, ut excederet semen mulieris; atque ita semen mulieris longè fuit frigidius, quàm semen viri, accidit inde, ut horum mixtione procrearentur multi-

multi-

multifariæ naturæ. Namque uti semen in homine contentum naturæ æeris comparatur, videlicet humiditati & caliditati simplici, & verò nulla est in eodem elemento puro contrarietas, ac per consequens nulla mortis occasio; sic mixtione æeris istius naturæ cum aquea natura feminæ, reddita fuit compositio pro propaganda particeps naturarum quatuor elementorum, atque ita facta est eorum actionibus & passionibus subiecta seu obnoxia; quorum deinceps repugnantia mors, rebellio atque contentio suborta est in tabernaculo humano. Præterea, quantam varietatem & alterationem horum spermatum variaz mixtiones induxerint, testantur differentes *Caini & Abelis* naturæ ac dispositiones. Hinc igitur constat, quanta timenda sit pollutio, & inquinatio ex diversis diversorum in infinitis creaturis spermatum mixtionibus à mundi primordio emissorum, ac creaturas magis magisque indes à veritate primum mixtionum distrabentium, & per consequens in mortis corruptionis & alterationis abyssum eas propter feculentæ & immundæ materiæ abundantiam, veritatisque & sinceritatis primæ seu creatæ compositionis paucitatem præcipitantium. Nam paucitas quintæ essentialis formæ jam multitudine materiæ submergitur; imò verò materiæ inutulis moles subinde in mixtionem humanam in ipsis magisque irrepit, dum senescit mundus. Atque hæc quidem est causa illa, quòd omnis postenor mundi ætas corruptior esse percipitur, & tantò magis ad mortis palatium vestigia sua dirigere, quantò provectior invenitur. Hinc vitæ humanæ tabes, hinc ellychnii seu licinii lampadis humani marcor & decrementum, quo citius hoc sæculo exstinguitur ejus lumen, quàm sæculis præcedentibus. Hinc, inquam, elementorum purè creatorum immundities, sordities, pollutio, imperfectio, tenebrositas, squalor atque partes inutiles. Per ista, ni fallor, possumus intelligere omnem sermonem propheticum de mundi ruina & destructione, videlicet, quòd igne divino consumendum sit in fine mundi, quando filius Dei de cælo cum gloria & splendore igneo ad judicandum sæculum, illudque per ignem examinandum adveniet, qui comburet & consumet totum illud, quod non erit de veritate quatuor elementorum immediatè à Deo Creatorum; quodque purum est, ab impuro segregabit, & quod malum atque impurum invenietur, igne suæ præsentis comburet, sæcæque & cineres in abyssum præcipitabit; purum verò & de veritate participans igne nò destruetur, sed examinabitur & perficietur ab eo, & in suo proprio loco relinquetur in æternū. Malus ergo & impurum in abyssum tenebrosam immersum super Dæmones malos & damnatos cadet, at verò, quod purum est, super beatos. Patet igitur, quòd per præsentiam plusquam perfectionis omnia in locum sibi destinatum sunt reditura, qui in primordio eis præfixus fuit, separato immundo à mundo, tenebroso à lucido, bono à malo, &c. Nec certè credendum est, terram istam, quam hic calcamus, esse purum elementum, sed quod sit elementata potiùs à suo quinto elemento: Etenim per rationes suprà allegatas, discessit major portio quintæ essentiz à terra, majorque ejus portio est immundities, sæx & quasi caput mortuum, hoc est, corpus, propter infectionē suprà designatam sine anima. Est ergo in centro vera terræ virgo & elementum verum, quod ignis non poterit consumere die illo tremendo, & quicquid præter hoc non erit de veritate pura elementorum, ardebit, ac in cineres & quasi nihilum reducet in die judicii. Et tunc elementa manebunt clara & pura in terra splendente instar cristalli: Et teste *Esaiæ 30. Luna habebit splendorem Solis & Sol in septupla proportionē exaltabitur lumine.* Hæc omnia faciet supremus Creator per ignem vultus sui, coram quo nulla impuritas durare potest; quippe cujus solo aspectu durissimi scopuli & montes impuri funduntur: Imò quidem ejus præsentia magnus mun-

duſ revertetur in primum ſuum ſtatum, ſcilicet omnia elementa in ſuam puram
eſſentiam; quæ poſtmodum non timebit ignem cœli, ſed gaudebit in præſentia
& conſpectu ſui Creatoris. Tunc enim motus naturæ divinæ & ſupercœle-
ſtis ac lux immortalis in mundo univerſo renovato, æqualiter diſſuſa, morabi-
tur, eumque ab omni corruptione, morte & mutatione præſervabit, quemad-
modum apud *Eſaiam Prophetam*, & *Johannem in Apocalypſi* copioſius
videre, verbisque planiſſimis atque apertiffimis
legere poſſumus.

T R A-





TRACTATUS PRIMI, SECTIONIS I.

L I B E R XII.


De hominis interni & externi harmonia.

C A P. I.

*Quòd Musica humana ad mundanam convenienter referatur: Et de
proportionibus Trianguli materialis cum formali
in homine interno.*

Pythagorici scriptis suis tradiderunt, quòd in mundi fabrica *Monas* sive unitas opifici seu creatori; *Dias* verò seu dualitas materię spiritali cum ejus-basi feculenta, & *Trias* seu *Trinitas* formę sive luci, quia res omnes informatę sunt, referatur: atque ita totum mundum ex numero ternario confectum esse asseveranter dixerunt. Similiter ex prædictorum compositione hominem, dignissimam terrę creaturam natum esse affirmarunt, videlicet ex *Hexade*. Nam 1. 2. 3. simul addita constituunt 6. Nam ex digniori magis composito dignius minùs compositum factum est, videlicet homo. Nam Deus primum ex numero ternario in compositione prima mundum fabricabat, unde *mundus à Philosophis nuncupatus est Dei filius*, atque ex compositis mundi partibus, quasi ex ejus numero ternario, natus est *homo, quem* ob hanc rationem *veteres appellarunt mundi filium*. Dicunt etiam iidem *Pythagorici*, à *Platonici* in eo non dissidentes, quòd numerus humanus sit septenarius, nec quidem sineratione; cum de numero formali, qui est ternarius, juncto cum numero materiali, videlicet quaternario septenarius conficiatur. Cæterarum autem creaturarum esse atque vitam, & existentiam ex numero denario seu enneade factam esse dixerunt. Ex quibus liquet, quòd numerus humanus magis accedat ad naturam unitatis, quàm numerus cæterarum creaturarum, & quòd unitati mundi, videlicet sedi mentis, in consonantia Diapason respondeat; quę consonantia consistit ex Diatessaron & Diapente, quę ex septem intervallis consistunt, quatenus Diatessaron ex duobus tonis cum semitonio minori ac Diapente ex tribus tonis cum semitonio minori constituitur, quę intervalla simul connexa septem faciunt. Et tamen si ambo semitonía simul jun-
gantur,

gantur, ut unicum constituent tonum, hexadem etiam constituere potest. Atque hac ratione ambo hi numeri in homine uno modo reperiuntur secundum *Pythagoricorum* opinionem. Nos etiam ex diligenti pyramidum formalis & materialis inspectione, quæ in homine reperiuntur Musicam invenimus talem. Nam primum descendendo à spiritali materiæ pyramide invenimus Diapason inter cacumen mentis & Sphæram cordis, quoniam proportio spiritus vitalis in corde ad spiritum menti contiguum se habet, ut 1. ad 1. videlicet dupla est, ex qua Diapason constituitur, consonantias Diatessaron & Diapente comprehendens. Similiter dispositio spiritus cordis refertur ad dispositionem regionis inferioris, ubi facultas naturalis originaliter agit, ut 1. ad 3. Nam tres ibi spiritus portiones regnare videntur, quatenus pyramidis materialis basis ibi reperitur. Quare in hac proportionem consonantia Diapente reperitur, atque in ipso puncto basis pyramidis nihil ferè lucis, sed mera tantum fuerit (in intestinis scilicet) invenitur, & quasi caput mortuum omni luce & gratia quasi vitali destitutum. Unde 4. sunt ibi partes materiæ, quatenus nihil ferè lucis adest, adeoque se habet hæc portio ad portionem sublimiorum elementorum, ut 4. ad 1. quæ est in proportionem sesquitercia, in qua etiam consonantia Diatessaaron reperitur.



Simili etiam ratione ascendendo à multitudine materiæ versus fontem totius formæ, videlicet à cono pyramidis formalis versus ejus basin, quæ contigua est ipsi essentiæ super substantiali, easdem proportionem, & per consequens easdem Musicæ consonantias, reperiemus. Nam unitas formæ in multitudine materiæ

materiæ sepulta ad dualitatem mediæ regionis relata Diapason formale in materia submersum denotat. Deinde dualitas illa cum triade in regione suæ basis reperta producit Diapente formale: Ex iterum illa trias ad punctum suæ basis, ubi nulla materia, sed pura forma offenditur, Diatessaron formale arguit; atque Diatessaron & Diapente formale Diapason è materiæ abyssu emergens denotant. *Formalis pyramidis progressum hic depinximus.*




Harum autem pyramidum copiosè fecimus mentionem in *Tractatu nostro Macrocosmico*; quippe ex quarum mixtione seu compositione mundum constitutum esse ibi demonstravimus. Quare impossibile censemus, ut creatura ulla sine aliqua earum portione fieri potuisset, quatenus omne compositum ex mundi elementis est constitutum. At verò homo inter alias creaturas magis videtur mereri, ut *mundi filius* nominetur, quoniam ex qualibet utriusque pyramidis mundanæ regionem aliquam ad suam perfectionem atque complementum acquisivit, videlicet ex regione infima pyramidis formalis, quæ in ejus cono consistit, & pyramidis materialis, quæ est ejus basis, utpote ex quibus infima seu elementaris hominis regio dependet. Similiter ex regione media utriusque pyramidis, in cujus centro, ubi fit intersectio, æqualiter commiscetur lux & spiritus, ac denique ex regione suprema, ubi lux, tanquam in suæ basis regione non aliter dominium habet super materiam, quam materia in suæ basis regione, quæ est infima, dominium habet super formam & lucem. Atque ut in mundo

Hh

m. jori

majori videmus, quod forma dominium habet in superiori sua regione, Unde ea intellectualis & rationalis dicitur, sic etiam ob eandem rationem in corpore humano habet dominium super universam massam materialem, atque est quasi Princeps aut Imperator mundi minoris. Similiter, ut regio mundi inferiora materia gubernatur, quae ipsam contra lucis supercelestis actus rebellare facit, sic etiam in infima hominis regione anima humana mediam portionem suis blanditiis mente & vera ratione atque à veritate ad sensus mundi atque carnis praestigias pertrahit, ipsamque animam umbraculo suo carnoso obtegens eò adducit, ut harmoniam eam esse credat, quae revera est discordia & antipathia. *Præcedentium demonstrationem in duplici pyramide, in formali scilicet & materiali delineavimus.*



Ex hisce igitur patet, qualis sit differentia inter hominem & brutum; videlicet quod homo habeat in se Disdiapason, cujus pars altera elevatur ad res supercelestes contemplandas, altera verò in materia submergitur & cum te-
bus

bus materialibus tam opacis quàm perspicuis conservatur. In Diapason ergò materiali versatur anima circa mala, circa carnis illecebras & circa res mundanas; Atque harmonia sua spiritali ad cœlestia se erigit. Unde libebit considerare, quòd anima media seu vitalis in corde corporis, uti Sol in corde cœli sita voluntatem, & quasi liberum arbitrium habeat tam sursum, quàm deorsum respiciendi, secundum illam Platoniorum opinionem, quòd spiritus medius participare possit aut de mente (quo quidem casu res divinas contemplari observatur & in bonitate sola versari) aut de animali seu sensitiva & carnali sive idolo; atque tunc occupatur circa depravata, mentis quæ vias negligit. Id sanè quòd convenit cum hisce Christi verbis: *Impossibile est Deo simul atque homini inservire. Qui enim mundum amat, Deum diligere non potest;* cum superior inferioribus non minùs adverteretur, quàm lux tenebris, bonum malo, aut Deus diabolo.

C A P. II.

De symphoniacâ inter animam spiritum & corpus melodia.

IN Musices communis observatione videmus, quòd systema seu scala ejus ex triplici literarum seu notarum serie consistat, quas claves vocaverunt Artistæ. Atque hæc omnes exceptis tribus, occultæ dicuntur. Illæ verò tres ad prædictarum clavium invisibilium differentiam distinguendam manifestè exprimuntur. Est itaque prima clavium series Γ. A. B. C. D. E. F. per simplices, uti vides, majoris ordinis literas, expressâ, quæ claves graves appellantur, quasi bases & reliquarum supereminentium fundamenta. Atque harum clavis manifesta est F. quæ sic exprimitur Ϯ: secundus literarum ordo est talis g. a. b. c. d. e. f. Atque hæc series nuncupatur *Media*, literæ quæ ejus dicuntur excellentes & acutæ; ex quibus partes melodiarum mediæ exurgunt, & propriè *medius cantus*, quemadmodum ex inimis *Bassus* depromitur. Est etiam & alia adhuc series, hisce ipsis vocis elevatione eminentior, excellentior & acutior, ex qua cantus *Altus* conflatur; atque hæc est hujusmodi gg. aa. bb. cc. dd. ee. ff. Quæ quidem literæ superexcellentes & peracutæ & supremæ in omni hominis potestate existunt. Ex hujusmodi harmoniarum proportionem in triplici numero septenario conflatur mundi machinæ; cujus portio elementaris ex symphoniam magis gravi constans, cæteræ harmoniarum mundanarum partes statuminare videtur. Nam elementa sunt cæteris cœli regionibus graviora, & quasi bases ac fundamenta; Similiter cœlum medium, literarum acutarum & excellentium seriei assimilatur, quatenus primam melodiam facit cum elementis seu Bassis; cujus septem Planetæ sunt septem claves; Atque ut ascendendo à g. a. b. c. invenimus, quòd c. sit clavis principalis, cujus manifestatione, cæteræ non expressæ intelliguntur; sic etiam ascendendo à Ϯ. ϣ. Ϟ. ϟ. reperimus, quòd ϟ sit quasi clavis illa cœli aperta seu manifesta, cujus præsentia visibili cæteri Planetæ per se occulti manifestantur, symphoniacè ad inferiora gravia sonant, illustrantur & vivaciter in elementa ac elementata operantur. Literæ denique superacutæ & superexcellentes supremæ regioni referuntur; ubi conus pyramidis materialis superacutè desinit, ultra quem non est spiritus creati transitus. Ut autem in præcedentibus demonstravimus, quòd homo à sapientibus dicatur filius mundi, quoniam à mundi partibus simplicioribus ejus subtile, invisibile & internum factum est, quæ m-

admodum itidem ex partibus mundi spissioribus seu elementis ejus grossum, visibile & externum est conflatum, sic etiam dicimus, quod hominis corpus, utpote ex mundi elementis compositum, sit basis atque fundamentum totius musices hominis compositi; & quod ejus spiritus æthereus septem Planetarum eorumque naturarum vestigia occultè retinens, clavibus acutis atque excellentibus melodiam cœlestem respiciendo comparetur, dum vivificat corpus suum medianteluce secundaria seu agente medio; atque denique, quod lux supercœlestis, seu ipsa mens, spiritum rationalem pulsans, melodiam superexcellentem faciat cum inferioribus literarum gradibus. Quibus tres melodiæ species exercitissimè quidem sono & varietate differentes, sed optimè per harmoniæ seu consonantiæ in compositione Microcosmica concatenatæ, vincula sonare atque movere percipiuntur; eaque ratione per harmoniam melodiæ mediæ, videlicet spiritus, mens atque anima cum sua symphonia intellectuali inter sonos graviorum vocum miscetur, atque ita intra corpus opacum ex elementis conflatum introducit. Est ergo animæ harmonia ex vocibus superexcellentibus conflata Diatessaron, Diapente & Diapason spirituale & lucidum, seu formale constituentibus. Fit etiam harmonia spiritus ex vocibus mediis seu gradibus excellentibus; quæ in sua symphonia convenit tum cum superexcellentibus seu supercœlestibus, tum cum gravibus seu elementaribus. Est denique corpus humanum quasi totius harmoniæ humanæ organon seu instrumentum; ejus melodiæ gradus infimus seu accentus gravis fit in illud elementorum subtile, ex quo anima sensitiva & facultas naturalis oritur. Hujus chorda est spiritus elementaris seu ær grossior aut subtilior, quem ignea seu formalior elementorum vis pulsare animadvertitur, spiritusque pulsus harmoniam aliquam elementorum auribus rationis sonare facit. Atque hujus Musices origo principalis est in infima Microcosmi regione; sed tamen harmoniæ ejus effectus per universam fabricam humanam dispergitur atque disseminatur, & cum superioribus harmoniam naturalem non aliter movere observatur, quàm in Musica cœmuni sonus Bassi cantus cum sonis Medii atque Altii indifferenter resonare auditur, aut partis unius melodia cum parte alterius essentiali atque naturali quadam vitæ mixtione, commisceri solet. Hinc venæ cum arteriis & utraq; cum nervis ubique per corpus simul dispensari percipiuntur. Sic etiam spiritus medius seu æther pulsatur ab anima media, cujus vibratione melodia excellenter fit in medio instrumenti, vitæ tonos seu sonos vivificos universo corpori non minus attribuens, quàm cum chorda barbiti percussa universum barbiton resonare facit. Præterea hæc chorda sui pulsatione melodiam cœli rationalis ab alia ejus ratione magia facit ineffabili, eamque cum musica gravi conjungit. Atque ita musica completa ex tribus melodiis diversis constituta, in corpore humano sonare animadvertitur, videlicet sensitiva, vitalis atque rationalis. *Sensitiva* agit in carnis & partium vegetantium præsertatione; *Vitalis* in molis, seu machinæ vivificatione atque agitatione; atque *Rationalis* in totius fabricæ gubernatione atque directione. *Bassus* igitur Microcosmi cantus est cubicus, quia elementatus seu corporalis. *Medium* verò superficialis seu quadratus quia spiritalis. *Altus* denique radicalis seu linearis, quia formalis. Et quamvis in hac nostra harmonia tres nominavimus spiritus, seu tres formas lucidas, pulsantes tres illas chordas spirituales, & tres regiones distinctas: attamen generaliter machinam Microcosmicam considerando, illa se habet in eodem respectu cum Macrocosmo universo, in quo non est, nisi unicus spiritus resonans, unicum organum sonos in suam concavitatem recipiens, & unica lux pulsans; sed propter ejusdem spiritus grossiorem vel tenuiorem in substantia dispositionem illud, quod per se unum & idem est in pluralitatem distinguere videtur. Sic etiam eadem

dem lux propter varios materiæ spiritualis in densitate aut subtilitate gradus, quibus inest, varia effedicitur, cum reverà non sit, nisi unica lux à luce increata, quæ lucis est pater, derivata, atque primo die creata, sed inæqualiter in mundo dispersa. Simili etiam modo unicum est hominis organum musicum, unus spiritus seu monochordum, unus pulsator seu lux; sed si quid est differentiar, hoc totum propter spiritus & lucis multitudinem aut paucitatem in hoc vel illo dimensionis mundanæ gradu, accidit. Videmus ergo ex his, quòd unica sit musica in infima mundi ac hominis regione, ubi conus pyramidis formalis reperitur, & basis pyramidis materialis. Atque hæc musica magis bassa est & tarda ac gravis, quia ibi regnant tres materiæ partes & unica tantum pars formæ lucidæ. Quare paucitas illa lucis tardè & lentè agit in tanta materiæ mole seu multitudine: Unde gravitas & ponderositas materiæ voces reddit lentas, viles atque bassas. At verò in media regione, ubi duæ pyram: dum medietates conveniunt, voces redduntur tam ex parte spiritus, quàm ex parte lucis, mediæ & æqualiter sonantes: quæ ideo excellentes dicuntur, quia puritate & claritate excellunt illas, quæ dicuntur graves, quoniam hic est plus formæ & minus materiæ. Unde hic liberiores sunt formæ actiones & exteriores, quàm in regione infima, sed in regione sublimiori lux est adh: cliberior à vinculis materiæ, quatenus in ea habentur unica tantum pars spiritus, videlicet conus pyramidis materialis, & tres partes formæ lucidæ. Unde hic proferuntur voces acutissimæ & superexcellentes, quoniam in hoc loco duobus gradibus lux excedit quantitatem materiæ. Hic verò velim vos animadvertere, quòd ex hujusmodi musicæ observatione luculèter appareat, quàm opposita sit materiæ dispositio dispositioni formæ. Nam quòd altius ascenditur à cono pyramidis formalis versus ejus basin, eò acutiores seu graciliores accentus, operæque subtiliora perficiuntur: At verò in materiali pyramide, quò magis à cono versus ejus basin fit progressus, eò graviore densioresque soni redduntur, operæque grossiora, & magis opaca ac visibilia fiunt. Atque hujus certè rei ratio in promptu est; videlicet, quia lucis elocutio formalis fortius discutit spiritus, & per consequens per eorum subtilitatem clariore & efficacioris reddit voces. O quàm exerta, clara, atque sonora fuit vox illa admirabilis & ineffabilis, quàm incomprehensibile Verbum illud increatum, quo Conditor luminosus mundum atque hominem mirificè fabricavit, utpote cujus virtute seu accentu ipse umbræ horrendæ, & terribiles exagitatæ sunt, ac deorsum reverberatæ, & aquæ seu natura humida à sua deformitate purgata, atque omnia ex nihilo confecta, elementa concordi pace ligata, coeli que ipsi mirum in modum firmati, terra trutinis æqualibus librata, columnis firmis statuminata atque in medio suspensa. Imò verò & in ipsius hominis fabrica mira præstitit hoc Conditoris ineffabilis Verbum, quippe cujus animam fecit sibi palatium & tabernaculum, seu potius templum, ut cum *Druo Paulo & Xisto Pythagoreo* loquar. Unde inquit *Mercur. Trismeg.* ore mentis divinæ loquens: *Credo, quòd in te videt & audit Verbum Dei, &c.* Hujus etiam Verbi sacrosancti admirabilem virtutem & harmoniam, tam in mundi creatione, quàm hominis opificio, quàm plures sacrarum Scripturarum loci, quibus imprimis credendum est, confirmare videntur, atque etiam per ipsos Philosophos divinos æternis eorum monumentis commendatur vocis divinæ in creatione potestas. Namque ut à sacris literis exordium faciamus, ex illis hæc colligimus. *Ipsi expertes vita seu mortui formantur sub aquis & habitatores earum: Deus extendit Aquilonem super mare, & suspendit terram super nihilum: Ligat aquas in densis nubibus suis adeò ut non findantur nubes sub eis: Decreto circumnavit superficiem aquarum usque ad consummationem lucis cum tenebris; usque dum columna terra concutiantur & obstruant ab increpatione ejus: Virtute sua dirupit mare & intelligencia sua discidit pelagus;*

Spiritus suos calos ornavit, &c. Job. 26. 5. Similiter: Terram fundavit Deus verbo super bases ejus, ne dimoveretur in seculum & perpetuum. eamq; operuit abyssus ut indumento, super montes stantibus aquis. Ex increpatione tua diffugerunt a voce tonitru tui acceleravit fugam: Conscenderunt per montes, descenderunt per convallas in locum, quem fundaverat ipsis; Terminum opposuisti, ne transcant, ne revertantur ad operimentum terra, &c. Psal. 104. 5. Terram fundavit Jehova sapientia statuitq; calos intelligentia. Proverb. 3. 19. hoc est, verbo suo, quod est ejus sapientia. Unde Proverb. 8. 23. Ante terra primordium erat sapientia in junctis; ibique invenitur, quod ante omne tempus fuerit Dei sapientia. Et alibi: Sapientiam possidebat Jehova ante ullum tempus, & ante seculum, ante principium & primordia terra, cum nulla essent abyssi &c. Prov. 8. Et D. Johan. 1. In principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt & sine ipso factum est nihil, quod factum est. In ipso vita erat, & vita erat lux hominum, & lux in tenebris lucet, & tenebra eam non comprehenderunt. Sic etiam Sapient. 12. 9. Verbo pretioso potest Deus omnia terere. Et Psal. 33. Verbo Domini firmati sunt cæli, &c. Atque infinitos alios lacrarum literarum locos, verbi hujus potestatem in mundi creatione confirmantes, proferre possumus; sed brevitas causa eos hic commitemus, ut quid Philosophus noster divinus de hujus Verbi sacrosancti virtute, efficacia & harmonia admirabili in creatione sentiat, explicemus: Mutavit, inquit ille, mens formam suam & subito omnia revelavit. Cernebam enim immensum quoddam spectaculum, omnia videlicet in lumen conversa suave nimum atque jucundum, quod insistentem me mirifice oblectabas. Paulo post umbra quadam horrenda obliqua revolutione subterlabatur in humidamq; naturam migrabas, ineffabilium vultu exagitatam, inde fumus quidam magnus in sonitum erumpebat, ex sonitu vox egrediebatur, quam ego luminis vocem existimabam, ex hac luminis voce Verbum factum prodit. Verbum hoc natura humida asians, eam sorbebat, ex humida natura visceribus sincerus ac levius ignis protinus evolans alia petiit. Aer quoque levius spiritus pars mediam regionem inter ignem & aquam fortiebatur. Terra vero & aqua sic invicem commixta jacebant, &c. Hac denique duo commota sunt à spirituali verbo, quod iis superferebatur, aures eorum circumsonans: Et alibi hoc Verbum vocat Dei seu luminis filium, & vita unionem Patri conjunctam, quos ad in vicem essentia non differre tradidit. Pimand. 1. Et alibi dicit: Verbo Dei & non manibus ejus, mundus creatus fuit. Pim. 4. Nec certè vacabat hoc idem Verbum in creatione hominis, ut in Genesi docemur, quoniam in Verbo erat vita hominum, qua vivebat, juxta illud D. Johan. & Sap. 16. Instruimur etiam, quod homines non alantur & conserventur proventus fructuum, sed Verbo Dei, imò verò homo ægritudine confectus non herba aut malagmate sanatur, sed Verbo & misericordia Dei, uti ibidem reperitur. Hinc etiam prædictus Philosophus divinitus inspiratus ait: Verbum tuum me regit spiritus ifex opifex. Et alibi monstrare videtur, quomodo Verbum sit in nobis ex revelatione boni Dæmonis, à quo doctus est, quod anima sit in corpore, mens verò in anima, atque in mente Verbum regnare ait. Porro etiam c. 33. Jobilegimus, quod spiritus Dei sortis fecerit hominem, & quod afflatus seu spiraculum omnipotentis vivificaverit eum, &c. Ex quibus patet, quod homo admirabile animal, harmoniam tam divinam, quam mundanam in sua fabrica possideat. Nam primùm gubernatur imperato & ordinatione trium superiorum; deinde executione 7. aliorum: Unde septem illi inferiores dicuntur numeri aut mensuræ fabricæ, & compositum ex elementis est, quod superiorum influxionibus obedientiam præbet. Similiter observandum erit diligenter, quod anima hominis unitatem repræsentet, & ejus materia seu multitudo & diversitas binarium, & quod per divisionem numerorum imparium & parium denotentur masculi, tanquam magis perfecti & fœminæ, tanquam minus perfectæ. Ex imperfectione, ergo materiæ, quæ in numero pari comprehenditur (quippe cui deest

deest & principium & finis, quoniam dualitas non habet medium) discordiæ omnes, tenebrarum filix producuntur; at verò concordia, lucis & veritatis propago, à numero perfecto & impari oriuntur. Hinc fit, ut, si lucis unitas, quæ est anima, cum materiæ dualitate conjungatur, producat numerum imparem, qui est harmonia plenus, atque itidem quoque, si animæ trinitas, quæ idem est essentia cum unitate, addatur materiæ quaternitati, tùm ea producit numerum septenarium, in quo consonantia perfectissima sonare animæ vertitur, quæ Diapente & Diatessaronia se continet; & per consequens hæc animæ cum corpore unio reddit jam illud miro modo consonans, quod antea fuit dissonans, illud, inquam, nunc regulare facit, quod antea & per se rebelle atque irregulare erat, & motui sive actioni omnino adversum. Unde invenimus, quod homo nihil aliud sit; quàm unitas & multitudo admirabili harmonia simul collecta. Sic videmus, quod unicus sit mundi Sol, unica est anima, sed diversi, imò quidem infiniti ejus radii, qui animæ communes sunt. Sic etiam omnes lucis radios ab unico Jehova, tanquam luminum Patre, hoc est, ab unico fonte. seu essentia super substantiali derivari observamus; cujus radii, tam mediata, quàm immediata ab ab ipso profluentes, nullo modo divisi sunt, sed potius eo modo connexi, quo Solis corpori lumen; quod nihilominus terræ, aquis & aëri atque compolitissimis inesse dignoscitur. Hinc anima dicitur una, propter ejus à sua forma primaria indivisibilitatem; quemadmodum materia dicitur multitudo propter dualitatem vel quaternitatem, quæ consistit ex multitudine seu numero unitatum; cui tamen numerus imperfectus est principium, & non unitas. Atque hæc est ratio, quod *Democritus, Orpheus, & multi Pythagoreorum omnia Divi plena esse, sunt opinati*, quos omnes ad unicum Jovem, tanquam multitudinem ad unitatem referiebant. Sed ut ad Musicam hanc nostram humanam revertamur, eam ex tribus chordis & tribus organis simul conjunctis, ac tres melodiæ partes inducentibus, composuimus, quarum quælibet chorda & quodlibet organon cuilibet mundi regioni correspondet. Sed quoniam duæ chordæ superiores, spirituales scilicet & formalis, æqualiter cum harmonia chordæ in infimo instrumeto coincidunt, non aliter, quam in melodiarum diversarum musica videmus Bassum cantum cum Medio & Medium cum Alto, atque Altum cum infimis æquali melodiarum dispositione permisceri, ita quidem, ut harmonia illic multis formis in eodem consensu reperiatur; ideo cuilibet triangulo seu pyramidi septem claves attribuimus, in dupla vel quadrupla proportionem ab invicem differentes, ex quarum consonantia & mutua ad invicem relatione symphoniam hominis interni cum externo compositionem facillimè concipere & intueri possumus.

CAP. III.

Demonstratio prima harmonie anima, desumpta ex duplici numero ternario, altitudinis scilicet & latitudinis ex parte anima, spiritus & corporis considerata.



IN proposita demonstratione videmus, quomodo lux spiritui in symphonico consensu respondeat & qua ratione utriusque toni consonantes cum gravibus tonis corporis conveniat. Tres enim huc pyramides, trium mundi regionum

num naturis convenientes depinximus; quarum una est pyramis formæ seu animæ, altera est pyramis spiritus materialis, sed elementata, grossa atque opaca corporea, & per consequens tenebris obruta, quæ corpori correspondet. Videmus ergo, quod superior pyramidis pars, seu basis ejus portio, mente & intellectu ornata, superiori pyramidis spiritualis parti, quæ spiritu animali & rationali plena est, correspondeat in consonantia Diapason, quæ consistit in dupla proportionem, scilicet ut 1. ad 2. Nam mens unitas est, atque purior spiritus portio. Diadem impletur, uti sæpius demonstratum est. Unde fit, ut correspondentiam ad invicem habeant, sicuti Γ ad g sol. *venit*. At verò quatenus mens se immergit in materiam, hoc est, cum spiritali pyramide se miscet, eatenus unisonum ambæ cōstituunt, qui cum medietate utriusq; pyramidis Diapason sonat, ita ut utraq; summicas utriq; medietati commisitq; referatur proportionem dupla videl. ut 1. ad 2. vel ut Γ ad g . Correspondens ergo est cælum rationale in proportionem dupla sonans in thorace, ab harmonia rationali ad vitale descendendo consonantiam Diapason spiritualem, quæ continet in se Diatessaron & Diapente. Atque hæc est ratio, cur Sol mundi tam completus atque perfectus est in vitali sua dispositione, & cor hominis in sua regione tam efficax vitæ dispensatur. Iterum si superior formalis & spiritalis pyramidum mixtio in infimam regionem respiciat, facit illud, virtute proportionis quadruplæ Disdiapason constitutis: nam talis est proportio inter intellectum & rationem, similiterque talis concordantia inter spiritum animale & naturalem, quibus interponitur vitæ spiritus & imaginativa facultas animæ. Intellectus igitur pyramidis formalis unisono consensu spiritum rationalem & animale complexitur, atque ambo, cum sint igneæ naturæ, reconduntur in capite seu suprema pyramidis obscuræ regione, ubi hoc idem consonant. Agitur enim ad unisonum producendum mens in spiritum summum adeoque patitur spiritus mentis operationes, ut chorda musicæ vibrata fert pulsatoris actionem; atque caput, tanquam organon utriusque ex pyramide nigra & corporali confectum recipit in se actionis istius & passionis effectus, non aliter, quàm barbiti corpus melodix sonos. Accentum igitur rationis sonat lux intellectualis in spiritum, tanquam medium, reddens eum rationalem; spiritusque actione lucis commotus, tanquam medium se per cerebri seu receptaculi ventriculos sive organa dilatat, atque ita rationis radii deorsum effluunt ad alias consonantias cum facultate vitali & naturali producendas. Deinde per consonantiam Diapason harmonia rationalis cum imaginatione & spiritu vitæ conjungitur. Vibrat ergo rationis vox chordam vitæ & spiritum imaginativum, cujus harmonia vivifica cum ratione mixta se postea effundit, atque dispergit per universum spiritum naturalem seu chordam elementarem, in subtili elementorum sonis gravibus resonantem atque Diapason corporale seu materiale cum tonis acutis atque peracutis miscentem: Quarum modulationum corpus humanum est receptaculum, organon generale & quasi instrumentum musices humanæ, in quo harmonia mundana comprehenditur, & ex cujus organicis parvis proportionales ejusdem effectus eliciuntur.


CAP. IV.

*Comparatio harmoniæ secundum proportiones dimensionum
Geometricarum inter animam, spiritum
& corpus.*

IN superioribus *corpus* haud ineptè comparavimus *cubo Geometrico*, quatenus ex trinis constituitur dimensionibus, *spiritum* verò *quadrato*, quatenus ejus multiplicatione fit cubus. Sicut enim quadratum Geometricum in se ductum producit cubum; ita eodem planè modo spiritus tenuis condensatione convertitur in aquam, & aqua iterum inspissatione in terram, quasi cubum reducit. Atque sic etiam lucem seu animam lineæ sive unitati retulimus, quæ est quasi radix, ex qua quadratum procedit. Corpus ergo ex quatuor elementis seu trinis dimensionibus conflatum cubo comparavimus. Ejus verò spiritum ex æthere derivatum, quatenus simplex est in natura sua materiali, assignavimus superficiem, utpote ex cujus multiplicatione corpus prodit; Et denique lucem spirituale, quæ cælum occupat, quatenus est radix omnium creatorum, lineæ attribuiamus, cujus multiplicatione fit superficialis cæli medii substantia. Ex his igitur proportionibus Geometricis naturâ sibi ad invicem respondentibus harmonia elicitur, videlicet inter punctum unitatis in creatâ & inferiorem lineæ extremitatem talis, qualem habet unitas ad dualitatem, seu forma pura ad materiam, vel numerus digitorum simplex ad numerum denarium, hoc est, in proportionem duplâ reperitur, ex qua Diapason primum producit. Nam sub omni numero denario Diapason reperitur, quatenus ex Diapente constituitur, quod quinque constat vocibus, & ex Diatessaron, quod quatuor accentus seu voces continet. Similiter trinitas essentia super substantialis, quaternitati substantia materialis & creatæ connexa, hoc est, Deus seipsum miscens cum materia vel hylæ seu revelans, producit numerum septenarium; qui itidem consonantiam Diapason inducere videtur. Similiter linea ad quadratum ita se habet, ut 2. ad 4. hoc est, ut radix ad cubum; Unde etiam in profundiori compositione proportio duplâ reperitur; & per consequens Diapason minùs spirituale & minùs simplex oritur, quod respectu inferioris dicitur spirituale, respectu superioris materiale & medium. Porro etiam quadratum mediæ regionis se habet ad cubum infimæ in proportionem duplâ, videlicet ut 4. ad 8. Et proinde hæc etiam multiplicatione spiritus mediæ regionis ac inspissatione ejus, corpus opacum, ex quatuor infimorum spirituum seu elementorum proportionibus in unum opacum compactis, procreatur. Unde oritur Diapason elementale ex gravibus conflatum; quemadmodum medium factum erat ex acuto spiritu, & illud superioris mundi regionis acutissimis & excellentibus. Lux verò summa super substantialis est quasi primaria musicæ mundanæ radix, quæ harmoniam ineffabilem, inexcogitabilem, primariam atque simplicissimam, hoc est, ex simplicissimis numeris seu digitis ab unitate vera immediate procreatam, modulâri solet. Ex his ergo videmus, quòd Musica mundana & per consequens humana fiat multis modis seu demonstrationibus, videlicet aut numero ternario ad imitationem harmoniæ diviniæ, sic in trinitate super substantiali 1. ad 2. invenitur in duplâ proportionem, & 2. ad 3. in sesquialtera, & trinitas iterum dualitatem cum unitate jungens duplam proportionem producit, ut 3. ad 6. Et iterum 3.


qui est primus atque simplicissimus numerus perfectus in se ductus finem digitorum divinatorum seu simplicium demonstrabit, videlicet 9. cui numero, si unitas addatur, denotabit ingressionem essentiae unitatis cum proprietate trina in abyssum deformem, seu in materiae informis massam, quemadmodum supra luculentius declaravimus. Sic etiam compositionem humanam ex tribus instituvimus triangulis seu pyramidibus, videlicet corporali, spiritali & formalis, quas etiam secundum mundi sectiones in tres regiones distinximus 1. 2. 3. ex quarum proportionibus etiam Diapason duplex elicimus, uti in demonstratione praemissa declaratum est. Iterum haec easdem consonantias via Geometrica progrediendo, de qua hic agimus, extraximus, cujus rei delineatio hic sequitur.

*Harmonia humana demonstratio secunda, secundum ordinem
seu proportionem figurarum Geometricarum anima,
spiritus & corpori relatarum.*




In figura cubum spirituale delineante rationem proportionis materiam mundanæ quàm Microcosmicæ descripsimus. Cubus materialis mundi descriptione elementis refertur, deorsum enim propter suam gravitatem & densitatem tendit. Cum verò cubus formalis contrario modo se habeat, quippe qui propter suam levitatem sursum tendit, atque ad celorum cacumina elevatur, ideo medietas tam formalis descriptionis quàm materialis quasi eandem effigiei rationem habere dignoscitur, cum quadrata unius superficies respondeat quadratæ alterius figuræ. At verò summitatem seu lineam demonstrationis materialis omnino positione & situm contrariam esse lineæ formalis descriptionis videmus, quatenus formalis ista deorsum tendit, Quibus luculentur declaratur, quòd maxima materię vis deorsum in mundo & homine dominetur; at verò maximà formæ virtus sursum invenitur, & fonti lucido contigua est. Quare si hæc duæ effigies, prout hæc describuntur, ad invicem jungantur, exactam mundi & hominis compositionem ex materia & forma demonstrabunt. Cæterum hic obiter considerandum est, quòd mundus in sua compositione simplicior existat, quàm homo. Nam mundus factus est ex simplici compositione: homo verò est conflatus ex composito, hoc est, ex compositione mundana factus perhibetur. Unde diversis mixtionibus in sua compositione magis obumbratur, quàm mundus. Atque hinc est, quòd, ut mundum Dei filium visibilem dixerunt Philosophi, ita hominem tradiderunt esse filium mundi, non aliter ex mundo immediatè factum quàm mundus à Deo. Mundus à primordio divisus fuit in elementa miro modo distincta atque librata, ex quorum mixtione ad invicem confusa, & per vinculum naturale concordia pæceligata factus est homo. Videmus igitur, quòd in conjunctione cubi formalis cum lineâ materiali quadratum etiam unius cum quadrato alterius unitur, & per consequens lineâ formalis deorsum tendens cum cubo materiali conjungitur. Quibus dilucidè declaratur, quòd minima formæ pars, videlicet ejus lineâ cum majori materię dimensione jungatur; quemadmodum vice versâ minima figuræ spiritualis portio cum majori lucis dimensione unitur. Duo autem media cum habeant eandem effigiem faciliè conveniunt, vitamque producant. Atque hanc etiam pyramidum mundanæ compositionis multoties à nobis allegatarum rationem hoc modo explicavimus.

Hic



Hic ergo media utriusque pyramidis regio ad invicem proportionem Geometricam pars esse observatur, utraque verò pyramidum extremas se habet, ut 1. ad 3. ita ut unica materię pars addita tribus partibus formę constituat compositionem simplicissimam, in qua multitudo formę & paucitas materię adest. Sic ergo se habet compositio substantię Angelorum & materię cœli empyrei in Macrocosmo, atque talis etiam est compositionis respectus ad spiritus intellectuales constitutionem in homine. Similiter in regione infima modo contrariò se res habet. Nam ibi unica formę portio ad tres portiones materię invenitur; atque inde oritur grossissima Macrocosmi compositio, quę in infima ejus regione, videlicet in regione elementorum & præcipuè circa terram disposita est. Hinc etiam corporis humani constitutio est orta, quę est grossissima illius integri portio. In medietate verò spiritus proportio exæquat proportionem formę. Atque inde fit, ut hæc regio de utroque extremo participet, adeoque sit partim spiritualis & invisibilis, partim verò materialis & grossa. Ob hanc igitur causam spiritus hic intermedius naturali matrimonio cum luce desponsatus, si mentis acumine in altum attollatur, divina contemplatur, & infimis neglectis, supernaturalia cogitat, si verò elementorum blanditiis se subjiçiendo deorsum prospiciat, vilia atque terrestria speculatur, atque ad inferiora se ipsum in tenebris & materię multitudine submergendo descendit.

Harmonia humane delineatio tertia, ubi probatur, quòd tam mundi, quàm hominis harmonia in numero septenario, observatis intervallorum proportionibus consistat, duo tunc cum semitonio minori in consonantia Diatessaron, & tres tunc idem cum semitonio minori in consonantia Diapente simul additi faciunt septem intervalla, quæ constituunt perfectam consonantiam Diapason.



In antecedentibus de numeri ternarii, in pyramidibus tribus demonstrati ratione, uti & de ratione quaternarii Geometrico modo per lineam, cujus radix erat duo, & per quadratum ac cubum declarati diximus. Hic autem magis particulariter nos ad rem accingentes de gradibus septem cujusque regionis tū mundi, tū hominis ad mundum relati, deque eorum ad consonantiam Diapason relatione sub qua Diapente & Diatessaron ac per consequens totius Musices vis atque proprietates comprehenditur. Atque hac ratione docemur, quod semidiapente fabricæ periphericæ, tū mundi, tū etiam hominis cum systemate musico comparatur. In quo tres clavium ordines subalternatim positi continentur, quibus omnis melodiarum consonantia mensuratur, & quælibet musicæ proportio elicitur. Quod autem in principio & cacumine septenarii superioris Deum Patrem, Verbum & Spiritum sanctum in massa materiali expressimus, intelligendum est, quod Deitatis proprietates hoc loco capiamus, non prout per se & absque omni materię secretæ accipiuntur, sed quatenus ipsæ à throno supersubstantiali deorsum prospicientes in hylen deformem sacrosancto suo intuitu unanimiter penetrarunt, ita ut ipsarum præsentia in abyssu tenebrosa omnia ex nihilo facta fuerint. Sic igitur dicimus, Deum in suprema spiritus regione inveniri, ut unitas dicitur in seipsam in denario numero recurrere, ut infra latius declarabimus. Hic igitur in demonstratione præmissa tres habemus Macrocosmi regiones tribus Microcosmi regionibus convenientes, quarum inferior, quoniam omnium grossissima, tardissima, ponderosissima atque visibilissima est, claves septem ad suam Musicā tardiores, graviiores & bassiores I. A. B. C. D. E. F. requirit. Ex quibus Γ. in Macrocosmo respondet terræ, quæ est omnium basis, seu fundamentum; vel in Microcosmo stercoreæ intestinum faci supra centrum Microcosmi congregatæ. Similiter A. refertur in Macrocosmo ad aquam salinam maris; in Microcosmo verò ad aquam salinam urinæ: atque itidem quoque B. in Macrocosmo ad aquas dulces fluviorum & fontium è montibus terræ descendentium, & in mare decurrentium; atque in Microcosmo ad chylosum seu pituitosum stomachi laticem ab illo, tanquam à sublimiori & montosa hujus regionis parte deorsum versus vesicam defluentem alludit. Sic etiam C. in Macrocosmo infimæ aëris regioni refertur, ubi propter cœlestium reflexiones & influxus, temperatissimus invenitur vitæ humor tam vegetabilia quam animalia nutriendus; in Microcosmo verò massæ sanguinis ab infima hepatis regione, quasi à suo fonte per rivulos suos scatulentis. Præterea D. in Macrocosmo mediæ aëris regioni, nubibus & meteoris subjunctæ comparatur; in Microcosmo mediæ hepatis regioni, per quam, quoniam lienis zona transit, multæ alterationes, videlicet, flatuosi vapores, glutinosæ obstructions & infinita hujusmodi impedimenta seu meteora grossa procedunt, propter flatum frigidum & siccum à lienosa Aquilonis Microcosmici regione exortos. E. verò in Macrocosmo supremæ aëris regioni, quæ igni proxima est retulimus; in Microcosmo autem profundæ hepatis cavitati juxta cistam fellis positæ. F. denique in Macrocosmo elemento igni assimilavimus; at in Microcosmo cistæ fellis. Atque ita in regione elementari, tam Macrocosmica, quam Microcosmica, invenimus modo consentaneo attributas cuilibet illius sphaeræ claves illas, quæ ad basin seu fundamentalem harmoniam utriusque mundi pertinent. Cum quibus porro claves acutæ seu mediæ regionis, aut æthereæ atque itidem quoque peracutæ ille & excellentes cœli supremi in melodiarum symphonia quam optimè conveniunt. Hinc est, quod g. in Macrocosmo Lunæ, & in Microcosmo superfluam pulmonum humiditatem respicit, quam c. gubernat: a. refertur Mercurio in Macrocosmo, & in Microcosmo facultati elocutionis à pulmonibus ortæ. Atqui b. in Macrocosmo Veneri, & in Microcosmo aëri humido inspirato & expirato, quo vita nutritur, comparatur.


ratur. Similiter solari calore in corde sito se jungit. *c.* Soli in mundo, & cordi in homine. *d.* Marti in mundo, & in homine attractivæ inter pulmones aëris potestati refertur. *Mars* etiam extra pulmones vires suas non naturales exercet, pleuritidem in membrana costas cingente, & peripneumoniam in pulmonum substantia excitans. Similiter *e.* in mundo *Jovi*, in homine pulmonibus ex Joviali natura conflatis, assignatur; Nam ut *Jupiter* est vitæ autor, dominiumq; habet in aëre, sic pulmones sunt vitæ procuratores, qui vivunt per aërem seu *Jovem*, vitamque viva sua actione cordi attribuere animadvertunt; quare non ineptè hepati comparantur; *f.* denique in mundo attribuimus *Saturno*; qui in homine est fistulæ asperæ autor, per quam aërad vitæ continuationem attrahitur. Hujus igitur prava dispositione morbis afficitur mediæ regionis humanæ summitas, videlicet raucedine, catarrhis & hujusmodi aliis. Atque ut jam tandem ad regionem utriusque mundi supremam perungamus, in qua claves excellentes & exertissimè sonantes reperiuntur, sciendum est, quòd *gg.* in homine respondeat sphaeræ voluntatis, quam suprà primo mundi mobili comparavimus. Et quoniam homo secundum voluntatem loquitur, idèò linguæ adaptatur hæc sphaera. Sic etiam sphaera rationis correspondet *clavi. æ.* quatenus voluntas nihil aliud est, quàm rationis illuminata, vel non illuminata nuncius seu Angelus; unde in sphaera Angelorum collocatur, adeoque exiude tam boni, quàm mali à voluntate producuntur effectus. Intellectus denique *bb.* accommodatur, & mentis radius correspondet *clavi. æ.* mensque est spiritus divini effigies, & quasi identitas, cui *dd.* annexitur; in qua, teste *Trismegisto*, est Verbum, cui correspondet *æ.* quod ab ore Jehovah ad mundi fabricam promanabat, cui *ff.* tanquam conus pyramidis materialis, & *ggg.* tanquam basis pyramidis formalis (quæ etiam est principium harmoniæ superexcellens mundi super substantialis in mundo materiali) refertur. Hæ omnes claves spirituales in capite humano reperiuntur: Deus enim loquendo Verbum, cum Verbo Spiritus vitæ, mentem, intellectum & rationem voluntate libera haud destitutam, in hominis externi faciem seu nares inflavit. Unde homo lutosus virtute hujus Deiformis afflatus, animal vivens, voluntate, ratione, intellectu, mente, Spiritu divino, & ipsius Verbi caractere imbutum, factus est. Hinc non infulsè dictum putamus, hominem creatum esse ad imaginem Creatoris, quatenus hos optictis characteres divinos, & has Trinitatis sacrosanctæ impressiones admirabiles & ineffabiles in se retinet. Unde, ut dictum est, homo internus, tam à Philosophis profundioribus, quàm ab ipso Deo templum Dei vocatur. At jam gradibus systematis tripartiti utriusque mundi bene consideratis, ad harmoniæ proportionem & consonantiam perveniendum esse existimamus. Videmus in systemate mundano antea depicto, quòd tres sint clavium ordines, uno suprà alium subalternatim posito, & quòd quælibet dictarum clavium series suisum ascendendo ordinibus sibi suppositis respondeat. Sic invenimus, quòd *Γ.* infimæ seriei ad *g.* mediæ ordinis in dupla proportionem respondeat, atque iterum *g.* ad *gg.* in dupla: Sic etiam *A.* refertur ad *a.* in eadem proportionem, & *a.* ad *aa.* supremæ regionis. Talis etiam est ratio inter *B. & b.* similiterque inter *b. & bb.* nam semper litera proximæ literæ simili in proportionem dupla correspondet. Porro etiam proportionem interiores & minùs perfectæ hac via eliciuntur, videlicet sesquialtera inter *Γ. & D.* inter *A. & E.* inter *B. & E.* inter *C. & g.* & inter *g. & d.* & inter *a. & e.* atque sic in cæteris furtim ascendendo. Sic etiam proportionem sesquitercia conveniunt. *Γ.* cum *B. & A.* cum *C. & B.* cum *D. & C.* cum *E. & D.* cum *F. & E.* cum *g.* & *F.* cum *a.* & *g.* cum *b.* & *a.* cum *c.* & *b.* cum *d.* & sic in cæteris. Verum enim verò, quoniam Diapason consonantia magis perfecta, in proportionem

dupla

dupla reperitur & Diapente consonantia minùs perfecta, in proportione sesquialtera & Diatessaron consonantia imperfecta in proportione sesquitercia, ideo videmus, has omnes consonantias in systemate tam mundano quàm humano, repetita varietate inveniri, & per consequens hujusmodi mundi & hominis harmoniam internam ex iisdem consonantiis constare, eorumque externam compositionem in iisdem proportionibus consistere animadvertimus. Hinc percipimus motus rationem inter terram & aquam dulcem, in visceribus terræ contentam, & per ejus venas currentem in proportione sesquitercia reperiri, & in consonantia Diatessaron convenire. Atque sic etiam aqua salis ad infimam aeris regionem in eadem consonantia se habet. Unde suum subtile in hanc aeris regionem expirat, quod propter harmonicam hanc relationem è vapore in ipsum aërem è vestigio convertitur. Nam hæc regio est calida & humida, sic salis maris natura calorem additaque marinis, atque ipsa per se humiditatem habet. At verò aqua dulcis magis naturaliter ad terram refertur, quoniam frigidior est propter inspidam suam dispositionem. Simili etiam respectu per Diatessaron infima aeris regio ad supremam refertur, unde ambæ hæc aeris sphaeræ calidæ sunt & humidæ, sed diverso modo, quatenus una est magis frigida propter ejus cum aqua propinquitatem, & altera magis calida ob elementum ignis vicinitatem, quibus tamen media aeris regio dissonans esse videtur, quatenus est intensè frigida; quam qualitatem per antiperistasis acquisivit. Et licet hæc media regio ad elementum ignis relata, discordia improducere videatur, attamen quoniam elementum ignis nihil est aliud, quàm suprema quasi supremæ aeris regionis superficies, ideo Lunæ naturam humidam & frigidam magis respicit ad suæ consonantiæ perfectionem. Quare proportio inter supremam mediæ aeris sphaeræ partem & infimam Lunæ concavam superficiem in sesquitercia proportione reperiri videtur. Similiter g. Lunæ respondet, quæ ad Venerem ascendendo Diatessaron consonantiam constituit, quatenus Luna & Venus humiditate ad invicem connectuntur. At Venus se habet ad Jovem, ut mediæ aeris regionis summitas ad concavam Lunæ superficiem; ubi quatuor quasi accentus sunt, sed non nisi tria intervalla, & sic in cæteris. Atque hæc ideo dicitur consonantia imperfecta, quoniam superior clavis, cui responderet inferior, non convenit cum inferiori in utraque qualitate; quemadmodum aqua dulcis, licet cum terra conveniat in frigida sua dispositione, non tamen convenit ei respectu humidæ suæ naturæ, quatenus terra est in sua qualitate sicca. At jam, ut ad consonantiam minùs perfectam, quæ in sesquialtera proportione reperitur, & quatuor intervallis ac quinque vocibus constat, accedamus, magnam propter hujus Diapente virtutem, inter terram & mediam aeris regionem invenimus relationem, quatenus frigida & sicca atque congelativa est hæc aeris sphaera, in qua virtute harum qualitatum nubes condensantur in grandines, nives, & nonnunquam etiam in capillos secundum aliquam ipsarum proportionem mutantur. Elementi ignis pars inferior, aëre vivifico mixta Soli, ejus summitas Jovi, aeris regio superior Veneri, Luna Jovi in humiditate & in calore occulto referuntur. Similiter videmus, quòd, ut terra est quasi regionis elementaris fœx, sic etiam Luna regionis æthereæ pars sit crassior atque densior. Luna ergo terram sua frigiditate & aquas per venas terræ fluentes sua humiditate respicit. Mercurius cum A. maris in Diapason concidit, quoniam maximam habet vim in mare ad tempestates movendas, & ad aërem ei inclusum exagitandum ad fluctus & undas montibus simillimas ciendas, superior etiam Lunæ orbis portio in mare potens est per eandem consonantiam, Veneris quoque aquam dulcem sua phlegmatica & sanguinea complexionem respicit, imò verò & infimæ aeris regionis, ejusque naturæ ob dictam rationem ad

modum familiaris est. Unde *B.* respondet *b.* & *c.* per contiguitatem obediens erit *b.* Sodenique sphaeram æqualitatis in regione elementari, videlicet humiditatis, respicit. Nam æquum est, ut sphaera æqualitatis medii cœli suo simili in cœlo elementari correfpondeat. Nam ut Solis sphaera fit ex medio aspectu inter spiritum & lucem, sic etiam infimæ aëris regionis media pars, quam in *Macrocosmico Tractatu* sphaeram sporiæ æqualitatis appellavimus, est locus, in quo radii elementi ignis & vapores terræ æqualiter conveniunt. Media aëris regio intonat Diapason cum Marte, idque infelicitè & qualitate contraria. Unde fit, ut, quamvis hic Planeta in cœlo & in sua natura sit æquè bodus ac cæteri, respectu tamen inferiorum dicatur Planeta infaustus, & generi humano infortunium. Atque hinc fit, quòd perturbationes ingentes ab Astrologis in hac regione, videlicet tonitrua, fulgura, coruscationes & huiusmodi alia hominibus tremenda excitare fertur. Huic autem Planetæ elementum aquæ in proportionem dupla respondet, infimam mundi regionem simpliciter dividendo in quatuor elementa, quemadmodum Jupiter aëri, ut in harmonia nostra Macrocosmica dictum est. Sed hæ duæ explicationes ad idem tendunt. Nam Jupiter, cui e attribuitur, superioris aëris portioni correfpondet, quæ est calida & humida, vitæque fausta. Talem etiam esse Jovis naturam confirmant Astrologis, quare fausta dicitur stella & naturæ humanæ amicissima, atque ob hoc vocatur *Fortunius maximus*, quemadmodum *Venus* dicitur *Fortunius minimus*. *Salutium* denique, cui *f.* attribuitur, quatenus Diapason ejus definit in igne, infausta esse stella ab infima mundi spatia incolentib. existimatur, quamvis in se tam sit bona, quàm reliquæ. Nam quamvis ejus siccitas cum terra conveniat, cujus Γ . con sanguineum est ad *f.* cui *g.* contiguum est, non tamen cum siccitate ignis convenit, quatenus cum frigore lethali conjungitur. quod omnino igneo calori ad verfatur. Sed jam tandem ad supremam clavium seriem, supremam mundi regionem commenfurantem, perventum est, ubi voluntatis sphaera *gg.* ad naturam super substantialis essentia *ggg.* signatam, in Diapason reperitur, quoniam omnia facit Deus secundum voluntatem suam in cœlis & in terris. Quæ autem huic sphaeræ subjacent, ab hac sphaera, tanquam à primo mobili moventur. Nam inferiora corpora involuntarie ab hac sphaera non aliter moveri dicuntur, quàm mundus ejus virtute motu raptò circumfertur. Nam corpora naturaliter quiescere appetunt, quare movere dicitur Sol, & cæteri Planetæ ad motum primi mobilis. Videmus igitur, quàm miraculosè sphaeræ utriusque mundi tam minoris scilicet, quàm majoris ad invicem consonentia ut claves superioris cœli cum clavibus medii, & claves medii cum clavibus infimi melodias symphoniacas simul constituant. Sicaqua cum terra ad Lunæ constitutionem voluntatis actus & subiectum involuntario motu agitarum denotat : Luna & aqua voluntatis mutabilitatem in hominibus : Terra, quæ est basis & fundamentum totius, stabilitatem voluntatis Dei : Aqua etiam fluida sua natura denotat naturam mutabilem Mercurii & eorum respectus ad rationis sphaeram in Diapason conjungit hæc simul. Hinc rationis humanæ varietas, opinionum & sectarum multitudo, atque hinc dicitur Mercurius ingenio, scientiæ, artibus & Musicæ præesse, adeoque etiam fit inde, quòd, ut sensus elemento ignis, sic imaginatio, rationis socius, aquæ refertur : Aqua etiam dulcis & infima aëris pars Veneri & Venus intellectui, qui est igneus amor. Conveniunt ergo hæc tria in actu & passione amoris : Aër etiam Sol & Mens denotant mentem, animam & spiritum, quæ optima harmonia simul conjunguntur. Infinitas alias hujus harmoniæ rationes hoc loco proferre possemus, sed quoniam Musicæ secretum non omnibus patet, & lecti on fortasse magis tædiofum, quàm jucundū foret, hoc loco eas enotare sive explicare, idcirco illas nunc silentio prætermittam.

Harmonia humanae demonstratio quarta, in qua indicatur, quod melodia tam humana quam mundana, in numero nonario, considerando Musicam secundum vocum numerum, reperitur. Sic dicimus consonantiam Diapason ex novem vocibus constare, quatenus constat ex Diatessaron, in qua quatuor audiuntur voces, & Diapente, quinque sonos seu accentus comprehendente, quae simul junctae faciunt novem.



In præcedenti demonstratione explicatam habemus numeralem totius fabricæ mundanæ rationem, quam ab essentia divinæ harmonia derivatam suprà declaravimus. Nam ab unitate simplici seu primæ essentia super substantialis proprietate dualitas effluxit, quæ nihil aliud est, quàm unitas bis repetita, aut monas à monade seu cum monade, hoc est, aptissima unitatum duarum ejusdem essentia connexio, numerum Diadem producens; cujus iterum ad unitatem motu, tres unitates simul ejusdem naturæ super substantialis & increatae adduntur, quæ numerum primum, perfectionis complemento ornatum, producant, in quo unitas est principium, unitas medium, & unitas finis; ac proinde totus nihil est aliud, quàm sola unitas in trinitate, & trinitas in unitate: quæ numeri completissimi quantitas in se ducta numerum imparem ultimum ex numeris simplicibus & in compositis seu digitis producet, videlicet *g* cujus in sua radice multiplicatione producuntur illi numeri compositi secundum quorum ordinem compositiones triplicis generis in tribus mundi regionibus fiunt: Namque numerus 27. est numerus completissimus compositionum mundanarum, cujus *primus* numerus novenarius novem primos numerorum articulos denotat, videlicet 10. 20. 30. 40. 50. 60. 70. 80. 90. *Secundus* autem novenarius numeros centenarios, atque tertius numeros millenarios. Ex primis primum cælum productum est, ex secundis secundum, & ex tertiis tertium & infimum. Primi ergo articuli denariorum ad mundi creationem concurrentes radicibus, secundi centenariorum quadratis, & tertii millenariorum cubis referuntur, quoniam talis est proportio inter tenuitatem supremi cæli & medii, aut inter spissitudinem infimi cæli & medii. Sunt ergo articuli superiores denariorum lineis comparandi, medii verò superficiebus, & infimi millenariis exprimentes corporibus. Sic 10. seu denarius numerus est radix quadrati 100. & cubi 1000. Sic etiam 20. sunt radix quadrati 400. quæ ducta in radicem primam, videlicet in 10. producunt 2000. Similiter radix 30. producet 300. pro quadrato & à prima radice 10. 3000. pro cubo, atque sic in cæteris. Opifex igitur unitas cum cyphra vel cyphris se jungens, id est, extra numerorum simplicium margines prospiciens, atque se ipsum cum materia informi, ut existeret, connectens in limites numerorum compositorum ingreditur; atque ita quælibet essentia unius divinæ proprietatis distincta, se jungens cum materia non formata, eam facit ex nihilo existeret. Hinc est, quod cyphra in se & per se nihil significans, materiae informi aptissime & quasi ex essentia sua comparatur. At verò si unitas, dualitas aut trinitas cyphrae præponatur, tùm illa facit eam ex nihilo significativam. Verbi gratia, 0. non plus significat quàm 00. nec 00. plus quàm 000. atque hæc omnes simul junctæ nihil significant. At verò 1. ante 0. significat numerum denarium 1. ante 0. viginti, 3. triginta, sic 10. 20. 30. &c. Sic etiam, si 1. præponatur 00. denotabit numerum centenarium 100. & sic in cæteris. Hæc ipsissima ratio est in mundi creatione. Nam Deus Pater unitas, se quasi duplicans, & jungens cum materia, tanquam nihilo seu hyla seu cyphra, produxit primum gradum simplicis compositionis. Deinde Filius seu dualitas se proponens secundo superioris regionis informi orbi, secundum creaturarum gradum in existentiam deduxit. Et Spiritus denique sanctus seu ternaria proprietates tertium gradum, cum materia se miscendo, in lucem edidit. Atque ita tres primæ hierarchiæ Angelorum orbes, seraphini scilicet, cherubini & throni creati atque constituti sunt, eaque ratione, multiplicatione 3. in se facta reliqui etiam ternarii numeri proportionem in radicali & simplici compositionis regione producuntur. Similiter prima Deitatis persona, se triplicans, hoc est, prima vice in sua unica essentia apparens, & secundò in simplici rerum compositione, ac tertio in media mundi constitutione, jam præcedit duas cyphras, significando per hoc ipsum, quod in

media

media mundi regione duplicem materię portionem inaduēt suā præsentiā quemadmodum in superiori nonnisi unicam & simplicem materię partem de potentia in actum & essentiam spiritualissimam deduxit. Unde in hac regione luci suę spiritum proportionē centenaria miscuit, ut 100. 200. 300. Denique opifex tertię rerum compositioni se prębens, virtutemque suam mirificam rebus inferioris regionis indens, tertiā & ultima vice ad mundi complementum in proportionē cubica & elementari apparebat, tres materię informis proportionēs informans. Unde in hac mundi sphęra seu regione pręponitur atque pręscribitur tribus cyphris, tres materię portiones arguentibus, ut 1000. 2000. 3000. His igitur debito modo consideratis, facillimē intueri possumus, quomodo Deus ab unitate in multitudinis abyssum ad mundi perfectionem, & ad ejus in numero, mensurā & pondere adaptationem descendit. Quicumque igitur ad Deum voluerit reverti, ei necesse erit multitudinem gradatim exuere, ut ad unitatis fastigium regrediatur, seipsum à cubica proportionē resolvendo in quadratum, & à quadrato tandem in radicem sibi propriam resultando. Quod quidem sola illa harmonia fit, qua Deus ipse Creator seipsum in multitudinem materię immergit.

C A P. V.

*De anima per totum mundi tam minoris, quàm majoris
systema harmonia.*

CUM anima intellectualis à folio seu throno Creatoris in hominem descendendo per universum mundi semidiametrum penetret, priusquam corpus humanum ingrediatur, sequitur, quòd illa cum harmonia cuiuslibet creaturę, quam in via seu itinere suo deorsum instituto offendit, participet. Hinc igitur est, quòd anima tot in se proprietates, quot in mundo (numerando inter sedem Dei & terram, quę est scabellum pedum ejus) reperiuntur. Et tamen hę omnes proprietates nihil pręter ipsam animam existunt. Unde in hoc illa Deitati comparatur, videlicet, quatenus una est Deitatis essentia, at multę personę, pari enim modo diversę sunt animę proprietates, sed una ejus essentia. Sic sensus quidem unus est in anima, & quidem ipsa est, qui, cùm corpus non sit, corporeus dicitur, & cùm non sit nisi unus, propter varia tamen sua exercitia variatur, & diversimodē nuncupatur. Dicitur autē anima, sensus, imaginatio, intellectus, intelligentia seu mens, atq; hęc omnia in anima nihil aliud sunt, quam ipsa anima. Alię atq; alię sunt inter se proprietates propter varia exercitia, sed una est rationis essentia & una anima; proprietates quidē diversę, sed essentia una; secūdum exercitia multa sunt, secūdum verò essentiā sunt unū in anima, & quidē ipsa anima est illud. Et sicut mundus iste visibilis quinquē partita quadā distinctione est ordinatus, terra scilicet, aqua, aër, æthere sive firmamento & ipso supremo cœlo, quod empyreum vocant; sic animę in mundo corporis sui peregrinantis, quinque numerantur progressus ad sapientiam, sensus scilicet, imaginatio, ratio, intellectus & intelligentia; his, inquam, quinque progressionibus rationalitas exercetur ad sapientiam, de quibus infra latius. Et quatuor in idem affectibus ad charitatem, quasi novem progressionibus in semetipsam proficiuntur anima, quos quidem progressus nominibus & ordinibus Angelorum, in simpli-

ciori & superiori mundi regione contentis, comparavimus. Amorem ergo Dei *Seraphim* applicavimus, intelligentiam *Cherubin* intellectum *Throni*, amorem proximi *Ammationibus*, rationem *Principatibus*, odium sui *Potestatibus*, odium mundi *Virtutibus*, imaginationem *Archangelis*, atque sensum denique, qui primus est nuncius animæ, ipsis *Angelis*, qui nuncii vocantur. Atque ubi de odio seu contemptu mundi & sumptius locuti sumus, intelligendum est, quod timor suppliciorum & dolor de peccatis pariant contemptum mundi & sui, ut cum Virtutibus quis faciat miracula, & cum Potestatibus expellat Dæmonia. Spes depromissis & gaudium inprimis inducit amorem Dei & proximi. Hinc ergo evidens est, quod anima ad similitudinem totius sapientiæ facta, omnium in se gerat similitudinem. Quare à Philosophis definitur *cujusq; rei similitudo*, siquidem in se habet vires, quibus omnia apprehendit atque investigat & omnibus similis existit, cum sit una. Nam cum omnia ex quatuor elementis sint facta, ipsa anima reperitur similis terræ per sensum, aquæ per imaginationem, aëri per rationem, & igni ac firmamento per intellectum, cœloque cœlorum per intelligentiam. Similis est lapidibus per essentiam, arboribus per vitam, animalibus per sensum & imaginationem, hominibus per rationem, Angelis per intellectum, Deo per intelligentiam. Et sicuti Deus est capax & particeps omnium, sic itidem & anima. Sed, ut ad numerum nostrum nonarium revertamur, sub quo animæ proprietates ad novem intelligentiarum sphaeras superioris cœli relatas esse prædicavimus, notandum est diligenti observatione, quod novem sint animæ proprietates seu virtutes mediocres, quæ novem sphaeras mediæ mundi regionis respondent. Nam primo mobili refertur voluntas, propter rationis in demonstrationis tertiæ explicatione recitatas. Cælo stellato voluntatis executioni seu actio. Saturno animæ vis receptiva seu restrictiva & coagulativa. Jovi facultas ejus naturalis. Marti irascibilis & impulsiva. Soli vitalis. Veneri concupiscibilis. Mercurio phantastica atque ingenium. Luna denique crescendi atque decrescendi, & per consequens vegetationis proprietates. Harmonia ergo inter proprietates animæ supremi cœli & mediæ est hujusmodi: Amor Dei ad voluntatem seu primum hominis sensibilis mobile relationem habet, intelligentia ad actionem voluntatis, intellectus ad fixam, stabilem atque prudentem Saturni dispositionem, amor proximi ad Jovis amorem, & curam paternam circa vitam & naturam vitalem animantium, ratio ad irascibilitatem Martis, cum ratio versetur vel circa irascibilitatem Marti propriam, vel concupiscibilitatem Veneri attributam, odium sui refertur Soli, nam qui se odio habet respectu hujus mundi, obtinebit vitam æternam, odium mundi Veneri, quippe concupiscentia & ardor amoris Dei mundum contemnere facit; imaginativa vis phantasticæ Mercurii dispositioni attribuitur, Sensus autem Lunam & terram respicit, nam Luna est quasi basis & ipsa cœli mediæ terra, optimeque sensui refertur, quatenus ad res fluidas cum soliditate spectat. Est etiam hujus harmoniæ relatio inter proprietates animæ cœlestes & elementares, quæ talis est: Novem sphaeræ regionis mundi infimæ sunt hæc: Ignis, suprema aëris regio, mediæ aëris regio, infima aëris regio, aqua dulcis, aqua salia, vegetativa terræ sphaera, mineralis terræ sphaera, atque ejus denique sphaera centralis, ubi purum reperitur, uti nonnulli volunt, terræ elementum. Voluntas ergo refertur igni, actio supremæ aëris regioni, tanquam loco, ubi agens agit in suum patiens; Vis animæ receptiva cernitur in mediæ aëris regione, ubi grandines & nives congelativa Saturni qualitate generantur; Vis naturalis Jovi propria in infima, in qua creaturæ animatæ cujusque speciei vivunt, irascibilis in aqua dulci, in qua Mars facit suum Diapason, tonitrua, meteoraque alia ignita & typhones inducens; Vis solaris & vitalis in aqua salia, cum sal sit autor vitæ in centro cujuslibet rei animatæ delitescens, præterea

præterea videmus, quòd aqua marina falsedinem suam habeat à Sole; Vis concupiscibilis in prima Veneri propria, regione seu sphaerâ terræ; ubi vegetabilia & animalia germinationem suam habent, & appetitu concupiscibili celestem formam assidue expectant ab alto; Vis Mercurialis in metallis & eorum sphaera; & denique vis vegetativa Lunæ data à Sole centrali; à cuius radius auctio atque germinatio in terræ superficie provenit. Hic ergo videmus, qualis sit conspectus omnium cælorum animæ ad invicem; hic percipimus, quomodo varæ Derivationes ad unicam essentiam divinam referantur; hic optimè nobis explicatur, quomodo idem Deus variis suis operationibus in multiplici effigie ubique adsit. Nam omnis rerum actus ab uno eodemque actore promanat, imò vero quilibet mundi actus est in ipso Deo, & à Deo & omnis actor respectu actionis est quasi ipse Deus, diversimodè agens per universum orbem, Deus hac via in cælis, Deus in terra, Deus ubique, & omne quod est, suam essentiam ex Dei præsentia possidet; imò verò ipse Deus est rerum essentia; & omne quod est, quoniam quicquid est, per ipsum est, in ipso, ab ipso, & planè ipse est, cum omne à luce habeat suam existentiam. At verò, quanto plùs lucis aliquid in se habet, tanto plùs Dei sibi vindicare potest, ut testatur *Divus Augustinus*, quoniam Deus est luminum Pater, à quo est omnis Lux, quæ veritatis est origo atque fundamentum. Quibus diligenter consideratis, omnem rerum harmoniam percipiemus ab ipsa anima derivari, quæ propagata est à Deo, & est quasi ipse Deus, aut radius ab ipso Deo immediate promanans. In demonstratione ergo superiori novem habemus accentus seu voces Diapason operationum animæ constituentes, videlicet quatuor à Diatessaron & quinque à Diapente; atque hoc modo Musicam humanam habemus productam in nonar.º numero. Jam verò ad praxin harmoniæ animæ gradatim accedemus.

T R A-





TRACTATUS PRIMI, SECTIONIS I.

LIBER XIII.

De Musicæ animæ compositæ praxi.

C A P. I.

Anima quid? & de infinita ejus potestate, ac quomodo à spiritu differat?



Am tandem aliquando, priusquam ad usum seu praxin harmoniæ animæ simplicis per se, ac deinde harmoniæ ejus cum spiritu atque tandem melodiarum omnium trium inter se symphoniacam perueniamus, necesse est ut earum differentias, quibus ab invicem distinguitur, cognoscamus. Per multas animæ definitiones, in eodem serè convenientes à veterum Philosophorum tum Ethnicorum tum Christianorum schola approbatus, hoc loco repetemus. Alii enim eam sic definiunt. *Anima, quatenus mente decoratur, est substantia quadam rationis corporis gubernationi accommodata in bonum malumq; convertibilis.* Ex eodem aliquatenus dicitur mortalis, in quantum videlicet in deterius & à voluntate Dei, cujus participatione bona est, alienari potest, & aliquatenus immortalis, quoniam sensum, quod ei post hanc vitam bene vel malè sit, amittere non potest. Atqui in hac descriptione videtur anima cum spiritu intelligi. Nos verò animam simpliciter per se accipiendo sine ulla ejus cum spiritu creato mixtione, pro mera luce formali capimus ab ipso creatore immediate promanante. Quare ut nobis videtur, tali modo accepta non malè à nonnullis definitur *essere in corpore a omni decore lucis adornata, sancta Trinitati assimilata, atque aeterna gloria coagnata.* Vel: *Anima est res incorporea omnibus membris circumscripta, nullo colore colorata, altissimo Deo assimilata, omniumq; rerum pulcherrima.* Jam verò sciendum est, quid sit ipse spiritus, qui cum anima, tinctura vitæ, forma & purissima ac simplicissima lucis essentia conjungitur. Unde in primis speculari debemus, quot modis spiritus accipiat, quoniam spiritus multiplici respectu appellatur. Etenim ipse Deus dicitur spiritus, atque sic etiam aërem istum & ventum, ac flatum ad cordis

dis thalamos attractum nuncupamus spiritum. Atqui iste spiritus anima dici non potest, quia ætis varietate dissolvitur; sed per spiritum illum, qui animæ seu luci junctus est, intelligimus illud animæ vehiculum, quo ipsa vehitur tanquam locatum in loco, vel flamma in oleo lampadis, vel splendor seu radius Solis in aëre. Atque hinc factum est, ut *Platonici* hominem dividerent in animam lucidam, spiritum intermedium seu atherium & corpus opacum. Anima ergo dicitur illa lucis scintilla, quæ movet spiritum, in quo, tanquam in puppe navigare videtur in mare mundi primum, & deinde in corporeum la ticem, corpusque animat, hoc est, vivificat illud. Spiritus verò accipitur pro spiritali natura, videlicet illud, quod spirat in corpore, spiritus appellatum est. Cæterum anima & spiritus idem esse videntur in corpore, quamvis aliud notet anima, quam spiritus, eo quod lux simplex sine spiritu in corpore esse non potest; neque etiam spiritus per se absque scintilla lucis agere valet: spiritus igitur ad substantiam refertur, anima verò ad formam & vivificationem. Hæc ergo agit & illa patitur, atque ambo essentialiter & secundum naturæ leges adeo ad invicem conjunguntur, ut nemo præter solum Deum, hæc duo ab invicem dividere potis sit. Id quod etiam innuere videtur *Apostolus* hisce verbis: *Verum est sermo Dei, & efficax, & penetrabilior omni gladio accipite, pertingens usque ad divisionem anima & spiritus*. Quibus videtur arguere, quod impossibile sit, ut divisio ulla fiat inter animam & spiritum, nisi solo verbo Dei. Quod quidem & ipse testari possum, experientia doctus in animæ via cjusdam creaturæ; ubi spiritum virgineum & limpidum, undique radiis animæ ornatum vidit; quæ ab invicem dividere ignorabat ingenium humanum. Quare tametsi ab invicem differant, ut materia & forma, vel agens & patiens, vel aer & ignis, attamen quoniam ita ordinata sunt à natura seu creatura Conditoris, aliter se habere non possunt, quousque vincula illa indissolubilia ab ipso solo, qui nodum ligavit, dissolvantur. Unde spiritus dicitur ea dem essentia animæ, atque lux & spiritus hoc idem conflare videtur, quod animam appellamus, idem, inquam, sunt essentia, sed proprietate differunt non minus, quam Pater in Trinitate à Spiritu sancto; qui tamen ambo idem sunt essentia super substantiali. Nam unus & idem spiritus ad seipsum dicitur, & ad corpus anima. Porro etiam spiritus dicitur, in quantum est ratione prædita substantia rationalis, anima verò, in quantum facit ad vitam corporis. Unde in Scripturis illud repertur: *Qui perdidit animam suam, salvam faciet eam*, hoc est, qui quis propter Deum hanc vitam, quæ nunc corporis vivificatione temporarie mortalis constat, libenter despexerit, in futuro eandem corporis mortalis & animæ vitam æternam & immortalem recipiet. Ex quibus patet, quod anima in propria sua appellatione pro vita seu facultate vitali nonnunquam accipitur. Et tamen nonnunquam latius se extendit animæ significatio, & pro unione mentis, spiritus rationalis & scintillæ vitæ cum spiritu medio, ejus vehiculo, accipitur, atque tunc illam vocabulo magis conveniente animum nuncupamus, quem pro integro homine interno accipimus. Unde animus in sacris Scripturis pro corde usurpatur. Nam ut cor est centrum, atque interior corporis pars, sic etiam anima seu potius animus est nucleus hominis invisibilis & interni. Animus enim sapientia divina illustratus principium suum respicit, & seipsum cognoscit. Legimus autem ubique ferè in sacris literis, quod anima, pro creatura vita accepta, non modò hominibus, sed etiam brutis sit attributa. At verò nonnunquam animæ vocabulum, imò quidem ut plurimum à Philosophis & ipsis Theologis pro homine interno seu animo usurpatur, atque nos etiam aliquando hoc vocabulo pro homine interno usi sumus. Sed, ut ad rem nostram redeamus, anima humana, quæ in corpore habet esse & extra corpus pariter anima & spiritus vocari potest. Non tamen duæ animæ, sensualis scilicet & rationalis,

altera nempe, qua vivit homo, & altera, qua, ut quidam putant, sapit, sed una eademque anima in semetipsa vivit per mentem, ac intellectum & corpori vitam præbet per sensum humanum: Namque corpus nec vivere nec nasci potest sine rationali anima: Vegetatur autem, movetur, crescit, & humanam formam in utero accipit, sicut virgulta & herbas (sine anima videlicet rationali) movere & incrementum habere videmus. Sed tamen in spermate hominis delitescit semen, in quo mens & ratio, quoad nos, vacare videntur, cum tamen reverà occultè & modo insensibili operentur, animamque vivificam, in principio etiam modo occulto operantem, paulatim atque gradatim ad palatium suum præparandum excitent; quæ actione sua occulta spiritum vegetativum inflat, atque in elementari compositione intumescere facit; quem quidem actum animam vegetativam appellamus, ita ut procul dubio vegetatio nihil aliud sit, quàm effectus primus animæ vitalis occultè operantis; quæ quidem anima movetur à mente & spiritu rationali in centro delitescentibus, & occultissimè animam ad motum excitantibus.

C A P. II.

De Mente & Ratione, atque iterum nonnihil de Anima & Spiritu.

MENS secundum nonnullos dicitur à Mene. Mene autem Græcè *luna* vel *Luna* dicitur. Atque sanè ut Luna crescit ac deficit, & varia vicissitudine mutatur, atque tamen in id, quod fuit, perfectà quâdam novitate se restituit, sic mens nunc caput summis inferit, nunc decedit in infima, nunc sese referens sibi, veris falsa redarguit, modò ad corporalia regenda deflectitur, modò æternis rationibus vel consultationibus adhærescit, secundum illud *Mercur. Trismeg. Qui- cunque hac Dei natura fultus sunt, secundum operum comparationem pro mortalibus immortales habentur, intelligentia sua cuncta complectuntur, quæ in terra sunt, & quæ in mari, & si quid est præter ea supra cælum, atque adeò seipso erigunt, ut ipsum quoque bonum intueantur.* Hujus divinæ essentia aspectus est ipsa ratio, quo bonum malumque discernit, virtutes eligit, verumque diligit. Nam hujus directione mens universorum capax est, & omnium rerum similitudine insignita; imò verò omnia esse dicitur natura quadam, potentia & naturali dignitate. Idcirco invisibiles rerum causas per intelligentiam comprehendit, & visibiles actualium formas per sensum passiones colligit, atque vel per sensus ad sensibilia prona est, vel per intelligentiam ad visibilia ascendit, rerum similitudines ad seipsam trahit, præsentia cognoscit, absentia intelligit, ignota inquirat, & circa inventa versatur. O mirabilis naturæ divinæ operatio! O ineffabilis radii divini dispositio! quæ omnia cum esse dicatur, omnia ipsi subjiciuntur, atque obedientiam quandam præbent. Quid est ergo hæc essentia potentissima? an scilicet natura, an verò ipse Deus? Est equidem ipsa natura, omnia in mundo virtute insiti sibi Verbi producens, vitamque eis præbens. Est itidem & ipse Deus, cum sit spiritus increatus atque radius essentia increata, à Creatore non minùs indivisibilis, quam lux aut jubar à Sole. Est ergo omne in omni, à quo omnia facta sunt, & in quod omnia, tanquam à multitudine ad unitatem, reverti debent. Hæc mens divina est illud rationale & intellectuale lumen, quo ratiocinamur,

in-

intelligimus & sapimus; quæ ita facta est ad imaginem Dei, ut nulla interposita natura ab ipsa veritate formetur. Unde fit, ut secundum nonnullos, Mens dicatur, quoniam eminet in anima, eminentior & præstantior, siquidem vis est animæ, à qua procedit intelligentia, per quam anima ipsam veritatem intelligit, & per sapientiam eam diligit. Sapientia enim est amor boni, quæ & sapor boni quidem dicitur: Mentis ergo visio intelligentia dicitur, ejus gustus sapientia, illa contemplatur, ista delectatur. Ex his ergo luculenter percipere possumus, quod animæ oculus sit ipsa mens ab omni corporis labe pura & immunis, cujus aspectus est ratio, cui conjunguntur intellectus & visio; hæc enim tria animæ sunt necessaria, ut sanos oculos habeat, quibus aspiciat cum à mortalium cupiditatibus purgata est atque remota. Aspicit anima cum in Dei lumine contemplationis oculos figit, videt, cum in illa contemplatione conspicit, quanta sint gaudia, quanta sit lætitia, quanta severitas, & quanta jucunditas. Sanitas facit illam securam, aspectus rectam, visio beatam: Cum enim ab omni fæce est libera, maculisque abluta, tunc se denique in seipsa libentissimè tenet, & nihil sibi metuit, nec ulla culpa ejus quicquam agitur. Et tunc ingenti quadam & incredibili lætitia pergit in Deum, id est, contemplatione veritatis; Aspectum siquidem rectum sequitur ipsa visio Dei, quæ est finis aspectus. Sic anima prius sanatur, sanata introducit, introducta reficitur. Similiter & ipse spiritus (quæ supra declaravimus, esse vim quandam animæ mente inferiorem, ubi corporaliū rerum similitudines exprimuntur) visum sibi proprium habet: Hic spiritus non est corpus, sed similis corpori. Quare etiam, quæ spiritu videntur, corporalia non sunt, sed corpori similia. Nam spiritus intermedius est aliquid inter non corpus seu lucem, & corpus ex elementis compactum. Quare videri non potest, ut corpus, sed ut ferè corpus, seu corporis imago aut similitudo. Facies quidem hominis nobis foris secus nota est, & in memoria suam habet imaginem, incorporalem quidem, sed corpori similem. Mundi quoque istius mirabilis pulchritudo nobis foris præstò est, & in memoria nostra suam habet imaginem, incorporalem itidem, sed corpori similem, ad quam recurrimus, dum clausis oculis eam cogitamus. Ex quibus colligitur, quod ut ad corporis sensum corpus in loco percipitur corporeis oculis visibile, sic etiam ad animæ aciem similitudo corporis oculis spiritus in memoria cernatur. Est enim quædam voluptatis intensio ad corpus visum, visionemque copulandam: atque hæc eadem intensio voluptatis est ad copulandam imaginem corporis, quæ est in memoria & visione cogitationis. Multa hoc loco abstrusa detegerem circa hoc subiectum, nisi me necessitas ad alia magis communia avocaret. Nam ut mihi videatur, à harmoniæ animæ scopo nimis longè deviamus. Quare ad illam jam vicissim orationis meæ filum convertam.

C A P. ° III.

Qualiter per quinque interiores animæ vires ad superiora, harmonia animæ ineffabili & ad solum Creatoris ascendere debeamus. Et de cujuslibet gradus systematis seu scale proprietate.

Cum ab inferioribus ad superiora harmonico spiritus consensu, animæque scala seu systemate nos attollere volumus, necesse habemus, ut primus scalaris seu systematis gradus, sensus videlicet, se nobis offerat, deinde imaginatio,

Ll 2 postea

postea ratio, quam sequitur intellectus atque hunc denique intelligentia, quorum supremus gradus est ipsa sapientia, quæ Deo connectitur, & quasi ipse Deus est. Inferior autem gradus, quem sensum diximus, est ea animæ vis, quæ corporeas rerum corporearum formas præsentat videmus. Imaginatio est ea animæ potestas seu proprietas, quæ rerum corporearum corporeas recipit formas, sed absentes; sensus namque formas in materia percipit, imaginatio verò extra materiam & eadem vis, quæ exterius formata est, sensus dicitur, eadem autem usque ad intimum traducta, vocatur imaginatio: Imaginatio namque à sensu oritur, & secundum ejus diversitates ipsiusque varietates. Multa videt anima carnalibus oculis, & multa etiam phantastica imaginatione concipit, & ubique distenditur, movetur, erigitur, & fluctuare videtur non à se egrediens, sed in semetipsa tanquam in magno discurrens spatio, vagatur, nec exit ad illa, sed tractatibus suis sibi illa repræsentat. Habet liquidem imaginatio in se quandam latitudinem & altitudinem. Nam per charitatem Deum & omnes sibi fideles complectitur, per meditationem rerum universa, quæ à principio mundi usque ad finem Deus propter salutem operatus est, meditatitur per contemplationem, quæ sursum sunt, cœlestia contemplatur. Ratio autem, quæ est tertius systematis musici in anima gradus, est vis illa animæ, quæ rerum corporearum naturas, formas, differentias, propria atque accidentia percipit, omnia quidem incorporea, sed non extra corpora, nisi ratione subsistentia; abstrahit eum à corporibus, quæ fundantur in corporibus, non actione, sed consideratione, naturam nempe ipsius corporis, secundum quæ omne corpus corpus est. Porro etiam intellectus, qui est quartus systematis spiritualis gradus, est ea animæ virtus, quæ invisibilia apprehendit, sicut Angelos, Dæmones, animas & omnem spiritum creatum; Intelligentia denique, quæ ultimum atque altissimum systematis prædicti gradum constituit, est illa animæ potentia, quæ immediate supponitur Deo, cernit siquidem ipsam summum bonum atque unicum verum, vereque immutabilem. Diximus itaque, quod anima humana sensu percipiat corporea, imaginatione corporum similitudines, ratione corporum naturas, intellectu spiritum creatum, atque demum intelligentia & mente spiritum increatum. Quicquid igitur sensus percipit, imaginatio repræsentat, cogitatio format, ingenium investigat, ratio judicat, memoria servat, intelligentia comprehendit, & ad meditationem sive contemplationem producit. Est ergo ingenium ea vis animæ sive intentio, quæ se extendit anima, & exerceat ad incognitorum cognitionem. Ingenium igitur inquirunt ignota, ratio discernit inventa, memoria recondit judicata, & adhuc offert judicandum. Atque hoc modo fit ascensus ab inferioribus ad superiora per harmoniam admirabilem, eaque ratione anima à summis dependet. Intellectus namque est intelligentiæ seu mentis imago atque similitudo, ratio intellectus, rationis phantasticum seu imaginatio, phantastici spiritus, cui etiam supremum corporis corpus ignis quoddam similitudine jungitur, & ignis aëris, aëris autem aqua & aqua terra. Sensus informat imaginationem, imaginatio rationem, & facit scientiam sive prudentiam; rursum rationi occurrens divina præsentia informat eam, & facit intelligentiam sive sapientiam. Sunt itaque in ratione duo quasi membra, cum sit in ea quiddam ad superna & cœlestia tendens, quod dicitur sapientia; & quiddam ad transitoria & caduca respiciens, & id dicitur prudentia. Hæc enim duo ex ratione sunt, & in ratione consistunt. Quorum respectu se dividit ratio in duo, sursum scilicet in sapientiam, & deorsum in prudentiam, quasi in virum & mulierem, ut vir sit superior & regnet, mulier autem inferior ac regatur. Unde dictum est: *Melior est inquit, ut viri, quam mulier benefaciens.* Melior siquidem est, qui per cœleste desiderium accensus, carnem, subtrahendo ei necessaria, affligit, quam qui

qui per carnalem affectum resolutus, per omnia, quæ commoda sunt, ei satisfacere contendit. Sed ad scalam seu systema nostrum revertendo videmus, quòd sensus juvetur exterius; quoniam oculus carnis, quamvis à natura habeat facultatem videndi, nunquam tamen perfecte consequitur visionem, nec auris audire, nisi beneficio lucis exterioris & soni, atque sic in cæteris. Similiter imaginatio juvatur exterius, quia ex sensibus concipitur. Ratio juvatur interius, quia spiritus rationalis ex dono creationis habilis est ad cognoscendum verum & diligendum bonum; qui nisi radio interioris lucis perfusus fuerit, & calore accensus, nunquam consequetur sapientiae seu charitatis affectum. Intellectus & intelligentia juvantur superius; quia Deus & ignis & lux est. Lux ergo emittit ex se splendorem illum, quem in se continet, eaque illuminat mentem & intelligentiam ad veritatis cognitionem. Ignis verò calorem de se emittens, sed non amittens, inflamat affectum ad amorem virtutis. Et sicut Solem non videt oculus, nisi in lumine Solis, sic intelligentia non potest videre verum ac divinum lumen, nisi in ipsius lumine. Unde inquit Propheta: In lumine tuo videbunt lumen. Quare cum mortale induent immortalitatem & corruptibile hoc incorruptibilitatem, tunc secundum modulum nostrum per mentis illuminationem omnia sciemus, & per corporis incorruptibilis levitatem ubique esse poterimus, volabimus mente per contemplationem, volabimus corpore per incorruptionem, discernemus mente, discernamusque corpore, siquidem sensus nostri corpori vertentur in rationem, ratio in intellectum & intelligentiam, atque intelligentia mutabitur & ragnabit in Deum. Sic, teste *Esaiæ Propheta*: Luna erit ut Sol, & Sol ut dignitas in septupla proportione multiplicabitur, & exaltabitur, &c. Concludimus autem ex his, quæ præcellerunt, quòd sensu visibilia percipiuntur, & quòd in imaginatione contineantur visibilium imagines & similitudines; similiter quòd ad rationem pertineant visibilium rationes ac definitiones & invisibilium investigationes, & quòd denique ad intellectum & intelligentiam spectent spiritualium & divinorum comprehensiones & contemplationes. Sensus verò & imaginatio ad rationem non ascendunt, sed infra remanentes possunt eam aliquatenus deducere, & quasi à longè quædam ostendere, ad quæ non valent pervenire. Simili quadam proportionem intellectum & intelligentiam ratio juvare potest, sed ad statum eorum nequit ascendere, quoniam metas suas & proprios fines habet, quos egredi non potest: Sensus & imaginationem cum cæteris animalibus habemus communia, siquidem illa vident visibilia, & visorum recordantur. Imò vero in quibusdam nos superant bestiae, quoniam iustum fuit, ut brutis animalibus, quibus nihil concedebatur de intellectu, daretur aliquid peculiare in sensu, juxta illa carmina:

*Nos aper auditu vincit, sed aranea tactu,
Vultur odoratu, lynx visu, simia gustu.*

Atque sic à converso tanto major necessitas homini indicitur exercendæ rationis, quanto majorem defectum patitur sensualitatis. Ratio autem ibi incipit, ubi aliquid occurrit, quod non habemus commune cum animalibus. Diligenter itaque considerandum est, quòd tria sine in homine interno, videlicet *quædam infra rationem ponuntur, quædam juxta eam, & quædam supra ipsam. Infra rationem* sunt, quæ sensu percipimus, sicut dura, mollia, calida, frigida, candida & pigra, &c. *Juxta rationem* funerationis pervia, quæ ratione percipimus, sicut commoda, incommoda, vera, falsa, iusta & iniusta; nam ratio est quidam animi motus, visum mentis acuens, veraque à falsis distinguens. *Supra rationem* denique sunt, quæ nec sensus docet, nec ratio persuadet, sed aut divina revelatione comprehenduntur, aut sacrarum Scripturarum autoritate creduntur, sicuti, quòd Deus in una substantia sit trius, & in tribus supersubstantialiter

personis unus, & quod Deus sit rerum universitas, ita tamen ut interim sit nulla singularum; atque ita motibus rationis non subiacet, quia ratio non est, nisi de re aliqua. Hi igitur systematis animæ gradus, qui omnes sunt animæ proprietates, non minus dicuntur ipsa anima, quàm hepar, cor, cerebrum, musculus, vocantur una caro, dum tamen proprietate differunt. Sic consonantia Diatessaron dicitur harmonia, itidemque Diapente & Diapason, & Diapason cum Diatessaron, & Diapason cum Diapente & Disdiapason: scilicet hæc omnes sunt harmonizæ, & tamen diversitate sonorum differunt. Multa igitur habet anima nomina secundum sui operis officium: Vocatur namque *vita*, dum vegetat, *spiritus*, dum contemplatur, *sensus*, dum sentit, *animus*, dum sapit, *mens*, dum intelligit, *ratio*, dum discernit, *memoria*, dum recordatur, *voluntas*, dum vult. Et tamen ista omnia non differunt in substantia, quemadmodum in nominibus, quoniam omnia sunt una anima, ut prædicta corporis membra sunt unius corporis caro; proprietates siquidem sunt diversæ, sed essentia una. Spiritus tamen & animæ potest esse differentia, quia omnis anima est spiritus, sed non omnis spiritus est anima. Nam ut in præcedentibus dictum est, spiritus non est anima, nisi debita lucis cujusque portione ad hoc officium præparetur. Præterea pro animæ & spiritus differentia videmus, quod alia sit spiritus inferioris proprietas, alia medii & alia superioris. Et tamen unus est atque idem spiritus, sed diversimodè nuncupatus, secundum majorem aut minorem lucis in eo prædominantis portionem. Sic etiam lux omnis est tantùm unica, & tamen alia est ignis, alia Sol, alia Luna, alia Saturnus, alia Jupiter &c., dum tamen nihilominus hæc omnes sunt eadem lux, in diversis corporibus densioribus aut tenuioribus contracta. Ex his ergo videmus, qualem harmoniam anima producat ex numero quinario, quo ea in corpore humano concordis symphonizæ via existens, se ex profundissima multitudinis abyssò ad unitatis fastigium attollit. Demonstratum est itaque superius, quod Musica fiat transitu atque operatione animæ per numerum nonarium, & per numerum septenarium, itidemque per numerum ternarium; quæ quidem ternaria Musica sit inter corpus, spiritum & animam. Hic autem mentionem faciemus harmonizæ illius ex numero ternario de promptæ, quæ in sola anima reperitur.

C A P. IV.

*De rationabili, irascibili & concupiscibili animæ potentiis;
& de earum harmonia ad invicem.*

Quinque animæ viribus, videlicet *sensu*, *imaginatione*, *ratione*, *intellectu*, *intelligentia*, & *practica* earum harmonia in capite præcedenti explicatis ad symphoniam præcticam jam tandem trium animæ potentiarum, *rationabilitatis* scilicet, *concupiscibilitatis* & *irascibilitatis* me accingam. Et quamvis nihil inter vires & potentias interesse nonnullis fortasse videbitur, ab effectu tamen rem percipiemus. Ex duabus substantiis, videlicet ex anima cum ratione, & ex corpore cum sensibus suis hominem constat esse, superius luculenter explicatum est; quos tamen sensus non movet caro absque animæ societate; anima autem tenet suum rationale sine carne, siquidem illa est rationalis concupiscibilis & irascibilis: Quas quidem potentias habuit, antequam corpori misceretur, quoniam illæ naturales sunt ei, adeoque nihil aliud quàm ipsa anima, cum tota animæ substantia

substantia in hisce tribus plena atque perfecta consistat, scilicet, in rationalitate, concupiscibilitate & irascibilitate, quasi quadam sua trinitate: Et tota hæc trinitas est quadam animæ unitas, & ipsa anima; In eo tamen à Deo differt, quòd Deus est omnia sua, anima verò non nisi quadam sua, hæc siquidem naturalia & ipsa omnia. Quare tota animi essentia in his potentis continetur, nec tamen ea per partes dividitur, cum sit simplex & individua; si verò aliquando partes habere dicitur, intelligendum id potius est ratione similitudinis, quàm de veritate compositionis. Simplex enim substantia est anima; nec aliud nec minùs est ratio in substantia, quàm anima, sed una eademque substantia secundum diversas potentias diversa fortitur vocabula. Per primam ergo potentiam, videlicet, *rationalitatem* habilis est anima, ut illuminetur ad aliquid cognoscendum, scilicet *infra se, & supra se, & juxta se*, uti antea dictum est. Cognoscit siquidem Deum *supra se*, & Angelum *juxta se*, & quicquid cæli ambitu continetur, *infra se*: Per *concupiscibilitatem* habilis est, ad aliquid appetendum & amandum; atque per *irascibilitatem* ad aliquid fugiendum, & odio prosequendum. Unde colligitur, quòd de *rationalitate* omnis sensus oritur, & de cæteris duabus omnis affectus: *Rationem* vocamus animæ aspectum, quo per seipsam verum intuetur; *rationem* verò rationis inquisitionem. Quare illa, ratione videlicet, opus est ad videndum, ista videlicet *rationem* ad inquirendum. *Affectus* autem, qui ex cæteris duabus animæ potentiis oritur, quadripartitus esse dignoscitur, nempe è concupiscibilitate gaudium & spes, dum de eo, quod amamus, jam gaudemus aut gaudendum speramus; & de irascibilitate dolor & metus oriuntur; nam de eo, quod odimus jam dolemus, vel dolendum metuiamus. Hi ergo quatuor animæ affectus sunt quasi quedam principia & communis materia omnium vitorum & virtutum. Et, quoniam *virtus est habitus mentis bene composita*, idcirco componendi, instituendi atque ordinandi sunt animi affectus ad id, ad quod debent, & quomodo debent, ut virtutes producere possint, aliqui in vicia faciliè labentur. Cum ergo prudenter, modeste, fortiter, & iuste amor ac odium instituuntur, in virtutes exurgunt; in prudentiam scilicet, temperantiam, fortitudinem, atque iustitiam, quæ quasi origo sunt & cardines omnium virtutum, atque hæc omnia efficaciter & virtuosè in anima instituuntur. Per odium quoque mundi & sui proficit anima in amore Dei & proximi, per contemptum temporalium & inferiorum crescit in desiderio æternorum ac superiorum. Hinc igitur evidenter liquet, quòd ratio ab errore non sit immunis, nisi per mentem illuminetur. Unde accidit, ut ejus affectus boni à mentis illuminatione producti, *virtutes* appellentur, mali verò ex illuminationis defectu prodeuntes, *vicia* vocentur. Mens enim semper à Deo illuminatur, non tamen semper illuminat. Prima enim lux in Deo est supereminens omnem intellectum: Quare non potest lux intelligibilis appellari, sed illa lux, quando immediata radiaione infunditur à Deo, intelligibilis dicitur, quia intelligi potest. Deinde, quando per mentem distillans rationi jungitur, fit rationalis, ac potest non solum intelligi, sed etiam cogitari. Postea, quando per rationem infunditur in idolum animæ, ubi phantasia seu imaginatio operatur, efficitur non modo cogitabilis & rationalis, sed etiam imaginabilis, nec dum tamen corporea; quando autem exinde migrat in æthereum animæ vehiculum, tùm primum efficitur corporea, non tamen manifestè sensibilis, donec transierit in corpus elementare, sive simplex æreum sive compositum, in quo efficitur lux manifestè sensibilis ad oculum. Quod denique ad harmoniam atinet & consonantias, quibus hæ animæ potentie seu virtutes inter se consonant, intelligendum est, quòd illæ hoc modo ad invicem proportionentur. Proportio consonantiarum Diapason invenitur inter rationalitatem & concupiscentiam; inter rationem

verò

verò & irascibilitatem reperitur proportio consonantiæ Diatessaron; atque tandem inter irascibilitatem & concupiscentiam consonantia sesquialtera seu Diapente observatur. Præterea sciendum est, quòd, si ratio à mente illuminetur, admirabilis harmonia & consonantia in homine reperiatur; cujus symphonia virtutes, Dei filix producantur; imò verò ipsa ira & odium ipso bonum convertuntur. E contrario verò, ubi deest rationis illuminatio, ibi virtutes in vitia Diaboli maligna deformantur, omniaque in malum & errores submerguntur.



C A P. V.

De corporis & anima harmonia ad invicem.

Mirabilis est carnis & animæ, hoc est, spiritus vitæ & limi terræ amor & societas, cum ex his junctis totus homo conflare dicatur. Sic enim scriptum est: *Fecit Deus hominem ex limo terra, & inspiravit in faciem ejus spiraculum vitæ*, dans ei sensum & intellectum; ut per sensum lutum sibi associatum vivificaret, & per intellectum regeret; similiter ut per intellectum intus ingrederetur, Dei que sapientiam contemplaretur, & sensus foris sapientiæ ejus opera spectaretur. Intellectum intus illustravit Deus, sensum verò foris decoravit, ut in utroque recreationem inveniret integer homo, intus scilicet ad felicitatem, foris ad jucunditatem. Sed quia bona exteriora diu consistere non possunt, jussus est homo ab exterioribus ad interiora redire, & ab interioribus ad superiora ascendere, videlicet à sensu ad imaginationem, ab imaginatione ad rationem, ab ea ad intellectum, atque ab illo ad mentem seu intelligentiam & ita ad Deum. Mirum, inquam, atque ineffabile, imò verò miraculo plenum fuit, quòd tam diversa, divisa & natura ita contraria, uti est corpus & anima, ad invicem conjungi potuerint, nec minùs admirabile fuit, quòd in limo nostro seipsum Deus contraxerit, ut sibi invicem copularentur Deus & limus; tanta scilicet sublimitas & tanta vilitas; nihil nempe Deo sublimius, nihil limo vilius. Mirabilis fuit prima conjunctio, mirabilis fuit secunda, nec minùs mirabilis erit tertia, cum idem homo, Angelus & Deus unus erit spiritus, eodem namque bono bonus est homo, quo bonus est Angelus, eodemque bono est uterque beatus; si tamen ambo idiplum eadem voluntate, eodemque spiritu cupiant: Et si tam disparem naturam carnis nempe & animæ ad unam fœderationem & amicitiam Deus conjungere potuit, nequaquam erit ei impossibile rationalem spiritum, qui usque ad consortium terreni corporis humiliatus est, cum eodem corpore glorificato ad consortium beatorum spirituum, qui in sua puritate persistunt, exaltare & ad suæ gloriæ participationem sublimare. Ad hoc enim sola charitate, nulla verò necessitate, eum creavit Altissimus, ut suæ eum beatitudinis participem faceret. Quod si ergo tantum gaudium & tanta est lætitia in vita ista temporali, quæ constat ex spiritus in corpore illo corruptibili præsentia, quanta lætitia, & quantum gaudium erit in vita æterna, quæ constat ex immediata Deitatis in spiritu rationali existentia. Subjiciatur ergo corpus animo, animusque Deo, & unus spiritus erit cum eo, si modo in humilitate permanserit spiritus, & gratiæ sui Creatoris, per quam glorificandus & exaltandus est, agnoscerit. Ex carne igitur & anima constat homo, & utraque bonum suum habet, in quo gaudet & exultat. Bonum animæ Deus est cum affluentia dulcedinis suæ. Bonum carnis est mundus cum abundantia jucunditatis suæ; sed mundus exterior est, Deus autem interior, quo nihil interius, nihilque præsentius; interior est omni re, quia in ipso sunt omnia, & exterior omni re, quia ipse est super omnia. Ab hoc igitur mundo ad Deum ascendentes, & quasi ab imo sursum emiteantes, debemus nosmetipsos transire. Ascendere enim ad Deum est intrare semetipsum, & non solum se intrare, sed ineffabili quodam modo per sui centrum transire. Hinc Mercurius Trismegistus: *Qui interius transiens, & intrinsecus penetrans seipsum transcendit, ille veraciter ad Deum ascendit.* Quod quidem ut fiat, ab hujus mundi

Mm

distr-

distractionibus cor nostrum colligamus, illudque ad interna gaudia reveocemus. Et si cor nostrum in his semper tenere non possumus, saltem ab illicitis & vanis cogitationibus restringamus, ut illud aliquando in divinæ contemplationis lumen figere valeamus. Hæc enim est requies cordis nostri, cum in Dei amorem per desiderium figitur: Hæc est vita cordis nostri, cum Deum suum contemplatur, & in ipsa sua contemplatione suaviter reficitur. Et dulce est semper ad considerandum, ad amandum, & ad laudandum; nihil enim ad beatam vitam præstantius videtur, quàm, velut clausis carnalibus sensibus extra carnem, mundumque, affectum quempiam intra seipsum converti, alienumque affectum à mortalium cupiditatibus sibi soli & Deo loqui. Cum ergo anima sit incorporea per subtiliorem corporis naturam, id est, per ignem & aërem (quæ in ipso mundo præcellentiora sunt corpora, & ideo spiritui magis familiaria) corpori administrat. Ista quidem priora recipiunt nutus animæ vivificantis, eò, quòd incorporeæ naturæ sunt propinquiora, quàm humor & terra, ut ad eorum proximum ministerium tota moles administretur. Nullus enim his duobus idem in corpore sensus est, vel in anima spontaneus corporis motus. Ignis & aër, quia levia sunt, movent terram & aquam, quæ gravia sunt. Quapropter corpora post animæ discessum minimè moveri videmus, quia ignis & aër, qui duo per animæ præsentiam tenentur in corpore terreno & humido, ut omnium fiat contemperatio, post ejusdem animæ discessum ad superiora evadunt, ac sese expediunt. Ad corporis autem compositionem quod attinet, intelligendum est, corpus constare ex officialibus membris; quæ etiam officialia ex consimilibus, & consimilia itidem ex humoribus, humores autem ex cibus, & cibi ex elementis constant. Unde videmus, quòd nihil horum sit anima, sed illa in istis, tanquam in organis sibi naturaliter destinatis, agit, & per hæc corpori consultit, atque huic vitæ, qua homo factus est in animam viventem. Quod si igitur illa temperata fuerint atque ordinata, congruunt vivificationi, & nunquam recedit anima; si verò distemperata fuerint & confusa, invitæ recedit anima, secum trahens omnia, sensum scilicet, imaginationem, rationem, intellectum & intelligentiam, concupiscibilitatem & irascibilitatem; & ex his secundum merita afficitur ad delectationem sive ad dolorem. Sic itaque tunc corpus, quod prius integrum fuit, tanquam organum contemperatum & dispositum, ut melos concineret, & ad tactum consonaret, jacet è converso fractum & mutilum; anima autem, recurrentibus ad patriam suam elementorum partibus, non habens ubi vires suas exerceat, quiescit ab his tantum motibus, quibus corpus per tempus & locum movebat. Nam licet organum pereat, non tamen perit melos, nec quod organum movebat. Ex hisce igitur oculis quasi apertis contueri possumus admirabilem illam harmoniam, qua duo illa extrema, preciosissimum scilicet & vilissimum ad invicem concatenantur, & sibi invicem consonant, & quòd spiritus mundi intermedium, animæ vehiculum, sit nexus retinendi ipsa in concordia pace atque symphonia, & quòd Deus sit musicæ humanæ sufflator, seu chordæ moue-chordii pulsator, seu principium internum, à centro quasi totius consonantes motus & vitæ effectus in Microcosmo producens. Chorda verò sua vibratione lucidos inspiratoris effectus, tanquam amoris accentus & sonos, per Macrocosmum & Microcosmum dispergens, est spiritus limpidus, qui naturaliter secundum suum situm & positionem participat de utroque extremo, & utrumque extremum ad invicem connectit, similiterque systematis humani gradus seu claves delineat, quibus deorsum à superis in corpus sic descensus animæ, & è converso quoque ejus ascensus ad superiora seu locum

cum nobilissimum, post corporis interitum & vinculorum vitæ à corpore, loco nempe vilissimo, dissolutionem. Hujus autem harmoniæ humanæ descriptionem, comparando illam cum mundana, hoc modo secundum cujuslibet illius regionis differentiam, mundo accommodatam, delineavimus.

Musica humana tam ex parte animæ quàm corporis delineatio.

Dies Microcosmicus.



Hic integrum hominem in sua effigie extensum, videmus delineatum, in cujus medietate, secundum continuatam ejus longitudinem, duximus lineam rectam, integrum Microcosmi diametrum representantem. Cæterum hujus chordæ semidiameter *A. C.* commensurat monochordi tonos cum semitonis, proportionemque musicas reddit similes illis, quæ habentur in harmonia mundana. In sinistra igitur ejus parte musicam illius mundo simillimam explicavimus; in ejus verò dextra symphoniacum animæ à cælo ad terram descendens aspectum, & ejus iterum ascensum à terra seu corpore in cælum sive spiritum satis propriè delineavimus. In sinistra igitur demonstravimus, proportionem inter intellectum & vitam in monochordo reperiri duplam, in qua Diapason spirituale continetur. Similiter ostendimus, quòd in eadem proportionem monochordi intervallum à sphaera cordis seu solis ad terram seu genitalia extensum sonet Diapason corporale, vitam & sensum seu carnalem naturam, quæ infimum ventrem incolit, uniens. Ut igitur in monochordi musici chorda, si ejus pars dimidia prematur, Diapason unum deorsum sonat, & alterum sursum, sic etiam cor in medietate semidiametri humani situm, non aliter quàm Sol in medietate mundi, per unam consonantiam Diapason respicit inferiora, videlicet infimæ regionis naturam, & per alteram summum Microcosmi cælum, in quo mens, intellectus & ratio dominium habent. In dextro etiam Microcosmi latere consonantiam Diapason constituimus inter intellectum & imaginationem; nempe Diatessaron inter intellectum & rationem, & Diapente inter rationem & imaginationem, quæ ambo conjuncta efficiunt Diapason spirituale & invisibile. Similiter à cordis sphaera deorsum tendendo eandem proportionem reperimus inter imaginationem & corpus seu centrum terræ. Nam spatium motus ab imaginatione ad sensum refertur ad Diatessaron, illud verò, quod est inter sensum & carnem vel corpus ad Diapente; quæ juncta Diapason corporale & quasi visibile constant. Motum his omnibus administrat spiraculum primum vite, immediatè à Deo in hominis faciem inspiratum, secundum cujus, tanquam primi mobilis Microcosmici, motum voluntarium facultates regionum inferiorum involuntariis motibus ferantur. Sic enim videmus, quòd actio animalis, in suprema regione contenta voluntaria sit, cæteræ verò inferioribus regionibus communes, vitalis scilicet & naturalis involuntariæ dicuntur. Diem etiam & noctem Microcosmi in prædicta demonstratione explicuimus, quatenus fontes lucis rationalis, vitalis & naturalis super hominis terram, seu centrum vivente homine semper ascendunt atque exurgunt, infra verò ejus terram nihil præter duo illius fulcra seu columnas, universam massam humetis veluti Atlanticis sustentantes atque statuminantes, reperitur. In hemisphaerio igitur Microcosmi superiori semper splendet lux primi cæli, videlicet mentis, divino splendore illustratæ, in medio cor, solati lumine repletum; atque in infimo hepar, ignei atque ærei elementi calore exuberans. Atque hoc modo integram hominis tam interni, quàm externi naturam, quamvis non pro voluntate satis politè, pro posse tamen diligenter inventi, atque lucis & non tenebrarum, filio satis luculenter, uti opinor, non absque actis ingentibus & gravissimis Deo Creatori meo gratis, amaras Momi maledictiones, atque pessimas malevolorum calumnias, impiasque invidorum densiones aspernando, negligendo, non curando taliumque linguarum viperinarum mpræsus virulentos balsamo patientiæ, & illæxi conscientiæ antidoto